

舊約聖書

下卷

3

約百紀

第一節 烏士有人品行純良，孳孳爲善，寅畏上帝，遠諸不善，厥名約百。生子七人，女三人，有羊七千，駝三千，牛五百，牝五百，僕從衆多，甲於東方。衆子誕日，則設席宴諸女弟，歲以誕日之先後，肆筵旣遍，約百乃召衆子，欲贖其罪，夙興爲之各獻燔祭，自謂吾子不無愆尤，遐棄上帝。約百所爲恒若此。○一日，諸天使詣耶和華前，撒但亦在其中。耶和華問撒但曰：汝奚自？對曰：我遍歷塵寰，往來靡定。耶和華曰：我僕約百品行純良，孳孳爲善，寅畏乎我，遠諸不善，天下莫與比擬，爾亦鑒之乎？撒但曰：約百畏上帝，豈無爲而然乎？蓋爾籬衛其家，與凡所有，使所爲亨通，羣畜孳息，爾若擊之，喪其貨財，必立詛爾。耶和華曰：彼凡所有，任爾處之，惟勿擊其身。撒但退。○一日，約百子女宴於兄家，有告約百曰：牛耕於田，牝驢鬻於側，示巴人猝至，虜之盡，殺爾僕，惟我遁逃，以告。言時，又一人至曰：迦勒底人，三軍驟至，取駝殺僕，惟我遁逃，以告。言時，又一人至曰：爾子女宴於兄室，大風自野至，撼室四隅，少者被壓而死，惟我遁逃，以告。約百遂起，裂衣薙首，伏地拜曰：我裸而出世，亦必裸而歸土。耶和華賜之，耶和華取之，當頌讚耶和華。約百不犯罪，不非上帝如此。

第二節 一日，衆天使至耶和華前，撒但亦在其中。耶和華謂撒但曰：汝奚自？對曰：余遍歷塵寰，往來靡定。耶和華曰：我僕約百品行純良，孳孳爲善，寅畏乎我，遠諸不善，天下莫與比擬，汝亦鑒之乎？因爾所言，我無故降災，彼亦不失其本心。撒但曰：害未及身，猶可忍也，害及其身，不可忍也。若

傷其肢體，彼必立詛爾。耶和華曰：任爾爲之，勿喪其命。撒但退，使約百患瘡痍，自頂至踵。約百坐於灰，以片瓦搔身。其妻曰：爾猶不變所守乎？不如詛上帝而死可也。曰：爾所言，乃頑嚚之婦也。我自上帝而獲福祉，茲之受禍，不亦宜乎？約百不以言取罪，又如此。約百有友三人，提慢人以利法、書亞人必達、拿馬人鎖法，聞約百遭難，彼此相約，各自其地至，欲解其憂，慰其心，遙見約百而不識，大聲號泣，各裂衣，揚灰蒙首，歷七晝夜，同坐於地，見約百憂甚，相對無言。

第二章 約百詛其生日，曰：我生之辰，不如無此辰，我生之夜，不如無此夜。孰若是日晦冥爲愈，孰若上帝不降以福，勿燭以光，何如幽暗陰翳蔽之，變隳覆之，日蝕譴之，何如是日之夕，慘淡昏黑，不入年期，不進月數，何如是夕不誕嬰孩，不聞權聲，凡能詛日，持咒招鱷者，當以是日爲不吉，何如是日味爽，明星不現，待旦不得，天無曙色，是日母氏育我，致遭艱苦，毋寧墮胎而死，卽不然，誕而身死氣絕，毋曷提攜我，乳哺我，浸假當時無生，我今可宴然安寢，國王議士，當年所築之陵墓，而今安在？元戎巨富，金銀充棟，而今烏有？我欲與之同歸於盡，我願與胎未成人，產不及期者，骨歸無有，在彼爭競者息，困憊者安，幽囚之人寢，不聞惡聲，在彼尊卑同居，僕不虐於主，受難者得生存，苦心者得生全，曷故？彼望死亡而不能，猶人掘窖金而弗得，彼就死地，則欣喜，歡樂不勝。彼在困厄中，爲上帝所域，反使之生，何與？我未食而先嘆，聲等波濤之洶湧，所慮所懼者，降臨於我，不得平康，不得安居，不得宴息，戰慄復至。

第四章 提慢人以利法曰：我欲與爾言，恐爾厭聞，然不得不言。昔爾訓衆，勞者勞之，懦者起之，危

者扶之。今爾遇災而倉皇臨難而股竦。舉敬畏行善之心。居恒以此自恃者。安在哉。試思無辜者何時危亡。行義者何時見絕。以我觀之。所稼者惡。則所穡者亦若是。蓋上帝震怒。而彼翦滅猛獅不吼。稚獅折齒。巨獅絕食。牝獅失子。昔我於夜靜人寐之時。心存默想。忽觀異象。恍惚聞其聲。知其概。我驚駭戰慄。百骸悚動。神過我前。毛髮森豎。神立其狀。貌不能辨識。第見象懸目前。聲細不揚。我聞其言曰。斯世之人。於上帝前。豈得爲義。於造化主前。豈得言潔。自主視之。卽其臣僕。猶未盡善。卽其天使。猶有過失。况居下土。置基塵凡。蠹得而壞之者乎。彼朝生夕死。人不及覺。已歸烏有。顯庸之人。閱歷未深。而早沒世。○第五篇爾雖上籲。其誰聽之。成聖者衆。孰可賴之。愚人忿戾。自取覆亡。頑民嫉妒。因而致死。惡者根株雖厚。我知其不久必撥。子孫有難。拯救無從。抱屈公庭。卒無昭雪。田中所產。飢者攘之。荆棘靡留。室中所有。渴者奪之。貨財盡失。患害之至。非若平地而生草萊。鳥有翼以高飛。人有過而召禍。是以必求上帝。而赴訴焉。上帝所爲。大不可測。異不勝數。沛甘霖。潤土壤。卑者升之。憂者恤之。狡者敗其謀。使事不遂。譎者巧於計。反害及身。謀愈狡者。敗愈速。惡者晝遭晦冥。雖在日中。無異昏夜。遍捫不見。貧者脫之於噬嗑。援之於強暴。匱乏者不失望。不義者無敢言。上帝所責者。必蒙福祉。全能之主。譴爾躬。爾勿輕視。先殘缺而後彌縫。先鞭扑而後醫痊。六災七難。無不援手。不及爾身。饑時救爾死亡。戰時免爾刀鋸。得弭衆口之譏評。無懼與人之虐遇。臨饑厄而反笑。遇暴獸而不驚。不噬於獸。不傷於石。家庭之間。平安可卜。羣畜之數。綜核無差。且也苗裔繁衍。子孫衆多。如草滋蔓。爾壽期頤。然後入土。譬諸露積。屆期蓋藏。我詳察

此理有知其不爽者，尙其聞而惺然焉。

爾六章約百曰：我有深憂，願權衡其輕重，較諸海沙尤重，故我言詞造次，全能之主，射我以矢，其鐵有毒，喪我之神，上帝降災，如軍列陳，環而攻我，驢有薪則不呼，牛有芻則不鳴，物淡無鹽不可食，蛋白不和豈有味，有臭惡甚於此者，不得已而食之，我所大欲望上帝遂我願焉。願上帝糜爛我體，立舉其手，喪亡我命，若斷機杼，若此我猶可解憂，彼弗加矜憫，則我斯踴矣。蓋至聖之命，我未嘗廢也。我血氣已衰，無復康彊，苦靡有極，不死胡可忍。我力匪石，我體匪銅，既竭我力，不能自救，人遭患難，其友必加矜憫，惟我友朋，不畏全能之主，友我不卒，猶泉之忽竭，潦之立涸，當其初也，冰雪斯流，源泉混混，及乎暑時，水漸涸矣，烈日暴之，溪流絕矣，行旅之人，迂道求泉而弗得，渴死於野，斯溪也，提馬之賓旅望之，示巴之行人慕之，望而不得則駭，至其地而不見，則相視欲然。爾曹亦若此溪，使我失望，見我患難，悚然退懼，我豈欲爾供給，饋我以貨財，豈使爾援我於勁敵，拯我於兇暴，請爾訓迪，我默而聽，我也有過，請爾指示，法言可從，惟爾規我，不足以輔吾德，爾意欲即我所言，以相詰責，不知絕望之人，言等飄風，爾撻笑獨，坑友朋，爾觀我爲人，豈有所誑，請申言之，勿以吾爲不義，或曲或直，自有能辨之者，我不出非義之言，事之是非，我察之明矣。第七章

人生苦境終其年，猶工勞瘁畢其生，如僕之莫暮，如傭之望值，乃我旣遭患害於累月，復遇顛連於竟夜，我寢則曰，與何時，而夜偏長，輾轉反側，迄於昧爽，我肉生蛆，蒙以塵埃，膚雖痊，膿復出，日月如梭，終身無希望矣，命在呼吸，不復獲福，爾其垂念，今日覲面，明日不能復見，甚恐轉瞬間，卽

歸烏有。如浮雲散盡，入土者無復返之期。不再歸其室，隣里不復見其人。夫如是，我安能默默已哉。焦思苦慮，曷禁對上帝而大放厥詞。我豈海濤，豈鱷魚，防禦我曷故。我如曰：登斯榻，可得慰寢於床，可解憂，則爾又托噩夢以恐我，垂異象以懼我。願棄此微軀而就死地，已無樂生之心，不作永存之想，畢生遭難，毋寧舍子爲幸。且人在世，亦甚渺耳，何爲加意眷顧之，責之無間日，試之無已時。爾而舍我，將至何時，曷不假我以嚙津之頃，爾爲上主，鑒察人心，卽我犯罪，何虧於爾，曷擊我，使我不樂其生。盍赦我罪，宥我惡，俾我安然入土，迄於明日，欲追子而不相遇。

第八節書亞人必達曰：爾所言如風之狂，伊於何底。上帝無不正，全能之主無不義。意者汝子犯罪，故主遐棄之。如爾勤求上帝，乞恩於全能之主，躬行仁義，皜然無玷，上帝卽佑之，使爾全家孳孳爲善，振興可必。始雖卑微，終必增益。我生無幾日，如影靡定，知識未擴，所貴乎博稽古昔，取法前人，彼將啟迪爾，以中所蘊藏告爾。語曰：維彼葳葳，非澤可生乎。維彼蘆荻，無水能植乎。青青之時，不待人刈，先百草而凋零。忘上帝者亦若是，僞善之人，彼所希冀，倏忽成空。其廬易圯，烏足恃其業不存，奚以賴。與蜘蛛網無異焉。惡者惟草，雖暴以烈日，亦復蔓延於圃，根繞壘，藤緣石，忽被芟除，依然隙地，杳無踪跡。斯人福命之短亦若是，其後草復叢生，與此無異。行善者上帝不棄，作惡者上帝不佑。爾善是務，則使爾喜樂，使爾歡呼。憾爾者，自生愧怍，喪德者，室廬無存。

第九節約百曰：是理也，我知之稔矣。人於上帝前，豈得言義。如上帝勘問，萬中不能答一。上帝具至智，有大能，違之者，烏能得福。上帝一怒，則崗巒遷徙，山嶽傾頽，大地搖撼，坤輿震動，則日不

出。閉則星無光。手闔天宇。足乘海濤。斗柄旋。參昴見。南方之宮。運其躔度。上帝所行。大不可測。異不可數。其至我不見。其過我不知。其取之孰能禦之。其爲之孰能問之。其怒未息。強者懼之。我何人斯。雖善說詞。安能應對哉。上帝鞠我。我不敢自以爲義。當求沾其恩。求而許。我猶兢兢然。不敢自信。何上帝擊我。如風之暴。災罹无妄。不一而足。不使我得片刻之安。備嘗艱苦。欲以力爭。彼力過我。欲以理論。誰爲折中。如稱己義。則不義矣。如言己善。則不善矣。如伐己長。是不知量也。平生所爲。不堪自問。以我觀之。善惡同歸於盡。人忽死亡。主使之然。無辜受難。主不之憫。當今之世。惡人當路。良吏韜晦。使之者非主而誰。日月逝矣。速於郵傳。流光已邁。我未見福之至也。日去如扁舟。勢若巨鷹之搏擊。如我自謂。必泯怨尤。改憂色而作歡容。然患難猶在。懼心未釋。吾知主必不以我爲無辜。主既視我爲有罪。自辨亦徒勞矣。卽以雪水自洗。臉水盥手。主必視我若墮污濁。衣服有知。亦當厭我。我凡民也。主豈與我等。奚敢與之辨論。更無聽訟之人。可定兩造曲直。如主不加譴責。使我驚懼。則我猶敢言。無所畏懼。今則不能也。我既不樂生。怨懟無已時。中心殷憂。必暢所欲言。我籲上帝曰。爾毋以我爲惡。卽加譴責。亦必示以何故。慮遇斯民。豈爾所悅乎。爾既造人。豈遽棄之乎。惡者之謀爲。爾反眷佑之乎。爾豈同凡眼。鑒觀於下。若庸夫哉。爾壽爾年。豈若人之短促哉。其勸我咎。察我罪。何其亟耶。爾明知罪我爲無辜。而人莫敢誰何。我之百體。爾所甄陶。奚爲滅我。爾其思之。始造我身。猶陶之合土。今使我返本曷故。我身初成。若乳之流。若酪之結。膚革外充。筋骸內束。爾施恩膏。賜我生氣。爾加眷顧。養我精神。然爾欲苦我之意。蓄於中已久。故

有微疵爾則誌之，不加赦宥，我亦知之稔矣。我若作惡，固足以召禍。若我爲善，不得以自詡。我遭患難，不勝媿恥。如我自許，爾捕我若獅，顯爾異能。爾數責我，爾屢譴我。若軍士之迭出而攻我，爾胡爲生我，何不遏死，勿令人見。則我雖有若無，出胎入墓。我壽幾何，請爾舍余，庶可少息我力。然後長往不返，至幽暗陰翳之地。其地昏黑幽暗，陰翳混沌，其光不光。

第十一章 拿馬人鎖法曰：聽此長言，不可無以對。如是多口，豈得稱爲義。爾而誇詡，焉得不辯。爾而姍笑，在所當責。爾自謂道清體潔，主不能摘其疵。我願上帝與爾辯論，使爾知其智慧，不可窺測。較爾所知者，倍蓰無算。因悟上帝罰爾，不足以蔽其辜。上帝非可忖度，全能之主，豈得盡知大哉。上帝之智乎，雖上窮碧落，下及黃泉，周行陸地，徧歷滄海，亦終莫之能測。如上帝執人而禁之，當衆而鞠之，孰能禦焉。上帝灼知虛妄，明察惡人。其外若置諸罔見，而實則無所不知也。斯世之人，冥頑不靈，空空如也。自其誕生，已若野驢之子。爾如洗心，祈禱上帝，改諸不善，不與惡人居。則仲無愧，屹立不懼。患難可忘，同於逝水。爾在世必愈於日之方中，今卽幽暗，終必光如平旦。後福堪期，雖耻於今日，必樂於他年。爾可安寢，警爾者寡，諛爾者衆。維彼惡人，其目必盲，遁逃無獲，彼之失望，與氣之垂盡無異也。

第十二章 約百曰：爾豈人中之俊乎。爾曹若死，宇宙間豈無哲人哉。我之慧心，與爾何異。爾無能過我。爾所言者，誰不知之。夫爲善行義之人，每爲同儕所嘲諷。我籲呼上帝，望其垂聽，亦貽笑於同儕。譬諸火炬，使人無隕越之虞。旣得安居，遂棄之。寇賊之家，反獲平康。欲以己之能匹上帝，千

上帝怒，竟享逸樂。試問諸鳥獸，鳥獸如是。試問諸蟲魚，蟲魚亦如是。皆耶和華使之然。此理誰不知之乎？獸之生命，人之性靈，操自上帝。耳察聲音，猶口之知味，智與年而俱進，慧與壽以並增。上帝無不知，無不能，謀猷允臧，聰明克備。所毀人不能建，所錮人不能釋，止溪流而水涸，裂泉脈而地淹。上帝至智至能，凡欺人與欺於人者，咸其所治。使謀臣被虜，士師爲狂，其於列王，則釋其所繫之囚，而拘繫以縲綬。使州牧爲俘，使將帥傾覆，忠盡之言，使之不納。元老之明，使之忽昧。民牧則黜其位，豪強則弛其力。彰奧妙無隱秘，變陰翳爲光明。生齒既繁，復加翦滅，版圖既廓，再使侵削。使州牧心盲，如流離曠野，躑躅窮途，晦冥無光，遍捫不見，其迷眩若醉焉。第十三章斯言也。我目見之，耳聞之，心會之。爾所知者，我亦知之。我與爾不多讓也。我欲籲呼上帝，赴訴於全能之主。爾曹言詞誕妄，如庸醫治疾，斷不能愈。爾不如緘口勿語，則猶可藏拙。今我欲自折中，欲自辨析，尙其聽之。爾旣明上帝降罰之故，代爲剖析，豈可妄辭，豈可謔語，豈可偏視。上帝若加勘問，爾豈能倖免，豈可欺上帝，如欺凡民也哉。如爾心懷私曲，上帝必加譴責。彼有威可畏，有權可凜，爾以爲古訓，我比之塵沙，爾以爲長城，我比之糞土。爾且緘默，我請復申一詞。雖死無憾，卽捐頂踵，亦所弗顧。雖上帝戮及我身，使我失望，亦必毅然自辨，以白我冤。僞善之人，不敢上告於主，若我則否。故必得救，請爾傾耳，諦聽我詞。我今自訴，必得稱義。有能辯折我者，我當緘默，沒齒而無怨。所望上帝，一無實我，二無懼我，則我敢自訴。斯時也，爾問我對，我請爾示。我豈屢陷乎罪，愆尤叢集哉。有之則明以告我，奚可退棄我，若寇讎哉。譬彼林葉飄搖，猶蹂躪之。譬彼百草枯槁，猶追襲之。

爾錄我名於爰書，置諸極典。爾記我惡於壯歲，使受酷刑。爾極我足，禁我遨遊，限我步履。我躬已朽，如肉之已腐，如衣之被蠹。**第四章** 人乃婦女誕育，既不永年，且多憂慮。若花之向榮，而遭剪伐，若影之倏忽，而無定在人。既如是，爾何必過於追求，鞠其是非哉？未有源濁而流清者。人之生也，其數有定，其限難越。爾使之然，姑舍我，俾得息肩，樂終天年，猶傭之喜於入息。林木既斫，萌蘖可望，生機難遏。其植於地也，根雖老，幹雖槁，潤以雨露，芽萌株發，可擬新栽。人則異是，始則血衰，既而氣絕，歸於無有。如潦之易竭，如澮之立涸，屈而不伸，寢而不寤，必也彼蒼窮盡之日，斯人有復生之時。願上帝藏我於墓寢，否則處我於隱僻，以俟災消禍弭，又不然，定以何日，然後釋我。人既死亡，豈能復生，我生苦境，必有終年，乃逝世。爾問我答，我爲爾所造，爾當眷顧，乃勸我行事。察我愆尤，錄我罪弗忘，增我過維倍。山頽不起，磐移不回，雷穿石則漸靡，浪淘沙則不見，人而絕望亦若是。爾殘人生命，使之逝世，變人容色，使之絕氣。子孫之榮辱，俱不及知，惟其身痛楚，其心殷憂而已。

第五章 提幔人以利法曰：寧有吸淒風，吐支辭，而得爲哲人乎？豈可述無補之空言，進無益之浮詞哉？以爾所云，是使人不敬畏，祈禱上帝也。爾所言，狡獪不測，可決爾爲惡。我何必言爾爲惡哉？即爾所出口，爾所舌辯，已可知矣。生人之始，豈爾乎？有山以前，豈爾乎？上帝之意，豈爾能知？哲人之辭，豈爾獨得？惡在爾知，而我不知，爾明，而我不明哉？我中尙有老成人，皓然白首，其年較爾父尤長，我之來此，以上帝之恩，慰藉爾，以異言婉導爾，豈可藐視。爾何心狂，白眼玩世，心逆上帝。

口述妄言。斯世之人，何得言潔。婦女所生者，何得稱義。自主視之，卽聖者猶未盡善。在天之人，猶未盡潔。况世人作惡，如渴飲水，是誠污穢，實可厭棄。吾試以所見告爾，汝其聽之。卽哲人之箴規，祖考之遺訓，粵稽在昔，我祖初得斯土，不與異邦人雜處。其言曰：作惡者畢生悚懼，強暴者不知死亡之何日。驚駭之聲，常聞於耳。平康之時，殘賊忽至。遇患難無望拯救，臨白刃不能倖免。流離求食，而無所得。禍患將至，而不及知。災害孔迫，俾其恐懼。若王與敵戰，必能獲勝。惡人自恃其勇，狂悖成性，侮慢全能之上帝，挺身馳突，以厚盾自衛。容貌肥壯，軀幹雄偉。荒敗之邑，彼來據之。零落之家，彼得處之。然轉瞬間，是邑是家，已變爲瓦礫。彼富不成，彼業不常，羣畜不蕃息。其身不得免於難，所生枝幹，爲火焚燒，爲風摧折。莫信虛妄，恐爲所惑。彼所得者，浮而不實。彼猶林木，非時而被斬伐，不能長青。若葡萄菓，未稔而先落。若橄欖花，雖開而早凋。僞善之人，家必蕭條，食賄之徒，室必焚燬。中所藏者詭譎，外所行者邪惡。

約百曰：如爾之言，聞之素矣。爾意在慰藉，反使我心戚戚。虛誕之詞，可已而不已。孰使爾曉曉舌戰耶。浸假爾與我易地以處，則我亦能長言以責爾。搖首以欺爾。然我不爲也。必以口強爾志，以舌解爾憂。今我言，不得自解其憂，不言，不得自釋其悶。上帝使我躬追遠，我家凌替，束縛我體，俾我憔悴，以證我之不善。逢仇之怒，殘傷我體，緣其憾我，怒目切齒，攻我特甚。張吻吞嚙，批頰凌辱，彼此共謀伐我。上帝使作惡者陷我，不義者害我。我享平康，彼來搖撼，執我之頸，擲之於地，以我作的，射之以矢。矢人環我，剖我腎，瀝我膽，不蒙矜宥。屢加撻伐，突如其來，若壯士之攻。

擊我身衣麻，崩厥角於塵埃。因哭頽赤，陰翳蒙目。然我行無不義，祈無不誠。地歟，勿埋沒我血，勿阻塞我籲。惟天可表，在上實鑒之。而友朋嘲笑，不禁潸然出涕，求於上帝，願得在上帝前，明辨其冤。如與同儕言者然，復閱數載，我必長逝不返矣。

我神已昏，我命垂盡。將入墓矣，然猶爲人凌侮，屢加橫逆。我欲於主前明辯而弗敢，誰保其不怒乎？願主遺我以質，維彼友朋，主蔽其聰，懵焉無智，理屈詞窮。凡使同儕爲寇所陷，其子之目當盲。民作歌刺我，衆前唾我，主使之然。我有殷憂，目昧不明，體質單薄，譬彼虛影。善人見上帝降災，而生畏懼心，良民見僞善譏彈，而生起攻心。義人志道，久而不息，深者用力，久而彌堅。爾曹之中，欲求一哲人，不可得也。爾試復言之，我命已終，我志已灰，視晝若夜，視光若暗，別無所望。惟以墓爲室，長眠地下，與朽腐爲隣，與蚯蚓同處。奚啻父母姊妹，我至此，豈復有冀望哉！即有所望，安能遂乎？必歸陰府，安寢於土，所望之福，歸於烏有。

書亞人必達曰：何必嘵嘵不已，曷不法哲人之詞，則我與爾言。爾曷視我，冥頑若獸，爾雖忿怒，自戕其身，豈得緣爾故，遂使寰宇之民，盡歸無有，磐石之安，頓失經常哉！惡人之人，虛光必昧，燭照不遠，其室之光必暗，其燈必息。健步者見困於人，機心者反害及己，足罹網羅，行遇坎阱。機檻囚之，籠絡困之，到處皆絆，隨在維坑，患難臨其身，追逐踵其後。其力因饑而困頓，禍機伏於側，彼患危苦之疾，蝕其肢體，室無餘慶，可復希望，有嚴厲之王焉，而被解至此，既失其業，他人入室，或硫火焚其廬，譬諸林木，本質既撥，枝葉自枯，其姓氏不稱於通國，不傳於遠衢，推而納之。

幽暗之地，逐而出之。衰區之外，彼之所出，藐無遺孤。彼之所居，惟存隙地。父老駭異，子弟震驚。不義之人，不畏上帝者，其終也必如是。

第十九章約百曰：爾言實刺我心，令人殷憂。伊於何底？爾煩數責我，聒噪不已。何不自媿乎？我即有過，我自當之。爾爾妄自誇大，凌辱乎我。不知轉福爲禍，圍我以網羅者，乃上帝也。我雖赴訴，不蒙聽察。我雖呼籲，不得昭雪。由曲徑則阻於籬籬，履周行則迷於昏黑。奪我榮，去我冕。禍害切身，使我式微絕望。如樹之拔其根株，逢彼震怒，視若寇讎。集軍旅，修甬道，列營壘，環攻我室。眷屬愛弛，親戚情疎，是皆主所使也。見棄於隣里，不念於友朋。傭人侍女，視如陌路。我呼奴僕，下氣怡色，不見其應。妻子厭棄我，兄弟侮慢我。孺子藐視我，我方屹立，遭其譏訕。同心之友，厭棄我躬。眷愛之人，反來攻我。我形瘦骨立，膚革僅存。齒齟獨留，上帝譴我，望友矜憫。上帝既責我，爾又從而附和之。爾啖我肉，猶不以爲饜足乎？願筆我言，刻之於簡，以錐刺之，以鉛鑄之，勒之於石。歷久不刊。我知救主恒在，終必降臨，迨至膚敗肉消，克觀上帝。我目觀之，實我救主，而非仇敵。我心之大願如此。然爾曰：我儕將何以得其致罪之由，而加詰責？豈不知憾人者必亡於刃，既有是刑，宜悚懼焉。

第二十章馬人鎖法曰：我中心婪然，難以自遏。凌辱之言，有激於懷，烏容不答。豈不聞自生民以來，有古語焉。曰：作惡者歡呼，弗能恒久。爲善者喜樂，不過俄頃。雖峻極於天，昂頭雲外，終亦必亡。與糞壤同腐，素見之者，必曰：其人安在。倏忽不見，真如夢幻。若夜間異象，頓失無所。目觀惡人，

不能復觀。鄰里鄉黨欲見無從。彼穰貧者之貨財。子孫反之。以釋其憾。所作隱惡。深入於骨。及其歸土。惡報從之。惡警諸食物。甫入口則甚甘。藏於舌間。久含不棄。下至腹。味殊苦。如蝮之臍。其平日并吞財貨。上帝必使復吐之。或飲蛇毒而亡。或爲蝮螫而死。不能飲甘泉之水。不得居酥蜜之地。雖勞而得財。不能自享。必當反之於人。不可以爲悅。蓋剽奪其民。至於貧乏。則遺棄之。人所建之第宅。則強據之。其衷懷不能恬適。其嗜好不能長存。其所食無餘。其享福不永。卽當隆盛之時。必遇困厄。受其虐遇者。必羣起而攻擊。彼既飽其貪饕。上帝震怒。降災如下雨。使之備嘗。雖避鐵器。而傷於銅弓。利鏃白刃。深入其臍。拔而出之。不勝戰栗。災害臨之。電火焚之。居其室者。咸遇患難。天殛其惡。地罰其罪。臨難之日。凡其所有。必盡消亡。全能之上帝。施報於惡人者若此。

第二十章 約百曰。我有一言。請爾聽之。則我慰甚。容我竟其詞。後加姍笑可也。我不尤人。第中心自憤懣。有何不可。爾惟是見我而愕然。以手掩口。我追憶曩事。不禁戰慄。爲惡之人。得保生命。而享遐齡。席豐履厚。子孫享福。猶及見之。其家平康。無所畏懼。上帝不降以災。其牛方字。而胎不殞。產穰而保其生。嬰孩成羣。子女舞蹈。播鼗鼓琴。簫管悅耳。其在世也。爲樂靡涯。其逝世也。患疾不久。其平日懟上帝曰。我不悅爾道。勿親我。孰爲全能之主。事之何爲。求之何益。爾曰。其福不長。我亦不爲惡人辨。第惡人之燈見滅。其禍猝來。主赫怒加以困苦。果何時哉。彼若飛蓬。轉於空際。彼若糠粃。散於颶風。又在何時。我未之見也。爾曰。上帝降殃。罰及其嗣。我以爲何不使其身受之。俾目擊禍患之至。親膺全能者之震怒。若生命既絕。家庭之事。已不及知矣。矜高之人。爲上

帝所鞠，其間孰能贊一詞乎。斯世之人，或至死，豐盛平康，得享綏安，胸膈脂充，百骸髓滿，或至死，困苦盈懷，終不享福，要皆長眠黃土，蚯蚓盤其上。我知爾狡，欲以口給禦人。爾曰：霸者之殿安在，惡人之宅烏存？何不詢諸行路之人，以其言爲據。其言曰：爲惡之人，亦蒙矜憫，死之日，友朋送喪，彼之所行，孰敢斥之，誰能報之。羣送之墓，謹守其陵，封植甚美，前呵後衛者，不可勝計。爾之慰藉無益，爾之言語差謬。

第十一章 提慢人以利法曰：賢者惟自獲其益，原無所裨於上帝。蓋全能之主，不因爾之爲善行義，而福祉喜樂有所加增也。上帝責爾鞠爾者，豈畏爾哉。爾之罪惡甚衆，爾之過失無數。爾無故取同儕之質，奪貧寒之褐，不飲食饑渴，強者任其得土，尊者聽其得廬，廢者使之徒反，孤者去其所恃。是以四周皆設機檻，危懼頓生，幽暗蔽爾，洪水淹爾。天之高也，星辰麗焉，上帝在其上。爾曰：上帝所居幽深玄遠，豈能鑒觀下土哉。逍遙天上，雙隼重疊，焉得見我。是爾法古昔惡人之所行者也。不期大河忽決，而惡人與室廬悉遭淹沒。彼曰：上帝勿親我，全能之主，無益於我。不知嘉物盈室，無非主所賜也。故我亦不爲惡人辨。義者見惡人之敗，則欣然竊哂曰：我仇見絕，其富有火盡燬之。今我勸爾，當歸乎主，復得其歡心，則可納福。恪守其矩矱，服膺其箴規，冀除爾居，歸全能之主，則可再徵福祉。如爾視礦金無異塵埃，視阿弗之金若澗溪沙石，則全能之主，乃爾金銀之礦。爾惟主是悅，恒仰上帝。爾祈禱得蒙垂聽，許願得遂，所願所志必成。光照爾途，隕墜之人，爾其扶之，搗謙之士，爾其救之，有罪之民，爾其援之，因爾自潔，使彼免於患難。

約百曰：我心焦勞，大放厥詞，彼降重災，使我歎歎欲絕。彼居何方，願聞其地。吾將往以所抱之冤抑，陳於其前，折辨不已，則彼定擬之意可知矣。彼必不以大能責我，反加體恤。可得自辨，明我爲義，則人無從罪我。乃趨之於前，而彼不見，索之於後，而彼不在。意其匿於左，而不能遇，意其隱於右，而不克觀。我之行爲，彼所鑒察，見試之後，若金之經煅煉，我履其武而不越，守其道而弗失。恪遵誠命，視其言重於食。厥命不貳，誰能易之。彼從心所欲爲，先定命，後降災，災稜不一，絡繹將至。言念及此，不禁畏懼。全能之上帝，已喪我膽，使我畏懼。喪亂以前，何不先絕我命，使我身不親見憂患焉。第十四章 全能之主，知無不周。既定期罰惡，何不使善者見之。惡者侵人畛域，爲己有，攘人性畜，以爲食。驅孤子之驢，以務婦之牛爲質。遇貧乏者，辟之於途，令無地可容。惡者若驢，往彼曠野，以務操作，亟於求食，得諸平原，己及子女，藉以餬口。在他人之田，穫其五穀。在強者之園，摘其葡萄，裸無衣而露宿，寒無衾以蔽體。登山遇雨，棲身巖穴，奪孤子於母懷，取寡人之衣以爲質，使彼裸體從其後。枵腹負其禾，歸至室，渴甚，又使之酹油製酒，俾困苦者嘆息。傷心者呼籲，惡人橫逆如此，上帝不加以罪。更有甚焉，不喜光明之路，舍而弗由，味爽戮貧乏，寅夜劫貨財。暮則行淫，自蔽其容，意謂人不得見。穿窬於昏夜，匿跡於旦晝，不以昭昭爲樂。視日之明，同於陰翳，暗昧之地，人之所慮，彼之所習。彼若萍蹤，飄流靡定，有田不耕，有園不植。亢陽酷暑，雪水漸消，惡者之入墓，亦若是。其逝世之易，如摧枯木，旣歸槁壤，蚯蚓噉之，卽心腹之人，亦不之念。富惡人存日，無子者遭其虐遇，無夫者受其摧折。有能之人，不能與爭，其動也，人之軀命難保。上

帝雖鑒察之，彼仍綏康，安於厥居。勃然而興，不久逝世，與衆無異，譬諸田禾，既稔而刈，如日不然，試與我辨，指我言之刺謬。

書亞人必達曰：主有權可凜，有威可畏，至上之域，咸賜綏康。軍衆不勝數，光遠無不及，斯世之人，於上帝前，豈得爲義，婦女所生，何得言潔，有主而星月不能與之爭光，世人若蚯蚓，豈得爲潔哉。

約百曰：爾所助，非無力者乎，爾所救，非無能者乎，爾所訓誨，非無智者乎，非欲以此彰爾明哲哉。爾之欲教者何人，爾之所感者何神，九泉之下，幽冥之衆，俱畏上帝，主之前，陰司昭著，暗府不蔽，主陳北極於清虛，懸大地於無物，水在雲中，相涵不漏，主之位，密雲遮護，圓包環海，以示幽顯，主一叱咤，四維震動，施其大能，海波洶湧，行其大智，洪濤恬靜，鼓其氣，穹蒼朗霽，展其力，龍宿羅布，此其小者也，我所聞者止此，若夫雷霆轟烈，又孰能測之耶。

約百重申其詞曰：全能之上帝，不以直道待我，俾我困於心，我指之而發誓，上帝假我以年，一息尚存，口不出惡言，舌不道非義，我斷不以爾言爲然，雖死亦必不以吾爲不善，兢兢執義，不敢稍失，畢生所爲，內省不疚，敵我攻我者，其敗也，當若惡人，僞善之人，雖弋取貨財，上帝斷其氣，烏能復望福祉，災害至而籲上帝，安得升聞於上，彼豈能維主是悅，恒禱上帝，上帝之旨，我將告爾，上主之道，我無所隱，爾曹咸知斯理，何故出此迂談，爾曰：全能之上帝，報惡人，罰強暴，子孫雖蕃，或遭戮，或乏食，或遇疫癘而死，殍婦不泣，雖藏金若泥沙，積衣若邱陵，而衣適爲義人。

之衣。金適爲善人之金。所建之室。如蜂房。誰舍之不能久。富人死不得殮。瞬息間歸於烏有。彼遭患難。若洪水淹之。若夜間颶風撼之。東風掃之。暴風吹之。爲上帝所射。不加矜恤。欲遁而不能。人憤聲鼓掌。擅之遠方。第二十八章 出銀有自。煉金有方。土中取鐵。煮石成銅。窮極奧妙。格物致知。陰翳暗邃之穴。皆能遍察。鑿穴深邃。迥異人世。足不及地。龜而下。空懸靡定。地上所產。可以食。地中所掘。可爲火。石韞玉。沙藏金。鷲鳥不之識。鷹目不之窺。惡獸未之履。猛獅未之過。磐石雖堅。人能鑿之。山根雖固。人能斷之。鑿石以殺河水之勢。珍寶畢露。障其川流。得窺底蘊。要其智慧。聰明不可得而測也。其價不可勝量。雖歷天下而無所得。索之深淵。深淵無有。求之滄海。滄海難遘。斯智也。金不得鬻。銀不能購。阿妃之金。碧玉青玉。無能相埒。琉璃精金。不能相易。珊瑚水晶。俱不足以介意。蓋智慧之價。過於琅玕。雖古寶之淡黃玉。諸兼金不能沽也。智慧從何至。聰明在何方。生民未之覩。飛鳥未之見。陰司暗府。惟聞其名。上帝自知之。自識之。遍觀地極。鑒察天涯。權衡四風。量度諸水。爲雨露立其法。爲雷電定其程。上帝見之早。察之預。因以曉人曰。寅畏上帝。卽智慧。革去諸惡。卽聰明。

第十九章 約百又曰。願如曠昔。我蒙上帝護持。其光有耀。雖行幽暗。受其燭照。當我強盛之年。全能之上帝。親我眷我。子女繞膝。乳之多可濯足。油之盈若澗泉。我出入邑門。備位公庭。少者見我而趨避。老者見我而起待。同官肅然無譁。長者拊口。齟閉舌卷。聞我者祝嘏。見我者揄揚。蓋貧乏孤獨。籲呼望救。我無不援手。危者見救而祝謝。瘳者見助而欣喜。我以仁義爲衣服。以公正爲

冠冕我爲警者之目，跛者之足，我濟困乏，猶父之慈子，疎者我爲之理其事，爲惡之人，我折其齒，奪其所噬於口，我行若此，自謂必享遐齡，若沙之無量，終於正寢，警諸根株，水潤之，警諸枝葉，露滴之，我威再振，我力復強，我陳謀猷，人默而聽，我言如膏澤，咸以爲然，人之望我，若望甘霖，若地甲坼，以待春雨，如我笑謔，人不敢厭我，笑以怒我，我若民長，使由使知，若王者進退軍旅，若保惠師之慰藉憂民也。第三十一章越至於今年，少於我者，反加訕笑，彼之父兄，自我視之，比之守羊之犬，不若也。彼若老邁，氣力已衰，不能助我，因饑餓匱乏，不勝顛頓，適荒野而求食，或刈藜藿於草叢，或取芻蕘之根爲食，見逐於人，人呼其後，若叱寇賊，所居險阻，澗溢窟穴，磐巖呼號於林中，咸集於荆下，愚蠢側陋之子，無俾居於樂土，斯人作歌，托詞以譏刺，厭棄我躬，唾我面，而弗我惜，不自檢束，無所不爲，以困苦加諸我，是直妄人也，立我之右，顛躓我足，被害及我，猶敵築壘以攻，彼乃遊民，毀我所由之道，速我之亡，突如其來，圮其城垣，乘機擁入，患難之至，猶飄風之來，我榮已去，我福不長，等諸浮雲，今我困苦不堪，聊抒憤懣，骨痛若刺，終夜不息，疾大漸，肌膚不營，一身拘急，如衣束縛，推我於塗炭，遍體塵垢，禱告乎主，不蒙垂聽，侍立其前，罔加眷顧，爾轉弗恤，以大力攻我，猶捲以狂風，飄颻不定，使我喪膽，不勝戰慄，我知爾必致我於死，入億兆當歸之窳窳，上帝降災，使人喪亡，祈禱無益，呼籲無裨，人遭患難，我爲哭泣，貧乏遇害，我心懷憂，仰望福祉，反罹禍害，守待光明，反遭暗昧，患難既臨，中心焚然，不獲綏安，未暴於日，面目黧黑，立於會中，我常呼籲，我與野犬遊，我與鴛鳥居，我膚已黑，我骨已焦，我鼓琴以寄哀，我吹簫而泣訴。第三十一章我

視色以爲目鏡，恐天上全能之上帝降罰於我。惡者災害及之，奇禍中之。上帝鑒我行爲，察我步履。我若虛妄，行不軌，願上帝至公權衡，則知我素行純良。如我叛乎正道，目視邪色，手染污穢，則我田所稼，任人食之。我土所產，任人攫之。如我爲婦女所惑，或矚人不在，而誘其妻，則願我之妻爲人旋磨，凌辱於人。此乃澆漓之俗，士師所必罰，或燬其身體，或壞其禾稼。如我不公以泄下，使彼抱屈，上帝鞠我，則我何詞以對。我主我僕，何非父母所生，上帝所造。貧者所欲我施之，鬻者所望我遂之。簞食之微，不敢自食，亦必與孤子共。我自幼時，撫人之孤，助人之鬻。我見流民無衣，貧者無服，衣以羊毛，俾煖其體，而祝謝我。雖在公庭，左右環立，我未嘗鞭扑孤子。如我有此，願我肩脫於缺盆骨，臂脫於羊矢骨。我畏上帝之威，恐其譴我。我不以金爲寶，亦不以兼金爲可恃。雖財貨豐饒，弗以爲樂。我見日月輝光，心不搖惑，手不接吻，以爲禮。恐違至上之上帝，爲士師所罰。仇有禍，未嘗欣喜踴躍。我不祈降災於仇，以犯罪。家之人未嘗曰：食無肉，枵腹堪嗟。賓旅不使宿於衢，行路之人，我啟門而晉接。我不若他人，自隱其罪，不言己過。如我若此，則必戰慄於衆前，爲戚族所藐視，緘口無詞，杜門不出。此我自訟之言也。願全能之主垂聽，而降其旨。有訟我者，請陳其說。我必以其言負於肩，戴諸首。毅然無懼，直造主前。平日所爲，述之不隱。浸假地非我有，而奪之，不償其價，食其所產，則土壤亦將號呼，田疇亦將哭泣矣。若得荆棘叢生，惡萊遍發，以代小麥，豈麥正所願也。於是約百之詞已竟。

第三十二章 約百自以爲義，三友不與辨也。有以利戶者，亞蘭族，布西裔，巴刺迦子也。見約百不

以上帝爲義，而以義自居，則怒。又見三友無一言確指約百之非，而漫加以罪，怒益甚。始以約百年長於己，故俟其言竟，而於三友理屈詞窮之後，不平於心，乃曰：我幼爾老，故中心退讓，不敢率爾陳我意。竊思有年者當先言，以道指示。夫人之聰明，皆賴上主之神所賦。大人睿智，老者遠道，未必盡然。請言我志，爾其聽之。爾曹詳究斯理，我已備聆。竊思爾中無人能與約百辨，而直折其非。是理有未明故也，能斥之者，惟上帝。人則不能。約百辨論，未嘗與我爭，我與彼言，亦必不如爾所云。爾曹憊然，莫措一辭。俟之良久，默然無語，不能辨駁。故我欲與之辨，自陳己意。有懷欲吐，中心迫切，如酒在新革囊，氣冲欲裂。我言則氣可舒矣，是必暢所欲言。我待人至公無詔，如有阿諛造我之主，必厭之。約百乎，請聽我言。哈我語，我不憚鼓唇饒舌，所言真實無妄。上帝之神造我，上主之氣生我。如爾能對我，則起而陳其說。我與爾，無非上帝所甄陶，原無異也。我之威不足以惕爾，我之權不足以制爾。昔者聞爾言曰：我清潔無辜，上帝攻我，視若寇讎，枉我足，禁我遨遊。爾言實悖乎理，我不能不辨。夫上帝卓越於人，任意以行，爾不順受曷故。上帝言一而再，人弗從也。夜靜人寢，偃臥床褥之時，或示夢，或顯異象，言提其耳，靜謐示之，使人改過，去其驕心，不令其入塚墓，遭白刃，惟使之負痛迫切，偃息在床，遘疾纏綿，害入骨髓。遂厭食物，不飲珍錯，肉消骨立，生命臨墓，近於喪亡。時有使者，才德異衆，以上帝之道明示之。於是主矜憫其人，曰：我已贖彼，免其入墓。病者得愈，同於再造。其體壯健，無異少者。祈禱上帝，蒙主悅納，復獲福祉。默然見主言於衆前曰：我昔犯罪，陷於非義，所爲無益。主援我，免於死亡，復觀光明。上帝待人若此者，屢

矣。援之於墓，使享有生之福。約百與我，願言我志，尙其默然以聽。我欲待爾以義，爾有所云，何妨直對。不然，則緘厥口，俟我曉爾以理。

第三十四章 以利戶又曰：凡爾賢人哲士，試聽我言，耳察聲音，猶口之知味也。當準之以理，而擇其善者。約百嘗曰：我乃義，上帝不以直道待我，如自謂不義，是欺人也。然我雖無過，厥疾不瘳。約百狂而多言，如渴而縱飲，較諸他人尤甚。是從惡黨，與作惡者如出一轍。彼曰：崇事上帝，亦何所裨。維爾智者，請聽我言，寧有全能上帝，而行非義哉。必視人所行，而加賞罰。全能之上帝，誠無不義。直道以待人，彼立大地，理天下，獨斷獨行，如定其意旨，不使人通呼吸，則億兆死亡，衆生歸墓。爾有智慧，宜聽我言，如上帝不秉大公，何以理衆生。蓋至義者莫若主，豈可以不義之名委之哉。王公諸伯，尙不可加以惡名，况乎上帝，貧富尊卑，視同一體，皆其所造者乎。俄頃之間，民人死亡，中夜震動，逝世者衆，有能之人，亦被斥逐，此非假手於人也。上帝鑒察寰宇，知人所爲，行惡之人，遁於幽暗陰翳，不能自匿。上帝鞠人，毋庸參聽。不察而明，有權能者，降以重譴，使人代其職。上帝悉其所行，加諸患難，糜爛其身，因其行惡，擊之於衆前。昔彼背主，不從厥道，慮遇貧民，使呼籲於上。上帝垂聽之，主所福，誰能禍之，主所禍，誰能福之。其待人或一國，或匹夫，無二理也。不義者黜其位，不使爲民坎阱。爾宣告上帝曰：我既受爾譴責，必不再蹈前愆。我所不知，請爾指示，不敢復履故轍。上帝賞罰，爾雖不欲，豈可徇爾私意。此實係爾事，於我何與。爾有所見，請爾述之。智者聞斯言，必曰：約百懵然無知，所言不明乎理。我亦曰：約百黨惡同謀，愈增其罪，言忤上帝，欺世人，故

我欲人窮詰其辭。

以利戶又曰：爾於上帝前，自稱爲義。爾又言：雖不犯罪，亦無所裨。斯言也，豈合乎理。我將答爾，與爾同儕焉。試觀乎天，蒼蒼在上，如爾作惡貫盈，於彼無所損。如爾爲善不倦，於彼無所加。其遭爾之害，而受爾之益者，惟爾同儕而已。人受困苦，則嘆息，遭橫逆，則呼號。然造化之主，上帝使人於患難中，謳歌逸樂，俾其明理。靈於禽獸，何以籲呼求救者，世無一人，卽有其人，因其驕侈，雖呼莫應。全能上帝，不聽虛誕之辭。惟秉公義，爾雖未嘗目覩，時至自能見也。今上帝猶未震怒，薄加譴責。爾乃啟口徒勞，語復詞重，多見其不知量也。

以利戶又曰：爾其少忍片時，予猶有言，以明上帝之事。我鈎深探奧，歸義於造我之主。口不出虛誕言，不尙浮誇。上帝無所不能，無所不知，不藐視人。爲惡者短其年，困苦者伸其冤。眷顧善人，尊其位，與王同列。其繫以繯，加以患難者，欲指其過失，責其驕泰，使受訓誨，改惡遷善。如其聽從，則日享平康，終身受福。如其違逆，則亡於刃，不明道而死。頑梗之人，積愆千怒，無祈禱之心。上帝罰其罪，與嬰童同科。少年短折，貧乏者流，主必拯救。在患難之中，言提其耳，指示以道。由是觀之，主必率爾，出於危迫之地，導爾至安閒之所。在彼無所困苦，臚陳於几筵者，備極豐腴矣。如爾黨惡，厥罪貫盈，罰必及之。上帝震怒，恐加刑譴，雖多金不能贖，卽富有金銀財貨，主不以爲意。勿樂死亡，歸於陰府。爾遭患難，屢出惡言，後當謹恪。上帝無不能，其善誘非人可及。獨斷獨行，誰能議之哉。上帝所爲，億兆見之，遠近仰之。爾當頌美焉。上帝至大，難以悉知，其無壽疆，不

可計數。以一勺之水，與雲致雨，空中震霖，常沾常足。天雲羅布，雷聲震轟，烏乎測之。電閃穹蒼，覆
橋海底，或誅殪惡民，或廣生百穀，或以雷電任意震擊，爲善者庇其身，作惡者降以殃。

第三十七章 殷殷其雷，我聞其聲，中心戰慄，不勝震動。電光閃爍，自天隅至地極。電光既閃，雷聲
震轟，雷聲既發，電火昭彰。上帝行雷，其聲甚奇，神妙莫測。上帝降雪霏微，下雨滂沱，人不得操作，
欽崇其主。百獸入穴，羣居其藪，飄風自南而來，寒氣自北而集。大風起而堅冰至，巨川凝結。天朗
氣爽，鸞鷟俱散，氣候推遷，俱遵主命。行乎天下，皆成其意，或降以災，或施以恩，潤澤土壤。約百乎
請聽我言，試思上帝神妙，無所不知，治理萬事，鸞鷟懸空，電閃其間，奇幻莫測，爾知之乎。薰風和
暢，兆民溫煦，上帝開闢穹蒼，奠定無爲，如鑑之空，爾能佐理之乎。我儕愚昧，不能置辯，爾能教我
乎。人議上帝，必見殘滅，吾人不敢以所言升聞於上。鸞鷟蔽空，日光忽匿，狂飈倏至，天雲捲盡，金
光現於北方，上帝有威可畏，全能之主，妙不可測，巨能至義，一秉大公，待人無偏，雖智者亦有所
不知，故人當寅畏焉。

第三十八章 耶和華乘大風，謂約百曰：孰以愚昧之詞，使道不明乎。當鼓爾氣，勿愧丈夫。我問爾
答可乎。我肇基大地之時，汝安在。知則告我，誰爲量度，誰爲準繩。何地築址，基何人立。四隅當時
星使欣咏，天神謳歌，海水初生，孰隄防之。若閉其門，其蔽以密雲，遮以鸞鷟，定其界址，設其門楹。
語之曰：至此則可，不得越其防。爾之洪濤澎湃，至此而止者，非我乎。爾誕生以來，亦曾命旭日升，
黎明至乎。地之四極，輝光旣布，宵小匿跡，宇宙一新。如印印泥，如人衣衣，作惡者流，不以光爲光。

光天之下，不敢作爲。海之泉源，爾豈能窮。淵之深處，爾豈能及。爾豈能啟陰司之戶，窺暗府之門。大地之長廣，爾豈能測。如知之，試言之。光在何方，暗在何所。爾豈識其途，能導人造其境乎。爾豈高，爾年豈永，而能識此理哉。雪電藏諸府庫，爾豈見之。患難之時，以殛斯民。輝光何以四射。東風何以孔布。誰沛霖雨，誰發雷電。使空曠之野，無人之所。亦被膏澤。荒土草木，甲坼芽萌乎。誰致雨露，誰降冰霜。水變爲石，淵面凝結乎。誰繫昴結，解參帶，引十二宮。躔度不差，轉斗柄，旋衆星乎。爾豈能爲之乎。爾能運行天道，使地歸其統轄乎。爾能呼雲，使洪水淹爾乎。爾能掣電，電之現伏，皆從爾命乎。誰使兆民心明意慧乎。孰能核雲之數，傾天之盆。既雨之後，塵成泥，土作團乎。牝獅稚獅，伏於巖穴，藏於林藪，爾能爲之覓食，以充其饑乎。鴉無所獲，其子哀鳴於上，孰子之食乎。○**二十九章** 山羊之生，爾知其時乎。麀鹿產子，爾能顧之乎。爾能稽其月數，知其產期乎。卷曲其身，劬勞生子，其子漸長，適野不歸。誰使野驢不受繫維，居曠野，處鹵地，邑衆之譁不畏，驅者之聲不顧。遊原隰，食草莖者，非我乎。兕能爲爾服役，安處爾廐乎。爾可繫之以索，耕耘平隰乎。其力雖大，豈可恃之。服勞隴畝，望其運穀至場圃乎。鴈鳥數展其翼，羽翮詎同於鶴。遺卵於土，暴卵於沙。人踐之，獸躪之，亦不顧焉。生之雖不易，遺之亦弗惜。若非己有，蓋我不賦以靈慧心，故其性若是。然彼高展其身，雖乘馬逐之，亦不畏。馬力矯健，豈爾所賜。馬鬣奮揚，豈爾所予。其躍若蝗，咆哮可畏。豈爾所使乎。騰蹕平原，自負有力，其往也，遇兵革，蹈白刃，無所畏懼。矢發之聲，戈矛之鳴，盈於其耳。彼則暴躁踴躍，蹄所未至，氣已先吞。角鳴則進，角響則嘶。武士號呼，兵卒戰鬪，雖遠亦聞。雀鷹

既飛展翮往南，豈爾所使。大鷹翱翔，營巢高嶺。豈爾所命，彼居巉巖以棲身。在彼瞻望以覓食，其
離喻血尸所在，大鷹集焉。**第四十章** 耶和華又語約百曰：我全能之上帝也。爾昔欲與我辨，今何
詞以對。約百曰：渺我微軀，弗能應對，無以措辭。我昔言之，一而再，今則不敢復贅一說。於是大風
復至。耶和華告約百曰：當鼓爾氣，勿愧丈夫。我問爾答，爾豈可廢棄我命，自以爲義，而以不義之
名委我。爾有巨能若我，爾可行雷若我。試以威嚴爲外飾，試以尊榮爲衣服。爾施震怒，使矜高者
卑微，驕肆者喪敗，作惡者蹂躪。藏之窠窠，繫之陰府。我則謂爾有能，足以自救。我造人之時，亦造
巨獸食草若牛，腰勁腹便，股筋環束，尾搖若柏香木，骨堅若銅柱鐵幹。我造生物，巨獸爲最。賜以
長齒，利若鋒刃，登岸覓食，百獸不懼，伏於蓬渚，藏於蘆葦，蓮葉蔽之，堤柳繞之，溪河漲溢，彼不畏
蔥約但泛濫，彼尙安居。人設坎阱而獲之，以繩貫其鼻。

第四十一章 若鱷魚則異是，爾能以鈎釣之，以索勒之，以繩繫其鼻，以圈貫其頰乎。彼豈求爾，諛
爾與爾結約，爲爾服役乎。豈可繫之若鳥，爲婢女所戲弄，豈可作嘉肴，以供同儕，豈可嚙其肉，以
繫商賈，豈可以戈矛陷其皮，以魚叉貫其首。爾欲徒搏鱷魚，思與鬪不勝，則止。執之盡屬虛願，見
之立爲喪膽。猛士見鱷魚，且莫敢櫻。噤則敢與我爭，天下萬物，皆我所有，孰能先施諸我，使我酬
答乎。若夫鱷魚之肢體，可詳言之焉。力甚雄巨，甲爲美觀，孰能剝其膚，孰能近其口，孰能啟其頰，
可畏者其齒，最美者其鱗，密若緘封，連砌無間，氣不得通，膠漆交融，不能相分。噉發有光，目啟若
窟，口吐火燄，黝黝若明燈之光，鼻出烟霧，烝烝若釜額之氣，呼吸可燃炭，出口皆成燄，項有力，人

盡畏，腹下肉，毫無腠理，堅不可動，心剛如石，過於底磨，鱷魚震動，英豪畏懼，手足失措，人欲擊之，鋒刃不利，甲冑無益，視鐵若蓬蒿，視銅若枯木，射以矢，不思逃遁，發以石，等諸草芥，人制梃，彼以爲芻，人舞戈，彼亦不畏，腹下之鱗，同於瓦片，比諸耜器，印泥有跡，其下深淵，水激射若鼎沸，海翻騰若調膏，其行波際，有光可跡，海爲之白，天下莫與之儔，性無畏懼，強悍者被其蔑視，爲鱗族之雄。

第四十一節 約百對耶和華曰：我知爾無所不能，凡所欲爲，莫之敢止。我誠以愚昧之詞，使道不明，我前所言，我不知，斯事神妙莫測，我不得而窺焉。請聽我言，我將上問，願求指示。昔者僅屬耳聞，今也始能目覩，故我自憾，坐於塗炭，旋有悔心。○耶和華諭約百曰：已竟其詞，則語提幔人，以利法曰：我僕約百所言，較爲可許，爾與二友，辭不當理，予我震怒，恐我鑒爾妄行，而加報施。今當取牛七，羊七，請我僕約百代爾燔祭，爲爾祈禱。蓋約百我眷顧之焉。提幔人以利法書亞人必達拿抹人鎖法，邁耶和華命，耶和華垂顧約百，聽其代友祈禱，則復其舊業，較昔倍蓰。約百兄弟姊妹，與素相識者，俱至，同食於其家。聞耶和華降災，則解其憂，慰其心，各饋金一環。嗣後耶和華錫嘏於約百，福祉較昔尤盛，獲羊一萬四千，駝六千，牛一千，羈牝驢一千，生七子三女。孟女命名耶米馬，仲女命名基洗亞，季女命名基連哈僕，俱有殊色。天下罕匹，與諸子共承父業。嗣後約百享壽一百四十年，目見子孫四代，年邁考終。

詩篇

第一篇 惡者之謀兮弗從，罪人之途兮弗蹤。侮慢之位不居兮，福祉來降。以耶和華之律法為悅，思之維之，夜以繼日。譬彼林木，植於溪旁，隨時結果，其葉青青，百事允臧。維彼惡者，猶之粃糠，為風飄揚。被鞠兮無攸利，不得與義者聚。耶和華兮，作善者悅納，不善者喪亡。

第二篇 異邦奮怒，諸民徒謀，奚為哉。列王立羣，伯集耶和華是違，受膏者是逆。曰：不如斷其縶維，解其繯綬。上天之主始哂笑兮，繼震怒，加以譴責，使之戰栗。曰：我沐以膏，立之為王，治理郇山。即我聖崗，受膏者曰：耶和華有命，吾述其詞。曰：爾乃我子，今日生爾，爾惟求我，我以異邦賜爾，暨地四極，為爾所得。叩以鐵杖，毀如陶器。列王宜有慧思，士師順受譴責，宗事耶和華，寅畏虔共，一則以喜，一則以懼。上帝之子，爾當接吻以為禮，恐俄頃之間，赫然震怒，而爾死於途中，恃之者有福兮。

第三篇 大衛避子押沙龍而作。耶和華兮，苦我者多，攻我者衆，維彼有言，謂我不見拯於上帝。然耶和華衛護我躬，使我昂首。耶和華在聖山，維我籲呼，蒙其垂聽。我偃而臥，我寢而醒，蓋我為耶和華所保定。萬人環攻，我無憚焉。我上帝耶和華已批敵人之頰，曾折惡者之齒。今望爾勃然以興，拯救子兮。耶和華普救選民，不錫福祉。

第四篇 此大衛所作使伶長鼓琴歌之。仲我冤兮上帝，昔遭困迫，而爾援手，今求矜恤，願爾俯聞。惟爾世人，藐視我榮兮，尚虛妄而何底。豈不知敬虔之士，為耶和華所遴選，有祈而必聽。宜寅畏，毋違逆，偃息於床以

存想兮，厥口而緘默。惟耶和華是恃兮，行義以為祭。民之多言，謂誰福我兮。予曰：願耶和華色相之光華，於我而普照。余歡然喜樂兮，雖旨酒孔多，五穀繁熟，比之且不足。予安然偃臥，錫我安居，惟耶和華而已。

第五篇

此大衛所作使伶長吹簫和之

耶和華兮，聽我詞。爾垂念于欬歎兮，上帝兮，吾之大君。余有求兮，聽吾祈。耶和

華兮，余清晨籲告，望爾拯救。爾俯聞是禱，維彼罪人兮，上帝不悅，不許同居。行暴兮，爾所遠，品惡兮，爾所疾，誕妄之人，必敗之兮。詭譎殘賊者，必厭之。我蒙厚恩兮，詣爾室，我畏嚴威兮，望聖所而崇拜。我之敵兮，實繁有徒，望耶和華示我以大義兮，導我以坦途。彼敵人心懷惡念兮，口尚虛詞，喉似破瑩兮，舌則詔諛是施。違逆上帝，罪惡貫盈，上帝必降罰，使自罹詭謀，而取其戾。凡恃爾愛爾，蒙爾庇護者，永得喜樂，歡聲而呼。為義之人，耶和華錫以純嘏，施以鴻恩，範衛其身，如護以盾兮。

第六篇

此大衛所作使伶長鼓琴歌之其聲安緩

耶和華兮，勿施震怒，勿加譴責。我身在弱，爾其恤之。我骨戰慄，爾其醫之。我

心畏蕙，爾不援余，將至何時。耶和華兮，拯救我。施爾恩兮，手援我。墟墓間，孰能憶爾。幽冥中，誰克頌爾。我困憊兮，欬歎終夜兮，流涕。幃榻兮，沾濡。仇敵孔多兮，憂心鬱紆。我日衰老兮，面目槁枯。爾曹為惡兮，勿逼處此。蓋耶和華憫我，號泣兮，聞我祈禱，允所求兮。眾敵媿耻，殼棘遁逃兮。

第七篇

便雅憫人古實錄大衛大衛問之因作此歌以祈耶和華

耶和華我之上帝兮，維爾是賴。逐我者眾兮，望爾拯救。恐彼若獅，分裂

百體兮，斷傷四肢。欲援手兮，靡所施。我之上帝耶和華兮，曷敢維惡是作。彼夫夙昔交厚兮，待之

薄無因仇我兮報之酷吾而有是兮任敵蹂躪窘逐沒世而名泯漠願耶和華勃然而興兮莊嚴而臨兮使我之煩冤兮得白使敵之憤怒兮悉平爾居高位兮黎庶咸從四面環立兮聽爾折中爾耶和華其俯鞠兮彰我作善之功上帝無不義兮鑒民衷藏惡則瘴之兮善則彰上帝範衛我躬兮腕誠之士普救之兮上帝秉厥公兮作惡之人日降鞠凶兮彼其之子若由惡終兮上帝曷乃刃挽厥弓備火矢施戈兵維彼惡念是藏詭計是行若婦懷妊而生育兮彼掘坎阱兮自陷其中所謀不軌兮自取戾所爲不順兮喪其元至之上主耶和華兮惟秉大公余頌美謳歌兮靡窮

第八篇

此大衛所作使伶長鼓瑟而歌

耶和華兮吾之主赫赫於天兮巍巍於地爾以赤子乳哺者之口極力以頌揚使仇敵緘口而不張我觀爾所造之穹蒼又星月之輝光世人爲誰兮爾垂念之人子爲誰兮爾眷顧之爾使人子少遜於天使兮後加以尊榮任以督所造之物服萬物於其下六畜百獸飛鳥潛鱗海中百物無不歸其統轄巍巍乎我主耶和華之在寰宇乎

第九篇

此大衛所作使伶長歌之其聲清越

我一心頌美耶和華神妙之經綸余爲之傳述兮至上之主余不禁喜樂謳歌以讚嘆兮爾使我敵敗北蹶其趾淪胥以亡兮爾在位兮秉大公爾聽訟兮伸我冤敗惡黨罰

異邦兮永世塗抹其名兮敵人永亡兮圮其邑墻兮不揚厥名兮耶和華坐其位悠久無疆兮是與非辨之詳兮秉大公以鞠世兮操至義以治民兮屈抑之子範衛之於患難中兮宗事耶和華以之是依兮祈禱耶和華必不見棄兮耶和華居郇邑宜謳歌之而於民間揄揚其經綸兮殺人者必究其罪窮乏者不忘其所兮昔余瀕死耶和華拯之兮今敵苦我望耶和華憫之兮今余得

救忻喜不勝、頌揚爾名於郇門兮。異邦人設坎阱以自陷兮、藏罟網自繞其足兮。耶和華彰彰大
公、有如此兮、作惡之人、祇自取其戾兮。異邦之民、不敬上帝、為惡之徒、必歸暗府兮。窮乏之人、福
祉是望、今雖遐棄、後蒙垂念兮。願耶和華勃然而興、毋許世人獲勝、俯鞠異邦兮。俾其恐懼、自知
為凡民兮。

何患難時、耶和華遙立、弗眷顧兮。惡者驕肆、虐遇貧乏、設謀以陷之兮。飽其欲而自矜、取
不義而自足、於耶和華而欺之兮。惡者驕泰、以為上帝不加考察、而屬於虛無兮。既所為之如志、
復災眚之弗及、所以藐視讐敵兮。以為吾身不遭憂患、子孫不至艱危兮。厥口咒詛、詭詐是施兮。
厥舌謠詠、殘害是為兮。其在鄉黨、匿跡歧途兮。陰害癡獨、私殺無辜兮。彼若獅兮、穴視而耽耽、執
貧民兮、羅網之是張、攫奪之是行兮。遭糜爛、被陷害、弱制於強兮。惡者謂上帝不及知兮。蒙蔽厥
面、永不鑒斯兮。願耶和華勃然而興兮。施厥巨能、毋忘貧民兮。毋使惡人凌侮、謂上帝不加研究
兮。爾實鑒察、灼知殘害、而報之兮。貧民惟爾是賴、孤子蒙爾眷祐兮。作惡者流、願爾摧傷、窮詰厥
罪而弗宥兮。耶和華為君、永世靡暨兮。異邦之民、見絕於斯地兮。貧者上祈、耶和華傾耳垂聽、而
堅其志兮。為孤獨貧乏之雪其冤、不使被逐於斯境兮。

第十一篇

此大衛所作
使伶長歌之

有曰爾當遁逃、如鳥歸岑兮。惡者將挽弓繳矢、私射直躬之人兮。柱石傾頹、義

士孤行兮。不知余惟耶和華是倚、是憑兮。耶和華其位在天兮。居彼聖所、鑒察人民兮。為義之人、
蒙其眷顧兮。刁惡强悍之徒、為其所惡兮。電光閃兮。硫火降、炎颺發兮。報施不爽、耶和華無不義

分，秉大公，俯念兮善氓。

第十一篇

此大圖所作使伶長鼓琴歌之

敬虔忠信之人，見棄於斯世兮，惟耶和華手援是冀兮。彼世人兮，言而不實，

厥口詔諛兮，二三其德。啟口兮諂媚，掉舌兮矜誇，彼其之子兮，見絕於耶和華。彼乃曰：我將舌戰

以勝之，口爲我有，誰能主之。維此貧民，受屈歎歎，耶和華曰：余必勃然而興，手援之兮，不使藐視

於人斯。耶和華兮，其道潔清，煨煉若金，爐火鎔之，七次而成。維彼選民，耶和華祐之，世人加害，耶

和華救之，維彼惡人，以遨以遊，若狂風之驟起兮。

第十二篇

此大圖所作使伶長歌之

耶和華兮，余久爲爾退棄，不復眷顧兮。敵人自詡，余憂思之不已兮，心懸慮而

何底兮。我之上帝耶和華，垂聽我所兮，使余目之復明，免於死亡兮。恐敵人獲勝而自雄兮，見余

傾跌而竊喜兮。余賴爾矜憫，喜爾拯救兮，降福於我躬。余必謳歌之靡窮兮。

第十四篇

此大圖所作使伶長歌之

岷之蚩蚩，謂上帝爲無有，惟惡是作兮。喪其本心，不孳孳而行仁兮。耶和華在

天，遍察民人，欲知其中，可有智慧是具，上帝是欽兮。則皆就邪棄正，未嘗有行善之民兮。維人作

惡，懵然無知，橫噬我民，無異食餅，不向耶和華呼籲兮。耶和華眷祐善人，俾惡者悚然畏懼兮。貧

乏者流，賴耶和華，鮚之衛之，爰有惡人，哂之非之兮。耶和華兮，居彼郇山，願救以色列族兮。反其

俘囚，雅各家必歡樂，以色列族必欣喜兮。

第十五篇

此大圖所作

耶和華兮，孰得陟爾聖山，居爾室兮。所行惟義，坦然平直兮。所言無僞，肫然真實

兮。不背友朋，不誹人兮。不出惡言，辱里隣兮。維彼誕妄兮，則擯棄之。寅畏耶和華兮，則恭敬止，願

既許兮，雖已有損，不易其志兮。不貸人金，重權其子母兮。不受苞苴，害彼無辜兮。凡若此，是以無傾跌之虞兮。

第六

此大國所作

願上帝衛護兮，我惟爾是賴。我告耶和華曰，爾乃吾主兮。我之福祉，皆爾所賚。斯

人遊一

世之人為聖為潔兮，我甚欣喜。人遊上帝，羣奉偶像，惟我不獻血以為祭兮。不稱名而讚頌。

六 猶人曾道玉運必運多樂彼獻血以祭 我得耶和華以為真福。如酒之盈尊兮，所得之福既永且久。爾使之然兮。 爾我不與之併其名不掛諸前兮。

我有嗣業，其業孔美。我得腴壤，畫而為區。耶和華兮，訓迪我衷，中夜心奮，發聲讚頌。我觀耶和華

兮，惟我是親，左右乎我，故不震驚。予心欣喜，載歡載忭，惟我此身歸土有望。以爾不遺我魂於陰

府，不俾爾之恭人朽於黃土。維爾示我，其道永生。在爾之前，欣喜不勝。在爾之右，其樂以恒。

第七

此大國所作

耶和華兮，子言不偽，願白余冤，俯聽我祈。余在爾前，望爾鑒察兮。為我折中，定

其是非兮。爾試余心，中宵鑒斯，煉余若金，不可譏斯。心與口應，靡不符斯。世多強暴，余從爾令。彼

人所為，不效其行。余遵爾道，如隕如越。維爾是望，子扶予翼，籲呼上帝。上帝垂聽，傾耳俯聞。俯聞

予聲。凡恃爾者，爾恒援之。敵人戕彼，爾既免之。望為鴻恩，於我施之。願爾護我，若守眸子。願爾翼

我，若鳥伏雛。勿受惡人之虐遇兮。勿遭勁敵之環攻。彼體胖心痴兮，厥口矜誇，睚眦其目。阻吾行

兮。將顛越之子，加彼若獅兮。欲我是噬，若稚獅兮。耽耽穴視，耶和華兮。勃然而興，突如其來兮。譴

彼災覆，加以以利刃兮。救我於敵人。耶和華兮，手援拯我，斯世害予兮。爾其免我，乃彼至今兮。反

得福祉，富有兮。豐亨，寔昌兮。寔熾，業遺於子孫。惟我行義，望爾榮光，其興也勃然。克覩爾面，則余

之願盈焉。

第十八篇

耶和華拯救其僕大衛脫於非利士人之手
故大衛作此詩頌讚耶和華使伶長歌之

我惟耶和華是賴，敬愛之兮。耶和華如崗巒，如衛所，以拯

救我兮。上帝如高臺峻嶺，我倚賴之兮。我藉彼如干，以自衛兮。我恃彼如角，以望救兮。惟耶和華

當頌美兮。我曾籲之，拯我於敵兮。欲殺我者，若絆之繞兮。余懼惡人，譬彼行潦兮。幽冥之困苦，繞

身兮。死亡之機檻，前陳兮。我遭艱苦兮，不禁籲告，祈我上帝耶和華兮。聲聞於上，彼自宮中，俯聽

禱兮。上帝盛怒兮，大地震動，山嶽搖撼，烟從鼻生兮。燄自口出，炭以之燃兮。彼擊天雲而臨格兮，

其足下幽深而玄遠兮。乘嗟啞啞，以奮飛，藉風爲翼而翱翔兮。以晦冥爲宮，以變黓爲幃兮。與雲

而雨雹，電閃而炭燃兮。至上之耶和華，自天起雷，發其洪聲兮。電閃雹降，炭以之燃兮。電閃如矢，

衆敵敗北兮。耶和華叱咤而噓氣，見地基，露海底兮。彼自上而舉手，水中而援我兮。敵我者強悍，

憾我者剛愎兮。惟耶和華之拯予兮。臨難之日，敵軍突至，惟我所恃，耶和華而已。緣我見悅於彼

兮，故特加援手，導我至安閒之地兮。視吾義而賞賚兮，見我潔而報施兮。予恪守其道兮，弗敢作

惡，違我上帝兮。予恒遵其典兮，日不忘其禮儀兮。我立其前兮，德無不備，兢兢自守，勿敢失墜兮。

所以視我義而賞賚，見我潔而報施兮。仁者爾賞以仁兮，義者爾報以義兮。潔者爾酬以潔兮，逆

者爾反以逆兮。困苦者爾援以手兮，矜高者爾降其格兮。耶和華我之上帝，有若明燈，燭余於幽

暗之際兮。我賴上帝，趨入敵軍，乘彼坵垣兮。上帝耶和華兮，其行也德無不備，其言也若金，燬煉，

賴之者得其範，衛兮。耶和華兮，我之上帝，無所不能兮。其外無他，上帝賜我能力，俾我道平直兮。

令我足甚疾，趨行若塵，升我於崇邱兮。教我戰鬥，手挽銅弓兮。爾範衛我，拯救我，扶翼我兮。秉性溫良，使我爲大兮。爾寬我所履之地，致無失足之虞兮。我追及敵人，不至殲滅，不旋轅兮。我攻擊之，使仆足下，一蹶不振兮。爾賜以膂力，能於戰鬥，使逆我者敗亡兮。俾我勝寇敵，滅仇讎兮。彼求助於人，不見援兵，籲耶和華而弗之應兮。我細擣之若塵沙，任風飄揚兮。又棄之若衢路之泥兮。民相爭，爾援我兮。他邦之族，使我長之兮。未識之人，使我投之兮。外人聞名而歸順，甘言以悅我兮。異邦之人，其衰兮。喪膽棄險而不守，耶和華兮。全能之主，永生之上帝，彼援我兮。予當頌美兮。上帝代我雪冤，使民來附兮。強悍者逆我，爾乃救我升我兮。異邦中，予頌美耶和華，謳歌其名兮。予大關兮。受彼膏沐，立我爲王兮。蒙其拯救，恩及孫子兮。永世靡暨。

第十九篇

大關所作便
伶長歌之

上帝兮。上天彰其榮光，穹蒼顯其經綸兮。永朝永夕兮。仰觀其象而知之兮。天

無言而有言，無聲而有聲兮。不言之言，布於宇內，無聲之聲，聞於地極，日麗於天，居次舍兮。若新娶者，出於房兮。若勇士之喜馳逐兮。出自天涯，至於地極，煦燭萬有兮。耶和華兮。其律全備，可以蘇困兮。其法真實，可以破愚兮。其命正直，可以悅志兮。其誠純潔，可以發矇兮。其道至清而至久兮。其典至公而至義兮。較金尤貴兮。雖兼金之豐饒，亦無足比兮。較蜜尤甘兮。雖蜂房之滴瀝，亦不能擬兮。我爲爾僕，得此兮。爲儆戒，守此兮。爲大賚，人有過失，孰能自知兮。苟愆尤之誤犯，願赦宥之。予加兮。驕肆者流，毋使其誘余，而余效其尤兮。予則爲義，不蹈重愆兮。全能之救主耶和華兮。予之言予之意，請爾悅納兮。

第二十章

此大衛所作
使伶長歌之

我王兮患難時，願雅各之上帝耶和華眷顧爾，護禦爾兮。彼在聖所，為爾輔翼兮。彼在郇城，補爾精力兮。念爾禮祀，納爾燔祭兮。從爾所願，遂爾所欲兮。耶和華兮，拯救是施，聽爾所祈兮。予也歡然兮，建彼旌旆，頌讚上帝兮。我知沐以膏者，耶和華必救之兮。耶和華在天，居彼聖所兮。聽爾所祈，施其力，援以手兮。維車維馬，人所賴兮。上帝之名，予則稱揚之兮。彼則有傾跌兮，余則能自立兮。願耶和華拯救我王，聽予禱告兮。

第二十章

此大衛所作
使伶長歌之

耶和華兮，爾施大力，拯救我王。王喜不勝兮，其心所欲，爾從之兮。其口所祈，爾聽之兮。錫以繁祉，冠以金冕兮。爾聽其祈，賜之遐齡，國祚綿長兮。既拯救之，孔加遂尊榮之。丕著兮，錫永福而加眷顧，使其欣喜兮。至上之耶和華兮，王之所恃，蒙其恩寵，不隕越兮。維彼敵人，為王所獲，憾汝之徒，為爾所執兮。耶和華怒而滅之兮，王亦怒投諸火爐而燬之兮。盡夷其族，靡有孑遺兮。彼謀不軌，厥計不成兮。王挽弓射之，使敗北兮。耶和華兮，施其力，當頌美之。我將謳歌以祝之兮。

第二十章

此大衛所作
使伶長歌之

我之上帝，我之上帝，何以遺予，何不聽我籲呼，而救我躬兮。上帝兮，我盡籲告兮，不蒙垂聽。夜祈禱兮，不獲綏安。惟爾至聖兮，以色列族頌美之兮。我之列祖，惟爾是賴。蒙爾拯救兮，彼籲爾而得援手兮。彼賴爾而不貽羞兮。彼世人兮，視予若蛆，不齒於人類。為眾所凌辱，所藐視兮。見予之人，必加戲笑，張吻而搖首曰：彼恃耶和華，若耶和華悅之，今必見拯。子曰：上帝兮，爾使予生於世，乳哺之時，惟爾是賴兮。予既誕生，托身於爾，視爾為我之上帝兮。今患難迫

切、援手無人、爾勿遐棄兮。健牛成羣、至自巴山、四面環集兮。其口孔張、吼似猛獅兮。予不覺戰、而骨若散兮。氣之餒也、如水之流、蕩兮。心之怯也、若蠟之消、融兮。精力日以衰、如陶器、噴火而燥兮。齟閉舌卷、命臨死地兮。梟獍圍我、惡黨環攻、傷予手足兮。予骨露立、歷歷可數、爲人輕覬兮。分我外服、圖我裏衣兮。耶和華兮。予惟爾力是恃、毋我遐棄、速至而援手兮。使我不蹈利刃、而脫生命於梟獍兮。獅口欲噬予、爾拯救兮。兕角欲抵予、爾垂聽兮。故我播爾名於兄弟間、頌爾於會中兮。曰耶和華兮。敬虔之士、當頌美之、雅各子孫、必揄揚之、以色列後裔、必寅畏之、貧乏者流、祈禱耶和華、蒙其俯聞、弗爲藐視、不見厭惡、不被遐棄、大會之中、我讚爾名、敬虔者間、我償其願兮。貧乏之人、必得食而果腹、崇事耶和華者、必頌讚而恒樂、地之四極、咸宗此理、歸耶和華兮。異邦民人、俯伏主前兮。大權操自耶和華、誠萬國之主兮。席豐履厚者、必崇事之兮。困苦瀕死者、必拜跪之兮。若子若孫、供役耶和華、世世相沿、頌揚其大義、稱述其經綸。

第二十三篇

大衛所作

耶和華爲牧兮。吾是以無匱乏兮。使我伏芳草之苑、引我至靜水之溪。蘇吾之

困憊、導我於坦途、以副其仁慈兮。爾以杖扶我、蒙爾之佑、故游陰翳而不驚兮。爾爲我肆筵設席、沐我以膏兮。予之疊盈兮。使敵之目覩兮。我得恩寵福祉、畢生靡窮兮。耶和華有室、爰居爰處、日久月長兮。

第二十四篇

大衛所作

大地萬有、耶和華主宰之兮。肇基址於海中、立四維於淵際兮。耶和華兮。爾有

山崗、孰能陟之、爾有聖所、誰其立之、手惟潔、心惟清、不虛誕、不妄誓兮。則上帝耶和華拯之救之、

純嘏錫之，凡求雅各之上帝者，其效如此。當闢古昔之門，尊顯之王是入。尊顯之王云何，曰：戰而必勝，巨能大力，維吾之主耶和華是已。當闢古昔之門，尊顯之王是入。尊顯之王云何，曰：萬有之主耶和華，是尊顯之王兮。

耶和華兮，余中心瞻仰兮。我之上帝，余惟爾是恃兮。毋使敵凱歌，毋使子媿恥。惟爾企望兮，不至貽羞，謀爲不軌兮。適足增媿，耶和華兮，導我以遠，循遵爾之大路兮。余恒望爾兮，蒙爾拯救，爾導子以真理兮，而訓誨之子加，爾存心矜憫，自古爲昭兮。茲將求爾眷念兮。耶和華兮，余也壯時作惡，願毋追念，爾也矜憫爲懷，請惟子之繫戀，耶和華無不善，無不義兮。導彼惡人歸於正道兮。溫良之士，必導以義，訓以理兮。設有人守約遵法兮，耶和華必待以理，施以恩兮。子罪孔多，願耶和華特加赦宥，彰爾仁慈兮。寅畏耶和華兮，必蒙訓迪，遵當由之道兮。身享綏康，子孫得土兮。寅畏耶和華，心與之交，耶和華必示以真理兮。余恒仰耶和華，故足脫於網罟兮。嗟子獨望爾，矜憫眷顧兮。憂心孔殷，尙其拯子於困苦兮。悲痛不勝，望爾俯念，尙其赦子之罪惡兮。仇敵衆多，咸痛心而唧噥，望爾垂鑒兮。願爾吾拯兮。子惟爾是賴，毋令子媿恥兮。子品行純良，孳孳爲義，企望維殷，願爾保佑兮。願上帝手援以色列族，出於患難兮。

耶和華

此大篇所作

子品行純良，望耶和華鑒我兮。我恃耶和華，毋致子有失足之虞兮。願耶和華

察子試子，鍛煉子心，若金兮。子體爾仁慈，從爾真道兮。不與惡人居，不與妄人交兮。子痛疾惡黨，杜絕匪類兮。我必盥手以示無辜，而詣耶和華臺前兮。揚爾聲名，述爾神蹟兮。耶和華兮，爾居處

之室，子愛之兮，爾榮光之地，余尊之兮。勿視我等於罪人，而與殘賊者同科兮。彼染污俗，受賄賂兮。子品行純良，望爾眷顧而拯救兮。我獲安居，在會中頌美耶和華兮。

此亦大
四所作

耶和華兮，賜子光明福祉，余何慮兮。扞衛我躬，子何懼兮。作惡者流，為子仇敵，

欲噬我肉，今蹶其趾，淪胥以亡兮。維彼軍旅，列陣環攻，子不懼兮。雖與干戈，子有賴兮。子有願欲，不舍其求兮。求子畢生，耶和華之室是居兮。瞻仰其容，在聖所而思慕兮。子臨患難兮，彼藏子於帷幕，匿余於密室，若處重巖兮。敵人環攻，子克之兮。故權呼踴躍，獻祭於聖所兮。謳歌頌祝，讚美耶和華兮。耶和華兮，望爾施恩，垂聽我所兮。求主恩澤，爾所命兮。余憶斯命而爾求兮。毋怒我而棄子如遺兮。上帝既援子於往昔，願勿絕子於來今兮。父母遺子，耶和華扶子兮。仇敵陷子，求耶和華引我於康莊，導我於坦途兮。妄證之人，誣子虐子，勿遂其謀兮。我尚存兮，必沐耶和華恩施。是子所知兮。凡爾世人，當毅然賴耶和華兮。耶和華必強乃志，宜賴耶和華兮。

大調
所作

全能之主耶和華兮，我籲呼於爾，毋我退棄，如不我聽。子恐與就墓之人等兮，

子向爾聖所而舉手呼籲於上兮。請爾俯聞，毋擯子同於惡人兮。彼與同儕言則甘心，則險兮。當罰其惡，視所為而報之，以彼所行加諸其身兮。耶和華之彰輝，彼不以為意兮。宜覆滅之，必加無振興之堪期兮。耶和華垂聽我所，子當頌讚之兮。耶和華畀子能力，範衛我躬，子賴之而得救兮。故中心欣喜，不禁謳歌兮。耶和華以力賜民，沐以膏者，特手援之兮。拯爾選民，錫以純嘏，牧之扶之，歷此勿替兮。

第十九篇

此亦大國所作

天使以尊榮能力歸於耶和華兮，彰著其名於至聖之明宮，而崇拜之兮。耶和華輝光之上帝兮，行其轟雷聲，聞波際兮。其聲霹靂雄壯兮，利巴嫩之栢香木為其所折兮。利巴嫩西連之二山為之搖撼，如憤如兇，忽踴忽躍兮。轟雷既行，電光忽闕，迦鐵山野為其所震，雷發聲兮。麀鹿生子，林木折枝，在彼聖所，無不頌揚兮。耶和華在波之際，永世為王兮。佑助選民，厚錫平康兮。

第二十章

大國之宮告成而作此詩

維耶和華拯救之子加兮，不使敵人獲勝而喜兮。予必頌美爾兮，我之上帝耶和華兮。我籲於上，爾寥子疾兮。令子將死而得生兮，免子歸墓，陰府之不臨兮。爾曹虔士，頌美耶和華兮。念其為聖，因而感謝兮。其怒不過俄頃，彼加子恩，藉以得生，雖夤夜而哭泣，朝來則有歡聲兮。予享平康之時，自謂永不傾跌，耶和華施恩兮。國祚鞏固，有若山嶽，爾乃遐棄予兮。穀疎之不勝，我呼耶和華而籲於上曰：子也被殺歸墓，何益之有。一坏之土，安能頌爾名，稱爾道兮。願耶和華俯聞，矜憫而助予兮。蒙爾之祐，變哀哭而踴躍，易齊衰而吉服兮。使子謳歌不輟，謝我之上帝耶和華，永世靡窮兮。

第二十一章

大國所作使伶歌之

耶和華兮，余惟爾是恃，爾其拯余，彰爾仁義，毋使子媿恥兮。爾俯聞我所，而速援予，爾其保護，若巖穴，若衛所兮。爾誠護我，若巖穴，若衛所兮。求爾循循善誘，彰爾仁慈兮。人設網罟，以陷予兮。爾其援予，予惟爾力是賴兮。上帝耶和華兮，真實無妄，爾曾救予，我神托爾兮。崇事虛無者，我所深憾兮。我所恃者，耶和華兮。昔遭患難，蒙爾垂顧兮。得沾恩寵，忻喜不勝兮。爾

不令我禁錮於敵人，導我至安閒之地兮。今也予心鬱紆，腹枵目眩，願耶和華矜憫爲懷兮。予悲痛而歎歎，將畢我生，予罹災害，力盡骨枯兮。維彼敵人，姍笑予兮。隣里友朋，畏我而遠予兮。衛人見我而遙避兮。彼視我猶死人兮。棄予若敝物兮。予聞衆民之訕謗，欲設謀而殺予，予隨在而驚惶兮。耶和華兮，予以爾爲我之上帝，故惟爾是賴兮。余之禍福，咸爾所定，彼世人兮，寇讎子，驅逐子，望爾援手兮。願爾色相光華，照我護我，以彰爾之仁慈兮。我籲耶和華，毋使子媿恥，使彼惡人懷羞兮。俱歸暗府而無語兮。彼僞爲者，言誕妄，行矜誇，欲害義人兮。當令其絨默兮。亦有人兮，維爾是畏，維爾是賴，福祉崇隆，衆目瞻仰，有謀害之者，爾藏之於密室兮。有辯駁之者，爾匿之於帷幕兮。耶和華施恩迥異尋常，扞衛我躬，猶之城壙，當頌美之兮。子率爾以吐詞，見絕於爾前，乃籲於上，爾則俯聞。爾曹虔士，敬愛耶和華，蓋誠信者，彼衛之兮。驕泰者，彼罰之兮。凡爾世人，當毅然賴耶和華，耶和華必堅爾心志兮。

第三十二篇

此大衛所作
以訓誨其民

人得赦其過，而蓋其愆者，福兮。人不爲耶和華所罪，其心無僞者，福兮。我不

言己罪，終日歎歎，筋骨漸衰，爾朝夕譴我，精氣漸涸，有如夏日，嘆其乾兮。我自任厥過，不匿己非，籲耶和華曰：我任罪於爾前，爾則赦宥兮。因此敬虔之士，於見納之時，禱告於爾，即使洪水泛濫，災不及身，予邁患難，爾範衛予，使我得救，故予謳歌而不禁。敬虔之士，我將教爾，導爾於當由之途，我將願爾，訓迪爾衷，勿效驕馬之無知兮。彼爲人繫以繁纒，勒以轡環，否則不能馴從兮。惡者多憂，恃耶和華者，其沾恩必周溥兮。善人兮，念耶和華之恩，以悅以娛，義人兮，載歡載呼。

第三十三篇 維爾善人頌美乎主，無不合宜兮。故爾義人當念耶和華之恩，懽然欣喜兮。爾曹鼓琴，操十絃之瑟兮。或謳或歌，讚美耶和華兮。謳新歌，善鼓琴，咸歡呼兮。蓋耶和華其道無不善，言無不行兮。以秉公行義爲樂，仁澤溥於天下兮。耶和華兮，命甫頒而穹蒼受造，言一出而天象羅布兮。使彼海水匯於一區，藏於深淵兮。耶和華兮，天下當寅畏之。億兆當敬凜之兮。主曰：宜有物，則有物，宜奠定，則奠定兮。異邦人設謀，耶和華敗之，使計不成兮。耶和華之旨永在，其意不易兮。以耶和華爲上帝，上帝以之爲民者，福兮。耶和華在天，俯察人民兮。居彼聖所，遍覽億兆兮。彼造人心，鑒觀其行兮。王有軍旅，不得拯救，士有勇力，不能自護兮。雖有良駒，不能避害，雖有健馬，不能援人兮。寅畏耶和華，望其矜憫者，必蒙垂顧兮。免於殺戮，救於饑饉兮。我儕惟耶和華是望，彼眷祐範衛我兮。子賴其聖名，忻喜不勝兮。耶和華兮，願爾垂憐，副余仰望兮。

第三十四篇

大國在亞庇米勒前伴
狂見驅而去乃作此詩

我頌耶和華，揄揚不已兮。耶和華兮，子讚美之，困窮之人，聞子言而

欣喜兮。爾曹良朋，與我同聲，稱耶和華之德爲大，頌耶和華之名爲尊兮。我求耶和華，蒙其俯聞，我所懼者，不及吾身兮。困窮之人，望耶和華，得其燭照，不致貽羞兮。我亦貧乏，籲耶和華，蒙其垂聽，援於患難兮。耶和華之使者，四周列營，以拯敬虔之士兮。耶和華無不善兮。爾試賴之，賴之者，蒙其錫嘏兮。聖潔之民，寅畏耶和華，畏之者無匱乏兮。維彼稚獅，或乏食而飢，求耶和華者，百福來同兮。爾小子聽之，我將以畏耶和華之道示爾兮。欲享遐齡，納多福，必也捫汝舌，勿出惡言，緘汝口，勿道詭詐，棄惡歸善，和衷共濟。耶和華青睞義人，俯聞其祈兮。作惡者流，則震怒之，不許垂

名後世兮。敬虔之士，籲呼於上。耶和華垂聽，援於患難兮。中心痛悔者，必佑之救之兮。義人多難，耶和華無不援手兮。全其百體，一骨不折兮。禍及惡人，致於死亡。唧憾善人，徒取罪戾兮。耶和華必拯其僕，恃之者必不受罪兮。

第三十五篇

大圖

所作

有人焉，擾我攻我，望耶和華轉而擊之兮。當執干戈，祐子勿緩兮。持戟扞敵，慰

子曰：我爲爾之救主兮。彼設謀以害子，欲子命之喪亡。願其失志敗北，悚然駭懼兮。願彼遁逃，猶之糝糠，爲風飄揚。耶和華之使，俾其隕越兮。其途幽暗，滑而難行。爲耶和華之使驅逐兮。彼無故掘阱，以陷我。陰設網罟，以罹我兮。願彼猝然遭難，所設之網，適以自罹。所施之謀，反以害己兮。耶和華救我，子是以忻喜兮。貧乏之士，強者虐之。蒙耶和華援手兮。我殫心畢志，謂耶和華誠無可比擬兮。妄證者誣子，以我所不自知者，深加詰責兮。以惡報善，使我熒然立兮。彼有疾，子衣麻禁食，哀痛迫切，低首祈禱兮。若喪兄弟友朋，若母死，爲之哀慼。匍匐不起兮。子也遭難，彼衆咸集，權然以喜兮。謾謗沸騰，背子而置，靡有底止兮。狂妄之徒，鬻發而姍笑。唧憾而切齒兮。主旁觀而不拯，將至何時，願爾救我於死亡。脫我於獅口兮。大會中必讚爾，億兆間必頌爾。彼兮爲子仇敵，唧憾實深，皆出無因。勿使其克子而欣喜，勿使其白眼而藐視兮。彼口不出良言，安居樂業者，爲其詭謀所害兮。矢口則曰：吁哉，咄哉。我目見爾受害兮。主耶和華兮，爾鑒察之。莫子不聽，毋子遐棄兮。我主我之上帝，勃然而興，爲我伸冤兮。我之上帝耶和華兮，秉大公爲我折中，毋使子爲敵所勝兮。毋使彼自鳴得意，肆其吞噬兮。彼欲尊己而凌子，幸子有災，當使之自蒙羞惡，駭懼不勝。

兮望我獲勝之人當忻喜歡呼見耶和華以福祉加于恒頌讚之兮子亦稱爾義頌讚靡已兮

第三十六篇

耶和華僕大衛所作使伶長歌之

惡人所爲我見之兮謂其心目中不畏上帝兮其惡可疾彼乃厭然謂

無能發其覆兮所言詭詐不順道不行善兮彼偃息在床猶謀不軌立於惡地有過不耻兮耶和

華兮爾之仁慈上及穹蒼爾之誠實高及霄漢兮爾之公義如高山爾之法度如深淵兮爾祐人

民恩及禽獸兮上帝兮維爾仁慈至真至貴人蒙爾祐爲爾覆翼兮彼居爾室爾爲肆筵備極豐

腴如江如河兮永生之源操之自爾爾有輝光燭照乎我兮誠懇之人敬愛乎爾願爾恒施以仁

兮勿使驕者虐遇我惡者搖撼我兮作惡者隕越至於喪亡不復振兮

第三十七篇

大衛所作惡者流反居顯要毋懷不平毋生豔羨兮

彼如蒿萊不日芟刈彼如草花轉

瞬凋零兮富賴耶和華以行善然後得居斯土而快足兮爾惟耶和華是悅彼聽爾祈兮爾以百

事付諸耶和華惟彼是賴故萬事熙兮揚爾之善如光始耀彰爾之義猶日方中兮惟耶和華是

賴望其庇佑兮惡者亨通謀爲得成爾心毋爲不平兮勿懷怒勿蓄怨勿不平恐蹈罪愆兮惡人

必見絕望耶和華者必得土兮俄頃間惡人歸無有兮一過覽其地已爲墟兮秉性溫良者必得

其地多享平康兮惡者欲害義人啣憾而切齒兮主鑒惡人知患難之將至而晒之兮惡者拔刃

張弓欲害貧乏欲戮善良不知其刃反貫其衷而折其弓兮義人所有雖微惡人貨財雖富美惡

不足以相較兮惡者必折其肱義者必蒙扶翼兮德備之人耶和華眷顧其業永存兮臨禍之日

彼無媿恥饑饉之時彼亦果腹兮作惡之人爲耶和華仇必致死亡如佳卉凋零如烟燄散滅兮

惡者貸金而不償，善者懷仁而相施兮。耶和華所祝者必得土，所詛者必見絕兮。善人所爲，耶和華祐之喜之兮。雖顛趾而不致傾危，蓋耶和華扶之翼之兮。義人遺棄其裔，丐食我幼而老，未嘗見之兮。彼懷人以仁，貸人以金，其裔納福兮。棄惡從善，恒得安居兮。耶和華行善之人是悅，敬虔之士不遺，而使之永存兮。作惡者流，必絕其嗣兮。義者得土，恒居勿替兮。彼所雅言，惟道與義兮。上帝之例，藏之於心，故無失足之虞兮。惡者覬間，欲殺善人兮。維彼善人，耶和華不之遐棄，而加以罪兮。爾曹宜耶和華是望，其道是守，彼則升爾於高，俾得斯土，惡人之見絕，爾所目覩兮。我見惡者強暴，蔓衍葱蘢，若茂樹兮。曾幾何時，其人已非，不得其所兮。不見仁義之人，平康終吉兮。作惡者流，同歸於盡，至終見絕兮。耶和華昔救善人，患難時必援手兮。善者惟耶和華是賴，故蒙保祐，不爲惡人所害兮。

第三十八篇

大衛王所作
念而作此歌

耶和華兮，勿震怒子，譴責子，利鏃射子，重災降子，爰爾震怒我，體不痊，因子

罪戾，我躬弗安，我罪孔多，如水滅頂，任重難負兮。子因妄爲而遇重傷，肉臭膿流兮。我躬拳曲，終日殷憂兮。腰骨如炙，百體不痊兮。力衰而糜爛，心憂而欬歔兮。祈於主前，時聞歎息之聲，我心忡忡，力疲目昧兮。親戚友朋，見我傷而遙立兮。彼其之子，設詭計以害子，用譎謀而陷子，終日營營兮。我不言不聽，如聾如啞兮。我置若罔聞，弗加詰責兮。禱曰：耶和華我之主，我之上帝兮。我惟爾是望，爾其俯聞兮。恐子傾跌兮，敵人誇詡，欣喜不勝兮。子幾隕越，懷憂靡已兮。我自言其罪，有過必悔兮。維彼敵人，勇毅強悍，憾子者衆，出於無因兮。我惟從善，敵以惡報兮。我之上帝，耶和華毋

退棄子，毋遠離子兮。我之救主，拯我勿緩兮。

第三十九篇

大衛所作使伶長耶士頓歌之

子飭我躬，謹我行，不以舌取戾，惡人在側，當箝口而慎言兮。子緘默無詞，

雖有昌言，不敢啟齒，惟懷憂兮。中心默想，如炙如焚，不禁大放厥詞，曰：耶和華兮，以我身之終，在

世之日，指示於我，俾知生命之靡常兮。子之生命，廣約一掌，自爾視之，一若無物，人雖完體，實則

氣而已，各人所為，無非捉影，誼譟徒勞兮。積累財貨，不知孰得兮。我望伊何，實惟主兮。援我於罪，

勿使惡人侮子兮。爾既降災，我默不語兮。爾手責子，求爾免之兮。爾罰人罪，其所珍貴者，悉廢之，

如衣被蠹兮。凡此世人，實則氣而已，耶和華兮，俯聽我祈，垂聞我籲，我既涕泣，援我勿緩兮。我為

賓客，旅於爾土，無異列祖兮。請爾舍子，庶可少息我力，然後長往不返兮。

第四十篇

大衛所作使伶長耶士頓歌之

我惟耶和華是賴，彼傾耳聽我所兮。救我於深淵，出我於淤泥，使我固立，若處

重巖兮。於是我歌新詩，讚美我上帝，眾見而寅畏，惟耶和華是恃兮。凡恃耶和華，不從驕泰，偽為

者，福兮。我之上帝耶和華兮，爾之異蹟，佑我甚衆，述之惟艱，言之不可勝數兮。爾不欲以牲牲祭

祀，不喜燔祭以贖罪，爾詔告，我聽命兮。我曰：典冊載我，我自降臨，上帝有旨，我樂從兮。爾之律法，

銘刻於心兮。我於大會中，彰爾仁慈，我不敢隱，耶和華所知兮。爾之仁慈，我為昭宣，爾救人民，真

實無妄，子播揚於大會中兮。耶和華兮，溥爾仁慈，施爾矜憫，真實無妄，恒祐子兮。禍患切身，不可

勝計，罪惡貫盈，不敢翹首，擢髮難數，使子喪膽兮。耶和華兮，援子勿緩兮。有設詭謀，害子生命，當

使之蒙恥兮。有幸子之遭難者，當使之駭而奔兮。有謂子曰：吁哉，咈哉，爾當使彼愕然，子立以報

斯譬兮，大祈求爾者，當權然忻喜兮。樂爾援手者，當頌耶和華靡已兮。惟我貧乏，望主眷顧兮。上帝祐我，援我，毋遲毋緩兮。

第四十三篇 大國所作使伶與歌之 眷顧貧乏者福兮。彼遭患難，耶和華救之兮。保護其生，亨通斯土，勿使敵人

得遂其謀兮。雖病臥床第，耶和華扶翼之。病劇之時，治其衾裯兮。我曰：耶和華其矜憫子。子蹈罪愆，爾其醫子兮。敵人幸我遘難，欲我短折，而名不稱兮。敵人來見，其言甚甘，其心實險。出而揚子之短兮。維彼仇讐，切切私語，設計以害子兮。見我臥床，謂受惡報，不復振兮。我之友朋，子所恃兮。乃與我共食，舉踵蹠子兮。耶和華兮，矜憫我躬，使我復振，而報之兮。敵不獲勝，我知沾爾之恩兮。爰予行善，為爾扶翼，恒眷子兮。以色列族之上帝耶和華，當頌美之，永世靡暨，心所願兮。

第四十二篇 此詩因調也哥喇子孫而作使伶與歌之 我一心仰慕上帝，猶鹿渴慕溪水兮。子也，中心如渴，慕永生之上帝兮。

不識何時，得造其前兮。人恒詰我：上帝何在，子也忘食，盡日飲涕兮。惟我在昔，與眾和會，忻喜鼓舞。徐行詣殿，以守節禮兮。今也不然，困苦難堪兮。我何拳曲不勝，中心不安，仰望上帝，必得眷祐。而頌美之兮。子今在約但河濱，黑門地，米薩山，中心屈抑，追念上帝之恩兮。山雷奔赴，其聲嘈喧。源源而來，勢欲淹子兮。越在曠昔，耶和華錫子以恩，子朝夕作歌以頌之兮。今籲救我生命之上帝，曰：我之上帝，如我崗巒，何遺我兮。何為敵人虐我，使子殷憂兮。仇讐傷子，害同折骨兮。彼恒侮子曰：爾之上帝安在兮。我何拳曲不勝，中心不安兮。當仰望我之上帝，必得眷祐，而頌美之兮。第四十三篇 民俱不仁，詭譎殘賊兮。予望上帝，伸我冤而援手兮。上帝兮，爾素祐子，今何棄子如

遺敵人暴虐，使我殷憂兮。爾之燭照，眞實無妄，以之導我至於聖山，入爾聖室兮。予念上帝，忻喜不勝兮。至彼臺前，鼓琴頌讚我上帝兮。我何拳曲不勝，中心不安兮。當仰望我之上帝，必得眷佑而頌美之兮。

第四十四篇

此詩因調述哥倫子孫而作使伶長歌之

上帝兮，粵若古昔，爾行異蹟兮。維子列祖，傳之於子，子聞而知之兮。爾

施大力，降災於異邦，而驅逐之兮。爾使選民安居厥所兮。斯民得土，不恃戈兵，不藉人力，乃爾巨力大能，眷顧而祐之兮。上帝我之王兮，雅各之族，願爾救之兮。我蒙爾祐，維彼敵人，我得而觚之兮。我恃爾名，維彼寇讐，我得而踐之兮。弓矢利刃，我不恃之以自救兮。爾援我於敵，使憾我者媿恥兮。上帝兮，我平日爰爾忻喜，頌爾名靡暨兮。今爾棄子如遺，不佑我軍旅，使子貽羞兮。使我敗北，爲敵所劫兮。散處於異邦，見噬若羣羊兮。爾不佑我，如繫選民，雖得價值，於爾無所加兮。隣里凌辱子，同居姍笑子兮。異邦人作歌譏刺，搖首以欺子，皆爾所使兮。子聞仇敵欺侮子，凌辱子，終日媿恥，自蒙厥面兮。我遭此艱，不敢忘爾，不敢背約兮。中心不違，不棄爾道兮。爾加以重傷，野犬環繞，陰翳蔽目兮。我之上帝，子不敢忘，異邦之上帝，子不敢禮兮。上帝鑒察人心，豈不灼知乎。此兮。我緣爾終日見殺，如羊就死地兮。耶和華兮，勃然而興，毋若假寐，毋我遐棄，日久而月長兮。奚棄子如遺，不顧我憂患兮。我躬拳曲，不勝匍匐兮。願爾勃興，以手援我，彰爾仁慈兮。

第四十五篇

人作此詩明其敬愛之心以頌述哥倫子孫使伶長歌百舍花之瑟歌之

吉祥之語，汨汨其來，爲王作歌兮。我掉舌以吐詞，猶繕寫之

揮毫兮。王兮，爾較世人，尤爲美兮。口出嘉言，上帝視汝，永世靡暨兮。有能之傑士兮，腰懸利刃，彰

爾尊榮兮，乘車顯赫，惟仁義與信是佑，有戰必勝，使人畏懼兮。爾鏃甚利，勝異邦人，刺敵之心兮。上帝兮，爾之有位，永世靡暨，爾之國柄，則合乎義兮。爾善善惡惡，故上帝即爾上帝兮。以膏膏爾，以快汝心，俾得尊於爾侶兮。爾衣有沒藥，有蘆薈，有肉桂之香兮。出自象牙之室，鼓瑟鼓琴，使爾忻喜兮。隣國公主，充爾嬪御兮。爾之皇后，立於爾右，以阿妃之金為飾兮。君夫人宜傾耳以聆，悉心以思兮。爾之鄉黨宗族，毋懸念兮。王悅爾容，為爾之主，爾當敬之兮。富國莫如推羅，將饋爾以禮，求爾之恩兮。后居宮闈，尊榮莫加，衣以金織，縱橫相間兮。袞衣繡裳，朝覲君王，侍女相從兮。欣喜歡忭，導至王宮兮。維吾君王，承厥先業，子孫繩繩，分封州牧，治理天下兮。子也頌揚爾名，萬世無疆，兆民譽爾，日久月長兮。

第四十七篇

此詩為所羅門子孫所作，使伶長歌之，其聲清越。

我逢患難，上帝範衛我，扶翼我兮。平陸震動，海島遷移，波濤洶湧，山

嶽搖撼，我弗迷兮。至高上帝，厥有邑垣，中有聖室，河水環繞，小民悅懌兮。上帝在彼，其城不移，上帝祐之，其效甚捷兮。異邦喧譁，列國震動，上帝行雷，天下喪膽兮。萬有之主，雅各之上帝耶和華，祐子衛子兮。試觀耶和華所為，降異災於天下兮。斷弓折戈，車蕪以火，使在寰宇，人不與戎兮。告人曰：當息干戈，以我為上帝，天下異邦，咸欽崇我兮。萬有之主，雅各之上帝耶和華，祐子衛子兮。此詩調迪雅頌子，使伶長歌之。維彼億兆，當鼓掌凱歌，頌美上帝兮。至高之上帝耶和華，有威可畏，為宇內之大君兮。彼使異邦之民，咸來歸附，伏于足下兮。彼愛雅各，簡此腴地，錫我為業兮。耶和華上帝上昇，我歡呼而吹角兮。上帝兮，為我之王，當謳歌而頌美之兮。上帝為寰宇之君，民當作歌。

以揄揚之兮。上帝坐聖位，治異邦之民兮。亞伯拉罕之上帝有民人焉，民牧和會，元戎歸主，稱爲至尊兮。

第四十八篇

此詩訓道哥
喇子孫而作

我之上帝耶和華，居於其邑，在彼聖山，至尊無對，要當崇敬之兮。大君之邑，

在郇山之北，形勢高峻，通國美之兮。上帝端居郇宮，範衛民人，衆所知兮。列王會伐，臨城退避，駭懼疾遁，戰慄不勝兮。彼悚然惶遽，如將燒之婦，大失之舟，毀於颶風兮。萬有之主，我之上帝耶和華，必建斯邑，永世靡暨，昔也僅屬耳聞，今也始能目覩兮。上帝兮，在聖室中，余念爾恩兮。爾公義是秉，聲名洋溢，兆民揄揚，至於地極兮。郇山之人，猶大之民，樂爾彰輝兮。爾曹巡行郇邑，檢點成樓，城垣宮闕，富深長思之，傳於後世兮。上帝兮，我之上帝兮，日久月長，必眷佑子，至死不廢兮。

第四十九篇

此詩爲哥喇子孫
而作使伶長歌之

天下億兆，貧富尊卑，宜聽我言兮。我心惟智是懷，我口惟道是述兮。諺

言隱語，我傾耳以諦聽，鼓琴以詠歌兮。患難之際，仇敵設伏以環攻，我何懼兮。彼恃貨財，誇豐富兮。然生命將絕，雖有密友不能贖之，而上帝錫以齒兮。生命之價，既貴且昂，欲贖無從兮。不能壽世，而體不朽兮。我觀智慧者死，愚蠢者亡，遺業於後兮。揣彼之心，意謂家必恒存，室可垂後，聲名揚於寰宇兮。人爵雖顯，不得永存，猶禽獸之速亡兮。世人所爲，不智孰甚，後人效之兮。瘟滅若羊，蚯蚓曝兮。彼在塚中，形骸喪兮。至於異日，義人勝之兮。上帝待子以恩，將拯余於陰府兮。人有貨財，家以顯榮，毋庸畏彼兮。迫其臨沒，不攜一物，尊榮不隨其身兮。生存之時，以爲獲福，自奉奢靡，人咸欣羨之兮。必返其本，不見光明，人爵雖顯，智慧不具，其亡也無異禽獸兮。

第五十一篇 此詩亞薩所作

其榮光兮，我上帝蒞臨，聿駿厥聲，電閃於前，大風四起兮，布告天地，必鞠其民，曰：維彼選民，獻祭於我，與我立約，使之和會兮，我必鞠之，彰我公義，使在明宮，咸知斯意兮，以色列族，我之人民，宜聽我言，我乃爾之上帝，將督責爾過兮，昔爾燔祭，恒獻禮物，我不以此罪爾兮，爾宅有牛，爾牢有羊，我不取之兮，林中百獸，萬山羣畜，俱屬我兮，曠野禽獸，我所諸悉，天下萬物，咸歸於我，如我載飢，毋庸告爾兮，我豈食牛肉，豈飲羊血，我乃至尊之上帝，爾當獻祭，惟謝我恩，以償厥願兮，患難之際，禱告於我，我爾援，爾我頌兮，上帝語惡人曰：爾何假我律例，藉子聖教，惡訓言而不守，棄我道，其如遺兮，見賊則喜，與同謀，遇姦則結為黨羽，口惟出惡言，舌惟施詭詐兮，謗爾昆弟，毀爾同氣兮，我弗譴爾，遂謂我與人無異，我必責爾，彰爾罪戾兮，爾曹忘我，當思余言，恐我毀爾，援手無人兮，凡頌美予者，彰我之榮，謹飭之士，子必救之兮。

第五十一篇

大圖與披示巴偕遊先知拿單責之大圖悔過而作此詩使伶長歌之

上帝矜恤無涯，憐憫乎我，塗抹我愆尤，洗滌我罪惡，消除我

過失兮，子自言己罪，恒念己惡，我蹈愆尤，獲罪於爾，即責子，爾亦稱義，即鞠子，爾亦為善兮，我母懷妊，生我於世，當此之時，我有罪戾，中心真實，爾所悅懼，子求於爾，以智慧昇我，衷曲兮，爾潔我心，滌我罪，如濡牛膝草而洒之，使我皦然皓白，勝於雪兮，昔爾傷子，害同折骨，今也求爾施恩，使子忻喜兮，勿鑿察我惡，必塗抹我愆兮，上帝兮，使我心潔神恬，煥然一新兮，毋我遐棄，爾之聖神，恒屬子衷兮，爾以手援子，使子忻喜兮，爾扶翼子，使子慨以慷兮，我以爾道訓迪罪人，使彼悔改

咸歸向爾兮，我救主上帝兮，殺人之罪，爾其宥子，則我謳歌，頌爾仁慈兮。主賜子口才，揄揚不置兮。燔祭禮物，爾所不欲，欲則子必獻之兮。爾所欲之祭，在乎痛悔，有此衷懷，必不見棄兮。求爾施恩，籠衛郇邑，使耶路撒冷，建置城垣兮。斯時也，必宰牲燔祭，悉循其例，獻饋爾壇，爾其享之兮。

第五十一篇

大衛歸亞希米勒之家，以與人，多益，以告掃羅。大衛乃作此詩，調述其民使伶長歌之。

上帝之恩，日久月長，赳赳武夫，何爲矜肆，以作惡兮。爾謀

殘害，爾行詭譎，如薙髮之刀，其鋒銛利兮。爾作惡過於好善，嗜誑愈於真實，僞爲之人，爾出莠言。上帝必使爾永亡，驅爾於室外，滅爾於宇內兮。義者見此，實畏上帝，竊哂惡人，曰：彼其之子，輕上帝之能力，恃一己之貨財，強悍作惡兮。惟子恒賴上帝之恩，得居上帝之殿，譬彼橄欖枝，葉葱蘢兮。蒙爾眷佑，余在虔士之中，呼籲爾名，頌讚靡已，豈不甚善兮。

第五十二篇

此詩大衛所作，調述其民使伶長歌之。

氓之蚩蚩，謂上帝爲無有，惟惡是作兮。喪其本心，無復孳孳而行仁

兮。上帝在天，遍察民人，欲知其中，可有智慧是具，上帝是欽兮。則皆就邪棄正，未嘗有行善之民兮。惟彼惡人，懵然無知，橫噬我民，無異食餅，不向上帝呼籲兮。平時無實畏之心，後日有靡涯之懼兮。凡爲善人之敵者，上帝必藐視之，使百骸離散，貽羞斯世兮。上帝居彼郇山，願救以色列族兮。反其俘囚，雅各家必歡樂，以色列族必欣喜兮。

第五十四篇

大衛避於西弗西弗人，以舍掃羅大衛。乃作此詩，調述其民使伶長歌之。

上帝兮，展爾巨能，以手援我，而伸我冤兮。今予祈求，望爾垂

聽兮。仇敵環攻子，強暴謀害子，彼不畏上帝兮。上帝祐子，有輔翼子者，主亦祐之兮。降災我敵，使之滅亡，以踐前言兮。余之中心，願獻祭祀，頌美耶和華，斯爲美兮。彼救我於難，滅我之敵，俾子目

觀兮。

第五十六篇

此大衛所作以訓迪其民使伶長鼓琴歌之

上帝兮，垂聽我祈，毋我退棄。我心忡忡，有懷欲吐，望爾俯聞兮。維彼

仇敵，大聲而呼，強者虐子，委子惡名。中心銜憾，加以驅逐兮。我甚痛心，臨死而懼，戰栗悚惶，穀

不勝兮。余竊有言，願得羽翮，如彼飛鵠，將翔將翔，安居自得兮。余必遠遊，處於曠野，今子罹害，如

遇狂飈，子將速避兮。敵人在城，強暴相爭，子求上主，翦滅是行，撓亂其謀，使之弗成兮。維彼晝夜

巡行邑垣，中有強悍，殘害人民，逶循之間，恒有惡黨，或行詭譎，或尙詐偽，今有人焉，矜詡侮子，非

子寇讎，非子仇隙，設或是之，猶可隱忍，杜門不出，子知斯人，乃子同儕，乃子密友，昔與心交，同詣

上帝之室，今彼第宅，惡人充盈，願彼速亡，墮於幽冥。耶和華兮，我之上帝，子將禱告，冀其手援，晨

夕亭午，子必呼籲，主其聽聞，子敵衆多，咸集攻子，主必拯救，錫子平康，永生上帝，俯聽我祈，敗亡

子敵，維彼敵人，不更故轍，不畏上帝，逆其友朋，背其盟約，其口滑稽，如酥如油，心懷殺機，其詞柔

媚，同於膏沐，利於鋒刃。凡爾義人，以百事付諸耶和華，蒙彼眷佑，必不傾危兮。暴虐妄作，中年短

折，陷於坎阱，上帝使然，子惟上帝是賴兮。

第五十六篇

古時有錫在異邦其聲不鳴名者大衛在迦特為非利士人所執乃效其體而作此使伶長歌之

上帝兮，人欲噬子，日加虐遇，求施矜憫兮。子敵衆多，

厥心傲肆，日尋干戈，肆其橫噬兮。我恐懼時，惟爾是賴兮。上帝之命，子頌美之，子惟上帝是恃，世

人攻我，子無所畏兮。斯世之人，顛倒是非，靡日不然，彼所圖維，惟思陷害兮。彼衆咸集，伏於歧途，

矚我出入，欲害我命兮。彼惟作惡，曷能追罰，上帝兮，怒責斯民，使之隕墜。我流離靡定，爾知之矣。

潸然出涕，請爾垂念。若藏於罽，若錄於冊。我祈禱時，敵必敗北。上帝祐子，子所素知。耶和華上帝之命，子頌美兮。子惟上帝是賴，斯世之人，焉能害我兮。上帝兮，昔我許願，後必償之。祝謝靡已兮。昔蒙爾援，余於死亡。今求爾免余於傾跌，俾我享有生之福。崇事爾兮。

第五十七篇

大衛避非利士人於迦特時作此詩以母爾滅余名其篇使伶長歌之

潛消兮。我籲至高上帝，百事祐子兮。自天垂恩，救我於敵，免其凌辱。上帝施恩，真實無妄兮。仇敵環攻，如獅之吞噬，如火之燎原。斯世之人，齒若戈矢，舌若鋒刃兮。上帝兮，崇高逾乎霄漢，榮光燭乎寰區兮。斯世之人，遍施網罟，我心忡忡，彼掘坎阱，自陷其中。上帝兮，子志已定，子將作歌，子志已定，子將頌美兮。清晨警醒，鼓瑟鼓琴兮。在異邦中，必揄揚爾。在兆民間，必謳歌爾兮。爾之仁慈，及乎霄漢，爾之真實，貫乎穹蒼兮。上帝兮，峻極於天，光照宇內兮。

第五十八篇

此詩大衛所作以母爾滅余名其篇使伶長歌之

行強梁兮，惟彼惡人，自初生以來，行邪僻，言誕妄兮。毒若蛇，螫若蝮，裏如充耳兮。雖有巧技，智取術馭，夔不聽兮。耶和華上帝，我敵若獅，惟彼齒牙，爾其折之。使彼淪喪，如水流不返。雖用弓矢，令去其金兮。使彼消滅，猶之蜣蚋，亦如嬰孩，產不及期。未觀日光兮。束荆爲炊，釜甑未熟，或青或枯，爲大風吹去兮。惡人受刑，而遭殺戮，義者喜悅，足履其血。人曰爲善者降之祥。上帝天下兮。

第五十九篇

掃羅遣人偵大衛欲殺之大衛乃作此詩以母爾滅余名其篇使伶長歌之

救兮。耶和華兮，我未嘗獲罪於彼。強者咸集，設伏以害子兮。非我之愆，惟彼疾趨，設備害我。望爾

鑒察眷祐予兮。以色列之上帝，萬有之主耶和華，勃然興起，降敵人以罰。彼乃元惡，爾勿赦宥兮。彼於夕至，如犬之吠，巡行邑垣兮。莠言自口，譬諸利劍，自謂人不及知兮。耶和華兮，爾藐視斯民，而哂笑之兮。我望上帝，範衛我躬，無慮敵人之勇兮。我之上帝，丕錫恩膏，敗亡我敵，使我目覩兮。勿速翦滅，恐我民頓忘外患，求主護子，展爾巨能，使敵流離，終至隕亡兮。彼驕泰詭譎，厥口詛咒，求主降罰，適當其罪兮。願爾震怒，翦滅斯人，俾其淪喪，使天下知上帝治雅各族，統理寰宇兮。任敵夕至，如犬之吠，巡行邑垣兮。遍求口食，不得一飽，而出怨言兮。患難之時，爾護衛子，至於詰朝，我將謳歌，頌爾巨能，揚爾矜憫兮。仁慈之上帝，助我以力，護衛乎我，我將謳歌，頌讚靡暨兮。

第六十篇

大衛戰於亞蘭拿哈連亞蘭或巴其特約押殺以東人一萬二千一於曠谷獲勝凱旋乃作此詩調述其民使伶長數百全在瑟歌之上帝兮昔子不見悅於爾棄子如遺俾子離散

茲子求爾，特加眷顧兮。地震崩裂，爾之使然，地維搖撼，求爾彌縫其缺兮。爾使斯民罹害，如醉將蹶兮。畏爾之人，爾賜以壽，使彼展舒，踐爾前言兮。願爾垂聽，大施臂力，拯爾選民，上帝至聖，曾有應許，余聞之而竊喜兮。子將分封示劍，量度數割谷，基列馬拿西咸入我版圖兮。以法蓮若我兜耜，猶大族為我牧伯，摩押境若我盤匝，以東地猶我履架，余勝非利士人，而作凱歌兮。鞏固之城，誰導余入兮。以東之邑，誰使子得兮。惟爾上帝，素棄我躬，惟爾上帝，今率子軍旅兮。人力徒勞，求爾眷佑，免於患害兮。上帝助子蹂躪我敵，我惟賴之，大事以成兮。

第六十一篇

此詩大衛所作使伶長數聲歌之上帝兮聽子新求聆余禱告兮敵人攻余余喪厥膽流離遠方籲呼於

爾，爾置子於難陟之巉岩，若鞏固之臺，棲息之所兮。余將恒居爾室，爾覆翼子，猶鳥伏雛兮。子曾

許願爾其垂聽，俾予得業，不亞於敬爾之人。俾我爲王，永享遐齡。我之子孫，世襲厥位兮。恒在爾前，沐爾仁慈，保我綏安，踐爾前言兮。予日償我願，頌美爾靡已兮。

第六十二篇

此大衛所作使伶長耶七頓歌之

我惟上帝是望，彼乃援予，彼若巉巖，扶翼予，護衛予，使不震動兮。爾曹

攻予，伊於何底，汝欲毀予，如將傾之垣，如欲覆之壁，予得興起，爾欲敗予，爾惟詭譎是喜，口祝福心咒詛兮。我惟上帝是賴，望其眷佑兮。彼如巉巖，護衛乎予，俾不震動兮。上帝拯予，錫以尊榮，彼如巖穴，使予棲身兮。上帝誠可恃兮，爾曹民人，當恒賴之，爾在其前，吐露衷懷兮。斯世之人，由尊逮卑，咸尙虛妄，若權衡之，輕於呼吸之氣兮。爾卽財貨豐饒，勿以爲樂，况虐人奪人，更不可以此浮財自恃，上帝之言，一而再，予聞之兮。凡百才能，出自上帝，主矜憫是懷，必視人所行，而加賞罰兮。

第六十三篇

此大衛所作使伶長野而作此詩

上帝兮，我之上帝，予竭力以求，中心如渴，仰慕不置，我困于野，汲道已絕兮。

昔在聖所，視爾能力，瞻爾尊榮，今欲再見之兮。爾之恩澤，過於生命，予不禁頌美爾兮。我尙生存，必舉手以頌讚爾名兮。余心悅懌，如得肥甘滷髓，足以果腹，頌爾以口，祝爾以舌兮。余也，偃息在牀，思念維殷，中宵企想，爾眷祐予，如鳥伏雛，故余欣喜謳歌兮。余恒從爾，爾左右余，人欲害予，必陷於地下兮。必櫻利刃，見噬於狐兮。王爲上帝中心喜樂，凡指其名而發誓者，靡不權然，言詞詭譎者，必箝其口兮。

第六十四篇

此大衛所作使伶長野而作此詩

今予畏敵祈禱，望爾俯聞，救我生命兮。作惡之人，廣樹黨援，爾其庇佑予兮。

舊約聖書

詩篇

第六十二篇

二百八十八

彼世人兮，殲其舌鋒，猶之利刃，出其語刺，無異發矢兮。不知戒懼，陰中無辜，出諸倉猝兮。剛愎厥心，惟謀作惡，私設網罟，謂人不及見兮。居心深險，用志不紛，圖維惡事兮。上帝射之，忽被傷殘，彼之所謀，反害及身，凡目覩之者，無不遠避兮。上帝著其經綸，維彼兆民，思之維之，實畏而稱揚之兮。為義之人，惟耶和華是恃，欣喜不勝兮。

第六十六篇

此詩大衛所作
使伶長歌之

上帝兮，在彼郇城，人咸瞻望，加以頌美兮。昔許之願，必償之兮。庶民禱告，

爾俯聞之，則此億兆，必祈求於爾兮。予負罪孔多，向其蓋之兮。維爾遴選斯民，使之得侍於側，入爾場帷，居爾聖室，爾為肆筵，備極豐腴，可謂福兮。上帝兮，我之救主，爾之待我，惟秉公義，神妙莫測，自彼地極，至於海隅，咸仰望兮。爾以能力自負，使彼山巖，以安以固，寰海宴息，波濤不揚，四方之民，不思作亂兮。惟彼遠疆，畏爾異蹟，日之所出，日之所入，靡不悅懌兮。爾眷顧斯土，使之豐亨，有大河以資灌溉，五穀繁熟，甘霖霽沛，沃其田疇，潤澤土壤，使生庶物，錫以綏祉兮。恩惠相加，秋收饒足，爾所經行之地，沐以恩膏兮。曠野有苑，咸沾膏澤，萬山之民，靡不喜樂兮。羣羊遍野，五穀盈阡，居民歡呼，咸謳歌兮。

第六十六篇

作此詩者使
伶長歌之

天下萬邦，大聲而呼，頌美上帝，謳歌其名，揄揚其德，曰：上帝兮，爾之經綸，神

妙莫測，爾展大能，敵人歸附，甘言以頌禱兮。萬國崇拜，謳歌爾名兮。爾曹世人，羣瞻上帝經綸，其治寰宇，奇異難名兮。變海為陸，俾人步趨，樂讚上帝兮。上帝有能，永治天下，鑒察億兆，背於道者，毋自誇兮。爾曹民人，頌我上帝，揄揚其名兮。上帝兮，俾我生存，免余悚動，鍛鍊我躬，無異冶金兮。

爾設網以罹余，昇我躬以重災，俾敵人踐子，于經水火之中，入膏腴之壤兮，遭難之時，子曾許願，茲詣聖室，燔祭以償兮，肥畜健牛，綿羊山羊，俱取其壯，加以馨香，以獻爾兮，寅畏上帝之人，咸來聽余，余將以上帝眷佑之事，普告爾兮，我口籲之，我舌頌之兮，如我平昔喜於作惡，則主不聽我禱告兮，上帝俯聽子祈，不我遐棄，錫恩優渥，故余頌美之兮。

第六十七篇

作此詩者使伶長歌之

上帝兮，求爾矜憫，錫子純嘏，色相光華，普照我兮，爾救世之道，使天下萬

國咸知兮，願庶民頌爾，億兆讚爾兮，爾帝天下，以鞠兆民，惟秉公義，人當欣喜，謳歌不已兮，願庶民頌爾，億兆讚爾兮，上帝兮，我之上帝，錫嘏於我，使彼土壤，物產豐亨兮，上帝錫嘏四方，遠邇實畏其名兮。

第六十八篇

此大衛所作一使伶長歌之

上帝兮，勃然興起，使爾仇敵離散，寇讎遁逃兮，上帝泄至，惡者滅亡，如風驅

烟，如火消蠟兮，義人悅懌，在上帝前，忻喜不勝兮，上帝之名，曰耶和華，維彼乘輦，將過斯野，庶民欣喜，修葺甬道，以迓以歌，頌美靡已兮，上帝在聖所，孤子蒙眷佑，嫠婦得倚賴兮，上帝使無室者有棟宇，幽囚者得悅豫，橫逆者仍處早乾兮，上帝兮，昔爾導民，行於曠野，地震天漏，西乃搖撼，在以色列族之上，上帝前兮，元陽久而厥土燠兮，上帝沛降甘霖，因而優渥兮，選民居之，上帝恩澤覃敷，供彼貧乏兮，主踐前言，衆女作歌，稱揚之云，三軍之帥，望風逃遁，居家之婦，亦分所得兮，昔爾民臥於羊牢之間，其後可比之鶴，其翻如銀，其羽若金兮，全能之主，敗列王於斯土，骨暴於野，皜如撒們之雪兮，維彼巴山，層巒疊嶂，上帝之山，不亞於此兮，耶和華上帝，遴選其山，以爲駐蹕之

所永世弗替，維爾諸峰，勿睡眈兮。上帝之車，萬乘千騎，不可勝計，主居其中，在西乃聖山兮。其昇上其虜敵，以恩寵頌諸人，叛者歸附，亦錫以恩。耶和華上帝居其中兮。雖有人使我負軛甚重，耶和華上帝救我，日當頌美之兮。援予於死亡，惟我之主上帝耶和華兮。上帝傷敵之首，恒行惡者，必喪其元兮。主曰：敵在巴山，或在深淵，我將繫之，以至使爾足履其血，俾犬食之兮。我之上帝兮。我之君，爾履彼聖所，衆目瞻仰兮。謳歌者行於前，鼓琴者從於後，少女在中，播鼗而出兮。以色列族，循其班次，頌主上帝，厥惟雅各。季子便雅憫之支派，與其牧伯猶大族長，與其羣從，及西布倫、納大利、諸伯兮。自昔上帝展爾能力，今求眷佑予，恒鞏固兮。耶路撒冷爾室在焉，列王獻禮兮。好鬥之人，如牛如犢，如羣間之獸，爾制伏之，爾離散之，俾輪金以歸附兮。富厚者流，至自埃及古實之人，崇奉上帝，咸舉手兮。天下列王，羣作謳歌，頌美主兮。上帝乘雲，永世靡暨，乃發雷霆，其聲震轟兮。上帝顯其大能，扞衛以色列族，赫奕於天，爾曹當頌揚之兮。上帝兮，在彼聖所，有威可畏，以色列族之上帝，展厥能力，以助民人，宜讚美之兮。

第六十九篇

此大衛所作使伶長
鼓百合花瑟歌之

行潦之水，沛然而至，望上帝援予兮。我陷淤泥，無地可立，我臨深淵，波

濤淹予兮。我籲呼於上，至於困憊，至於焦渴，望上帝拯予，目爲之矇瞶兮。惟彼仇敵，銜憾實深，皆出無因，其數衆多，擢髮難計，膂力剛強，予未嘗取諸人，人反使我償兮。上帝兮，我有妄作，爾鑒觀兮。我有愆尤，爾洞悉兮。萬有之主，以色列族之上帝耶和華兮。我惟爾是賴，勿我退棄，仰望爾者，勿使蒙耻，祈求爾者，毋俾貽羞兮。予爲爾受凌辱，抱媿忤兮。卽我同氣，卽我手足，亦視余若疎遠。

分^九子爲爾室，中心如焚，人詬爾，余受之兮。吾哭泣禁食，人以爲辱兮。我以麻爲衣，人託詞以嘲笑兮。游民妄加誹謗，酒徒作歌譏刺兮。耶和華上帝兮，我祈於爾，望爾恩澤，矜憫無涯，垂聽余而援手。踐爾前言兮，出我於淤泥，救我於深淵，免敵害子兮。行潦勿淹子，深淵勿沉子，幽冥勿陷子兮。耶和華兮，爾之矜憫靡極，爾之仁慈無涯，請垂顧子，俯聽子兮。僕遭患難，毋我遺棄，俯聞子勿緩兮。我敵迫切，望爾離子勿遠，救我毋遲兮。我受敵凌辱，含羞蒙恥，俱爾所知兮。人凌侮我，俾我傷心，殷憂不已，欲與同憂患者，卒無一人，欲望來慰藉者，亦不可得。我欲食，人供以贍，我甚渴，人給以醢兮。願彼之席，或機檻以陷之，爲網罟以罹之，以報其惡兮。願厥目盲昧不明，厥體戰栗不已兮。願爾怒奮揚，爾憤震烈，以擊斯人兮。其第邱墟，無人居處兮。爾鞭子，彼加傷害，爾扑子，彼與謠詠兮。彼有愆尤，願爾加罪，無以爲義兮。維彼姓氏，載於生命之書，爾其塗抹，毋與義人同錄兮。子貧乏殷憂，上帝拯子，俾復振興兮。我將謳歌，頌揚上帝之名，感謝讚美兮。耶和華必以此爲喜，雖子獻牛宰贖，蹄角罔缺，亦不爲悅兮。貧乏者流，崇事上帝，見此欣樂，厥心安豫兮。耶和華兮，貧乏者聽其祈，俘囚者不蔑視兮。願天地河海，以及百物，咸頌美上帝兮。上帝將救郇邑，建猶大城，使民居處，永爲恒業兮。厥僕之後，嗣業於斯土，敬愛上帝之人，咸居厥所兮。

第七十篇

大衛王所作此詩

耶和華上帝兮，願拯我躬，毋遲毋緩兮。有設詭謀，害子生命，當使之蒙恥兮。有

幸子之遭難者，當使之駭而奔兮。有謂余曰，吁哉咈哉，爾當使彼煢然子立，以報斯讐兮。祈求爾者，當懽然欣喜兮。樂爾援手者，當頌耶和華靡已兮。惟我貧乏，望主眷顧，上帝援子，救子，願毋濡

滯兮。

第七十二篇 耶和華兮，余惟爾是恃，毋使子媿耻兮。爾俯聞我所，以手援子，彰爾仁慈兮。惟爾有命，扞衛子，拯救子，譬彼巖穴，猶之險阻，子恒匿其中兮。上帝兮，維彼世人，行惡事，恃強暴，求爾援我於其手兮。余自孩提，惟主耶和華是望兮。生於斯世，爾扶翼子，我母生子，蒙爾錫恩，余頌美爾兮。彼衆人兮，見余而駭，爾範衛子，繫惟爾是賴兮。余頌揚爾，顯爾尊榮，雖竟晷而弗倦兮。子今老矣，尙其毋我遺棄，筋力已衰，願勿棄子之如遺兮。爲余之敵者，謗毀沸騰，害子之命者，衆論僉同，謂我見絕於上帝，援手無人，可襲取兮。我之上帝兮，毋棄我躬，援子勿緩兮。敵設謀以害子，願其失志敗北，悚然駭懼兮。余也企望無窮，頌揚靡盡兮。爾也大著仁慈，以手援子，不可計數，故子終日讚美不輟兮。主耶和華兮，子惟爾力是恃，殺然而往，稱爾仁義而已。上帝兮，自子之幼，爾訓迪子，迄於今日，彰爾經綸兮。今我年邁，皓然白首，毋我遺棄，我將以爾能力，訓誨斯世，爰及後人兮。上帝兮，爾之仁義，高不可及，爾之經綸，大而莫名，誰能與爾比擬兮。爾昔降災我躬，不能僂指，今也錫我綏安，我罹禍害，深不可測兮。茲爾舉我於高，使我昌大，凡百之事，咸慰藉子兮。我之上帝，以色列族之聖主兮，爾踐前言，我將鼓瑟鼓琴，頌讚爾名兮。爾救我命，我必謳歌，歡聲而呼兮。害子之人，蒙羞含恥，悚然駭懼，故我稱爾仁義，終日靡已兮。

第七十二篇

此詩爲所羅門而作

上帝兮，維彼王子，今繼厥位，爾訓以道，俾秉大公分，以正理鞠民，爲貧民聽

訟兮，王秉厥公，山崗與寶藏，億兆享平康兮。貧乏者流，王拯救之，豪強之輩，王糜爛之，億萬斯年，

兆民寅畏爾兮，維彼臨民，如降甘霖，草萊雖刈，仍沾潤澤兮。在位之時，義人振興，如月之恒，百姓綏安兮。自東海至西海，自大河至地極，悉歸統轄兮。居荒服者，拜跪於前，爲仇敵者，望塵俯伏兮。大失海島之王，將饋禮物，示巴西巴之主，將納貢稅兮。列王稽首，萬姓歸誠兮。維彼窮獨，援手無人，呼籲於王，必加拯救兮。哀矜貧苦，援其生命兮。受欺遭虐者，王手援之兮。劇傷流血者，王矜恤之兮。王享遐齡，人饋示巴之金，恒爲王祈，日頌讚之兮。王宇內五穀豐登，山之巔，禾秀偏反，有若利巴嫩之林，邑人繁多，有若草萊之茂兮。王壽無疆，如日之長，萬邦之民，賴厥福祉，頌美靡已兮。以色列之上帝耶和華，獨行異蹟，當揄揚之兮。維願榮名宣播，永世靡暨，維願榮光丕顯，徧於寰區，是誠心所願兮。是誠心所願兮。耶西子大關，畢其祈兮。

第七十三篇

此詩亞薩所作

以色列族中心純潔，上帝錫恩，誠哉有是，然我幾失足，至於顛越兮。我觀惡人

反居顯要，不禁生艷羨之心兮。彼雖沒齒，困苦不及，身力健壯，不與他人同艱苦，不與衆生共災害兮。故彼厥志驕肆，厥心剛愎，如懸金索，如衣麗服兮。容貌肥腴，所得逾於所望兮。出言矜誇，凌侮人，虐遇人兮。上怨天下，尤人兮。徒黨歸附，靡不悅懌，如渴飲水兮。維彼有言，謂至高之上帝，焉能鑒察兮。爲惡之人，作事恒得亨通，財貨偏能殷富兮。我潔于心，濯余手，豈不徒勞兮。終日罹災害，清晨逢譴責兮。予言若此，逆上帝衆子兮。然念斯理，殊難解兮。予入上帝之室，遂得究其終極兮。維彼惡人，爾置諸險滑之途，擲諸死亡之地兮。猝然喪敗，殲滅殆盡，主勃然而興，如夢警醒，藐視其浮華兮。昔子中心不安，如酒方醞釀，如刃刺衷懷兮。余愚蠢無知，無異禽獸兮。余恒存爾前。

爾左右兮，願爾以智慧之心，導予入榮光之域兮。在彼穹蒼，仰望者誰？在彼陸地，欣羨者誰？豈非爾兮？我體我心，咸可消亡。我所恃以得大力，賴以邀永福者，惟一上帝兮。遠離爾者必亡，縱私欲，不爾順者，必滅兮。我惟上帝是親，恒為依賴，述其經綸，堪獲福祉兮。

第七十四篇

此詩亞薩所作，作訓誨人民。

昔爾拯斯族，為爾選民，爰建郇邑，以為駐蹕之所。請爾追憶弗忘兮。今在聖所，敵加毀損，閱時已久。請爾垂顧兮。爾之寇讐，在於聖會，呼號靡已。爰立旌旗，以為記誌兮。彼舉斧斤，遍伐林木，以此自誇兮。更以刀鋸，盡毀雕琢之器兮。火焚聖所，加以污穢，俾成邱墟兮。自謂毀之務盡，凡在斯邦，有上帝之室，必蕪之兮。我之禮文，不復再見，我之先知，卒無一人，不知胡底兮。上帝兮，維彼敵人，詆毀我儕，謗譏爾名，不識何時可息兮。爾何為束手旁觀，不加拯救，請展爾手，剪滅余敵兮。自昔迄今，上帝作我之君，援我於斯土兮。昔爾展厥能力，使大海中判，巨魚立毀，鱷魚之首摧傷，俾為荒服所食兮。爾裂磐以出泉，澗有源之溪兮。晝夜爾所定，日月爾所立，冬夏爾所造，寰區爾所界兮。耶和華兮，敵人謗譏，頑嚚之流，不崇爾名，爾其鑒之兮。爾僕如鳩鳩，勿付惡黨，爾民雖貧乏，終不可諉兮。此邦幽暗，強暴眾多，聿求上帝，追思前約兮。受虐者求爾，勿使蒙羞而返，貧乏者賴爾，俾得頌揚爾名兮。頑嚚之流，終日謗譏，爾其念之，勃然興起，以討其罪兮。爾敵喧譁，升聞於上，爾勿忘之兮。

此詩亞薩所作，以母痛滅，余名其篇，使伶歌之。

第七十五篇

此詩亞薩所作，以母痛滅，余名其篇，使伶歌之。

上帝兮，余見爾經綸，知爾離余弗遠，故讚美靡已兮。其期既屆，我將

秉公以鞠民兮，斯土喪敗，民人離散，惟余爲國之棟兮。余有言詞，告彼惡人，謂毋誕妄爾行，謂毋
蟬噪爾角，毋仰爾首，毋強爾項，使人顯達者，非由東，非由西，亦非由南，其權操自上帝，升降黜陟，
咸其所主兮。耶和華執爵，酒味殊烈，調劑甚厚，主斟之出，俾天下惡人，啜其渣滓兮。雅各之上帝
兮，余將頌美之，驅歌其名兮。作惡之人，必制伏之，使其角見折兮。爲善之家，必振興之，使其角巋
然兮。

第七十六篇

此亞薩所作使
伶長鼓琴歌之

猶大國民咸知上帝，以色列族中，其名赫奕兮。在撒冷有其帷幕，在郇城

有其宅第兮。越在彼土，載折弓矢，載毀干戈兮。郇邑之山，巖巖可畏，勝於強暴所居之峻嶺兮。猛
毅之人，喪敗而長眠，英武之士，其力廢弛兮。雅各之上帝兮，加以譴責，馬與乘者，淹然而就死地
兮。爾有威可畏，厥怒奮揚，莫能禦兮。上帝兮，勃然興起，雪窮獨之冤，自天降命，居民實畏，不敢與
戎兮。敵人銜憾，上帝因之顯榮，維彼上帝，息敵人之餘怒兮。耶和華上帝，要當敬畏，爾曹許願，必
償之兮。凡從之者，宜獻禮物兮。主使牧伯，咸喪厥膽，主治列王，大彰其威兮。

第七十七篇

此詩亞薩所作使
伶長耶士頓歌之

籲呼上帝，聲聞於上，余所望兮。余遭難求主，雖至中夜，舉手不息，不敢

稍以自慰兮。余也，追思上帝，昔日救我，今也不然，彌懷殷憂，念及往事，更喪厥膽兮。因爾譴責，弗
能偃息，遭此重艱，難以啟齒兮。余迴憶前時，追維陳迹，夙夜謳歌，今也中心存想，以神察理，何不
如昔兮。主豈永棄我躬，不復加以矜憫，斲其仁慈，弗踐其應許兮。上帝詎忘其恩澤，絕其哀矜，而
懷震怒兮。子也，返躬自思，知頃所言，反以自害兮。至上之主，在昔所爲，余必思維兮。耶和華兮，余

稽古昔念爾異蹟，默想爾經綸。仰望爾作爲兮，以色列之上帝兮。爾之所行，允稱至聖。大莫與京兮。神妙莫測，施力於異邦兮。拯爾選民，卽雅各約瑟之子孫兮。上帝兮，泄彼海隅，波濤洶湧，深淵澎湃兮。雲行雨施，雷發穹蒼，電閃其間兮。狂飈飄颻，霹靂震轟，寰宇輝光，大地搖撼兮。爾乃判海爲途，分水爲徑，其蹤不得而見兮。爰使摩西亞倫，導爾選民，如引羣羊，咸過其地兮。

第七十八篇

此詩亞薩所作，調述斯民。

凡百庶民，余訓迪爾，尙其傾耳以聽兮。余將啟口設譬，以古所祕者，闡揚之兮。耶和華之巨能異蹟，我列祖所流傳，余聞而知之，必告後世之子孫兮。彼遺訓於雅各家，立法

於以色列族中，使列祖告諸子孫，傳於後世，令彼將來，咸得而知，傳流靡已兮。俾我後人，希望上帝，思其經綸，守其誠命兮。毋濟祖惡，如祖悖逆，其心不正，其志不立，以事上帝兮。勿效以法蓮支派，備兵戈，執弓矢，臨戰而披靡兮。不守上帝之約，不遵其律例兮。其經綸異蹟，雖顯示之，不復憶之兮。昔在埃及地，鎮安野，主行異蹟，列祖目擊兮。河海中判，濤若堆立，俾民得濟兮。晝則導民以雲，夜則燭民以火兮。在野裂磐，使民得飲，猶挹清泉兮。水由磐出，流若溪河兮。斯民在野，犯罪愈多，于至上震怒兮。特試上帝，祈求食物，充其貪欲兮。怨讟上帝，謂今在野，豈能建筵設席兮。謂昔上帝擊磐，水泉滂至，流若溪河，至於今日，其能供餅賜肉，以飲我民兮。耶和華聞此，震怒雅各家，以色列族，勢若烈燄兮。因彼不信上帝，亦不賴之以自救兮。上帝爰命天雲，破隙於穹蒼兮。雨嗎嘩爲食，自天降糈兮。彼食玉食，以果腹兮。主展其能力，東風倏至，南風忽起兮。雨肉若塵埃，飛鳥若海沙兮。下於營壘，遍其居處兮。維彼民人，食而果腹，遂其所欲兮。肉尙在口，猶難屬饜兮。上帝

震怒肥健之人，咸遭殺戮。以色列族之丁男，翦滅殆盡。民猶犯罪，不信異蹟。上帝使之，終日艱難。窮年穀隳，殺戮數民。其餘悔改，竭力以求。民思至高之上帝，自昔造之，恒復拯之。仍進以甘言，貢以媚詞。其心未正，其意未誠，不守前約。上帝矜憫無涯，赦宥頻加，不忍翦滅。屢遏其怒，不奮其威。爰知斯民，特血氣之屬。譬彼飄風，一去不回。斯民在野，干主震怒。俾主懷憂，試上帝一而再。以色列族之聖主，心彌憂戚。自昔吾主，展厥能力，拯民於難。民反忘之，在埃及行奇蹟，在鎖安施異能。變河爲血，人不能飲。且使蠅嘍之，蛙擾之，蝗食其物產，蟲啣其禾稼。雹滅其葡萄，霜隕其桑林。雹殺其牛，電燬其羊。厥怒奮揚，厥氣震烈。爰遣惡使，入彼民中。立降其怒，人命不宥。使彼羣畜，遍染疫癘。在埃及通國，初胎之男子被擊，在舍帷幕，首生之牲畜俱亡。導厥選民，譬彼羣羊，經行曠野。俾其綏安，無所畏懼。維彼敵人，海水淹之。維彼選民，導至聖地，將得斯山，以爲恒業。異邦之民，悉彼驅逐，所得之業，以繩量度。俾以色列之支派，各居帷幕。至高上帝，厥有命令，民再犯之，櫻其震怒。維彼濟惡，屢行叛逆，無異列祖。如弦絕弓反，彼築崇邱，于其憤怒。彼事偶像，櫻其忿懣。上帝聞之，其怒殊甚。於以色列族深惡之。昔上帝在人間，擇示羅之幕，以駐蹕。今則還棄之。尊榮之法，斯民所恃。茲爲敵所遷，所得之民，怒之甚烈。俾亡於刃。丁男燬於火，處女不奏房中之樂。祭司死於兵，嫠婦不作哭泣之歌。主勃然興起，如寢者之警醒。如壯夫飲酒而呼呶。擊敵人之背，俾蒙羞不已。不選約瑟之後，不擇以法蓮支派。乃簡猶大一族，愛斯郇山。爰建聖室，與天同高。與地同久。邊

選大闢為僕，不使守羣畜，牧牝羊，俾牧上帝之選民，即雅各家以色列族兮。大闢竭其心志，盡其
慧思，訓導之，治理之兮。

第七十九篇

此詩亞薩所作

上帝兮，異邦人侵爾畿輔，辱爾聖殿，毀耶路撒冷兮。臣僕之尸，飛鳥食之，敬虔

者之肉，野獸噬之兮。耶路撒冷四周，血流若水，尸不瘞埋兮。隣邦之士，凌辱我兮。四方之國，哂笑
我兮。耶和華兮，爾震怒之子，加氣如烟燄，不識何時可息兮。有人民不崇事爾，有邦國不呼籲爾
者，盍震怒之兮。彼吞雅各家，毀其居處兮。昔余有罪，爾勿念之，弗忘今遭患難，爾其矜子，毋緩兮。
救主上帝，爾其祐子，赦我罪愆，彰爾仁慈兮。異邦人侮子曰：維彼上帝，在何所兮。上帝兮，爾僕見
殺，求爾雪恨，使異邦人知之，余亦目擊兮。俘囚歎歎，爾其聞之，人將就戮，爾其拯之，顯爾巨能兮。
維彼隣邦，謗譏吾主，望主報之，加以七倍兮。爾之選民，為爾所牧，必頌揚爾，歷世靡暨兮。

第八十篇

此詩亞薩所作，使伶長，瑟數百，合奏，瑟歌之。

以色列之牧者，導約瑟一族，若導羣羊兮。請聽我所，爾居啞啞，咿間，彰爾

榮光兮。在以法蓮，便雅憫，馬拿西前，奮爾之力，臨格以援子兮。上帝兮，俾余振興，色柑之光華，於
我而普照，則余獲救兮。萬有之主，耶和華兮，爾震怒之余，加不聽余祈，不識何時可息兮。余潸然
飲涕，飲食俱忘兮。隣里用力以攻子，仇敵出言以哂子，皆爾所使兮。萬有之主，上帝兮，使子復興，
色柑光華，普照於我，則余獲救兮。自古在昔，爾携葡萄，出於埃及，驅逐異邦之民，植於斯土，開墾
土壤，使彼根深，蔓延於地兮。彼樹之蔭，遍覆山崗，枝柯甚大，如柏香木兮。其枝至於滄海，其幹近
於大河兮。今曷毀其藩籬，任為路人，折取兮。林豕食之，野獸噬之兮。萬有之主，上帝兮，回爾心志，

自天鑿察，封植此樹兮。爾昔栽培，使其葱蘢兮。今爾震怒，使彼葡萄，爲火焚燬，爲人斬伐，根株稿兮。昔有選民，爾左右之，今也望爾，仍恒祐之兮。爾俾我振興，余弗敢稍違，恒籲爾名兮。萬有之主，耶和華兮，俾我振興，色相光華，普照於我，則余獲救兮。

第八十一篇

此詩亞薩所作使伶長鼓琴歌之

雅各之上帝，扶翼余兮。兆姓歡愉，謳歌之兮。播鼗鼓琴，操瑟而作歌，以

致悅懌兮。月朔之時，節期之日，當吹其角兮。雅各之上帝，厥有常例，俾以色列族，遵循之兮。昔擊埃及之時，約瑟子孫，咸受此法，維斯詔命，予昔未知，今始知兮。詔曰：爾任負戴，余弛之兮。爾攜筐筥，余釋之兮。爾遘患難，籲呼於上，余拯之兮。余之所居，幽深玄遠，余之降詔，如發雷聲，在米利巴水濱，余已試爾兮。余頒律例，以色列族我之選民，尙其聽之兮。異邦之上帝，爾毋崇事，爾毋拜跪兮。我耶和華爾之上帝，導爾出埃及，爾口孔張，予取予求，靡不畀爾兮。以色列族我民兮，弗聽從，弗柔順兮。余任其桀驁，聽其縱欲兮。如以色列族，我民恪遵我命，聽從我道兮，則其仇敵，余必敗之甚速，則其寇讎，予必擊之弗緩兮。使逆我之輩，強歸附于我之選民，永膺多福兮。余必賜嘉麥，以供之，巖穴出蜜，以哺之兮。

第八十二篇

此亞薩所作

有位之人和會，士師咸集，上帝在中，辨折是非兮。謂爾曹聽訟，行私袒惡，將至

何時兮。維彼孤子，貧乏癯獨，當爲之伸冤兮。窮民遭難，爾其援手，毋爲惡人所害兮。嗟爾士師，儻然無知，昧於正理，其心昏昏，柱石傾頽兮。我卽稱爾曹爲上帝，若至上者之子，亦不過民牧，終亦必亡，無異他人兮。上帝兮，爲萬邦之主，勃然興起，秉公於天下兮。

第八十四篇

此詩亞薩所作

至能之上帝兮，爾毋默然，拯余勿緩兮。爾敵譁然，逆爾之人，昂其首兮。爾之人民，施謫謀以害之兮。爾所愛護者，設詭計以傷之兮。曰：莫若絕之，滅其國民，使以色列之名，不復設憶兮。惟彼同心以會議，要盟以叛逆，有若以東人，以實馬利人，摩押人，夏甲人，俱居帷幕兮。其八人，亞捫人，亞馬力人，非利士人，爰及推羅居民兮。亞述一族，咸來和會，以輔翼羅得子孫兮。請爾令其敗北，若米田人，爰及西西喇耶賓，在基順之溪濱，敗亡於隱托耳，尸腐為糞壤兮。願喪其民牧，若阿立西邑，戕其君長，若西巴撒門拿兮。敵人自謂必據上帝之室兮。上帝兮，使彼若草芥，為風飄揚兮。如火焚於林，如焰燎於山兮。願爾追襲之，譬諸暴風，譬諸狂飈，使彼殼疎，使彼媿恥，輸誠服爾兮。如其不然，則喪厥志，令其敗亡，悚然駭懼，靡有底止兮。惟如是，凡厥庶民，咸知爾耶和華至高無二，治理寰宇兮。

第八十四篇

此詩為訓迪哥利亞子孫，而作使伶長，聖歌之

永生上帝兮，萬有之主耶和華，我之君王，我之上帝兮。彼雀構宅，彼燕營巢，以庇厥雛，余願居爾壇側兮。居處爾室，頌美靡已者，得其純嘏兮。惟爾是恃，願詣爾殿者，蒙其綏祉兮。雖過旱谷，亦若有泉，如秋霖之潤澤，得福祉之孔多兮。行程遞進，其力愈奮，終詣郇邑，得觀上帝兮。萬有之主耶和華，雅各之上帝，俯聽我所兮。上帝兮，爾範衛子，所沐以膏者，爾垂顧之兮。余居爾場帷，雖僅一日，較諸數年猶愈兮。寧守上帝之門，毋入惡人之室兮。耶和華上帝兮，照余若日，護余若盾，錫余以恩寵尊榮，德備之人，凡百嘉物，靡不畀兮。萬有之主耶和華兮，惟爾是恃者，福祉永綏兮。

第八十五篇

此詩訓迪哥嗎子孫而作使伶長歌之

耶和華兮，爾之邦國，已沾恩澤，雅各之俘囚，爾反之兮。民有罪惡，爾宥之兮。民有愆尤，爾蓋之兮。爾怒奮揚，爾憤震烈，昔已息兮。上帝兮，我之救主，今也俾余振興，爾怒永平兮。維爾震怒，詎能持久，至於後世兮。曷不復振興余，俾余因爾而悅懌兮。耶和華兮，矜憫我躬，以手援予兮。耶和華上帝，頒予以明詔，錫安於聖民，不使其妄為，予必聽從之兮。敬虔之人，蒙彼拯救，余之境內，靡不亨通兮。恩寵真實，咸相維繫，公義和平，並行不悖兮。真理自地而出，平直由天而降兮。耶和華兮，錫以嘉物，俾其土壤，物產豐亨，主秉大公，順義而行兮。

第八十六篇

此大關新

耶和華兮，余也貧乏，獨爾尙其傾耳以聽兮。上帝兮，僕之平昔，惟爾是賴，敬爾匪懈，今也望爾衛余兮。維我終日，籲呼於主，其矜憫余兮。仰望吾主，使僕歡愉兮。主無不善，恒施赦宥，凡籲爾者，爾加以矜憫兮。耶和華兮，俯念予祈，垂聽予禱兮。余遭患難，籲呼於爾，爾其聽聞兮。諸上帝中，誰克與爾頡頏，孰能復有作為，與爾比擬兮。爾所締造之萬邦，必伏拜爾前，揄揚爾名兮。惟爾為上帝，獨一無二，不著經綸，大行異蹟兮。余求耶和華，以爾道訓迪余，使我躬行，收吾放心，俾余寅畏兮。我主上帝兮，余一心頌美爾，揄揚靡已兮。主矜憫余，施恩格外，予若陷於陰府，蒙爾拯余兮。上帝兮，驕矜之輩，起而叛余，強悍之黨，謀害我命，彼不敬畏爾兮。惟主上帝，仁慈矜憫，恒忍不已，施恩格外，踐其前言兮。求爾垂顧，矜憫我躬，護祐爾僕，我之母為爾之婢，爾其拯予兮。施恩於余，祐余慰余，其事可憑，使敵目擊而蒙羞兮。

第八十七篇

此詩為訓迪哥嗎子孫而作

維彼郇邑，耶和華建於聖山，悅其邑門，愈於雅各諸家兮。上帝有命，將被

榮光於其邑兮，其命維何。曰：喇合巴比倫之人，將宗事乎我兮，非利士推羅古實之人，將為郇之赤子兮。故人稱郇邑，必曰：此民彼民，為其赤子，至高者建之兮。耶和華核稽民數，必曰：斯民也，隸其版圖兮。謳歌吹簫者，俱曰：我福之源，咸在郇邑兮。

第八十九篇

此詩以士拉人希便所作以訓迪哥
喇子孫使伶長鼓琴歌之更唱迭和

徹於上兮，願余祈禱，升聞於爾。爾垂聽兮，余之中心，憂思盈懷，余之生命，歸墓伊邇兮。余與入土之人無異，余與無力之子相同兮。在羣尸之中，展余衾枕，若遭殺戮，置諸塚間，爾不垂念之。爾不護佑之兮。爾置余於深邃之淵，幽暗之所兮。維爾震怒，降災於余，波濤淹予兮。良朋密友，以余為疏，以余為醜，俱爾所使，余為俘囚，不能復出兮。余困苦而目昧，終日祈求，舉手向爾兮。人已沒世，豈可施能而救之兮。幽冥之眾，誰克起而頌美兮。入於陵墓者，詎得沾爾恩膏兮。陷於陰府者，豈能彰爾真實兮。幽暗之域，孰能仰爾經綸兮。百事消亡之所，誰得播揚爾仁義兮。耶和華兮，余籲呼於爾，清晨祈禱兮。爾何為棄予如遺，舍予不顧兮。余自幼遭難，瀕於死亡，爾俾余骸，悚然駭懼兮。爾怒震烈，降災我躬，俾我滅亡兮。禍患叢集，如水淹余，靡日不然兮。友朋遠余，惟與陰府為隣，俱爾所使兮。

第八十九篇

此詩以士拉人希便所作以訓迪哥

耶和華兮，溥爾仁慈，余頌美之靡已。爾踐前言，余必述之，傳於後世兮。余則有言，謂彼仁慈，真實無妄，高於霄漢，與天同休兮。維昔上帝曰：臣僕大闢，余所遴選，與之盟約兮。子孫昌熾，國祚綿長兮。耶和華兮，爾之經綸，天使所掄揚兮。爾之真實，選民所頌讚兮。在彼

明宮有能者咸集，孰克與耶和華頡頏兮。上帝兮，有威可畏，敬虔之士環而拜之兮。萬有之主耶和華，全能之上帝兮，誰得與爾抗衡，惟爾真實無妄，顯於四方兮。海之洪濤，爾所治理，水波澎湃，爾使之不揚兮。爾使喇合糜爛，如遭殺戮，爾展巨能，俾敵離散兮。天地歸爾統轄，寰宇萬物，咸爾所定兮。南極北極，爾所創造，大泊黑門，爲爾奠定而歡呼兮。維爾有巨能，具大力，巍巍無上兮。爾居厥位，以大公爲址，仁慈真實，爾所自有兮。知此爲嘉音，必蒙綏祉，耶和華色相光華，恒昔照之兮。彼爲爾尊榮，歡愉竟晷，彼因爾仁義，喜樂靡涯兮。我有大力，皆爾輔翼，我角崢嶸，俱爾恩賜兮。以色列族之聖主，耶和華爲我之王，扞衛我兮。昔爾顯厥異象，諭爾愛僕，曰：維彼傑士，余所眷佑，在兆民間，余遴選之，登庸之兮。臣僕大闢，旣爲我得，沐以聖膏兮。余展能力，使之鞏固兮。維彼仇敵，毋許迫索之兮。維彼惡黨，毋許困苦之兮。有敵之者，使之敗北，有憾之者，降以災害兮。必施恩我僕，崢嶸厥角，以踐前言兮。我將使之統轄四海，掌理江河兮。彼將呼余謂父，謂上帝，謂救主兮。我必立之爲冢子，高於天下列王兮。永施仁慈，與彼立約兮。克昌厥後，至於恒久，國祚永綏，與天同休兮。如其子孫，違我律例，不從法度，棄我禮儀，不守誠命，則必責其罪，置其愆兮。然我不屯其膏，以踐前言兮。不棄我約，不易我言兮。余也至聖，指己而誓，必不欺大闢兮。必永存厥後，綿長厥祚，如日月之升恒，麗於穹蒼，永爲確證兮。余竊自思，曰：昔爾沐以膏者，今厥棄之，加以震怒兮。昔與立約，而今廢之，所冠之冕，則污穢之兮。撤其藩籬，毀其衛所兮。行旅擄奪之，隣里凌辱之兮。仇敵振興，寇讎悅懌，爾使然兮。爾僕持刃，其鋒頓挫，戰鬥不利兮。尊榮則廢棄兮。國位則隕越兮。其

年短折其體玷辱咸爾所使兮四六耶和華兮爾遐棄我震怒奮烈伊於何底兮四七人壽幾何請爾垂念爾造世人同歸於盡寧非徒勞兮四八人生斯世詎能免於死亡誰克救其生命不至陰府兮四九維主在昔待大關以恩加以盟約必踐前言今安在兮五〇維茲庶民咸誥諄子而玷我躬主其憶念之兮耶和華兮爾曾沐我以膏敵人謗謫子與謗謫爾無異兮五一惟子頌美耶和華永世靡暨心所願兮

第九十篇

上帝僕摩西
新編而作

主為吾人所歸依萬古不易兮一山崗未為爾所立寰宇未為爾所造自亘古迄

叔季爾為上帝無始無終兮二爾使人歸土語之曰爾儕世人當返其本兮三自爾視之雖歷千年無異片晷同於宵漏兮四人之沒世譬諸夢寐譬諸草之萌蘖兮五清晨向榮芽發蕊舒至夕剪刈遂槁枯兮六爾震怒則余毀傷兮七爾發憤則子驚惶兮八余有罪愆爾輝之兮九余有隱慝爾相之兮十爾怒奮揚余壽俱亡歲月易過恍若中心之轉念兮十一人生歲數無過七十如體壯健可冀八旬雖以遐齡自詡而已晚景之彌艱生命將絕如鳥高飛倏忽不見兮十二孰知爾怒震烈而敬乎其所當敬兮十三余生於世為日無多祈爾指示致志於道兮十四耶和華兮爾震怒余伊於胡底請爾回志矜憫爾僕兮十五施爾仁慈毋遲毋緩俾余慰藉畢生喜樂兮十六昔以憂患加於我躬頻年困苦今則使余歡然兮十七爾經綸俾僕目覩顯爾榮光俾我後咸至兮十八我之上帝耶和華俾余沾爾恩澤我所作為使之亨通兮

第九十一篇

全能至上之主爰有密室凡居之者得蒙覆翼兮一我謂耶和華保佑子範衛子子惟

上帝是賴兮二子謂敬虔之士嘗曰主必使爾不罹烏羅不患疫癘兮三彼衛護爾如鳥覆雛如盾庇

體以踐前言兮夕有患難，晝有流矢，中宵遘疾疫，亭午逢喪敗，爾俱無所畏兮。雖千萬人，死於爾側，害不及爾兮。惡人受報，爾目覩兮。至上之主耶和華，余所倚賴，爾亦恃之，故災患不臨爾身，疫癘不及爾家兮。主必命其使，四周扞衛兮。以手扶持，免足觸石兮。猛獅與蛇，爾可踐之，稚獅巨蛇，爾可躡之兮。上帝曰：彼愛余，我拯救之。彼崇余，我振興之兮。彼禱余，我垂聽之。彼遭難，我眷祐之。以手援之，俾得尊榮兮。不錫遐齡，永膺多福兮。

第九十二篇

此詩爲安
息日而作

至上之主耶和華兮，頌禱爾，謳歌爾，盡美盡善兮。清晨讚美爾仁慈，薄暮稱

揚爾真實兮。操十絃之瑟，播鼗鼓琴，而作謳歌兮。耶和華兮，爾著經綸，而行異蹟，余心念之，不禁悅懌而頌美兮。爾所爲甚大，所思深奧兮。愚蠢之人，不知斯理，不明斯道兮。惡者亨通，如草萌芽，轉瞬凋零，至於永亡兮。耶和華兮，維爾至尊無對，永世靡暨兮。爾敵必亡，惡人離散兮。爾使我蟬噪，如兕之角，爾沐我以膏，維新維潔兮。仇敵毀傷，惡人敗亡，使我目睹之，耳聞之兮。義者發萌，譬彼棗樹，譬彼利巴嫩之柏香木兮。凡彼卉木，植於我上帝耶和華之場帷，枝葉葱蘢兮。歷年雖久，結實依然，青青向榮兮。我上帝耶和華至義，罔不秉公，以此可徵兮。

第九十三篇

耶和華爲君，其威赫奕，能力俱全，寰宇奠定，歷久不易兮。耶和華秉權，亙古勿替，無

始無終兮。耶和華兮，波濤澎湃，其聲嘈呶兮。維爾巍巍，勝於海濤之洶湧兮。耶和華兮，爾之法度至真，爾之居處至聖，永世靡暨兮。

第九十四篇

耶和華上帝兮，維爾在昔，雪忿報仇，今也彰爾榮光也。寰區之內，咸爾所鞠，願爾勃

與驕泰之人。爾罰之兮。耶和華兮。惡者得志而歡忻。將至何時兮。維彼措詞暴厲。出語矜誇。伊於何底兮。爾所得之民人。受彼凌辱兮。賓旅孤寡。遭其殺戮兮。自謂雅各之上帝耶和華。必不鑒察兮。愚蠢之人。懵然無知。何日明此理兮。豈有造人耳目而已。反不能見聞兮。豈有督責異邦。指示以道。而不責人以善兮。人所思維。俱屬虛無。耶和華灼知之兮。耶和華兮。人爲爾加以譴責。訓以律法者。必蒙福祉兮。如遭患難。爾錫以平康。惟作惡之人。爾投於坎阱兮。耶和華所得之民。不棄之如遺兮。秉厥公義。以鞫斯事。善人悅從兮。惡者攻子。佑我者誰兮。如耶和華弗援手。余瀕於死亡兮。耶和華兮。昔子惟恐隕越。爾乃施恩。輔翼子兮。余懷憧擾。爾慰藉子。悅我心曲兮。惡人在位。立法不善。爾豈佑之兮。彼也虐遇善士。欲殺無辜兮。我之上帝耶和華。範衛子。護佑子兮。作惡之人。謀爲不軌。我之上帝耶和華。必絕之。俾其所謀。反害及身兮。

第九十六篇 耶和華兮。我之救主。爾曹偕我謳歌頌美之兮。我以榆楊之語。昌言於前。欣然咏詩。頌之靡已兮。耶和華上帝。大不可及。作君於寰宇。諸上帝中。誰克與之抗衡兮。淵淵其淵。巍巍其山。悉歸上帝統轄兮。維彼創造滄海。甄陶平陸。咸其所有兮。彼乃造化之主。耶和華。爾曹曷不偕我俯伏拜跪之兮。彼乃我之上帝。我儕小民。卽其所牧之羊兮。上帝曰。至於今日。爾願聽從吾言。不剛愎乃心。如昔民之舐觸我。試我於野兮。爾祖觀我行事。亦嘗試我。歷四十載。我憾當時之人。曰。厥心常迷。不識余途兮。子怒而誓之。毋俾斯人。享余安息兮。

第九十六篇

天下億兆。當唱新歌。頌美耶和華兮。耶和華以手援子。子日播揚其事。頌讚其名兮。

異邦中稱其尊榮，兆民間彰其經綸兮。耶和華至大，當揄揚靡已，締造蒼穹，要當寅畏兮。異邦上帝，盡屬虛無，勿崇敬兮。耶和華在聖所，彰其赫奕，著其能力，尊其顯榮兮。爾曹億兆，稱揚耶和華，有尊榮，具大能兮。讚美耶和華，盡其所當然，宜獻祭物，入於場帷兮。觀彼聖所，洵美且都，崇事耶和華，天下人民，咸當寅畏之兮。昔告異邦，耶和華宰萬有，彼立寰宇，不致震動，彼鞠萬民，惟秉大公兮。願天地欣喜，海中百族頌揚之兮。田疇林木，以及百物，喜樂不勝兮。蓋耶和華臨格，以鞠天下，公義是秉，誠實無妄兮。

第九十七篇 耶和華作之君，萬邦咸喜，百州同樂兮。彼居厥位，幽深玄遠，以大公爲址，以仁義爲基兮。火燎於前，以焚仇敵兮。電輝寰宇，人見而畏兮。耶和華帝天下，其臨格時，峰巒頓失，如蠟消融兮。天彰其德，民觀其榮兮。凡此庶民，崇奉偶像，喜事雕刻之形，俱必使之蒙羞，凡厥天使，咸當崇拜乎主兮。耶和華兮，郇邑之民，猶大之女，聞爾法度，靡不欣喜兮。耶和華兮，惟爾至高，治理天下，較他上帝，甚爲尊榮兮。爾曹敬愛耶和華，宜絕惡事，彼保爾命，免爲惡人賊害兮。爲義者得光明，心誠者獲悅懌兮。爾曹義人，因耶和華而欣喜，念其爲聖，而頌美之兮。

第九十八篇 當唱新歌，頌美耶和華，彼行異蹟，獨施其巨力大能，以救斯人兮。耶和華兮，拯彼人民，彰厥仁義，俾異邦人瞻仰之兮。以色列族，彼所垂憫，以踐前言，上帝以手援子，天下億兆，咸目觀之兮。爾曹世人，歡然欣喜，大聲頌美，謳歌耶和華兮。鼓琴詠詩，頌揚耶和華兮。耶和華爲我之君，當吹角欣喜，頌讚之兮。願滄海百族，陸地萬物，揚聲以頌禱兮。願江湖澎湃，聲如鼓掌，尚巒巒

應音同倡和兮。蓋耶和華臨格，以鞠天下，公義是秉，正直是行兮。

第九十九篇 耶和華居嗒略咪間，治理寰區，億兆賓長，大地震動兮。耶和華在郇邑，其大莫匹，超軼於凡民兮。彼乃至聖，大可敬畏，人當頌美兮。其為大君，好行公正，在雅各家，仁義浹洽兮。我之上帝耶和華至聖，爾當高其品評，泄彼駐蹕之所，崇拜之兮。牧伯之中，厥有摩西亞倫，禱告主名者，厥有撒母耳，彼籲耶和華，而蒙垂聽兮。上帝在於雲中，雲狀若柱，降詔厥僕，俾守其法，從其禮兮。我之上帝耶和華兮，爾垂聽之，赦宥之，有瑕疵者，爾降罰兮。我之上帝耶和華至聖，當揄揚之，崇拜於聖山兮。

第一百篇

此人頌之辭

寰宇兆姓，靡不歡呼，頌美耶和華兮。在耶和華前，欣喜以供役，謳歌而頌讚兮。宗

耶和華為上帝，彼造我躬，我為其民，牧我若羊兮。子必頌禱而進其門，檄揄揚而入其場，帷當謝其恩，祝其名兮。耶和華無不善，恒懷慈愛，真實無妄，永世靡暨兮。

第一百有一篇

大衛所作

耶和華兮，我歌仁咏義，望爾臨格，余在家庭，惟道是從，惟公是秉兮。我非禮不

視，深惡邪僻，雖片刻不敢從兮。擯斥忤逆，杜絕匪類兮。誹謗之流，余必棄之，矜高之輩，余不容之兮。忠愍之士，予所眷顧，使偕我居兮。正直之人，余將使之供役事兮。詭詐者，擯勿與處，虛誑者，勿在余前兮。作惡者，早加翦滅，毋俾在耶和華邑兮。

第一百有二篇

困苦之人於耶和華前陳情所禱而作此詩

耶和華兮，余恒祈禱，求爾俯聞兮。余遭患難，毋我遐棄，垂聽我所，拯

余勿緩兮。余命將終，若烟之易散，余骨已朽，若炬之速燼兮。我被扑責，若草枯槁，飲食俱廢兮。余

歎歎靡已，形消骨立，膚革僅存兮。余若鷓鴣，居彼曠野，余若鷓鴣，止於野水兮。余終夜不寢，恍然
孑立，若雀止於屋巔兮。我之仇敵，終日欺子，猖狂發誓，如不殺余，與余同苦兮。余也食塵猶餅，飲
涕若水兮。因爾怒我，始則振興，繼則棄子兮。余之生命，如影沉西，如草凋零兮。耶和華兮，爾乃永
生，兆姓追思，歷世靡已兮。垂顧郇邑，其時已至，爾其勃興，矜憫之兮。卽其瓦礫，爾僕亦悅之，卽其
塵沙，爾僕亦愛之兮。異邦必加以寅畏，列王必敬其尊榮兮。耶和華復建郇邑，必顯其榮兮。貧乏
者流，祈禱上帝，必俯聞之，不遐棄之兮。余作斯歌，俾後世之人，頌讚耶和華兮。耶和華在上，聖殿
崇高，垂鑒下土兮。俘囚歎歎，彼其聞之，人將就戮，彼其拯之兮。異邦之民，咸來和會，崇事耶和華
斯時也。在彼郇邑，揄揚其名，在耶路撒冷，頌美靡已兮。余趨生命之途，其力已衰，厥命將絕，上帝
使然也。曷曰，我之上帝，爾壽無疆，余年正壯，毋使子短折兮。爾元始肇基乎地，創造乎天兮。彼必
崩，爾恒存，彼必敝如衣服，爾更易之兮。惟爾不變，爾年靡暨兮。爾僕之子孫，必恒在爾前兮。

第百有三篇

此詩大衛所作

吾心之神，惟耶和華是頌，譽其聖名兮。吾心頌美耶和華，念其恩澤弗忘兮。彼

也。宥余罪愆，醫余疾病兮。以手援子，免於死亡，賜以仁慈矜憫，若加冠冕兮。余雖老邁，得飫嘉物，
俾余復壯，譬彼蒼鷹兮。耶和華躬行仁義，眷佑窮獨兮。在昔彰其經綸，指示摩西，爰及以色列族
兮。耶和華仁慈矜憫，怒不遽發，施恩格外兮。彼不恒責余，不常怒子兮。維彼待余，輕我刑罰，減我
愆尤兮。譬諸天高於地，體恤倍至，眷祐敬虔之士兮。譬諸東之遠於西，除我罪愆，不加責罰兮。譬
諸父之恤其子，寅畏之人，耶和華矜憫之兮。上帝博土爲人，永不忘兮。人之生也，譬彼草萊，欣欣

以向榮兮，疾風一吹，立見凋枯，無從覓跡兮。凡敬虔之士，守其約，從其命者，耶和華惟行仁義，必加矜憫，爰及子孫，自亙古迄季世兮。耶和華之位，在彼穹蒼，治理天下兮。耶和華之天使，具能力，遵其命，從其言，亦當頌美耶和華兮。耶和華之天軍，奉行厥旨，亦當頌揚耶和華兮。耶和華在寰宇，丕著經綸，以彰大能，我心亦頌禱靡已兮。

第一百四篇

我心當頌美耶和華，我之上帝耶和華兮。其大無比，其威赫奕兮。煥光華為衣，張穹

蒼若幃兮。建宮於玄冥，乘雲為大輅，藉風為翼而翱翔兮。其用使者猶風，役者猶火兮。立地於四維，永不遷移兮。使水遍地，如衣被身，懷山襄陵兮。主發雷聲，叱咤波濤，水奔騰而盡退兮。山崗峙立，平原奠定，水歸厥所兮。主立隄防以為限，水不能過，無復有淹決之虞兮。主使陵谷潛其泉源，山巒有其澗溪兮。俾野驢解渴，百獸得飲兮。維彼飛鳥，棲於山崗，鳴於樹間兮。主自宮中降雨，灌溉高山，平地結果，充足有餘兮。主令百草萌蘖，六畜囓之，菜蔬叢生，世人食之，咸地所產兮。酒醴可以悅心，膏沐可以頹面，餅餌可以養生兮。耶和華栽植林木，以及利巴嫩之柏香木，無不資以灌溉兮。在彼飛鳥營巢，鶴居松間兮。野羊登於高山，吵噉藏於巖穴兮。主造大明，以定日時，日入不爽，其刻兮。遍地晦冥，獸乃出兮。稚獅仰首，呼號以覓食，有若祈禱兮。日出獸藏，匿身巢穴兮。人出而作，日入而息兮。耶和華兮，爾之經綸，何其衆著，爾以智慧，創造萬有，爾之恩膏，溥及寰宇兮。海廣無垠，鱗族繁滋，或大或小，以泳以游兮。舟楫可通，鱷魚踴躍，主所造兮。斯皆惟主是賴，隨時主給以食兮。主給之，彼食之，主溥恩膏，彼得果腹兮。主遐棄之，則不得安，主斷其氣，則就死亡，歸

於土兮，主乃復鼓其氣，百物受造，寰宇之中，煥然一新兮。耶和華之榮光，恒久弗失，著其經綸，而
悅懌兮。一觀其地，地基震動，一履其山，山崗蹶起兮。我尚生存，必謳歌頌讚我之上帝，耶和華兮。
余稱揚耶和華，中心悅豫兮。罪人必杜絕之，作惡者歸於虛無，余之中心，頌美耶和華，爾曹亦當
揄揚之兮。

第一百有五篇 當頌美耶和華，呼籲其名，以厥經綸，普告兆民兮。宜謳歌之，揄揚之，稱其異蹟，譽其

聖名，凡求耶和華者，咸有歡心兮。惟耶和華是求，惟其能力是恃，恒祈不輟兮。亞伯拉罕為其臣

僕，雅各彼所遴選，爾曹子孫，當憶其經綸，念其異蹟，從其誠命兮。耶和華兮，我之上帝，治理天下

兮。彼立厥約，永世弗忘兮。昔與亞伯拉罕立約，與以撒發誓兮。復於雅各家，以色列族中，重申其

命，永著為例兮。詔曰：余以迦南錫爾為業兮。當時人寡，其數無幾，為旅於斯土兮。自此邦至他邦，

又轉徙於列國兮。上帝不容人虐遇，苟為列王所侮，譴責必加兮。其沐以膏者，不許干犯，其立為

先知者，不許惡待兮。上帝使斯土饑饉，絕其糲糧兮。有名約瑟，始為上帝所遣，先我祖而至埃及，

見鬻為僕兮。人以桎梏絆其足，鐵索拘其身兮。耶和華試之，屆頒詔之時，災害乃免兮。王為民牧，

詔命釋之兮。俾治其家，理其國兮。彈壓羣臣，訓迪長老，悉隨其意兮。以色列族，雅各子孫，詣彼埃

及，旅於舍兮。上帝使選民繁衍，較敵尤強兮。維彼敵人，銜憾選民，欺上帝僕，上帝聽其然兮。然其

或曰：使摩西為其臣僕，亞倫為其遴選，上帝特遣之兮。行奇蹟於埃及，施異能於舍兮。主使遍地

晦冥，無不應命兮。變水為血，鱗族俱亡兮。羣蛙充斥，進王宮室兮。蠅成飛集，蚋遍通國，皆主所命

兮。自上雨雹，由天降火兮。葡萄樹毀兮，無花果隕兮。境中林木，咸爲所損兮。主命蝗集，千百成羣，不可計數。食田蔬，害物產兮。父力方剛，初生男子，爲主所擊，通國靡遺兮。爰導以色列族，出於彼境，咸攜金銀，凡厥支派中，無荏弱之人兮。埃及人懼之，故見其出而悅懌兮。上帝布雲覆民，夜則燭之以火兮。主使鴝鵒咸集，自天降餅，俾民果腹，應民所求兮。主裂磐而水泉流於曠野，有若溪河兮。昔與僕亞伯拉罕，有厥聖約，主念之弗忘兮。導彼選民，靡不臚懽，謳歌而出兮。使有異邦，其所經營之地，彼得而享之兮。爰訓厥民，守其禮儀，遵其律例，爾曹當頌美耶和華兮。

爾曹當頌美耶和華，無不善，恒懷矜憫，汝當頌美之。揄揚靡已兮。耶和華之經綸，誰能形容盡致，而頌揚之兮。人苟秉公行義，歷久弗渝，則福祉永綏兮。耶和華兮，求爾憶子，以手援子，無異選民兮。俾子享選民之福，與彼同樂，欣喜無窮兮。列祖犯罪，我儕濟其惡，愆尤叢集，爾在埃及，丕著異蹟，乃余列祖，懵然弗識，罔念爾鴻恩兮。在彼紅海，千爾震怒兮。上帝卒拯救之，彰厥大能，著其仁慈兮。爰叱紅海，海中判，俾民得濟，如履陸地兮。敵憾選民，欲加殘害，上帝援手兮。俾水淹敵，靡有孑遺兮。民信主言，謳歌其名兮。厥後斯民，忘其經綸，不俟其命兮。爰至曠野，縱欲妄行，以試上帝兮。主雖聽其祈，仍降以災兮。斯民在營，媚嫉摩西，維彼亞倫，上帝俾之作聖，民亦深忌之兮。地口孔張，吞噬大單，淹覆亞庇蘭之黨兮。火燃厥黨，焰焚惡衆兮。民在何烈，鑄犢成形，而崇拜之兮。昔歸榮上帝，今則不然，拜跪犢像，懷惟嚙藟兮。上帝在埃及，行異蹟，在舍作奇事，在紅海彰厥威，欲手援斯民，民忘之兮。於是欲加翦滅，惟有摩西，爲上帝所遴選，代民祈求，爰息震怒，不殲斯族。

兮，維彼腴壤，民藐視之。主之所言，人弗信從兮。在於營壘，怨聲殆遍，不尊崇耶和華兮。耶和華發誓，俾民敗亡於野兮。若子若孫，喪之於列國，散之於四方兮。斯民也，宗事巴力比耳，奉祀亡者，食其祭品兮。干耶和華震怒，疫癘流行兮。迨乎非尼哈，幅輿施厥刑罰，疾疫以止兮。其義彰彰，永世靡暨兮。在米利巴水濱，民干主怒，摩西因此，亦遭患難兮。民激摩西，摩西之氣，不能自遏，啟口而妄言兮。耶和華使民滅此異邦，民不聽從兮。乃偕異邦人，爰居爰處，染其污俗兮。事其偶像，罹於罪網兮。焚厥子女，以祭鬼神兮。流子女無辜之血，以祀迦南之偶像，污穢斯土兮。徇私欲，作惡事，偏多穢行兮。於是耶和華奮怒，痛疾厥民兮。使之見敗於異邦，受制於仇敵兮。維彼寇讎，困迫之兮。恃強以凌虐兮。主屢行拯救，民乃背逆，自取罪戾，日就消亡兮。民逢禍患，主聞其籲，復加眷顧兮。追念聖約，體恤倍至，矜憫靡涯兮。斯民被虜，主感敵人，俾懷惻隱兮。我之上帝，耶和華兮。我在異邦，望爾使余得歸故土，余必祝謝，頌美聖名兮。以色列之上帝，耶和華，當極揄揚，萬世無疆。斯民僉曰：誠心所願，頌讚耶和華兮。

耶和華無不善，恒懷惻隱，宜稱揚之兮。凡蒙其恩，得其拯救，脫於仇敵者，宜頌美之兮。主召斯民，來從異邦，自西自東，自南自北，咸相集兮。維彼曠野，人蹤罕至，於時迷途，四無城郭，可以棲息兮。載饑載渴，其魂喪失兮。患難之時，呼籲耶和華，蒙其援手兮。導之行於坦途，使得城垣，可以托足兮。耶和華無不善，著其經綸，普救人民，願人讚美之兮。主使渴者飲，饑者食，飲以嘉物兮。斯人也，違逆至高之上帝，厭棄其道，故居幽暗陰翳之地，陷以患難，繫以鐵索兮。無人援手，

心甚窘迫，呼籲耶和華，蒙厥拯救兮。脫之於患難，陰翳之地，斷其繫維兮。耶和華無不善，著厥經綸，普救民人，願人讚美之兮。主毀銅門，斷鐵櫪兮。愚人犯罪，而罹禍患兮。厭棄食物，將就死地兮。患難之時，呼籲耶和華，蒙厥拯救兮。主頒厥詔，醫痊其疾，脫於危亡兮。耶和華無不善，著厥經綸，普救民人，願人讚美之兮。獻祭以酬恩，揄揚而欣喜兮。世人駕舟航海為業兮，在彼深淵，得窺耶和華之經綸兮。主降厥命，狂風驟起，波騰浪湧兮。維彼舟子，倏而隨之起，有若升於穹蒼，倏而隨之下，有若墮於海底兮。因其危險，厥魂喪失兮。搖撼不定，譬彼醉人，無所施其技兮。患難之時，呼籲耶和華，蒙厥拯救兮。主使風恬浪靜，人得平息，欣喜不勝，蒙主護佑，得至泊所，如其所願兮。耶和華無不善，著厥經綸，普救民人，願人讚美之兮。凡民和會長老，聚集之所，當揄揚上帝兮。主因人民蹈於愆尤，使水區為沙漠，江河為槁壤，膏腴之土，成斥鹵之地兮。主復使野有泉源，陸有水澤，俾饑者居之，在彼人建城垣，耕耘田畝，栽植葡萄，得其土產兮。主錫純嘏，俾生齒繁衍，六畜眾多兮。復降管災，加以禍患，俾民數衰，少民心悚懼兮。民牧則黜其位，流亡於野，在人跡不至之所兮。貧乏者流，罹於患難，主拯救之，俾其子孫昌熾，譬彼羣羊兮。義人見此，欣然以喜，作惡者無以措詞兮。凡百庶民，智慧是具，深窺斯理，必知耶和華之仁慈兮。

第百有八篇

此詩大衛所作

上帝兮。余志已決，竭余心思，謳歌而頌美之兮。清晨警醒，鼓瑟鼓琴兮。在異邦

中，必揄揚爾，在兆民間，必謳歌爾兮。爾之仁慈，及乎霄漢，爾之真實，貫乎穹蒼兮。上帝兮。峻極於天，光燭宇內兮。願爾垂聽，大施臂力，拯爾選民兮。上帝至聖，曾有應許，余聞之而竊喜兮。余將分

封示劍，量度數割兮。基列馬拿西，咸入我版圖兮。以法蓮若我兜鍪，猶大族爲我牧伯兮。摩押境若我盤匱，以東地猶我履架。余勝非利士人，而作凱歌兮。鞏固之城，誰導我入，以東之邑，誰使余得兮。惟爾上帝，素乘我躬，惟爾上帝，今率余軍旅兮。人力徒勞，求爾眷佑，免於患難兮。上帝助余，蹂躪我敵，我惟賴之，大事以成兮。

第百有九篇

此詩大衛所作
使伶長歌之

上帝兮，予揄揚爾，爾毋默然兮。惡人詭詐，厥口孔張，謾謗予兮。四方之人，

謠譟叢興，環而攻予，出於無因兮。我以眷愛加彼，彼以仇敵視予，余則專務祈禱兮。彼以惡報善，以怨報德兮。願惡人制之，寇讎迫之兮。彼若受鞠，願定其罪，彼若祈禱，反以爲惡兮。其生之日，願爾絕之，其督之職，他人任之兮。寡其妻，孤其子，俾其後嗣，瑣尾流離，恒爲乞人，居處荒寂，丐食遠方兮。願貸金者，取其所有，異邦之民，攘其物產兮。願無人矜憫之，不撫恤厥孤兮。必絕其嗣，名弗稱於後世兮。厥祖行惡，願耶和華念之，其母不善，毋宥之兮。願耶和華念其愆尤，使天下之人，不齒其名兮。維彼惡人，素不矜恤，匱乏難堪者，彼追襲之，中心痛悔者，彼殺害之兮。彼惟詛人是喜，願彼亦服咒詛兮。彼不爲人祝福，願福祉不及其躬兮。彼尤人必以咒詛，猶文身必以衣服，願彼咒詛，猶水入其腎腸，如油淪其骨髓兮。願彼咒詛，蒙之若衣，束之若紳兮。凡我讎敵，謀害我命，願耶和華報之，若此兮。我主耶和華兮，爾仁慈可嘉，望爾拯救，彰厥鴻恩兮。我甚貧乏，中心毀傷兮。余命將絕，如影沉西，亦猶蝗蟲，靡有定所兮。予禁食已久，致足瘠形瘦兮。余爲衆所凌辱，見我而搖首兮。我之上帝耶和華兮，望爾垂憐，拯救我兮。使彼衆人，知余之得救，爾使然兮。任人咒詛，望

主錫福使彼媿耻，僕以欣喜兮。願敵貽羞，若蔽以衣。願其抱媿，若蒙以裳兮。耶和華兮，余稱揚靡已。俾眾咸聞兮，貧乏之人，爾左之右之。敵人罪予，欲加殘害，爾佑余兮。

第一百十三篇

之時

耶和華謂我主云，坐我右，我將以爾敵置爾足下兮。爾之統轄，出自郇邑，爾之

仇敵，爲爾制伏，皆耶和華所使兮。秉鈞之日，爾之選民，必衣聖服，靡不樂從。爾之冠者，多於朝露兮。耶和華誓而不改，爾永爲祭司，依麥基洗德之班聯兮。耶和華兮，有主坐爾之右，震怒之時，必擊列王兮。罰諸異邦人，使尸相枕藉，遍於四方。煎剔元凶兮，溪在道旁，主飲其水，昂厥首兮。

第一百十四篇

爾曹必頌耶和華，我將入義人之會，盡心頌美之兮。耶和華之經綸，大不可及，樂之

者，必詳究之兮。所爲赫奕，其義永存兮。所施異蹟，可記憶之。耶和華矜憫爲懷兮，敬虔之士，主必養育，恒念其前約兮。著厥經綸，爲民目覩，錫以異邦之地兮。惟秉厥公，眞實無妄，其命正直，以眞實爲本，萬世不易兮。主拯選民，永立厥約，其名至聖至尊兮。寅畏耶和華，則智慧，守其命令，則聰明兮。榮光恒存兮。

第一百十五篇

耶和華兮，爾曹宜頌美之。寅畏耶和華，悅從厥命者，福祉永綏兮。彼之後嗣，秉國之

鈞，義人之子孫，必納純嘏兮。貨財充足於家，其義永彰兮。維彼義人，慈愛爲懷，惟秉大公，雖處幽暗，必得光明兮。凡施厥恩，貸人以金，慎其所行，必蒙福祉兮。恒不遷移，爲義之人，其名不朽兮。雖聞凶音而不懼，心有操持，惟耶和華是賴兮。彼堅厥志，無所畏懼，敵人遭害，彼目覩兮。彼散財兮，彼濟貧兮，其義永存，其角崢嶸兮。惡者見此而憂，銜憾切齒，淪胥以亡，所欲不遂兮。

第百一十三篇 爾曹爲耶和華之僕，當頌美之。靡已兮，耶和華之名，要當揄揚，永世無疆兮。自日出之鄉，至日入之所，咸宜頌美耶和華兮。耶和華超軼於凡民，榮及霄漢兮。我之上帝耶和華，高拱明宮，誰堪頡頏兮。主自揭謙，俯察天地兮。貧乏者流，處於塵埃，居於糞壤，主舉而升之兮。使與民牧，爰居爰處兮。不妊之婦，今產多男，喜樂不勝兮。爾曹當頌美耶和華兮。

第百一十四篇 維昔以色列族，出自埃及，雅各全家，遠離異邦兮。當時猶大地，爲其聖所，以色列族爲其畿輔兮。滄海因之而中判，約但因之而回流兮。山巒搖撼，有若牡羊羔羊，以踴躍兮。滄海何爲中判兮。約但何爲回流兮。山巒何爲搖撼，有若牡羊，有若羔羊，踴躍靡定兮。雅各之上帝耶和華，以磐爲沼，以石爲泉，大地亦必震動於其前兮。

第百一十五篇 耶和華兮，矜憫爲懷，眞實無妄，榮光歸主，不歸我兮。異邦之民，胡爲詰我曰：以色列之上帝安在兮。不知我之上帝，在彼穹蒼，任意作爲兮。彼之偶像，金銀而已，人手所雕作兮。有口不言，有目不覩兮。有耳不能聞聲，有鼻不知辨臭兮。有手不可提挈，有足不可步履，有喉舌不可談吐兮。造作之，倚賴之，與彼無異兮。以色列族恃耶和華而蒙護佑兮。亞倫家恃耶和華而蒙護佑兮。敬虔之士，恃耶和華而蒙護佑兮。耶和華垂念我，錫子純嘏兮。以色列族亞倫家，亦蒙錫嘏兮。敬恪之士，無論大小，俱蒙錫嘏兮。耶和華必使爾繁衍，爰及子孫兮。耶和華造天地，加爾以純嘏兮。天上之明宮，屬於耶和華，彼以天下，賜之於人兮。死者歸墓，入於何無何有之鄉，不能頌揚耶和華兮。惟予頌美之，永世靡暨，爾曹咸當頌讚耶和華兮。

第一百八篇 耶和華兮恒聽我所我敬愛之兮主傾耳而俯聞故我畢生必禱告之兮死亡之羈
 縲拘繫于兮幽冥之困苦纏繞于兮我遭患難不勝危急兮我禱耶和華曰爾其救我兮我之上
 帝耶和華恒懷矜憫惟秉公義兮誠懇之人耶和華祐之余遭患難主拯予兮耶和華加我以恩
 今予心神庶得安恬兮主援予於死亡免余出涕足無隕越兮我尚生存必從耶和華兮我信而
 言也我甚迫切兮我率爾吐詞言彼兆民無一誠懇兮耶和華兮錫我鴻恩何以仰副之兮我既
 蒙救必獻酬恩之祭捧爵而禱耶和華兮我曾許願祀耶和華必在選民間償之兮敬虔之士耶
 和華矜恤之必保其命兮耶和華兮我乃爾僕我之母即爾之婢爾其解我結兮我必獻酬恩之
 祭籲耶和華名兮我曾許願祀耶和華必在選民間償之兮在耶和華場帷間即耶路撒冷邑中
 爾曹當頌揚耶和華兮

第一百八篇 億兆萬邦當頌美耶和華兮耶和華矜恤為懷真實無妄永世弗替爾曹當揄揚耶
 和華兮

第一百八篇 耶和華無不善矜憫恒存爾曹當頌美之兮以色列族必曰其矜憫恒存兮亞倫家
 必曰其矜憫恒存兮敬畏耶和華者必曰其矜憫恒存兮我遭難時呼籲耶和華蒙其垂聽導我
 至安閒之地兮耶和華助予任人所為我不憚兮人左右我耶和華亦祐我敗亡我敵俾我目覩
 兮當惟耶和華是恃毋恃世人兮當惟耶和華是恃毋恃牧伯兮萬邦之人環而攻予我恃耶和
 華而滅之兮四方之敵圍繞困予我恃耶和華而滅之兮彼環繞以來勢若蜂擁我恃耶和華而

滅之、若火之焚荆棘兮、彼攻擊子、勢甚迫切、欲使余隕越、而耶和華祐余兮、耶和華施其大力、以手援子、我謳歌之兮、義人蒙救、謳歌之聲、出於戶內兮、耶和華展厥大能、事無不成兮、耶和華之能、崇高而顯赫、大事以成兮、我必不死、而保其生、稱述耶和華之經綸兮、耶和華督責我、惟不置我於死地兮、當啟道義之門、余入其內、頌讚耶和華兮、斯門也、卽耶和華之門、義人必進之兮、主垂聽而拯救、余必頌美之兮、工師所棄之石、成爲屋隅首石兮、斯事耶和華成之、我目而奇之兮、至於今日、乃耶和華所定、我必欣喜不勝兮、耶和華兮、以手援余、俾得坦途兮、托耶和華名而來者、當見寵兮、我在耶和華室中、爲爾祝福兮、耶和華上帝、色相之光華、普照於我、以繩繫轡、往於壇角兮、爾爲我之上帝、當頌美爾、爾爲我之上帝、當極力以讚爾兮、耶和華無不善、恒懷矜憫、爾曹當頌讚之兮。

第一百九篇 所行平直、從耶和華律例者、可納福祉兮、守其法度、盡心求主者、錫以純嘏兮、彼從主道、不蹈愆尤兮、主命斯人、遵守其命、甚黽勉兮、願我立品不滑、遵爾禮儀兮、我惟爾命是從、不致貽羞兮、爾之典章、皆順乎義、我既學之、頌美乎主、出於誠心兮、子也、守爾禮儀、毋我遺棄兮、○人自幼稚、欲飭其行爲、當如之何、惟謹守爾道、斯乃可兮、子盡厥心、祈求於爾、無俾余舛錯爾誠命兮、子以爾言、藏之於心、免余陷罪觸法兮、耶和華兮、爾可頌美、以爾禮儀訓迪我兮、子口所述、惟爾典章兮、子悅懌爾法、勝於貨財兮、我思爾道、我仰爾命兮、我悅爾禮儀、不忘爾所言兮、○降福爾僕、俾我生存、而守爾道兮、請啟我目、俾詳審律例之奧兮、我居於世、有若賓旅、爾之誠命、無

隱於我兮，爾之典章，我盡心以眷愛之。靡日不然兮，驕泰之人，舛錯爾誠命，服爾咒詛，爲爾譴責兮。我守爾法，免受侵凌兮。牧伯坐於高位，加以譏謗，僕則思爾禮儀兮。爾之法，吾所師而悅懌兮。○我幾隣於死地，爾使我生，踐爾前言兮。予之所爲，余自言之，爾垂聽予，示我以禮儀兮。俾明爾道，予思爾經綸兮。我躬拳曲，請爾輔直，以踐前言兮。俾予遠離異端，而賜以律法兮。予惟真道是擇，仰爾典章兮。耶和華兮，爾之律法，心乎愛矣。毋使子媿恥兮，俾我心廣，步趨爾誠命兮。○耶和華兮，以爾禮儀，指示於我，至終守之兮。賜我智慧，守爾律例，盡心遵之兮。爾之誠命，我悅從之。爾以此導我兮，使我中心慕爾法度，不貪貨財兮。使我目不覩虛妄，使我活潑，而從爾道兮。僕恒寅畏爾，願爾踐前言兮。我懼凌辱，爾使遠之。爾之典章，無不善兮。我慕爾道，使我活潑，彰爾仁義兮。○耶和華兮，矜恤我，拯救我，踐爾前言兮。有侂予者，予以是答之。蓋我惟爾言是賴兮。斯言確然，俾余述之，不絕於口兮。仰爾法度，守爾律例，永世弗替兮。我詳究爾道，使我所行之路，綽然有餘兮。在列王前，我頌揚爾法，不蒙媿恥兮。我愛爾命，必以之爲喜兮。我愛爾命，必舉手以爲敬。爾之禮儀，思之弗忘兮。○爾曾許僕，使我希望，請爾念之勿忘兮。我遭患難，爾以言詞，慰藉予兮。驕者侮予太甚，我不違爾律例兮。耶和華自昔，賜我典章，我記憶之，而納慰兮。惡者違爾律例，我見之中心如焚兮。我之在世，有若賓旅，謳歌爾禮儀兮。耶和華兮，我夤夜憶爾，守爾律例兮。我遵爾道，故有此慰藉兮。○我得耶和華爲福之本，故曰，必守爾道兮。我盡厥心，求爾施恩，爾矜憫予，以踐前言兮。我檢所爲，歸順爾法兮。守爾誠命，弗遲弗緩兮。惡黨環攻，我不忘爾律例兮。爾之典章，惟

義是據，中夜興起，頌美爾兮。寅畏爾恒守爾道者，我友之兮。耶和華兮，爾之仁澤溥於天下，以爾禮儀俾我知之兮。○耶和華兮，爾待僕以恩，以踐前言兮。我信爾命，教我以道，明我以理兮。我未受苦，則迷我途，今守爾道兮。爾無不善，以爾禮儀指示我兮。驕者施詭詐以攻子，我盡心守爾道兮。彼體胖心慳，維我悅爾律例兮。我雖受難，猶以爲幸，因余學爾禮儀兮。我視爾之律例，貴於金銀千億兮。○昔爾甄陶余，今以智慧賜余，學爾誠命兮。我惟爾道是望，寅畏爾者，見余而悅憚兮。耶和華兮，爾之法度無不義，是余所知，爾雖降災於我，乃玉我於成兮。我爲爾僕，爾矜恤子，慰藉子，踐爾前言兮。子悅爾律例，爾矜憫子，使我得生兮。驕者侮子，出於無因，使彼蒙羞，我默想爾道不已兮。寅畏爾悅從爾法者，咸以我爲友兮。我盡心遵爾法度，必不蒙羞兮。○我盡厥心，望爾拯救，惟爾道是賴兮。我窮目力，望爾踐言，爾慰藉子，不知何時兮。余如革囊，久懸烟際，惟爾禮儀，永念不忘兮。僕之在世，爲日無幾，爾罰我敵，將至何時兮。驕者違爾律例，掘阱以陷余兮。爾之誠命，眞實無妄，人欲害子，出於無因，爾祐子兮。余在世間，生命幾爲敵所絕，我不棄爾道兮。爾矜恤爲懷，使我活潑，以遵爾命兮。○耶和華兮，爾道永立，與天同休兮。爾言眞實，歷世不易，維彼大地，爲爾奠定兮。宇宙之中，莫非爾僕，聽從爾命，至今尚存兮。如我不悅爾律例，則必遭難而早亡兮。爾之大道，使我活潑，故我永念不忘兮。我爲爾僕，恒求爾道，望爾拯救兮。作惡之人，欲敗亡子，我思念爾道兮。我詳察萬理，物雖至美，亦歸於盡，惟爾道無窮兮。○爾有律法，我愛之甚切，懷思竟晷兮。爾示我以法度，我服膺之，故較敵人尤智慧兮。我恒思爾法，故較師傅尤通達兮。我恪守爾

道故較老成尤明晰兮。余跬步自謹，不行惡途，欲守爾道兮。爾訓迪之子加，我不敢違爾法度兮。
爾之言詞入於我口，甘勝於蜜兮。我受爾道，俾我曉然，憾一切邪術兮。○爾道若燈，光燭我徑兮。
爾之典章，惟義是據，余誓欲守之兮。耶和華兮，我困苦特甚，爾其振作子，以踐前言兮。耶和華兮，
聽我許願，以爾命示余兮。我命幾絕，猶不忘爾律例兮。惡者設坎阱以陷余，我不舛錯爾命兮。我
以爾道爲畢生之業，俾我心欣喜兮。爾之禮儀，吾必守之，專心致志，歷久弗忘兮。○我所惡者，躊
躇莫決之人，我所好者，爾之律例兮。爾範衛余，予惟爾之應許是望兮。作惡者流，其遠離余，余守
上帝命兮。爾其佑我，以踐前言，俾我生存，不致缺望，而蒙羞恥兮。爾其扶持余，俾余得救，則爾之
禮儀，余恒守之兮。凡舛錯爾道者，爾必藐視之，彼之詭詐，俱歸無益兮。世之惡人，爾掃除之若渣
滓，我惟爾法度是好兮。余寅畏爾，至於戰栗，爾之法度，必敬必恪兮。○我秉公義，毋使我受敵人
虐遇兮。遺僕以質，待僕甚善，毋使驕者侮子兮。我窮目力，望爾拯救，爾言出，惟行兮。以仁慈待僕，
以禮儀訓迪我兮。我爲爾僕，賜我明哲，可知爾法度兮。耶和華兮，人廢爾律例，故爾必降罰，今及
其時兮。我愛爾誠命，貴於兼金兮。爾所諭者，我悉以爲善，但諸妄爲，我憾之靡已兮。○爾道神妙，
故我守之兮。爾道既至，使愚者明兮。我口孔張，慕爾誠命兮。垂顧子，矜恤子，凡敬愛爾者，爾常待
之若此兮。以爾之道，安我步履，毋使惡者勝子兮。人虐遇我，爾其拯救，我恪守爾道兮。爾色相之
光華，普照於我，以爾之禮儀，訓迪我兮。人不守爾律例，我潸然下淚，若溪水之流兮。○耶和華兮，
爾秉公義，爾之典章，維正維直兮。爾所命之法，至仁至義，真實無妄兮。敵忘爾言，故我中心如焚。

兮，爾道至清，故僕愛之兮。藐茲我躬，爲人所蔑視，然予不忘爾道兮。爾之仁義，永存弗替，爾之律
例，眞實無妄兮。我遭患難，惟念爾法，以欣以悅兮。爾道仁義，永世靡窮，異于明哲，俾得永生兮。○
耶和華兮，我盡心以呼籲，望爾垂聽，我則守爾禮儀兮。予呼籲爾，爾其拯救，俾守爾法兮。黎明未
至，我呼籲爾，惟爾應許是望兮。夜漏未深，我目炯然，思維爾道兮。耶和華兮，矜恤爲懷，垂聽我所
使余活潑，如爾平昔所施兮。於此有人，遺棄爾法，妄自作爲，欲加害于，勢甚迫切兮。耶和華兮，如
臨吾左右，爾之誠命眞實無妄兮。爾之法度，我所素知，永立不移兮。○余雖遭難，猶不忘爾律法，
爾其垂念，拯救我躬兮。爾伸余冤，爾拯我躬，使余活潑，以踐前言兮。維彼惡人，不詳察爾禮儀，故
去福甚遠兮。耶和華兮，爾之慈愛靡窮，請爾使余活潑，如平昔之所施兮。我之仇敵，不止一人，惟
我不舛錯爾法兮。我見惡人，不遵爾命，故余憾之兮。耶和華兮，我悅爾道，爾其垂念，俾余活潑，以
彰爾仁慈兮。爾道之本，眞實無妄，爾之典章，永世弗替兮。○牧伯害余，出於無因，惟我中心，敬畏
爾道兮。我聞爾言，懽然欣喜，若獲厚利兮。異端邪術，我所深憾，爾之律例，我所篤好兮。爾之典章，
惟義是據，我頌美爾，日凡七次兮。愛爾律例，大獲平康，不陷於罪戾兮。耶和華兮，我遵爾誠命，望
爾拯救兮。予恒守爾法，好之甚篤兮。我之行爲，爾鑒察之，爾之法度，我尊崇之兮。○耶和華兮，我
呼籲爾，望爾垂聽，賜余明哲，踐爾前言兮。維爾俯聞我祈，拯救我躬，前言克踐兮。以爾禮儀，訓迪
我衷，我口必頌揚爾兮。爾之誠命，無不合義，余必稱述之，靡已兮。我服膺爾道，爾以手援予兮。耶
和華兮，爾拯救予，予所欣慕，維爾律法，予所悅懌兮。爲我伸冤，以祐我躬，俾我生存，頌美不絕兮。

子迷於歧途，譬彼亡羊，請爾追僕，蓋爾之誠命，僕不敢忘兮。

第一百二十三篇此詩京之詩也我遭患難，呼籲耶和華，望爾垂聽兮。耶和華兮，人設詭計，施厥妄言，加害我躬。

爾其拯救兮，詭詐者流，當如何以報之。維彼誑言，有若武士之利鏃，堅木之蕪炭兮。我旅於米設。

廬於基達，能不吁嗟兮。人樂戰鬥，我不得已，與之偕居，為時已久兮。我惟平康是望，我啟口與之。

修睦，彼即與我戰鬪兮。

第一百二十四篇此詩京之詩也歌曰：維彼崗巒，子所仰止。子之得救，在其地兮。造天地之耶和華，拯救子兮。

和之曰：必不使爾失足，保護爾者永不寢兮。護翼以色列族者，無時或寐兮。耶和華，範衛爾躬，左。

之右之，而加庇廕兮。爾在清晝，日不傷爾，爾至暮夜，月不害爾兮。耶和華，救爾，俾爾得生，免爾遭。

難兮。自茲以後，或進或出，咸蒙耶和華眷佑，永世靡暨兮。

第一百二十五篇此詩京之詩也，大衛所作有邀余登耶和華之室，我欣喜不勝兮。耶路撒冷兮，余足必履其門兮。

耶路撒冷，建築城垣，曰堅曰固，既完既備兮。耶和華之選民，支派相沿，循以色列族之常例，陟彼。

高崗，頌美耶和華兮。我大闢兮，所有衆子，在彼京師，坐於厥位，以鞠兆民兮。爾曹當禱於耶和華。

使耶路撒冷得享平康，愛斯邑者，必納福祉兮。願邑中咸享綏安，宮闈羣邀純嘏兮。我之昆弟友。

朋，咸在彼邑，故曰：願彼邑得平康兮。我上帝耶和華之室，亦在於彼，故願斯邑必蒙綏祉兮。

第一百二十六篇此詩京之詩也主居乎天，我舉目以觀瞻兮。如僕舉目望主，如婢舉目望主母，我則瞻仰我。

之上帝耶和華，望其矜憫兮。耶和華兮，我為人藐視，亦已太甚，人享安居，常加凌侮，驕泰者流，亦。

虐遇余，願爾矜憫余，矜恤余兮。

第百二十四篇

此詩京之詩
大國所作

以色列族當曰：遇有仇敵，怒而攻子，如耶和華不加眷祐，則子早被生吞

兮。波濤澎湃，其勢洶湧，早已淹子兮。耶和華不我遐棄，致爲人吞噬，當頌讚靡已兮。余若禽鳥，將罹網羅，惟羅見破，而子得脫兮。耶和華創造天地，拯救我躬兮。

第百二十五篇

此詩京之詩也

恃耶和華者，譬彼郇山，永不震動兮。耶路撒冷四周，俱有山巒環衛，耶和華

祐厥選民，永世弗替，亦若是兮。毋許惡者挾制義人，至於日久，恐彼義人陷於罪戾兮。耶和華兮，必施恩於作善之人，錫福於誠懇之士兮。惟所行邪曲者，耶和華必罰之，俾與惡黨同科，願以色列族，俱享平康兮。

第百二十六篇

此詩京之詩也

耶和華兮，反郇邑之俘囚，我於斯時，以爲夢寐兮。我甚懼然，啞其笑兮。謳歌

不息，異邦中人曰：耶和華大施厥祐兮。我曰：耶和華果施厥祐，使我欣喜兮。耶和華兮，尙有衆囚，爾悉反之，譬彼南方，溝澮復盈兮。淚而播者，必喜而穫兮。出而播種，雖有憂傷，及其歸也，同攜禾束，欣喜不勝兮。

第百二十七篇

此詩京之詩也
所羅門所作

建築宮室，不蒙耶和華祐，俱爲徒勞兮。謹守城垣，不賴耶和華助，亦爲虛

事兮。由是觀之，縱夙興夜寐，心緒紛紜，以謀餬口，亦係徒勞，上帝所愛者，必得安寢兮。人生子女，耶和華所賜，婦女產育，皆彼賞賚兮。有子英勇，猶武夫有利鏃兮。人多男子，猶彀集衆矢，必邀純嘏，邑門禦敵，不蒙媿恥兮。

第一百二十九篇

此亦詩京之詩也

寅畏耶和華，遵從其道者，必蒙綏祉。勤勞而得食，獲福而亨通。妻處閨房，如葡萄之結果，子繞几席，如橄欖之滿園。敬畏耶和華之人，必得福祉。亦若是兮。耶和華居彼郇山，錫爾純嘏，降福於耶路撒冷。俾爾畢生目覩兮。俾爾若子若孫，流傳不絕。願以色列族，綏祉孔多兮。

第一百二十九篇

此亦詩京之詩也

以色列族當曰：余自肇基以來，屢遭困苦兮。猶憶創國之始，雖境遇厄窮，亦未嘗為敵所勝兮。人加扑責，譬諸犂鋤，傷我之脊，厥痕甚長兮。耶和華惟秉大公，惡人之犂索，已斷之兮。凡為郇山之敵者，每蒙媿恥而敗北兮。如屋巔之草，未拔而稿兮。無人刈之而盈掬，無人束之而滿懷兮。雖刈之束之，行路之人，亦不相慶，不曰：望耶和華，錫以純嘏。介爾景福兮。

第一百二十九篇

此亦詩京之詩也

我臨深淵，呼籲耶和華，望主垂聽，不我遐棄兮。耶和華兮，若爾鑒察惡行人，難自立兮。惟爾赦宥頻加，使人敬畏爾兮。耶和華兮，余恒仰望爾，昔有應許之言，爾其踐之兮。我惟主是望，較彼眾人，守夜不寢，坐以待旦者，尤甚尤切兮。耶和華兮，矜憫為懷，救人不倦，以色列族當企望之兮。耶和華必拯以色列族，赦其愆尤兮。

第一百二十九篇

此詩京之詩也，大衛所作

耶和華兮，余無傲志，目不仰視至大之事，我所不可及者，我不行之兮。余緘默無詞，若嬰孩斷乳，歷時已久，不思乳哺兮。自茲而後，至於百世，以色列族當仰望耶和華兮。

第一百二十九篇

此詩京之詩也

耶和華兮，維彼大關，屢遭患難，望爾不忘兮。昔彼指雅，各有能之主，耶和華

而發誓云我不入室家不登床榻兮維余之目不遑假寐不暇合膜兮惟俟雅各有能之主耶和華得駐蹕之所兮斯言也我在以法大聞之在雅耳田遇之兮我儕當入主帷幕蒞駐蹕之所而崇拜之兮耶和華兮勃然而興使尊榮之法置安置有所兮爾之祭司當衣聖衣敬虔之士當悅懌而謳歌兮維爾在昔應許大關今爾所沐以膏者勿退棄之兮耶和華兮爾與大關發誓必不有易斯言曰將以爾所出之苗裔俾繼厥位兮如爾子孫恪守我約遵從我命則必昌熾爾後綿長厥祚兮維我遴選郇邑爲我居處兮此我駐蹕之所我所欣喜永世弗替兮子必多賜糗糧使貧者果腹兮我必使祭司得救敬虔之士悅懌而謳歌兮在彼必使大關崢嶸厥角沐以膏者歷代有光兮敵必蒙羞彼必冠冕赫赫榮華兮

第百三十三篇

此詩哀之詩
大關所作

昆弟同居日相敦睦盡美盡善兮譬彼香膏沐亞倫首流於厥鬚延及

衣襟兮譬彼零露遍於黑門降於郇山兮在彼耶和華錫福永生靡暨兮

第百三十四篇

此亦哀之詩
之詩也

耶和華之僕在彼室中供其役事永夕弗替當頌讚之兮在彼聖所當舉

爾手頌美耶和華兮耶和華造天地自彼郇邑錫爾純嘏兮

第百三十五篇

爾曹耶和華衆僕當頌美之揄揚其名兮我之上帝耶和華無不善兮侍於其室

者宜頌讚之立于帷場者宜謳歌其名斯爲甚美兮雅各家以色列族耶和華遴選之視所得之民若寶兮我知我主耶和華至大諸上帝中無能抗衡兮上天下地滄海深淵耶和華任意作爲兮地之四方使雲霧倏起雨下電閃風藏府庫彼能出之兮在於埃及人之初生畜之首出咸殺

戮之兮，爰在國中降異蹟，施奇能，罰法老，爰及百臣兮。擊強國，戮大王兮。亞摩哩王西宏，巴山王
 靈及迦南列國之王，亦就戮兮。以其地賜選民以色列族爲業兮。耶和華兮，爾名永存，兆姓追思。
 歷世靡已兮。耶和華必伸民冤，矜恤其僕兮。異邦之偶像，金銀而已，人手所雕作兮。有口不言，有
 目不見，耳不聞聲音，鼻不通呼吸兮。造作之，倚賴之，與彼無異兮。以色列族當揄揚耶和華，亞倫
 家當頌美耶和華兮。利未支派當頌耶和華，凡寅畏之者必頌揚之兮。耶和華駐蹕耶路撒冷，人
 在郇山當頌耶和華，爾曹亦宜頌之兮。

第三百三十七篇 耶和華無不善，矜憫恒懷，爾曹當頌之兮。爲諸上帝之上帝，矜憫恒懷，爾曹當頌
 之兮。爲諸主之主，矜憫恒懷，爾曹當頌之兮。獨行異蹟，不著經綸，矜憫恒懷兮。以智慧造穹蒼，矜
 憫恒懷兮。立地維於水際，矜憫恒懷兮。造二耿光，矜憫恒懷兮。日以理書，矜憫恒懷兮。月星以理
 夜，矜憫恒懷兮。戮埃及初生之子，矜憫恒懷兮。導以色列族出境，矜憫恒懷兮。展巨能，施大力，矜
 憫恒懷兮。中判紅海，矜憫恒懷兮。導以色列族行於海際，矜憫恒懷兮。滅法老及其軍於紅海，矜
 憫恒懷兮。導選民於野，矜憫恒懷兮。擊有能之君，矜憫恒懷兮。戮盛名之王，矜憫恒懷兮。殺亞摩
 哩王西宏，矜憫恒懷兮。滅巴山王靈，矜憫恒懷兮。以其地爲業，矜憫恒懷兮。賜其僕以色列族，矜
 憫恒懷兮。我在下位，主乃垂念，矜憫恒懷兮。救我於敵，矜憫恒懷兮。維彼民物，飲之食之，矜憫恒
 懷兮。當頌天上上帝，矜憫恒懷兮。

第三百三十七篇 我坐於巴比倫河濱，追思郇邑，哭泣不已兮。爰有楊柳，植於其間，懸琴於上兮。蓋

虜子者，迫余謳歌，導我至遠邦者，強余作歡容，曰：當謳郇邑之歌兮。我在異邦，安能謳耶和華之歌兮。耶路撒冷兮，如我相忘，願我右手，失其技能兮。如我不念耶路撒冷，喜悅其城，多於萬物，願我舌在口，卷而不言兮。耶和華兮，昔耶路撒冷遭難之時，以東之民曰：拆而毀之，除其基址，今求爾追憶斯言兮。巴比倫之邑民兮，昔爾害子，擲嬰孩於石，今有人待爾若此者，必得純嘏兮。

第一百三十八篇

此詩大衛所作

余必盡心頌主，在有能者之中，余必謳歌兮。我望爾聖所，而崇拜頌讚爾名，

維爾矜憫恒懷，真實無妄，爾踐前言，爾名不顯，余不能形容兮。我呼籲爾，蒙爾垂顧，賜我以力，毅然無懼兮。耶和華兮，爾之榮光赫奕，天下列王，聞爾誠命，必頌揚爾名，謳歌爾道兮。爾雖至高，垂顧卑微，遠斥驕矜，我遭患難，爾使我活潑，我敵奮怒，爾必擊之，而手援子兮。耶和華兮，恒懷矜憫，百事佑子，既造我躬，必不遐棄兮。

第一百三十九篇

此大衛所作
使伶長歌之

耶和華兮，爾鑒察子兮，我或坐或起，或寢或興，爾知之稔兮。念慮未萌，

爾知之久兮，我之步履，爾察之詳兮。耶和華兮，我之言詞，爾無不知悉兮。在前在後，違我不遠，恒撫子兮。斯道奧妙，巍巍無上，我不能及兮。爾之神無乎不在，余安能避之，無乎不有，余烏能逃之兮。如上升於穹蒼，爾居於彼，如長眠於地下，爾亦在彼兮。黎明迅速，如鳥展翮，我藉其翼而奮飛，至於海涯兮。我得至彼，乃爾引導，扶翼子兮。如我匿於幽暗之所，自謂人不及見，其暗必光兮。我不能自藏於幽暗，使爾不見，雖在昏夜，無異日之昭明，光兮暗兮，自爾視之，無以異兮。我之腎腸，爾所締造，我在母懷，爾所甄陶兮。爾造我躬，神妙莫測，爾之經綸，無不奇異，是我所知，頌美爾兮。

我在母胎，受造甚巧，骨骸潛長，皆爾所知兮。我猶爲胚，爾目見之，我尙未生，凡百之事，咸爾所定，錄之於策兮。上帝兮，爾垂念我，美意良殷，不勝寶貴兮。如欲稽核其數，多於塵沙，及子警醒，尙憶爾恩兮。上帝兮，維彼惡黨，爾必降罰，爾曹殺人者，當離我甚遠兮。彼行叛逆，誘民作惡兮。耶和華兮，敵爾者我與爲仇，逆爾者我所深憾兮。子銜憾靡已，必視之若寇讎兮。上帝兮，請爾省察我躬，知子心所思兮。如見子行邪僻之徑，則必導我履永生之途兮。

第百四十一篇 耶和華兮，惡黨強迫子，爾其救子兮。彼謀不軌，恒集戰鬪兮。其舌甚利若蛇，其唇藏毒若蝮兮。耶和華兮，強暴之人，欲俾子隕越，爾其拯余兮。維此驕人，在彼途旁，掘坎阱，張絆索，以陷余兮。設罟網，置機檻，以害余兮。我禱耶和華曰：耶和華兮，爾爲我之上帝，垂聽我所兮。我主耶和華兮，爾施力以救我，戰鬪之日，爾覆翼我兮。惡人設謀，爾勿遂之，恐彼自誇兮。彼謗毀四起，欲荼毒子，爾使之自取其戾兮。願彼墮於火，熱炭加於上，願彼落深坑，不能復起兮。謾謗者不得恒存於世，強暴者必遇害而敗亡兮。我知耶和華必爲貧乏者伸冤兮。使義人恒在於前，揄揚其名兮。

第百四十一篇

此詩大衛所作

耶和華兮，我呼籲爾，垂聽我所，救余勿緩兮。容我聲聞於上，有若馨香，視我

舉手以拜，有若夕祭兮。耶和華兮，使余守口，防所出之言兮。使我心不向邪僻，不效惡人，不與彼同享珍羞兮。義者責我，我以爲仁慈，視若香膏，屢膏余首，無不悅懌，余有所祈，勿爲惡者株連兮。我縱牧伯於巖旁，我之言詞，惟尙溫和，使之聽聞兮。然彼仍害我，骸骨散於墓側，譬諸土壤，爲

人開墾兮，我主耶和華兮。我仰望爾，我倚賴爾。勿我退棄兮，維彼惡人掘坎阱以陷余。設羅網以罹余，爾其拯余兮。願彼惡人所設之網，反以自罹，而我得脫兮。

第百四十二篇

大衛居於迦特乃作此詩訓迦斯民

耶和華兮，我呼籲爾，祈禱爾兮。陳情於前，我之苦衷，願得傾吐兮。我

喪厥膽，我之所爲，主無不知。我在途中，人設網以害子兮。我左右而望，眷顧者無人，輔翼者無人。且無遁逃之藪兮。耶和華兮，我呼籲爾，爾範衛余。我之在世，惟爾是望兮。我遭災特甚，爾聽我祈

敵強我弱，爾其拯余兮。爾脫我於幽囚，我頌爾之聲名。爾施厚恩於我，則義人來歸兮。

第百四十三篇

此詩大衛所作

耶和華兮，垂聽我祈，秉爾公義，以踐前言兮。毋鞠爾僕，蓋在爾前，無人得稱

爲義兮。維彼仇敵，追襲子，攻擊子，俾余傾跌，將就死地。如人殞亡之已久兮，故我瞻喪兮。我魂失兮。余追思曠昔，念爾經綸，憶爾作爲兮。子舉手以拜爾，子仰望爾，如槁壤之望時雨兮。耶和華兮，我魂喪失，聽余勿緩。我與就墓之人無異，爾毋退棄子兮。子瞻仰爾，惟爾是望，爾速施恩，示我以當行之途兮。耶和華兮，爾覆翼子，尙其拯我於敵兮。爾爲我之上帝，請爾指示，遵從爾命。爾之神無不善，祈導我於坦途兮。耶和華兮，使余活潑，以彰爾仁慈，救我於患難，以踐爾前言兮。我爲爾僕，請爾彰厥仁義，俾敵緘默，害子之人，必遭翦滅兮。

第百四十四篇

此詩大衛所作

耶和華兮，爾施大力，助我戰鬪，當頌美爾兮。爾施恩於我，範衛我手，援我如

高峻之臺，如護我之盾，使我勝敵，我恒賴爾兮。耶和華兮，世人爲誰，爾垂念之，人子爲誰，爾眷顧之兮。斯世之人，如氣呼吸，人之生命，如影沉西兮。耶和華兮，爾擘天雲而臨格，履山崗而蹶起兮。

電閃如矢，衆敵敗亡兮。舉手於霄漢，援我於波濤。拯我於異邦兮，彼啟口而言者誕妄。舉手而誓者詭詐兮。上帝兮，我謳新歌，鼓十絃之瑟，頌讚爾兮。爾僕大關，作民之君，爾使獲勝，爾拯救之。脫於利刃兮，維彼異邦人，啟口而言者誕妄。舉手而誓者詭詐，爾其拯救余兮。使我男子，既壯且健，如園囿之林木，枝葉葱蘢兮。使我女子，洵美且都，如宮殿之柱石，雕鏤工巧兮。使我倉箱，五穀豐盈，使我羣羊，生育衆多，或千或萬，在郊在野兮。使我牛孳息，我之疆址，敵不能侵，街衢不復喧譁兮。凡崇事耶和華爲上帝者，必蒙福祉，有若此兮。

第百四十五篇

此時大關所作，以頌上帝。

我之上帝兮，我之君王，我必頌美爾，揄揚爾靡已兮。每日頌爾，稱揚爾

名不輟兮。耶和華至大，神妙莫測，當頌美靡已兮。人必讚爾經綸，頌爾異蹟，歷世弗替兮。爾之光華赫奕，爾之經綸顯著，余傳播之兮。爾施大能，俾人畏懼，無不稱頌兮。憶爾鴻恩，謳爾仁義，極力以頌揚兮。耶和華兮，仁慈矜憫，恒忍施恩兮。耶和華兮，無不善，恒懷慈愛，保育萬物兮。耶和華兮，爾有經綸，榮光爛熳，敬虔之士，頌爾不已兮。爾秉國鈞，榮華顯著，能力昭彰，人必譽揚之兮。布爾經綸，治理天國，施厥威嚴兮。爾國永存，爾治靡暨兮。隕越者，爾扶翼之，卷曲者，爾卓立之兮。萬物惟爾是仰，隨時給食兮。爾施厥恩，萬生得以果腹兮。耶和華兮，爾所爲無不義，爾所行無不仁兮。凡誠心祈禱爾者，爾左右之兮。敬畏爾者，必得所欲，爾聽厥祈，而拯救之兮。敬愛爾者，必蒙護佑，作惡不已者，爾必滅之兮。耶和華，我必揄揚爾，兆民頌爾，歷世勿替兮。

第百四十六篇

爾曹當頌耶和華，我亦讚美之兮。我之上帝耶和華兮，我尙生存，必謳歌頌讚兮。

世人牧伯，無能拯救，不可恃之兮。彼既斷氣，則歸於土。凡有謀爲，卽日消亡兮。凡賴雅各之上帝，耶和華蒙厥眷祐者，福祉孔多兮。天地滄海，凡百庶物，咸其所造，言出惟行，永世不忘兮。耶和華兮，冤抑者雪之，饑餓者食之，幽囚者釋之兮。矇瞶者明之，卷曲者伸之，爲善者愛之兮。賓旅護之，孤寡拯之，作惡者傾之兮。郇邑之民兮，爾之上帝耶和華，爲君於寰宇，永世靡暨，爾曹當頌美之兮。

第百四十七篇 爾曹當謳歌頌讚我之上帝耶和華，斯爲盡美盡善兮。耶和華建造耶路撒冷，使以色列族離散之民咸復集兮。傷心者，主爲醫痊，殘缺者，主爲彌縫兮。核數星辰，稱其名字兮。我主至大至能，智慧無窮兮。耶和華兮，貧乏者扶祐之，作惡者傾覆之兮。當鼓瑟作歌，頌我之上帝耶和華兮。彼布雲於天，降雨於地，使草萊滋長於山崗兮。小鴉嚶鳴，主聞其聲，六畜飢餒，主給以食兮。維馬有力，人能疾趨，主不以爲悅兮。敬畏耶和華，賴其仁慈者，則可見悅於主兮。耶路撒冷之居民，郇邑之兆姓，必頌讚爾之上帝耶和華兮。爾之門楹，既堅既固，爾之人民，錫福錫祉，主使然兮。爾之處境，常獲平康，爾之兆民，得食嘉麥，亦主所賜兮。頒詔天下，速於置郵兮。降雪如羊毛，散霜如飛灰兮。結冰雨雹，民難堪此，祁寒兮。主降其命，則冰消，主吹以風，則水流兮。以其道示雅各家，以其律示以色列族兮。異邦之人，不識其誠命，不蒙其仁慈，爾曹當頌美耶和華兮。

第百四十八篇 爾曹當頌美耶和華，凡在穹蒼至高之域者，亦揄揚之兮。天使天軍，俱必讚美不置兮。日月星光，咸彰主之榮耀兮。天上之明宮，穹蒼之河漢，著其大能兮。耶和華一言，萬物受造，

故當稱揚之兮，使庶彙各得其所，歷世勿替，主降其命，宇宙不忒兮。天下生物，滄海巨魚，俱彰耶和華之榮光兮。電閃雹降，雪飄霞起，狂風驟作，俱遵耶和華之命兮。千山萬嶺，結果樹，柏香木，百獸六畜，昆蟲飛鳥，列王人民，牧伯士師，幼男稚女，耆老孩提，咸當頌美之兮。耶和華至美，高於天地，尊無二上，使厥選民，崢嶸其角，以色列族，敬虔之士，惟上帝是親，俱宜頌揚之。爾曹當頌美耶和華兮。

第百四十九篇 爾曹必頌美耶和華，當謳新歌，在選民大會中，揄揚之兮。以色列族，必因造化之主而悅懌，郇邑之民，必因大君而欣喜兮。當播鼗操瑟，以舞以蹈，以咏以吟，頌讚其名兮。耶和華兮，喜悅其民，救彼貧乏，被以寵榮兮。敬虔之士，當懽然欣喜，而得榮光，偃息於床，詠吟不輟兮。口譽上帝，手執利劍兮。維彼異邦，受其譴責，惟其人民，咸遭撻伐兮。列國之王，繫以鐵索，貴顯之臣，囚以桎梏兮。降罰敵人，咸循主命，凡厥選民，尊榮若此，爾曹當頌美耶和華兮。爾曹當頌美耶和華，在聖所者，讚之靡窮，在穹蒼者，丕著其能兮。稱其經綸，譽其威嚴兮。當吹厥角，其聲嘹唳，鼓瑟鼓琴，而揄揚之兮。播鼗舞蹈，操絃縵，品簫管，而頌揚之兮。大斂小斂，敲以讚之兮。凡有血氣者，必頌讚耶和華，爾曹亦當頌美之兮。

箴言

第一節 以以色列王所羅門大關之子也。所著箴言，訓人以智，迪人以理，得明至道，得秉公義，使拙者明徹，少者通達。哲者聞此而增其學，明者聞此而益其慧。玩味箴言之微旨，可悟賢人之隱語。其箴曰：寅畏耶和華，是爲智之本。愚魯者流，藐視道學。爾小子，宜聽父訓，毋棄母儀。此以爲飾，如首戴花冠，如項垂金索。爾小子，惡人誘爾，不可從也。如彼曰：爾我偕行，我匿於歧途，見無辜者殺之。彼猶生存，害之至死，如塚中尸僵，弗能動也。從而獲其珍寶，貨財充棟。爾與我公所有。爾小子，斷勿從之，毋行此徑。彼作惡，殺人流血，惟恐不速。譬諸羽族，見網羅之設，猶知飛避。何世之人，乃設網以自罹，設伏以取戾乎。凡貪非義之利而亡身者，亦若是矣。智者立於門外，呼於街衢，在大會邑門城市，大放厥詞曰：拙者安於拙，侮者樂於侮，愚者不志於學，將至何時。我將訓迪爾，我將以我神賦爾，爾其受教。余招爾，爾弗聽，余舉手，爾弗答，爾棄我道，不受我教，故患難既臨，而爾畏懼。我將哂笑，爾所懼之災害，迫切之患難，突如其來，如颶風之倏至。斯時籲我，而我弗聽，竭力求恩，而不可得。爾素不志於學，不畏耶和華，不受我教，藐視我道，故必自取其戾，所謀不軌，反及其身。愚者背道，故就死地，蠢者逸志，故遭殺戮。惟聽我者，必安然居處，無所畏懼。

第二節 爾小子，宜受我教，以此默識于心。傾耳聽道，專心學理，大聲而呼，亟求明哲，欲得智慧，索之若金，尋之若寶。夫如是，則耶和華上帝所當寅畏，可得而知矣。耶和華賜人以智慧，界人以明

哲錫嘏善士，護衛義人，秉公義之理，保敬虔之士。爾既求智，則百善由此而知，仁義由此而明。若大道之治於心，快於意，如是必得護衛，免爲惡人忤逆者所誘，彼離正道，行於幽暗，喜於作惡，悅於爲不善，所行邪曲，所爲橫逆，淫婦善媚，爾既守道，免爲所惑，彼棄夫子之道，背上帝之約，人造其家，若履死域，若歸陰府。凡詣之者，不得復歸，不獲生道。爾當行善人之途，守義人之路，義者得土，恒居弗替，惡者見絕，踪蹟泯滅。

爾小子，憶念我法，恪守我命，可得遐齡，可享平康，矜憫恒懷，真實無妄，此道勿離，懸於爾頸，銘於爾心，則上帝與人，無不愛爾，錫爾恩寵，一心恃耶和華，毋恃己能，凡事崇主，則蒙啟導，勿恃己智，宜畏耶和華，去諸僞爲，則可納福，肌肉豐腴，骨空髓滿，以所有之初實，供於耶和華，則爾之倉廩，必得充盈，爾之酒醕，新釀流溢，爾小子，耶和華責爾勿輕視，主譴爾勿喪膽，蓋耶和華責其所愛，若父之慈其子，人得智慧，則蒙綏祉，市之愈白金，得之愈黃金，貴於琅玕，凡所慕者，無能比擬，得智慧者，福祉遐齡，左宜右有，從其道者，享權樂，得平康，凡得之者，如得生命之樹，存之者，可蒙福祉，耶和華運其智慧，造穹蒼，立地維，裂地脈，以出泉，布白雲而滴露，爾小子，宜守智慧，常目在之，慧者必得其壽，而英華發外，履道則坦坦，不致顛趾，高臥安寢，無所畏懼，一旦惡人遭譴，爾聞之而不驚，蓋爾恃耶和華，故足不致陷阱，施善有其機，則施之勿緩，爾有貨財，則勿誇之，曰：汝且退，明日予汝，有樂與爾爲隣者，則勿加害人，不害爾，爾勿與爭，強梁之徒，勿效其尤，雖居顯要，毋生讒羨，耶和華所深惡者，忤逆之輩，所神契者，行義之人，惡人之家，耶和華降以重災，義者

之室。耶和華錫以純嘏。侮者鄙之。謙者益之。智者必榮。愚者必辱。

第四章 二三子宜聽父訓。而志於道。我必以良言誨爾。爾其毋違。我昔幼稚。父母鍾愛。父誨我曰。當守我道。遵我教。則可得生。宜求智慧。服膺勿失。毋棄我道。必也願受真理。不敢遐棄。則可保身。而無虞。衆物雖可欲。惟道尤爲急務。如爾尊道。則尊榮必矣。如爾受道。則英華必矣。猶戴花冠。猶加榮冕。爾小子聽我言。可享遐齡。我訓爾以智。導爾以道。維爾徐行。步履從容。爾雖疾趨。無虞失足。守遺訓而不失。則可得生。惡者之途。毋履。罪人之路。毋由。見則避之。裹足而不入。惡人不爲不軌。則臥有不安。不使人傾危。則寢有不暇。其所飲食。若餅若酒。皆取諸非義。義者之道。光如旭日。久而愈耀。迨及日中。惡者之途。譬彼幽冥。既顛其趾。不知窒礙。爾小子宜聽我言。傾耳以聆。常在目前。永藏衷曲。拳拳服膺。則獲生命。享平康。操存此心。生命以立。口勿言惡。目勿邪視。慎爾行爲。端爾趨向。勿偏於左。勿偏於右。見惡則遠之。

第五章 爾小子宜聽我訓。傾耳聆教。心所葆者智慧。口所出者哲言。惟彼淫婦。甘言如滴蜜。巧言若凝脂。及其終也。苦比茵陳。利同鋒刃。舉足臨死地。跬步陷陰府。生命之道弗履。轉徙靡常。終身之事。弗慮及也。爾小子向其聽之。毋棄我言。當遠淫婦。毋入其室。恐爾精力爲之漸耗。恐爾壽齡爲之日促。於是爾之貨財爲人所得。爾之物產爲人所有。及其終也。形消骨立。號泣不勝。曰。我不受教。藐視箴規。不聽師訓。不納良言。在大會中。幾遭扑責。○孰若娶妻。如鑿井以自飲。開河而自汲。毋他汲。毋他飲也。壯而有室。好合無間。永期懽樂。如水溶溶。其視妻子也。如麀鹿濯濯之可愛。

則享閨房之福矣。爾小子勿戀妓女，勿昵淫婦。人之所爲，耶和華實鑒諸。維彼惡人，自取其戾，陷於罪愆。既懷邪曲，不受訓誨，而就死地。

爾小子，如爾爲人中保，已有成言，自貽伊戚。人執爾言以藉口，則必曲意以求之，勿復稍緩。猶可累不及己於斯時也，不遑假寐，不暇合膜，惟以自救爲急務。如磨如禽，欲脫網罟。怠惰者流，查觀螻蟻，而法其智。彼無俟長者之命，夏時備糧，穡時斂物。惟爾懈惰思寢，何時得寤。爾束手而寢，言欲少寐，俄傾卽起，不知貧乏之至，速于行旅，迅如武士。匪類惡徒，言行忤逆，以目示意，手足指點，中心頑囂，恒謀不軌，使人爭競，故必遇災，猝然敗亡，無人援手。六惡七罪，耶和華所疾，目所視則傲慢，口所言則詭譎，手殺無辜，心謀不軌，足趨惡途，作妄証以誣人民，構釁隙以間兄弟。爾小子宜守父命，毋違母儀，謹佩於心，繫之於項。行時則導爾，寢時則保爾，寤時則語爾。是父母之命，照爾若輝光之燭，責善之言，導爾入生命之途。不惑於淫婦，不聽其詭媚，勿爲色所誘，勿爲目所迷。餒首一角，卽可招妓。淫人之妻，則喪生命。豈有抱火而衣不焚，豈有履炭而足不蕪。淫人妻者，亦若是。凡捫之者，咸有罪愆。竊物充饑，尙治其罪。被人所執，償之七倍。償之不足，盡出所有。淫人妻者，必無智慧。己之生命，因以喪亡。受毀傷，加凌辱，終不能洗其恥矣。其夫知之，不勝憤怒。欲報厥怨，必不寬宥，不許金贖，不受厚禮，終懷深憾。

爾小子，宜恪守我言，服膺我命，守道若守眸子，則可得生。以我箴言，繫之於手，銘之於心。智慧聰明，拳拳服膺，若愛姊妹。若懷戚屬，爾如是，則不誘於淫婦，不聽其詭說。我昔在家，倚窓而

望由櫺而觀，則見羣少年，懵然無知，中有少者，更乏智慧，逍遙於市，詣淫婦之室。斯時夕陽已下，夜將至矣。有婦相迎，炫妝若妓，巧其心思，終日嚶嚶，所懷忤逆，遨遊隣里，或在街衢，隨在匿跡，以誘人。婦攜少者，與之接吻，毫無媿色。曰：我今日償願，家有祭品，特出相訪，幸而遇子。我之床幃，泉布爲衾，文彩斑斕，來自埃及。我床以沒藥、蘆薈、桂香蠟之，爾與我來，相愛相戀，至於皓朝。我夫遠游，手執金囊，必至望日而歸。婦婉言以誘之，媚詞以惑之。少年率爾相從，如牛犢就死地。如罪人受刑罰，如禽鳥罹網羅，迫刃入腎腸，乃知生命之亡。爾小子，宜聽我言，心毋邪僻，勿從其途。維彼淫婦，傷人孔多，殺人亦不少。凡進其室，必就死地，陷於陰府。

第八章 智者大聲而呼，立崇坵之地，通衢之所，邑門出入之處，揚聲曰：凡百庶民，宜聽我言。愚者學智慧，拙者明厥心。我所言者，善也，義也，尙其聽從。我口所述，實是尙，凡諸妄言，我痛疾之。公義是談，非禮不言。知者必以我言爲然，明者必以我言爲宜。宜承我教，明哲是求，過於羨慕金銀也。斯智也，貴於琅玕，凡爾所欲，不得與之比擬。我素稱智慧，技能機巧，咸我所長。實畏耶和華者，疾惡而弗爲，志傲行暴者，皆我所深惡。我有智謀，我有明慧，我有膂力。列王羣伯，世之士師，皆惟我是恃，治理天下。愛我者，我亦愛之，汲汲求我者，必得之。富貴在我，仁義在我，我之結果，愈於兼金。我之土產，愈於白銀。使人由義路，行直徑。愛我者，得貨財，充府庫。越在古昔，造化之始，我與耶和華共在。自元始，天地之先，我已爲尊，未有深淵，未有源泉，未有山崗，已有我矣。大地田野，塵寰平陸，俱未締造，我已在此矣。主創造穹蒼，圓包環海，我亦同在上。排天雲，下置淵泉，命海水勿越其

限定地維不失其界。我亦偕在，與主締造，見悅於主。我於其前，常得懽樂。降於塵寰，與民同樂。爾小子宜聽我言，守我道者，則有福祉。聽教勿違，以學智慧。恒侍門側，聽我教訓者，永受綏祉。得我者得生，沾耶和華之恩寵。違我者徒害己命，憾我者自取死亡。

第九節 智者建室，彫其七柱。宰畜釀酒，肆筵設席。遣婢速客，智者登高而呼。招愚魯之人入室，語之曰：爾來食我所炊之餅，飲我所釀之酒，棄愚蠢之徒，由智慧之道，則可得生。譴責侮慢者，反受凌辱。督責惡人者，反見污穢。規諫侮慢者，必爲所憾。勸勉智慧者，可蒙其愛。訓迪智人，則其智日加。指示義人，則其學日進。畏耶和華，卽智慧之本。識聖理卽聰明之原。如是遐齡可得享，年齒日以增。如爾爲智，則可納福。如爾侮慢，則自取戾。愚婦嘻嗃，稚魯無知。或坐室門，或登城堞。旅人行路，中道而趨。婦則呼於其後，招愚魯之人入室。語之曰：竊水而飲，其味甚甘。盜餅而食，其趣深長。不知寓彼室者，就死地。主之者，墮陰府。

第十節 所羅門之箴言如左：生子智慧，父則喜樂。生子愚魯，母懷殷憂。非義之利，無所裨益。躬行仁義，可免死亡。義者處飢困而能亨，惡者有貨財而難保。悉耶和華所使也。惰則致貧，勤則致富。及夏而斂者，可爲智。當秋而寢者，人所羞。義者行仁而受福，惡者強暴而受禍。義者聲名流芳，弗替。惡者姓氏遺臭無窮。智者心靈受人訓誨，愚者言多，必致隕越。直躬而行者，無不當。所從邪曲者，罰難道。送目惑人，必致憂愁。愚者多言，必致隕越。義人其言也善，福之基也。惡人其言也厲，禍之由也。憾人者，搆人之釁。愛人者，隱人之惡。有智者常談至道，無智者必受扑責。智者聞言，藏之

於衷，愚者多詞，害及乎人。富人^{十五}有財，常得範備，貧人缺乏，臨於危亡。義人往無不利，惡者動輒得咎。祇承教誨，則從生道，不聽勸勉，必履歧途。匿怨而友，播揚人惡，愚者之所爲也。多言有咎，掛口爲智，義人之言如金煅煉，惡者之心有若渣滓。義者有道，可以養衆，愚人無慧，陷於死亡。耶和華福之富之，不使懷憂。愚者喜妄行，智者悅守道。惡者所畏必至，義人所欲必得。烈風一至，惡者歸於無有，義人立而不倚。醋能傷齒，烟能蔽目，僕役怠惰以悞主，亦若是。畏耶和華者，得享遐齡，爲惡之人，必遭短折。義人所冀者，必得其樂，惡人所懷者，必絕其望。耶和華之道，益善而虧惡。義者永不遷移，惡者不得恒業。仁義之口，惟言智慧，頑嚚之舌，斷之勿疑。義人知所當言，惡者吐詞不善。

第十一章 衡量法度，執其公平，爲耶和華所悅。反是必爲其所疾。謙者得智，驕者受辱。善人平直，則必祐之，惡者橫逆，則必敗之。降禍之日，貨財亦復何裨。臨死之時，仁義足以自救。德備之人，有仁有義，得行坦途。作惡者流，干厥罪戾，必致隕越。良民行義，將得拯救。匪類行惡，必遭譴責。惡人既死，所望俱絕。義者免於難，惡者代之。僞善以口才，訕謗隣里。義者具明哲，自救其身。義者亨通，舉邑喜樂。惡者敗亡，兆姓歡呼。惟彼城邑，義者頌祝，則鞏固。惡者謗讟，則傾圮。愚者暴人之短，智者隱人之惡。樂逸遊，好談論，洩人機事，若誠懇之士，不攻發人之陰私。無良謀，邦必喪。集衆議，國以安。不識其人而保之，其受害必更大。苟不爲此，可宴然而無虞。淑女被榮譽，強者得貨財。益人者正以益己，損人者適以損己。惡者勤勞，未必有功。義者播種，必有所獲。行義者可得生，從惡者

必致死。正直之人，耶和華所深悅。頑嚚之輩，耶和華所痛疾。惡者歷世受刑，義者子孫受祐。豕鼻不宜金環，愚婦不宜丰彩。義人所可望者，惟福祉。惡人所必得者，惟譴怒。有散財而增富厚，有惜財而致貧乏。博施濟眾，必有贏餘。潤澤人者，必受潤澤。糶穀者，人必祝嘏。閉糶者，人必咒詛。求善者必獲恩，謀惡者必取戾。恃財者必隕越，行義者必若葱龍之樹。家道乖者，所得惟風。愚者必役於智。義者結生命之果，救人者為明哲。義人在世，或受譴責，况惡人乎。

【第...章】順受譴責，必增智慧，不受夏楚，依然愚蠢。為善之人，沐耶和華之恩膏，凡謀不軌，主必定罪。作惡者不能自立，為善者永不遷移。淑女為夫榮，若首加冕。惡女為夫辱，若骨已朽。善人所懷者仁義，惡人所謀者詭譎。惡者語人以殺戮之事，義者勸人以拯救之道。惡者顛沛歸於消亡，義人之家恒存鞏固。智者為人稱揚，頑者為人藐視。好自尊大者，飲食匱乏，不如居卑勤操作。義者即其牲畜，猶加愛惜。惡者即有仁慈，亦同殘忍。事耕耘者，得果腹，從虛誕者，缺智慧。惡者貪非義之利，義人自食其力。惡者用危言而自陷，義者遭災澆而得免。嘉言納福，懿行得報。愚人是自是，智者聽教，愚人易怒，智者忍辱。直者言善，曲者誣人。愚人之舌如鋒刃，智人之言若良藥。言實者，可久，語誑者立敗。立志損人者為自欺，以言益人者必獲福。義人不遭災，惡者頻遇害。行真者耶和華所悅，偽為者為其所疾。智者彌藏其智，愚者自顯其愚。勤者治人，怠者治於人。憂深則衷懷歡仄，言婉則慰藉良多。義者輔友以道，惡者自欺乎己。惰者獵而不獲，勤者所得為寶。正道得生，邪道致死。

從父教者爲肖子，違譴責者爲侮慢。言善者果必結，強暴者災必及。謹言者安，妄談者危。情者欲而不得，勤者必有贏餘。義者惟誑言是疾，惡者見惡而貽羞。仁義護人，罪惡敗人。有貧者佯爲富，有富者佯爲貧。富者被訟，以金贖罪；貧者無財，訟因以免。義人之光常明，惡者之燈必滅。人恃驕泰，多啟爭端，惟聽訓言，可有智慧。專務虛誕者，財以之而耗，勤事服勞者，貨以之而聚。日望不得者，使心懷憂，所欲不遂者，猶生命之樹。棄道者取敗亡，畏命者膺賞賚。智者之道，如生命之泉，得脫於致死之網。明哲之人，必蒙恩寵，犯罪之徒，必遭困苦。智者彌慎厥行，愚者愈形其拙。惡役必遭殃，忠僕必納福。棄道者遭貧辱，承教者得尊榮。所欲必遂，中心懽樂。愚人有過，畏難不改。與智人爲友者，自生智慧；與愚人爲侶者，必致敗亡。惡人遇禍災，義者蒙賞賚。作善之人，棄遺子孫，惡者之財，爲義者所得。貧者力田，多得物產，蓋藏無智，終歸朽壞。杖箠不及其子，不謂之愛，惟愛子者，備加扑責。義者果腹，惡人枵腹。

惟此室家，哲婦建之，愚婦毀之。行正直者，畏耶和華，行邪曲者，藐視之。愚者之詞傲，有若杖箠，哲人之言遜，可保其身。家不畜牛，則倉廩空虛，牛能耕作，則物產增加。言不誑者，可以作證，無實之人，則不可侮慢者，求智而不能，明哲者，學道而易得。聞不智之言，則亟遠其人。智者自知，謂之真智，愚者自欺，謂之真愚。愚人作惡，視之若戲，義者爲善，自有真樂。人懷憂愁，惟堪自喻。人有喜樂，衆不及知，惡者之室必傾圮，義人之家必振興。有自以其道爲是者，不知其終歸於敗亡。有殷憂而強爲懽笑者，其後常感感。背道者取戾，行善者得賞。愚者妄信人言，智人自顧其行。

智人恐懼而避惡，愚人矜誇而縱欲。易怒者妄爲，謀不軌者見惡。拙者日以愚，智者日以遠。惡者鞠躬奔走善人之門，貧乏則隣里疏之，富厚則衆人亦愛之。凌侮人者陷於罪戾，矜憫貧者可納福祉。謀不軌者適以自害，思爲善者必蒙實惠。勤勞有益，多言致貧。智而富，能善用其財，愚而尊亦畢生愚蠢。眞證救人，妄證欺人。畏耶和華者毅然恃之，耶和華視之若子，必加愛護。畏耶和華者得生命之泉，脫致死之網。維彼君王，得民則尊，失民則敗。怒不遽發者，乃彰其智；性躁急者，適形其愚。秉性溫良者，身生衷懷，嫉妬者骨朽。處遇貧乏者，侮造化之主，矜憫窮民者，則尊之。惡人行橫逆而見驅，義者雖死亡而有望。智者之心，道藏於內，愚人之衷，淺而易露。仁義則邦以興，否則國以辱。王恩寵施於良臣，震怒及乎頑僕。

其言也溫，可以息怒，其辭也厲，足以激變。智者工語言，愚者吐妄論。耶和華鑒察善惡，無不普遍。良言猶生命之樹，厲語猶毀物之風。藐父訓者愚，聽格言者智。義者之室家，多藏貨財，惡者之物產，多致殷憂。智者所播，惟以明哲；愚者則反是。惡人之祭，爲耶和華所疾；善人之祈，爲主所悅。耶和華惡惡好善，違道義者，必受刑罰，惡譴責者，必致死亡。陰司暗府，尙爲耶和華鑒察。况斯世之人心乎？侮慢之徒，見責己者，惡之而不就，正於哲人。心樂則愉愉，心憂則戚戚。哲人日進高明，愚人日就污下。受患難者，終日懷憂；有權心者，恒享宴樂。富而多慮，不如寡得而寅畏。耶和華與仇敵而食肥饗，不如對良朋而茹菜蔬。悻悻者必啟爭端，有容者可止凌競。怠者困於疾，藜義者行於坦途。智子悅親，愚子欺母。無智者自安愚昧，明哲者行不由徑。無良謀，事乃敗，集衆

議事以成言而有物則自信也深時然後言則益人大智者求生而上達不下陷於陰府惟我耶和華覆驕人之室安髻婦之界惡念彼所深誅良言彼所甚喜貪貨利者無家室之安惡苞苴者得生命之樂善人必先圖維然後應對惡人啟口妄言毫無思慮耶和華退棄惡人惟聽義者之祈目有光明中心悅懌耳聞嘉音一身安豫欲聽生命之言必與智者偕居棄道者輕生命聽勸者得聰明寅畏耶和華者先必撝謙後獲榮寵斯智者之訓誨也

第十六章

圖謀事理則在乎人聽其祈求則在耶和華人之所爲自視爲善惟耶和華鑒察其心

凡事托耶和華則因應咸宜耶和華所爲悉隨其旨惡者屆期刑譴必加驕泰之人耶和華所疾罰及子孫上帝施恩蓋人愆尤以踐前言凡畏耶和華者當滌除其惡有人焉耶和華悅其所爲必使仇敵皆與之和非義之利得之雖多不若當得之物雖寡亦善謀事在乎人成事在乎耶和華民視王言若天言聽訟之時不可差謬耶和華制權量法度無不至公國位以義而立故王不可行非義行正直言誠慤王所當悅王一怒必加殺戮故智者宜求息怒焉見王色霽則知生命之可望猶春雲油然時雨將降獲智慧愈於得金銀行義之人遠乎諸惡守道之士保其生命心驕志肆終必隕越與驕者分其所得不如與謙者卑以自牧慎其所行必獲亨通惟耶和華是恃必納福祉明心可以言慧巽言可以輔人智者所得生命之泉愚者所聽暗昧之詞心具智慧則所言足以訓人良言若蜜既甘且益有自以其道爲是者不知其終歸於敗亡人之勤勞爲口腹計而已惡人謀不軌口若燃火頑嚚者啟人爭競之端讒間者離人心腹之交惡人誘隣里爲不

善彼將作惡，皺眉以運謀，切齒而決計。皓然白首，尚行仁義，猶顯榮之冠冕。怒不遽發者，愈於武夫。能服其心者，愈於取城。擊箠在人，定事在耶和華。

第七節 盛饌列几，而人與爭，不如一方之餅，反得安然食之。子不肖而家宰賢，督率諸子，分其遺業。金銀爲洪爐，所鍛鍊，人心爲耶和華所鑒察。強暴者喜強暴，虛誕者喜虛誕，欺凌貧乏，則侮造化之主，幸人禍患，必受刑罰。老者受子孫之榮，子孫得祖父之賸，位卑而言高，非宜也。位高而言卑，亦非宜也。禮物如寶玉，無往不利。蓋人愆尤，以修和好，洩人機事，以問良朋，加百杖於愚人，受之易忘，獻一箴於智者，念之弗失。謀叛之人，自取其戾，隸追及之，加以酷刑，寧遇失子之猛熊，莫遘橫逆之頑夫。以惡報善者，災害不離其家。費隙之開，若江河之潰，故爭競將起，必弭之。以惡爲善，以善爲惡，俱耶和華所疾。愚者得金，何益之有，蓋使市智慧，而念不及此。友朋敦誼，兄弟急難，爲友中保，以物質人，是爲不智。好勇鬪狠，陷於罪戾，志驕心傲，致於敗亡。頑嚚其心，福於何有。惡言自口，災必及之。生子愚昧，必懷殷憂。心樂則沉疴可起，心憂則骨髓漸枯。惡人納賄賂，誣直作曲。智者見道於目前，愚者放心於天外。愚魯之子，貽父母憂。庶人爲善，反遭刑罰。民牧秉公，反加扑責，俱非所宜。智者之言簡潔，哲者之心溫和。無論賢愚，緘口乃智。

第八節 自是者縱己意，棄實學。愚者不志於道，時形其拙。作惡者流，人皆藐之，多行不義，祇取辱也。至言如淵泉，智慧若澄泓。聽訟毋袒惡，毋枉直。愚者動則啟釁，出言以招禍。啟口而貽患，陰訐人非，人所樂聽。如食甘旨，飲其口腹，怠惰者與奢蕩者，無以異也。耶和華若鞏固之臺，善人登

之蒙其護衛。富人視財若鞏固之邑。高峻之垣。驕泰者敗亡繼之。謙遜者尊榮被之。言未聽而妄應。拙不藏而貽羞。身疾心猶安。心憂則難堪。智者心增明慧。耳聽至道。饋禮物。可以取捷徑。可以見大人。先赴訴者。其理似直。有後至者。爾當詳察之。掣鏡以息事。強者以之止鬪。弟犯兄長。欲復修和。較勝鞏固之城。折宮門之榷。猶爲難也。所言必結果。出乎口者。反乎身。生死之機。在於出口。言必獲報。結婚姻納福祉。耶和華必錫純嘏。貧者求人。富者驕人。泛交衆人。必致損害。得一知己。愈於兄弟。

第十九章 愚魯而妄言。不如貧乏而純良。無知則害事。疾趨則易躓。愚人失足。遂怨耶和華。富厚則交道廣。貧乏則隣里絕。妄證者刑譴必及。言誑者不能道罰。位居民牧。求恩者多。厚禮施人。欲交者衆。人而匱乏。兄弟疾之。友朋遠之。有求於人。而莫之應。獲智者愛生命。守道者納綏祉。妄證不能免刑。言誑必致敗亡。愚而居尊。下而陵上。非所宜也。愆忿者爲智。宥過者得譽。爰有王公。其震怒也。若獅之咆哮。其施恩也。如露之潤澤。子不肖。憂親心。妻不賢。等屋漏。產業爲祖父所遺。賢妻爲耶和華所賜。怠者惟思寢。惰者必致飢。守誠則生。侮道則死。矜恤貧人。如貸金於耶和華。所給者必償。及時訓子。猶可望其遷善。若惡已稔。願其速死則晚矣。暴戾宜遭刑。赦之必再犯。聽教誨。終則智。耶和華有定命。人縱多謀。亦無裨也。愛人者。人恒愛之。富而驕。不如貧而直。畏耶和華得生。而財恒足。不遇管災。惰者卽染指於盂。取饌入口。猶憚其難。擊侮慢。則愚人知警。諫明哲。使進於道。欺父逐母。貽羞孰甚。爾小子。有誘爾離道者。爾勿聽從。妄證者蔑視義理。作惡者其罪貫

盈侮慢者必遭刑，愚蠢者必受責。

清酒醇醪過飲，生侮慢，載號載呶，沉湎於酒，無智甚矣。王之震怒，若獅咆哮，犯之者自取其戾。息爭可得譽，凌競爲愚人。怠惰者流，冬時不勤耕耘，穡時乞而不得，人藏其心，不測若深淵。慧人能汲之，自伐其仁者甚衆。忠信之人，世不概見。善人行義，子孫享福。王坐鞠民，見惡人則擯斥之。心清身潔，誰能自信。權衡法度，不一其制。耶和華所疾，子之清直與否，視其所爲則可知矣。耳能聞，目能見，俱耶和華使然。毋貪寢，恐遭貧乏。宜典作，可得果腹。未市則賤其物，既得則誇其美。訓誨之言，若黃金，若琅玕，若珍器，爲外人異族作中保，而不能償，則必取其衣爲質。欺人得餅，厥味甚甘，不知其後若吞塵沙。慮而後成，思而後戰。評人長短者，機事爲其所泄，甘其言詞者，勿與之偕居。詛父母者，其燈必滅，其光必暗。始而貪婪，終無福祉。毋以惡報惡，望耶和華救我。權衡不公，不恕孰甚。凡百之事，耶和華所定，人豈能逆料。人不自量，矢口許願，則陷於罪。賢王驅逐惡人，加以蹂躪。人之本心，譬諸明燈，耶和華所昇，俾燭照事機。王懷矜憫，眞實毋妄。國祚綿長，少者以壯健爲榮，老者以皓首爲尊。身受扑責，痕現於外，則惡去而心自潔矣。

王志所向，耶和華挽其意，如迴狂瀾於既倒。凡人所爲，自以爲善，惟耶和華鑒察其心。大公是秉，愈於獻祭。耶和華所悅，惡者昂首高視，居心驕侈，妄自尊大，適陷於罪。勤慎操作者，獲贏餘，急遽苟且者致貧乏。非義而求利，猶捕影而不得。適以取死。惡者強暴，不行仁義，致於滅亡。惡人之徑邪曲，義人之行正直。寧於樓隅獨居，勿與頑婦共室。惡者幸人之禍，不恤良朋，擊侮

慢則愚人知警，諫明哲使進於道。作惡之家，善人識微，知其必亡。貧者有求，爾弗之聽，則汝有求亦莫爾應。行賄賂可以息忿，用苞苴可以弭憾。秉公以行，善人喜而爲之，惡人疾而不爲。背道之人，必與地獄之徒爲伍。樂宴樂者，必遭貧乏；好酒醴膏沐者，不能致富。義者免難，惡者代之。寧處於曠野，勿與頑婦偕居。貨財膏沐，智者積之，愚者耗之。求仁義，不徒得仁義，且獲生命尊榮。鞏固之城，人所倚賴，惟智者設謀以下之。守口足以遠害，暴怒之徒，人呼爲傲慢。怠者有求，而不勤操作，不遂所欲，懷忿以死。怠者終日貪謀，義人博施不吝，惡人之祭且不納，况以詭譎之心獻禮物乎。妄證必敗，得其情者，侃侃而談，惡者剛愎厥心，善者慎思所行。耶和華有旨必行，非詭謀所能撓。備騎以戰鬪，助之者惟耶和華。

第二十二章 貨財不如令聞，金銀孰若恩寵。耶和華造兆民，貧富錯處。智者先機以避害，愚者前往而遭刑。寅畏耶和華，中懷謙遜，必得富貴，必享遐齡。頑者若困於蒺藜，操守之士，保身遠害。教子以道，至老不背。富者治貧人，貸金者事債主。播種惡者，所獲必虛，上帝震怒，使之覆亡。矜恤貧乏，食之以餅，必蒙福祉。擯斥侮慢之人，則爭競必弭，凌辱不加，清其心，善其詞，王必眷祐。耶和華守道者祐之，妄言者敗之。怠者諛詞，言出門必遇獅，行於衢必見殺。淫婦之口，譬彼深坑。耶和華所痛疾者，必陷其中。子心愚昧，扑以明之。慮貧者適以富之，祐富人適以貧之。傾耳以聽良言，專心以學智慧。守之於心，述之於口，斯爲美。我今日誨爾，當惟耶和華是恃。我素錄於冊者，嘉猷大道，使爾知真理。若人詰爾，以斯答之。坐於公庭，毋凌貧乏，毋虐癡獨。蓋耶和華必伸其冤，使虐之

者反取其戾。怒不中節者，勿與締交。恐效其尤，自陷於罪。有人負金，毋爲中保。恐爾負金，人剝爾牀以償。隣里之界址，前人所定，毋行遷徙。人勸庶事，當在王所，必不久居賤役。

第十三章 赴長者席，必敬必戒。有如飲劍，毋饜餐。毋貪佳肴，勿戀甘餌。毋圖富有，靡恃己長。毋注目浮榮，蓋貨財之去，速如鷹飛。鼓翼而冲天，宴友而睡眊，勿與共食，貪其珍錯。外導飲而內饜，吝口則是，而心則非。爾雖食少，必復哇。爾雖言謝，亦何裨。維彼愚人，毋語以微妙，恐其藐視爾道。隣里界址，前人所定，毋行遷徙。孤子田畝，毋行侵奪。蓋全能之主，必報厥仇，必伸厥冤。專心學道，傾耳以聽，鬢齡必受督責。杖之則身不歸死地，魂不墮陰府。爾小子，如爾心睿智，我心悅懌。爾口言善，我衷歡樂。惡人雖居顯要，勿懷不平。惟終日畏耶和華，迨其終也，必不爽其報施。必不絕爾所望。爾小子，聽我言而得智，守本心而遵道。湯檢者勿交，沉酒者勿友。蓋饜餐甘酒，必致貧。思寢之人，必衣敝。父母生爾，雖至老邁，宜聽勿棄。宜求智慧，服膺真理。生子善且智，父必欣喜。母亦歡樂。爾小子，心歸乎我，目注乎道。妓女猶深坑，淫婦若陷阱。隨在匿跡以誘人，使蹈罪愆。誰遭禍患，誰起爭競。誰構怨尤，誰目赤身傷。出於無因，惟耽黷穢。嘗旨否，調劑甚厚者，則若是。勿以觀酒爲樂。其色貫朱，入爵則沸。依法而流，不知其終。酒傷若蛇，其毒若蝮。既沉酒於酒，則目注淫婦。心思邪僻，其危也。若偃息海中，高枕梳上。勿自謂受擊而不傷，醉爲無害，醒而再飲。

第十四章 惡者雖居顯要，毋懷不平。毋與偕處，其心存奸險。口出莠言，爾欲官室告成，必用智慧。貨財充棟，必施睿心。智者必有勇，壯夫爲之辟易。先思而後戰，集衆議，國以安。道其高矣哉。愚

人不能企及，在公庭不知所措詞，謀不軌者，是謂惡人，頑愚之念，動輒得罪，侮慢之人，衆所深疾，臨難而畏葸，無勇也。無罪而就死地，爾其拯之。勿諉曰不知，鑒察人心，保爾生命者，莫不悉爾隱微，彼豈不視人所行，而加賞罰。爾小子，蜂房之蜜，爾知其味而甘之，智慧在心，亦若是，獲之有益，所望必遂。義士安居，惡人勿陰加陷害，蓋義人七敗而復興，惡者一蹶而不振。仇人顛趾而仆，爾勿欣喜，恐耶和華鑒之而不悅，反怒及爾。惡者雖居顯要，勿懷不平，惡者不獲賞，其燈必滅。爾小子，宜畏耶和華而尊王，勿交厭，故喜新之人，其災速至，天威國憲，不可違也。哲士有云，聽訟時毋偏袒，視惡爲善，民人怨詛，譴責惡人，必蒙純嘏，以欣以悅。善於應對，人必接吻以爲禮。先務農事，後建宮室，毋妄證，毋欺人。勿以惡報惡，情者之田，愚者之園，我嘗過焉，草萊蔓延，荆棘叢生，墻垣傾圮，我觀而思之，遂明其道。人束手而寢，言欲少寐，俄頃卽起，不知貧乏之至，速如行旅，迅如武士。

第二十五章 此以下所羅門之箴言，猶大王希西家之僕所披拾者。包涵萬理，上帝之奧無窮，省察百事，王公之榮丕著。天高地厚，王心莫測。金工去滓，兼金可得。王擯惡人，國位以立。王公之前，毋自尊大，毋居高位，寧有人請上坐，勿於尊者前趨末席。毋遽與人爭，恐受人辱，計無所施。與人
有隙，毋發其陰私，恐聽者罪爾，貽羞靡已。應對以時，猶金菓置於銀筐，智者忠告而善道之，使人
順受，猶金製耳環物飾，忠盡之僕，有益乎主，猶當暑涼以冰雪。言欲予人而不予，猶風起雲布，而
雨不下。恒忍可以悅君，柔詞可以折骨，得甘蜜，毋多食，恐過食而吐。勿常造人慮，恐生厭惡。妄證

者若槌若刃若利鏃。既遭患難，而所恃者非忠慤之士，是猶恃折齒跛足。冬時褫衣，臉上傾醋，歌以解人之憂，亦若是。敵饑則飼之，敵渴則飲之，猶以蕪炭集厥首，而耶和華必償爾。北風則致雲雨，隱刺則起忿怒。寧於樓隅獨居，勿與頑婦共室。嘉音來自遠方，猶以冷水與渴者。義人失足，爲惡者目擊，猶混源濁井。多食其蜜非善，自求其榮非榮。人不制其心，猶邑已毀，四無城垣。

第十六章 夏時雨雪，秋時霖雨，愚人居尊位，俱非所宜。徒以言語咒詛者，必不降災。猶燕雀翔而不加害，欲治馬驢，維鞭與勒，欲治愚人，維杖與箠。維爾居恒，勿卽愚人之意，還詰愚人，恐人謂爾與彼無異。有時則可，恐彼自以爲智，以重托畀愚人，猶自別其足而身受其害。跛者之足不能實踐，愚人述箴言，亦若是。愚昧之人，被以尊榮，如以韃犢之玉，委於瓦礫。愚人述箴言，猶醉人執荆棘，造萬物之主，必使愚者受咎，惡者取戾。犬轉食其所吐，愚人復蹈其故轍。愚昧之流，猶可望其改過，惟自智者終無可望。怠者誘言，出門必遇猛獅，行衢必遇牡獅。怠者輾轉於床，如門在樞，惰者卽染指於盂，取饌入口，猶憚其難。惰者自以爲智，視善應對之七人，猶不若也。他人爭鬪而我與之共怒，如途中遇犬，而執其耳。人欺隣里，謂與之玩謔，無異狂人發火矢以取樂。抽薪可以熄火，無後言可以息爭。加炭添薪，火勢愈熾，爭人益爭，亦若是。陰訐人非，人所樂聽，如食甘旨，飲其口腹，外加溫語，內懷惡念，猶瓦器飾以白金。維彼敵人心所藏，惟詐口所言，惟僞。其言雖善，爾毋信之，其心所藏，可惡者非一端。匿怨而友其人，後在會中，其惡昭彰，彼掘坎阱，必陷其中，移石上崗，反壓其下。誑者受人扑責，銜憾殊深，厥口詔諛，實致敗亡。

第二十七章 今日之事，尙不及知，明日之事，勿自誇詡。人揄揚爾則可，自善其善則非所宜。石沙甚重，愚人之怒，殆有甚焉。人之憤怒酷烈，勢若行潦，人懷嫉妬，誰能禦之。愛人之心，藏諸衷曲，不如責人以善，直言無隱。仇讎雖與我接吻，亦知其偽。友朋雖出言傷子，益見其直。人而果腹，雖蜂房亦有所厭，人而饑餓，雖苦物亦以爲甘。人遊遠方，如鳥離巢，馨香悅心，同於良朋之相勸。父之良朋，己之密友，爾與之善，相愛靡已，則遭難之時，毋庸詣兄弟之室，蓋兄弟遠離，不如隣里在側。爾小子，宜學智慧，致悅我心，有人毀子，以此答之。智者先機以避害，愚人前往而遭刑。爲外人異族作中保，而不能償，則必取其衣爲質。晨興，大讚其友而過實，人以爲誹之。妻頑譬彼陰雨，屋宇恒漏，欲使之不濕，如使風不吹，若手握香膏，欲芬芳之不聞，以鐵治鐵，交相磨礪，益友亦若是。植無花菓樹，可食其實，人事其主，必蒙賞賚。人鑑於水，形容維肖，以己心度人心者，亦若是。陰司暗府無盈日，貪欲無厭者，亦若是。洪爐足以煉金銀，頌美足以覘人心。扑責愚人，如擣麥於臼，亦不能去其愚。爾之牛羊，牧養必勤，蓋貨財不能永存，冠冕不能世襲。百草萌蘖，菜蔬叢生，爲爾斂藏。爾其勤牧羣羊，翦羔羊之毛，可以製衣，售牡羊之價，可以鬻田。牝羊出乳，供爾僕婢之食，綽然有餘。

第二十八章 惡者雖無追襲，而遁逃恐後。義者之膽，其大若獅。國亂則主迭更，民良則邦永治。以貧虐貧，若行潦忽決，盡淹所有。違法者譽惡，守法者敵惡。作惡之人，不明至道，崇事耶和華者，能悉萬理，富而悖理，不如貧而善道。守律法者，有智之子，從惡黨者，貽父之羞。貸人以金，重權子母。

以益其財者，所積之金，必爲濟貧之人所得。不聽律法者，卽祈於上，亦爲上帝所疾。使義者迷途，必陷罪戾。爲善者則納福。富人自視爲智，貧者明慧，必審其詳。義人在位，萬事彰明。惡者秉鈞，庶民隱遯。自匿其非，不得納福。任過而改，可獲矜憫。恒畏耶和華者，可受綏祉。剛愎厥心，必有災害。暴君虐貧民，若咆哮之獅，饑餓之熊。無智之君，多行暴虐，能絕嗜欲，可得永生。殺人者必有懼心，恐見執而逃，入墓乃已。直躬而行者，可得拯救。所從邪曲者，猝然敗亡。勤耕耘者，得果腹。從虛誕者，致貧乏。誠慤之人，永膺多福。急圖富有，必召禍災。偏視者不公，饋以一方之餅，因之枉法。貪婪之人，惟圖富有，不知貧乏將至。以善責人，終得恩寵。較詔諛尤多。竊父母之財，自言無罪者，與盜無異。人恃驕泰，多啟爭端。惟恃耶和華，無不亨通。恃其能者愚昧，慎所行者得救。濟貧人，則不致缺乏。佯爲不見者，多遭詛咒。惡人居顯要，庶民隱遯。惡人敗亡，賢人乃出。

第十九章 屢受譴責，仍強厥項，必致敗亡。援手無人。義人在位，人民欣喜。惡者秉鈞，億兆咨嗟。好慧者悅親，狎妓者傷財。王秉義，國以立。主受賄，邦必喪。諂諛同儕，如設網羅。惡者犯罪，自取其戾。義者謳歌，自得其樂。貧人之事，義者力爲治理。惡者置若罔聞。在彼城邑，強者謀叛。智者弭亂。愚與智爭曲直。智者雖喜怒兼施，末由息訟。惟彼善人，暴虐者憾之，爲義者保之。愚者露其衷懷。智者滅諸心曲。君聽虛妄，臣下化之。貧富錯處，皆耶和華所照臨。王伸貧民之冤，眞實無妄。國祚綿長。子見督責，必益智慧。否則貽父母羞。作惡者衆，則惡事叢生。義人見其覆亡焉。訓子以嚴，可獲安樂。天不昭示，民必妄作。克守律法，可獲綏安。主諭僕，僕不聽。惟責以言，不足以罰其過。愚者

猶可望其改過，造次者畢生絕望。始寵厥僕，愛養逾分，終必自視爲爾子。人易怒，益爭競，人發憤，多罪愆。驕侈必降卑，搗謙必獲榮。與盜爲侶，聽其盟誓，不以告人者，必自取戾。畏威而不敢赴義，必陷乎罪。畏耶和華者，必得護衛。求恩於王，雖多奚爲？不知定人事者，在乎耶和華。義者惟惡人是疾，惡者亦惟義人是憾。

第三十章 雅其子亞谷之箴言。傳於以鐵。烏甲曰：我非哲人，較庸人尤愚。未學至道，未知聖事。嗚能升穹蒼，嗚能降寰宇，嗚能止狂飈，嗚能包江海，嗚能奠山嶽。其名何名，其子之名又何名，請以告我。上帝之道至潔至清，恃之者蒙其護衛。其言不可得而增益也。恐爾欺人，而被譴責。我所求者有二，及余未死而錫余。願闕虛誕，或貧或富，匪我思存。惟求足食而已。恐富而侈，不崇事耶和華，或貧而盜，妄發誓言。毋於主前誣告其僕，恐彼咒詛，反坐其罪。有人咒詛父母，有人自以爲潔，而實未滌其污。有人昂首高視，有人齒如刀鋸，吞噬貧人。外此更有不知足者，三四不等。若水蛭善吮，貪婪無厭焉。瘞埋之塚，不妊之婦，受水之區，燃物之火，俱不知足。欺父逆母者，厥目爲谷鴉所啄。鷹雛所噬，其不可尋踪覓跡者，三四不等。鷹飛戾天，蛇繞於磐，舟行海中，童蒙初媾，其跡不可知。淫婦之行亦然，任私欲，滅其跡。曰：我未行淫。余觀斯世，所不宜有者，三四不等。僕治其主，愚而富侈，醜婦適人，婢代主母，在地有四微物，其巧甚捷。螻蟻無力，夏時備食，吵啮弱物，以磐爲室。蝗蟲無主，分羣而出，守官行以掌，緣壁於王宮。世之行而有威者，亦三四不等焉。獅爲百獸王，無所畏避，以及獵犬、牡羊，而莫能禦者，則有王公。如爾自衛，妄有作爲，圖維惡念，當以手掩口。搖乳

可成酪，擣鼻則出血，激怒必致爭，亦若是矣。

第三十一 利母益王之母，訓王以箴言曰：我之愛子，我語汝，我昔許願而生汝，宜聽我言。維彼淫婦，戕害王躬，耗王精力，汝毋昵之。利母益乎，清酒醇醪，王毋過飲，恐忘律例，枉法以害貧。清酒醇醪，以飲將死之人，罹憂之輩，使忘其貧，不憶其苦。嗜者代爲口，危者伸其冤。秉公義，救貧乏，孰得賢妻，價貴琅玕。其夫恃之，無所置乏。雖至畢生，有益無損，得綿臬樂，擊績，譬彼臚船，轉運食物，來自遠方。未及黎明，賢妻夙興，供僕之食，課婢之工，見良田則購之，出其贏餘，以築葡萄園，勁腰健臂，操作獲利，篝燈永夜，執篋紡績，賙濟貧乏。家人重衣，不畏雨雪，手製寢衣，自服赤綿。夫坐公庭，名著長老之中。婦作布售之於市，作紳售之於商賈，所製之服，華美纘密，不嘆無衣於後日。所言者明哲之詞，仁愛之語，勸家政，不素餐。夫善之，子德之，世之娶妻而賢者甚多，惟此婦爲冠。其有丰采殊色者，盡屬於虛，不如寅畏耶和華者，必得讚美，所行結善果，在民間有令聞焉。

傳道

耶路撒冷王，大闢之子，宣播大道，其言曰：吾觀萬事，空之又空，虛之又虛，光天之下，營營操作，何益之有？世代迭更，大地恒存，日出日入，運行不息，風自北來，復自南至，迴旋靡定，百川歸海，海不見其溢，河水從所來而來，復從所來而去，萬物運動，言之不能盡，觀之不勝觀，聞之不勝聞，有必復有，成必再成，天下之物，咸非新創，如言新創，何諦視之，則自昔已然。往者已難追憶，來者亦將遺忘。余爲以色列王，親耶路撒冷，專心致志，窮察天下事，知上帝以斯任界人，使竭其心思，天下之事，我已灼見，無非捕風捉影，曲者不能直，缺者不勝數。我竊自思，我得大業，具智慧，耶路撒冷人，自古以來，未有若此者也。我專我心，窮察智愚，祇徒勞焉。蓋多智多憂，識見愈廣，則憂愁彌甚。

我竊自維，試耽宴樂，試樂逸遊，明知歸於無有。我言嬉戲惟狂，宴樂無益。我姑以酒爲懽，若無智然而仍不敢失度，庶知人生在世，最樂者何事。於是興工作，建屋宇，作園囿，種葡萄，栽百果，鑿沼池，灌林木，購僕婢，得丁男，牛羊繁衍，前此在耶路撒冷，未有若是之盛。我廣貯金銀，集四方貢物，以及樂官冷女，后妃嬪御，充於後宮，日以昌大。前此在耶路撒冷，未有能比擬者也。然我不踰吾閑，凡目前之宴樂，人心之嗜好，無所禁止，勞而獲之，逸而享之。由後而觀，覺勞而得者，莫非捕風捉影，於事無益。我爲君，足以致此，豈他人所能及哉？我察智愚，知智愈乎愚，光愈乎暗，智者明目，愚人行暗，及其終也，何異之有？竊思愚者死，智者亦死，雖智何益，豈非虛哉？智愚既同歸

於死而後世忘其名。天下事皆作如是觀。斯世所爲，殷憂感感，莫非捕風捉影。故我不樂其生。我一身勞瘁，不可爲悅。蓋所經營，必遺於後起之人。子孫智愚，難以逆料。惟我竭其心思，勞苦畢生，彼得而主之，豈不盡屬於虛哉。可知經營百事，絕無餘望。人之勞心力，運智謀，凡事亨通，後人逸而得之，盡屬於虛。大可憫也。人生於世，辛勤憂感，何益之有。終日勞苦，終夜不安，亦屬於虛。以我觀之，上帝所賜，既勤勞而得之，則必以飲以食，安坐而享，樂莫大焉。上帝所悅者，賜以智慧歡樂。若惡人則勞苦之，以其所積貨財，賜於善良。凡百之事，無非捕風捉影，以此益見矣。

【第二章】天下萬事，各有其時。有時可生，有時可死，有時可植，有時可拔，有時可傷，有時可醫，有時可毀，有時可建，有時可哭，有時可笑，有時可哀，有時可躍，有時可擲石，有時可斂石，有時可饒，有時可棄，有時可得，有時可失，有時可守，有時可舍，有時可分裂，有時可彌縫，有時可默，有時可言，有時可愛，有時可惡，有時可戰，有時可和。且人之經營操作，何益之有。上帝使人勤勞，我見之矣。上帝所爲，皆合其時，而無不美。使人察之，始終莫測。以我觀之，人在斯世，莫若爲善而享福。上帝賜人勤勞而得之，式飲式食，安享其成。我知上帝所爲，永立不移，無能損益，使人實畏。有而復有，成必再成。或去或來，上帝所循環。我遍覽天下，公庭聽訟，當秉公義，而反徇私，竊思上帝鞠善惡，賞罰有其期。又思世人行事，上帝察之，欲人知異於禽獸者幾希。世人禽獸，同一氣之呼吸，其必死無以異也。則人不遠於禽獸，而萬事悉歸諸虛矣。其生也作以土，其死也返於土，俱歸一所。人

之神，升於天，獸之精，降乎地，誰念及之。惟我竊思，人既勤勞以得之，莫若安樂以享之。厥後之事，

難以逆睹。

第四章 我復思天下之秉鈞者，慮遇民人，民罹其酷，靡不墮淚，慰藉無人。我竊思死者較生者爲尤幸。又思未生於斯世者，未見斯人之穢行，較生而復死者，尤爲幸甚。我觀世人，勞而得功，同人媚嫉，此亦捕風捉影而已。愚者束手，自取敗亡，寧寡得而宴安，毋多財而勞瘁，是皆捉影也。我遍觀天下，有一事更屬虛幻，有人塊然獨處，無兄弟子女，不與友朋交接，然亦勞苦不已，雖得貨財，不以爲足，不敢自用，不知遺誰，此屬於虛，更貽後患。二人爲侶，勝於一人獨居，可相助以有成，若一人傾跌，則一人爲之扶持，獨居而蹶，援手無人，豈不難哉。同寢多煖，獨寐少溫。一人不勝敵，二人相助，則克之，繩有三重，則不易斷。君毫無智，不從箴諫，不如幼冲，反多明慧，有始而幽囚，後治國家者，有始爲君王，後作窮民者，更有兆民稟命，不之父而之子者，及其爲君，從者無數，而後人卒不頌其美，此亦捕風捉影之事也。

第五章 詣上帝殿，必慎必恪，傾耳以聆，勿效愚人，作惡獻祭，不自知其非義，勿造次啟口，出言於上帝前，蓋上帝在天，爾在地，故言必寡，多慮多夢，多言多拙，愚魯者流，上帝所不悅。凡指上帝而發願，當償勿緩，寧勿許願，毋許而不償，勿以口所許，陷於罪戾，毋告祭司，以所許之言爲誤，恐上帝震怒，敗爾所爲。夢寐多屬幻境，浮詞亦屬空虛，惟爾當畏上帝，爾觀州邑強暴，虐貧枉法，則勿殷憂，人雖居高位，更有尊於彼者，鑒察其所爲，其上又有至尊至高者，莫重乎農事，上下咸獲其利，以金爲寶者，金不足以滿其心，惟貨是好者，貨不足以充其欲，此亦屬於虛而已。財充則用繁。

有財何裨。勞者食無餘，每見其安寢。富者因多財，恒不遑假寐。曠觀天下之人，深可憫惜。積貯貨財，自取其害。既遭患難，貨財俱失。雖有子孫，無業可遺。蓋裸而出世，必裸而歸土。所勤勞而得者，毫不能攜。良可憫也。其入世若是，其逝世亦若是。捕風無益，徒勞而已。畢生蒙昧，多病多愁。以我觀之，上帝使人一生操作，式飲式食，安享其成，豈不甚美。上帝賜人以貲財，供其食用，既勞而得之，當逸而享之。蓋上帝使人欣喜，已往者不繫其心，未來者不擾其慮。

第六章 天下人可爲長太息者一，上帝賜人貨財，錫人尊榮，無所不有，己不敢逸，他人享之，此屬於虛，深可嘆也。人有百子，又獲遐齡，生不能享福，死不得善葬，以我觀之，胎未成人者，較彼愈美。未成之胎，來以虛，去以暗，其名不存，未親日光，未知世事，較彼慳吝，又獲平康。吝者生於世，雖永壽二千年，未嘗一日厚於自奉，其後與衆同歸一邱。人之勤勞，爲口腹計耳，乃心不知足。人而智，與人而愚，有何愈。貧而智，與富而愚，有何愈。寧享現在之福，勿作出位之思，莫非捕風捉影。粵稽古昔，始博土以爲人，由此得名，以迄於今。若此焉，得與全能者辯，辯論愈煩，則艱難叢集，果何益之有。人生斯世，歷日無幾，如影沉西，逝世之後，不識復有何事，以是觀之，安在所謂眞福。

第七章 芬芳之品，不如令聞。初生之時，不如死日。詣筵宴之家，不如入哭泣之室。在彼見人之終生者，當深思焉。喜笑不如憂愁，色雖有憂，心則克正。智者寧往哀戚之家，愚者喜詣宴樂之地。寧聆哲士之箴規，莫聽愚人之倡和。愚人之笑，如荆棘，爲爨火所焚，莫非捕風也。非義之利，使智爲狂，惟行賄賂，壞人心術。事之始不如事之終，驕泰不如恒忍，毋急怒，毋蓄怨，斯愚人所爲，勿是古

非今而尙論其事。此非智者所爲也。有智有財。二者兼得。其益不淺。智可庇身。財可助己。惟獲智
慧。可享永生。試思上帝經綸。彼使爲曲。誰能直之。福來可喜。禍至可慮。上帝使二者迭相倚伏。俾
人不能逆料。我處塵凡。鑒觀事理。見有爲義而早夭者。見有作惡而壽終者。爾勿以爲義過乎主。
智超乎主。而自取其戾。爾勿以爲惡浮於人。愚勝於人。而自速其亡。自義在所必戒。妄爲尤所當
絕。惟上帝是畏。患難可避。胸懷睿智之人。較邑中十長者。更有能焉。昔天之下。純善無纖惡者。未
之有也。言不聞。爾勿竊聽。恐有僕婢譏謔者。蓋爾居恒。亦知嘗譏人。我察萬事。欲求大道。而道離
我甚遠。道甚玄遠。誰能測度。我盡心求道。欲知事理之所以。亦欲知愚昧之不善。維彼淫婦。心若
網羅。手若縲紲。較諸死亡愈苦。爲善者避其凶。作惡者遭其害。傳道者曰。我察萬事。欲知其詳。而
有所未逮。簡俊士於千人之內。猶可或觀。求哲婦於萬姝之中。不能必得。上帝造人。正直是務。惟
人所爲。機巧百出。我深察其故矣。

第八 有智之人。明足以察萬理。光華見於面。無不燭照。變剛爲柔。孰能與於斯。既指上帝而誓。
必守王命。勿謀不軌。勿致位而不辭。爾若是。恐于王怒。蓋發號出令。由王獨斷。王之命莫能禦。王
所爲。孰敢詰。守命無咎。哲士識時。萬事各有其時。未來者人不及料。故遘多艱。氣之呼吸不能自
主。死之猝至。亦不自持。在彼疆場。不能倖免。多行強暴。終難遁罰。我詳觀天下事。見有陷害同儕
者。強梁既沒。出於聖京。葬於塚墓。民遂忘其所行。我觀乎此。等於捕風。惡不卽罰。人專爲惡。作惡
之人。屢蹈罪愆。反享遐齡。然吾知寅畏上帝者。終必受厥綏祉。惡人不畏上帝。斷難邀福。厥日無

幾如影靡定。天下事可爲長太息者。有時義人遭難。幾同惡人。惡人蒙休。有類義人。我則曰。此屬於虛。我又曰。上帝使人勤於操作。無少休息。莫若耽飲食。樂宴樂之爲美。自是而後。我欲擴吾識見。遍覽天下事。見斯世有人。永朝永夕。不遑假寐。亦見有人。欲觀上帝之經綸。竭其心思。而不能得。有智之士。雖欲知之。亦不及知。

我竭吾心思。詳察百事。知義人智人之所爲。咸歸上帝治理。惟觀其人之所值。而上帝之眷顧與否。仍難逆料。萬民所遭。初無或異。義不義。潔不潔。祭不祭。善不善。妄誓不妄誓者。億兆亦同此賦畀。事有深可嘆息者。人生於世。心懷惡而行猖狂。終歸死地。生存之時。猶堪希望。生之犬愈於死之獅。生者知必有死。死者知覺已泯。賞賚已絕。記錄已滅。所好惡所豐羨者。悉歸無有。天下所經營。與彼無異。莫若以欣以悅。食餅飲酒。爾爲是則上帝悅懌。章身之衣恒潔。沐首之膏不匱。上帝使人生於斯世。悉屬虛浮。畢生操作。安享其所得。夫婦之間。必當眷愛懽娛。以至沒齒。且爾竭心思。爲所當爲。轉瞬之間。卽歸於土。在彼無工作。無計謀。無智慧。我又遍覽天下事。疾趨未必先至。勁旅未必獲捷。有智未必得餽糧。聰明未必得貨財。機巧未必沐恩寵。凡百之事。悉由偶然而至。譬彼水族羽族。猝罹網羅。人遭飛殃。出於莫測者。亦若是。我觀世事。智之所用甚廣。設也城邑褊小。人民鮮少。大國之君圍之。築高壘以環攻。邑中有貧人。明哲是懷。施其智以救邑衆。其後人無復念之者。我竊思之。智愈於力。貧者之智。爲人藐忽。不從其言。寧從哲士之詞。莫聽昏君之論。智之爲用勝於劍戟。惟一愚人與其間。則雖有嘉謀。亦爲所敗。

第十卷 惟人調劑香膏，一入毒蟲，則臭立變惡。人有尊榮，具智慧，名譽遠播，一行不善，亦若是智之心捷若右手，愚之心拙若左手。愚者行於途，貢其不智之形，眾人目擊，長者怒爾，勿不辭而退位，必務柔順，可免大過。天下事可長太息者，我嘗見之矣。長者所行不善，使愚者坐高位，智者居末座，僕乘馬，主徒行，掘坎穿，適陷其身，毀籬籬，必囓於蛇。移石必受其傷，伐木必遇其害。斧斤已鈍，不加磨礪，則斬伐必費其力。智者知所當爲，施術制蛇之人未至，而人爲蛇所囓，則彼之技無所施。智者之言益人，愚者之言害己。其言也始則拙，終則狂。未來之事，人難逆料，愚者嘵嘵，何裨於世。愚者徒勞無益，不知當行之道。器小者爲王，則羣臣以飲食爲先，而邦必危矣。器大者爲王，則羣臣飲食以時，惟補其力，不敢沉湎，而邦必安矣。人情而不修其室，則棟撓屋漏。人設宴以爲樂，置酒以爲悅，非金不足以致此。毋私詛王公，毋在室咒大人，飛鳥必揚其聲，羽族必報其事。

第十卷 滙水之區，宜播百穀，歷日既久，可刈可穫。頒食於衆，勿以七八爲限，蓋爾後日貧乏，難以自料。油然作雲，則沛然下雨，喬木北偃不可復南，南偃不可復北。疑風則不敢播穀，訝雨則不敢刈禾。婦有妊，爾不知魂靈如何而昇，骨骸如何而成。上帝締造萬物，其經綸非人所能知也。爾勿以朝吉而播，夕凶而弗播，朝夕俱可，不知其後孰美也。人生於光天之下，目觀日華，其神實暢。雖享遐齡，畢生逸樂，當思未來之日，憂患迭起，乃知事皆屬虛。維爾小子，幼而嬉戲，其志愉快，隨心所欲，隨目所視，當思上帝必鞠爾，故必去欲絕邪，蓋幼稚之時，亦屬於虛。

第十卷 年當少壯，必及時敬造化之主，宜憶勿忘。斯時也，患難憂愁之日尙未至。既屆其期，日月星辰必晦其光，雲

遮黶黷，雨降淋漓。守室者必戰慄，有力者必卷曲，旋磨者寡而缺，窺牖者昏而黑，通衢之門已閉，旋磨之聲不聞，鳥鳴而寢即起，謳歌而音不揚，不敢登高，行於途中亦多畏憚，以杏核爲可厭，以蠶蟲爲重物，生平嗜好，百無一存，人歸窳窳，哀者行於衢，銀索已解，金盃已毀，泉旁汲器已破，井上轆轤已折，人本搏土所爲，死則返本，人之魂靈爲上帝所賦畀，死則歸乎上帝。○傳道者曰：我觀萬事，空之又空，虛之又虛。我既有智，教民以智，專心求道，陳述箴規。我所云嘉言也，所錄實語也。哲士之言，譬諸刺，譬諸釘，一主所諭，衆師所傳。爾小子，以此爲戒，著述若多，功不能竟，學而徒勤，適勞其心。事之大畧，爾其聽之，寅畏上帝，守其誠命，此人之大端。上帝必鞠萬事，彰其隱微，或善或惡，加以賞罰。

雅歌

第一章此所羅門之雅歌也。新婦曰：爾眷愛之情，愈於酒醴，與我接吻，爾名流芳，若芬釀之品，傾注於外，其香遠徹，故婢女愛汝。爾爲我先導，我步爾後塵，遂入宮闈，予甚悅爾，爾眷愛之情，愈於酒醴，而人之戀愛爾者，亦其宜也。謂其婢曰：耶路撒冷女乎，我顏微紫，若基達之幕，我容微美，若所羅門之幃。昔兄弟憾予，使予守園，不顧己身，遂暴於日，容色微紫，爾曹婢女，勿藐視予。維我良人，予所敬愛，予不欲與爾同儔爲伍，以遨以遊，惟欲詣爾牧地，爾牧羊何所，至於日中，羊伏蔭下，又在何方，請以告我。其婢曰：姣美之妹，如爾不識其所，以爾之羊置帷幕間，可踵羣羊之跡，自能遇之。其良人曰：我視愛她，若法老駕車之馬，爾容甚美，飾貌以珍珠，垂項以玫瑰，我必以金條銀項飾汝之首。新婦曰：王坐席間，聞我馨香，夫子我所敬愛，視若沒藥一緘，古伯花一簪，自隱其底之園而至，必使終夕，寢於我側。良人曰：愛她甚美，爾目若鴿。新婦曰：夫子丰采甚都，我所敬愛，我寢此床，其色維綠，其式甚美。我室之梁，製以柏香木，我室之蓋，製以松木。

第二章新婦曰：沙崙有玫瑰花，谷中有百合花，予竊比之焉。良人曰：愛她在羣女間，若荆棘叢中有百合花焉。新婦曰：夫子我所眷愛，若林樹之間有蘋果焉。我喜坐其蔭，甘其果實，引我至宴所，被我以恩寵，心乎愛矣，令我消魂，昇我以蘋果，食我以葡萄乾，以補我力。左手扶我首，右手抱我身，維彼麀鹿，遊於田間，我指之而誓，耶路撒冷女乎，維我良人，我所眷愛，酣寢之時，爾勿驚之，待其自寤。○越日我聞夫子之聲，譬彼麀鹿，逾越山崗，踴躍而至，立於牆後，倚牆而望，由櫺而窺，告

我曰愛如美人，與我偕往。冬已過，雨已止，花開鳥啼，鳩聲遍聞，無花果樹，結果青青，葡萄舒蕊，遠吐奇馨。愛如美人，與我偕往。吾視爾若鵠，匿於磐石，藏於巖穴，僅見一斑，爾其出，俾得觀爾麗容，聆爾清聲。葡萄尚嫩，恐爲狐所折，爾曹儔侶，執之毋緩。夫子倡之，我必和之。夫子屬我，我屬夫子，其味若百合花。夫子我所眷愛，譬彼麀鹿，遊於鹿得之山，曷歸曷歸，待夕已過，待旦已明，然後相離。

第二節 夜寢於床，恍惚入夢，求我夫子，而不得。我卽興，遊於邑衢，遍行大道，求我夫子，求之不得。遇巡城卒，問之曰：我之夫子，汝見之乎？相離數武，則遇我夫子，攜手偕行，引入母室。維彼田間，爰有麀鹿，我指之而誓，耶路撒冷女乎？夫子酣寢，爾勿驚之，待其自寤。越日，新婦在室曰：在彼烟炤驟起，其狀若柱，自野而來，氣甚馨香，有若沒藥，有若乳香，有若商賈所市芬芳之品，此果爲誰？諸婢曰：乃所羅門之輿，以色列族武士六十，護翼而至，俱執利刃，善於戰鬪，腰懸刀，以防夜警。所羅門作輿，其木自利巴嫩，其柱白銀，其欄黃金，其座赤色，其下布以文繡，耶路撒冷衆女所製。新婦曰：所羅門王娶妻欣喜，母賜冕旒，冠之於首，郇邑之女，盍出而觀之。

第四節 良人曰：愛如甚美，以巾蔽面，目光流露，其麗若鵠，髮若羣羊，臥於基列山，齒若剪毛之羊，已浴於沼，無不懷妊，且能孿生，唇若絳絲，言詞甚善，額現帕外，若石榴一方，頸若大關之臺，藏兵之庫，中懸千千，咸爲武士所用，乳若雙麀，嚼芻於百合花中，山崗之上，有沒藥乳香，我將適彼，夕以達旦，我之愛如，爾有殊色，無疵無玷，我之愛如，與我偕行，至利巴嫩山，登亞馬拿，示溺黑門之

峯其地有獅穴豹崗，於彼憑高四顧。我之新婦，視若姊妹。美目送盼，玉頸微露。我神爲之蕩，我心爲之奪。爾眷愛之情，甚爲篤摯。愈於酒醴，爾之香膏，愈於芳品。唇若蜂房滴瀝，舌若乳蜜調和。衣香襲人，若利巴嫩之木。我之新婦，視若姊妹。園囿已鍵，井泉已封。所植者石榴美果，古柏香木。馨香草，番紅花，菖蒲，桂枝，乳香，沒藥，蘆薈，與諸芬芳之品。園中之溪，活水之泉，發源於利巴嫩。新婦曰：願北風起，南風亦至，吹於我園，使芬芳遠徹。願我夫子入園，而食嘉菓。

第五篇 良人曰：我之新婦，視若姊妹。我入園囿，採沒藥與香品，食蜂房與甘蜜，飲乳酪與酒醴。爾曹友朋，飲之食之，以快其心。○新婦曰：我身寢而心寤，夢中聽夫子之聲，叩門呼曰：我之愛妃，美麗若鴿，德無不備。夜深露下，我髮沾濡，爾其啟門，容我入室。我曰：我已解衣，焉能衣之。我曾濯足，焉可污之。我之夫子，入手於牖，我心憫之，起欲啟門，以沒藥盥手，其味馨香，沾染門鍵。門既闢，不見夫子，我思其言，魂不附體，求之弗得，呼之莫應。爰遇巡城之卒，擊而傷我，奪我巾幘。耶路撒冷女乎，如遇夫子，爲我言之。眷愛之情已多，令我消魂。諸婢曰：嬌美之妹，爾之夫子，比他人之夫子，何以愈乎。爾乃告我若此。我之夫子，色白而紅，爲萬人之冠。首若兼金，長髮依稀垂柳，黑鬢彷彿堆鴉。目若溪濱之鴿，以乳洗滌，行列甚整。玉頰芬芳，有如香草，栽於園囿。絳唇若玉，戴之嫵媚。吐氣若沒藥之滴瀝，手帶金釧，嵌以黃玉，身若象齒，其色光潤，鑲以青玉。足若花石柱，置於金座。儀容英爽，森森然如利巴嫩之柏香木。吹氣若蘭，洵可愛也。耶路撒冷女乎，我之夫子若此。

第六篇 諸婢曰：姣美之妹，爾之夫子何往，我與汝共跡之。新婦曰：我之夫子適園，嗅芬芳之草，採

百合之花。夫子屬我，我屬夫子。斯時也，尙採百合花。夏人曰：愛妃有殊色，譬諸得撒，有麗容，譬諸耶路撒冷，有威儀，譬諸張幟之軍。爾目流盼，已蕩我心，切勿顧瞻。爾髮若羣羊，臥於基列山。齒若剪毛之羊，已溶於沼，無不懷妊，且能孿生，額現帕外。若石榴一方，妃嬪六十人，嬪御八十人，侍女無數，惟一愛妃，美麗若鴿，德無不備，厥母生之，眷愛特甚。嬪妃侍女，見則頌讚曰：艷若晨光，朗耀如月，輝煌如日，威儀具備。若張幟之軍。新婦曰：我適榛園，觀谷之果，葡萄萌芽，石榴舒蕊。眷愛情深，我心蕩漾。若長者馳車。諸婢曰：書拉密女乎，歸與歸與，我欲觀汝。新婦曰：觀我如何。諸婢曰：若天使二營。

第七章 諸婢爲新婦解襦，美之曰：公主，爾足爾履，洵美矣。爾髀豐隆，猶之瓔珞，巧工所製。爾臍圓若盎孟，盛以酒醴。爾腹若積麥，周百合花。乳若雙磨，俱爲孿生。項若象牙之臺，目若希實本二沼。近八喇品門，鼻如利巴嫩樓，與大馬色相望。首若加密山，卷髮如雲，其色維朱，爲王所覲，中心蕩漾。夏人曰：愛妃至美，我甚悅懌。爾體娉婷，猶之棗樹，乳若葡萄，垂實纍然。我欲撫棗樹，而執其枝。爾乳誠若葡萄，垂實纍然，鼻甚芬芳，有如蘋果。口若旨酒，依法而流，同寢者親嘗其味，以爲甚樂。新婦曰：我屬夫子，夫子戀我。爾與我來，共往田間，宿於鄉里。詰朝夙興，適葡萄園，觀其萌芽舒蕊，亦觀石榴已茁，在彼享閨房之福。風茄馨香，門以外嘉果實繁，新舊俱備，我已蓄積，供我夫子。

第八章 我欲視爾，若兄弟，同哺母乳，遇爾於外，則可接吻，不以爲異。我導爾至母室，昔母教我，逼取石榴之汁，調和酒醴，以此飲汝。容爾左手扶我首，右手抱我身。耶路撒冷女乎，我所愛之夫子。

酣寢，爾勿驚之，待其自寤。諸婢曰：新婦自野而至，與其夫偕行，相爲依倚，不識爲誰。良人曰：在樹下，爾母生汝，在彼我與爾相遇，眷愛情深，甚爲感激。新婦曰：願爾心懷我，手抱我，心心相印，若合符節，我愛汝甚切，至死不渝。如有他婦奪寵，我脚憾實深，雖入土猶不已。我必忿怒，烈若火焰。我眷愛爾，情甚篤摯，河水汎濫，亦不能滅。雖傾家以博愛，亦不可得。我之女弟，年未及笄，成婚之日，當如之何。良人曰：如彼難進若城垣，我作金臺以攻之，如彼易入若門戶，我用木板以圍之。新婦曰：我若城垣，我若高臺，故獲恩寵。巴力哈門有葡萄園，屬於所羅門，租於農夫，農夫因取其果，各納稅千金。我亦有葡萄園，必歸所羅門，價值千金，栽植其園者，畀以傭值二百金。良人曰：爾居園圃，我之同儕，已聞爾聲，我亦欲聞之。新婦曰：我之夫子，譬彼麀鹿，亟至山崗，嗅其芬芳。

Faint vertical text columns, likely bleed-through from the reverse side of the page. The characters are difficult to decipher due to fading and low contrast.

以賽亞書

猶大國烏西亞約坦亞哈士希西家相繼在位時亞麼士子以賽亞以猶大耶路撒冷之事得之默示者筆於書天其聞之地其聽之耶和華曰我養民如保赤子而反忤逆牛識主驢知厥惟我以色列族民不識不知我耶和華爲以色列族之聖主斯民侮子棄子逆子風俗澆漓陷於罪戾入於邪僻豈不哀哉爾旣屢犯我將加罰奈身首俱傷肝膽皆裂當擊何處自頂至踵一身不痊遍體傷痍未彌其隙未裹以巾未沐以膏爾地荒蕪爾邑焚燬異邦之人至傾覆爾四境吞食爾土產俾爾目擊郇僅孤城所存無幾猶葡萄園之廬瓜田之舍被圍之邑而已民曰如萬有之主耶和華不俾我衆猶有子遺則必若所多馬蛾摩拉矣曰爾曹與所多馬之君長蛾摩拉之民人無異宜聽上帝耶和華之命耶和華曰恒獻禮物與我何與爾燔牡綿羊焚肥畜之膏我所厭惡牛犢羔羊牡山羊之血我不悅懌爾來觀我穢我帷場誰命之者毋徒獻禮物若馨香月朔安息日聖會大日俱我所厭棄爾守節期又復爲惡故我不悅朔日節期我心痛疾我視若重負而厭之爾曹殺人雖舉手禱告弗輟我必不俯聞而退棄爾當盥手潔心滌爾汚俗棄惡歸善公義是行受人處遇者必加援手孤子孀婦必伸其冤耶和華又曰爾來吾語汝爾罪貫盈其色濃若赭深若絳我必使之皓然潔白如棉如雪如爾順從可食土產享其嘉物如爾忤逆必亡以刃我耶和華已言之矣爾邑自古以來風俗敦龐以迄於今漸流於淫靡矣昔也行仁善者居之茲也嗜殺人者處之爾銀變爲滓爾酒雜以水爾之君長忤逆乎我與盜爲侶好賄賂納苞苴孤

子孱婦不伸其冤。我耶和華宰萬有，爲以色列族有能之主。今頒斯詔，必報于仇讎，雪子忿怒，轉翼我民，鍛鍊若金，消融渣滓。爾之士師，爾之謀臣，必復崛起，有如曠昔，則爾可爲淳厚之民，敦龐之俗。郇邑之民，悔過行義，則可得救。罪人惡黨，同歸於盡。凡棄我者，淪胥以亡。昔爾在園囿林樹間，奉事偶像，以爲悅懌，後必耻之。譬彼橡樹，枝葉已枯，譬彼園囿，灌溉無資，爾其似之。有爵位者如麻，其所作爲如火，遇之必燃，同遭焚燬，撲滅無人。

亞麼士子以賽亞，以猶大耶路撒冷之事，得之默示者，筆於書，越至末期，耶和華殿宇之山，必超乎衆山之上，高出於層巒疊嶂間，異邦族類，無不來集。衆民僉曰：雅各之上帝，卽耶和華是。莫若登其山，入其殿，受其訓迪，遵從其道。蓋律例自郇城而出，耶和華之命，自耶路撒冷而敷布。列國分爭，主平治之，使以刀爲犁，以戈爲鎌，不相攻伐，不尙武事。爾曹雅各之家，盍與我偕往，遵耶和華光明之道。維昔雅各家，與異邦修睦，惟尙術數，較諸非利士人，東方之民，初無或異。故上帝棄之。其地金銀豐裕，財貨充斥，維車維馬，不可勝計。更有偶像林立，皆其手造，彼民也。自尊逮卑，上帝必降抑之，不加赦宥。耶和華旣彰其震怒，有威可畏，爾曹當入於磐巖，匿於窟穴，以避其災。人卽自高，昂首仰視，必使之屈抑而卑微。蓋是日也，耶和華尊無二上。時日將至，萬有之主，耶和華，必折驕矜者之氣，使自高者降而爲卑。凡利巴嫩千霄之柏香木，巴山之橡樹，巖巖之衆山，巍巍之峻嶺，崇高之臺榭，鞏固之城垣，大失之舟楫，可愛之嘉物，俱使之傾覆。驕傲者流，必使爲卑。蓋是日也，耶和華尊無二上。凡諸偶像，盡歸消亡。耶和華有威可畏，勃然而興，地以震動，人

必入於磐巖，匿於窟穴，以避其災。是日也，人以所作之金銀偶像，居恒所崇拜者，投於鼯鼠蝙蝠之穴。耶和華有威可畏，勃然而興，地以震動，人必入於磐巖，匿於窟穴，以避其災。斯人也，呼吸之氣，出入於口，安能助人，勿以爲可恃。○**第二十章** 養生之百穀，解渴之水泉，豪傑之士，雄俊之夫，鞠民之官，先知之人，卜筮之輩，以及長老，五十夫長，貴介，謀臣，良工，巫覡，皆猶大耶路撒冷民所倚賴，而萬有之主耶和華悉奪之，使器小年稚者爲君，以治斯民。黎庶自相凌虐，毫釐者被侮於幼稚，尊顯者見凌於卑賤，有隱而不仕者，或攬手告之曰：爾多藏幣帛，奚不爲政，拯予於患難乎？其人大聲辭曰：予也，屢無餘粟，苟無餘衣，安能濟困，不敢爲政。蓋耶路撒冷猶大之民，所信所行，背乎耶和華，犯天顏，干震怒，顛蹶而亡，斯民也。爾之厚矣，惡跡已彰，不思隱蔽，有若所多馬自招禍患，誠可爲長太息也。宜訓於有衆曰：善者必蒙綏祉，而獲善報，惡者必遭凶災，而有惡報。萬有之主耶和華曰：維爾小民，治理爾者，不啻婦人暨子，虐遇爾曹，訓導偏頗，迷眩爾途。我將起鞠斯民，以彰公義。遍詰民長牧伯曰：爾毀我葡萄園，攘奪貧民，虜其貨財，藏於爾室，蹂躪我民，虐遇窮乏，果何爲哉？耶和華曰：郇邑之女，驕侈性成，延頸遠眺，送目流盼，步細而捷，足曳金釧，音韻鏗鏘，我必使之頭童寡髮，辱於衆前，除其足釧，解其彩絡，脫其月笄，去其耳環手釧，褫其蔽面之帕，摘其蒙首之巾，以及足練，文紳，香盒，祛邪之籙，指環，鼻環，華衣，公服，外飾之裳，荷囊，銅鏡，初服，蔽首之帕，被身之巾，除其馨香，蒙以不潔，去其彩紳，繫以縲紲，髡其卷髮，代以童首，褫其繡衣，束以麻布，毀其姿容，加以烙印。郇邑之丁男，亡於鋒刃，武士死於戰陳，邑門寂寞，民坐塗炭而哭泣，七婦將

求一夫曰我儕衣食足以自給惟願有夫之名俾得洒恥於人間○**第四節**患難之後耶和華所長之枝柯必且向榮競茂斯土所產既嘉且碩使以色列族免於災害者得而安享斯時也郇邑與耶路撒冷之遺民隸其名於生齒之籍得稱爲聖在昔郇邑及耶路撒冷之民嗜殺人行淫亂主震怒之降以重災洗滌其污於是郇山之室民會之處榮光焜燿耶和華必加護衛晝蔽以雲夜燭以火烈日炎熇驟雨滂沛亦將覆幬以庇護

第五節良友有園栽植葡萄因作歌以賦其事歌曰良友有園栽植葡萄在彼山岡其地膏腴開墾土壤掃除沙石擇其嘉種植之於中建峻臺掘酒醕冀結嘉實反生惡果園主曰猶大耶路撒冷之居民今汝觀我葡萄園辨其是非我栽培此園無以復加冀結嘉實乃生惡果何也我語汝今此葡萄園將何以處之必撤藩衛任其吞噬毀垣墮聽其蹂躪不治不修變爲荒蕪荆棘叢生使天不雨萬有之主耶和華視以色列族猶大之民無異葡萄園無異嘉種使行仁從義惟彼嗜殺人行暴虐小民號呼強據宅第多得土田不遺隙地推其意幾欲獨攬遍境深可疾也萬有之主耶和華諭示於我曰彼之華堂廣廈悉變荒蕪不留一人葡萄園三十畝所產僅酒六斗穀種六百斗所產僅六十斗其人夙興縱飲無度迨至薄暮更覺沉洩若此必有禍患飲宴之時鼓琴彈瑟播鼗吹簫耶和華之彰瘡彼不以爲意我民無知爲人所擄尊者飢黎民渴陰府恢廓厥口孔張使華靡淫樂者實繁有徒俱陷於下由尊逮卑皆必降格雖昂首仰視必使之屈抑萬有之主至聖之上帝耶和華惟秉公義必推爲尊富厚者之田宅今皆荒蕪異邦之人牽羊以至隨意

囓芻人行惡而取戾。若以索曳車，其有禍乎？彼曰：願以色列族之聖主，速行其旨，俾我見而知之焉。人而以善爲惡，以惡爲善，以暗爲光，以光爲暗，以苦爲甘，以甘爲苦者，禍必及之。自恃爲智慧，聰明者，亦有禍矣。人耽於酒，醞釀佳醴，爲量甚大者，必有禍矣。人納賄賂，誣善而罪之，袒惡而釋之，禍不遠矣。耶和華萬有之真宰，以色列族之聖主，定律例，立法度，彼蔑棄之，藐視之，故必敗亡。若火之燬稗，若酸之燃芻，本實必撥，花蕊必謝。耶和華震怒其民，舉手攻擊，使山巖震動，尸相枕藉，有若街衢之土壤，其忿怒猶未息也。其降罰猶未已也，必張其旌旆，號召地極之民，招徠遠方之衆，倉猝之間，無不咸集。其中困乏者無人，顛墮者無人，寢寐者無人，不覆其帶，不解其履，殲其族，則甚利，引其弓，則已滿。馬蹄堅於火石，車輪疾於颶風，狂吼若牝獅，咆哮若稚獅，斷傷其所得，曳入於穴，欲求援手，迄無一人。蓋是日也，敵軍之勢，若海濤之澎湃，人望岸間，其象愁慘，其色幽暗，晦其光明，蔽以黧黧。

烏西亞王崩時，我見主坐高位，衣裳垂蔽殿宇，晒啦咪侍立，各有六翼，以二翼蔽面，二翼覆足，二翼舒展。此唱彼和曰：聖哉聖哉聖哉，萬有之主耶和華，榮光赫奕，彌綸寰宇，聲震門楹，一室之中，烟燄四塞。我曰：余與斯民，滿口穢濁，得覩大君，覩萬有之主耶和華，我命其尙可保乎？禍必不遠矣。有晒啦咪以鐵鉗取壇上熱炭，翱翔而來，舉炭置余口曰：以是置爾口，欲除罪戾，而去愆尤。吾聞耶和華之聲，曰：當遣者誰？孰爲我儕往？我曰：余在此，遣我可乎？曰：往告斯民，云：爾將耳聞而不聰，目視而不明，任斯民心頑，任學成耳聾，目曠，免其目視耳聽，心悟，遷改而得醫焉。我曰：主

歟。將至何時，曰：迫乎城垣傾圮，土地荒蕪，室廬寂寞，無人居之。斯土之民，我耶和華必徒諸遠邦，故土蕭條，其中居民尚存什一，屢遭喪敗，譬彼橡樹，雖經斬伐，猶留其幹，爲善之人，亦若是。

第七節 當猶大王烏西亞孫約坦子亞哈士時，亞蘭王哩汎以以色列王哩馬利子比迦咸至耶路撒冷，攻城不下，或告大闢族曰：亞蘭人與以法蓮人結爲黨援，大闢族聞之，君民震懼，心搖搖如風木。耶和華諭以賽亞曰：漂工有田，田間有道，近上沼之溝，爾與爾子謝雅述往彼，以迓亞哈士。告之曰：哩汎率亞蘭人與哩馬利子相會，其怒雖烈，不過二火炬之餘燼，僅有微烟，爾勿畏，勿喪膽，可安爾心。亞蘭王與以法蓮王哩馬利子謀攻爾曰：我儕往攻猶大，使其恐懼，奪其土地，立大庇押子爲王。然我耶和華云：此謀必不成。亞蘭以大馬色爲都，大馬色以哩汎爲王，以法蓮以撒馬利亞爲都，撒馬利亞以哩馬利子爲王，未及六十五載，以法蓮族必敗，國不成國，如爾不信，亦弗能恒存。耶和華告亞哈士曰：爾求異蹟於上下，我耶和華爾之上帝，必施行焉。亞哈士曰：我不敢也，恐以爲試耶和華。以賽亞曰：大闢族宜聽我言，爾作不善，人已難堪，又必欲使上帝厭爾乎。我主必以異蹟顯示於爾，將有處女懷妊生子，人稱其名以馬內利，彼食酪飲蜜，迨其知識已啟，以別善惡。當其年華未富，明睿未開之日，爾所懼之二王，其國必爲墟。耶和華將使亞述王降災於汝，及爾國家，自以法蓮叛猶大國，迄今未有若是之甚。當是時，埃及之民，處於河濱，耶和華呼集之，如蠅羣飛。亞述之人，耶和華號召之，若蜂之擁，俾至斯土，棲於荒谷，牧地，伏於巖穴，叢棘。亞述國王河外之人，爾饋以金，耶和華反使之，剪滅爾民，若刀薙毛髮，去鬚鬚，自頂放踵，幾無瞧。

類其有遺民，惟食乳飲酪，一人所牧，牛一羊二，出乳故多，民惟食酪而已。昔有葡萄園，栽樹千株，值金五百，茲其處荆棘叢生，人欲適彼，非執弓矢不可。昔有山岡，既修既治，今生荆棘，人不敢往，牛羊踐之。

第八章 耶和華告我曰：索大簡，以民間通行之文書，馬黑沙辣哈八數字。我請祭司烏利亞及耶庇哩家子撒加利亞爲確證。我與妻寢，一索而得男，耶和華命名馬黑沙辣哈八曰：子尙幼，未知呼其父母，大馬色及撒馬利亞之貨財，必爲亞述王所虜。耶和華復諭曰：大闢之族，馭下以寬，若示羅之水，其流漫衍，斯民棄之而悅服。哩汎及哩馬利子，故我必使亞述王率師襲之，若大河狂流，勢洶湧而逾岸，泛濫猶大國，幾將滅頂。左翼右翼之兵，遍於以馬內利四境，故我告衆曰：遠邦之人，宜聽我言，爾雖震怒，戎服備戰，必見傷殘，終歸糜爛。所謀不成，所命不立，蓋上帝實左右我。耶和華深感我心，俾我勿從斯民。曰：彼言二國要盟，爾勿從而和之，彼畏蕙，爾勿畏蕙。我萬有之主，耶和華爾當敬恪尊崇，我將扞衛爾，惟以色列二族及耶路撒冷居民反是，故我必譴之。若厥於磐石，若墮於機檻，維彼衆人，必躓而顛，被陷害，遭糜爛。所證之言，所命之書，當繫之以繩，鈐之以印，授諸門人。先知曰：雖耶和華不顧雅各家，我仍仰望靡已，蓋萬有之主耶和華居於郇山，我與所賜之子俱在。耶和華俾我儕爲之兆，以示以色列族焉。或曰：維彼巫覡及爲神所憑者，何不問焉？其聲綿蠻，其音微細，則應之曰：人豈不當問於上帝哉？生人之事，詢於死者，亦奚以爲？當察作證之言，必稽出命之書，否則不覩旭日之光。經歷斯土，飢饉困憊，既已枵腹之堪嗟，自必中心

之發憤，詛咒君王，謗讟上帝，顧瞻上下，無非幽暗患難，昏黑杳冥之域矣。

第九節 越在曠昔，西布倫、納大利沿海之地，約但河上，異邦之加利利，此數邑者，屢被凌辱，迄於後日，不遘艱難，必得榮顯。處暗之民，已見大光，居死地陰翳者，有光射之。維爾恢廓其國家，悅豫其性情，彼於爾前，欣喜不勝。若刈禾之時，得財之日，以欣以悅也。昔米田人，虐遇斯民，負以重軛，加以鞭扑，爾拯救之，折其杖箠，迄於今，亦若是。戰士之履，音響遙聞，血染征衣，惟此武備，俱當焚燬。子將誕生，上帝所賜，我受其益，彼必負荷國政，其名不一，稱為神妙，哲士全能，上帝永生之主，平康之君，繼大闢之位，其國昌大，長享綏安，保定之，延釐之，維公與止，自今而後，永世靡暨，萬有之主，耶和華，必熱中而行之。

主言必罰雅各家，以色列族，使以法蓮、撒馬利亞居民，無不共知，彼心驕志傲，常自言曰，瓦傾圮，我以石建，桑斬伐，吾用柏香木，故耶和華必使哩汎之敵人蜂起，衆寇糾合，以攻以法蓮，東則有亞蘭人，西有非利士人，厥口孔張，吞噬以色列族，主之忿怒，猶未息也，主之降罰，尙未已也。耶和華爲萬有之主，屢擊斯民，尙不知悔改，以求施恩，故一日之間，耶和華絕以色列族之衆，自尊逮卑，自喬木至於叢葦，靡不斬伐，具齒爵，其尊者也，爲僞師，其卑者也，訓導斯民者，偏頗是尙，爲所蠱惑者，淪胥以亡，維彼狂妄之徒，言僞而行惡，故主不悅其丁男，不惜其孤寡，其忿怒猶未息，其降罰猶未已，彼作惡事，災及其身，如荆棘之遭焚，如叢林之被蕪，烟燄上騰，萬有之主，耶和華震怒燬其國民，有若芻蕘，焚之務盡，雖兄弟不相顧，左吞右噬，猶不厭足，而自啣其臂，馬拿西攻以

法蓮以法蓮攻馬拿西二族兼攻猶大上帝之忿怒猶未息降罰猶未已也。立法嚴酷載之典章。虐遇其民。其有禍乎。彼屈抑貧乏。不伸其冤。攘奪孤寡。而取其利。待主降罰。使遠邦之人橫加侵伐。爾將何爲。求救於何人。藏寶於何地。主既遐棄爾。不爲人所俘囚。必爲人所殺害。主之忿怒猶未息也。主之降罰尙未已也。

我震怒斯民。使亞述人爲杖箠以擊之。亞述人亦有禍矣。我民僞善。我必震怒。使亞述人擊之。攘奪其貨。蹂躪其身。若遠衢之糞壤。亞述人之所爲。非欲成我之志。其意乃爲翦滅列邦。彼曰。我之牧伯。可憐列王。我滅甲呢若迦基密。滅哈末若亞八。滅撒馬利亞。若大馬色。列國之偶像。較耶路撒冷。撒馬利亞尤衆。亦爲我所翦滅。撒馬利亞我已滅其國家。毀其偶像。豈不能以此待耶路撒冷乎。主曰。我降災於郇山及耶路撒冷。既畢其事。我必伐亞述王。汰其驕心。去其仰視。彼曰。我有智有能。克勝鄰邦。虜其財。得其地。惟自恃其能而爲之。我擊天下。得人貨財。如覆巢取卵。雌鳥遠飛。無有哀鳴而鼓翼者。主曰。人以斧鋸。斬伐林木。斧鋸得自以爲功乎。以杖箠扑人。杖箠能自運動。而自視爲非木乎。故萬有之主將使肥健之人。變爲瘦瘠。尊榮之輩。熱以烈火。以色列族至聖之主。輝光遠燭。勢若焰火。一日間必毀亞述人。若焚荆棘。茂林良田。俱遭焚燬。中有餘木。其數惟寡。小子可稽察之。亞述王身必喪。命必絕。如病者之漸瘵。當是時。以色列族雅各家所遺之民。不恃敵人。惟其聖主耶和華是賴。雅各之遺民。歸乎全能之上帝。以色列族其數雖多若海沙。而歸服者亦僅無幾。萬有之主耶和華。秉公行義以治民。必在國中。翦滅斯衆。其意已定。萬有之主耶

和華告郇邑之民曰。亞述之衆。我民勿懼之。彼舉杖箠。加爾以扑責。與昔埃及人無異。惟我不久必滅亞述民。以洩我忿。我萬有之主耶和華。將使人擊之。有如鳴昔在阿立磐擊米田在海濱擊埃及人然。當是時爾可弛其負荷。去其仔肩。若牛甚肥健。而折其軛。亞述人至亞葉。經密倫於密抹駐其輜重。已濟厥河。宿於基巴拉馬之民。無不震懼。掃羅之其庇亞人。靡不遁逃。伽林之女。揚聲而呼。使拉億人聞之。亞拿突人。其有禍乎。末米拿之民。咸避匿矣。基品之衆。皆奔潰矣。一日者。敵居於諾。舉手而指。欲攻郇邑之山。耶路撒冷。崗巒。我萬有之主耶和華。赫兮焜兮。伐其巨枝。折其雄幹。使高者降爲卑。持其斧斤。斬其林木。使豪傑之士。盡斫利巴嫩之樹。

耶西之根株。必將萌蘖。耶和華之神賦之。使有智慧。使有謀力。知耶和華之道而實畏之。知人崇事耶和華之誠僞。不待目見耳聞。而是非悉辨。爲困乏與謙遜之人聽訟。秉公行義。作惡者流。必遭筆楚。以辭氣滅之。腰束以誠。腎繫以信。當是時。狼與羔同居。豹與羊同羣。肥犢獅子同處。三尺之童牧之。牛熊同食。其子共伏。獅將嚙芻若牛。赤子將玩於蝮巢。方斷乳者。置手於蛇穴。在我聖崗。悉無所害。蓋耶和華之道。遍於天下。若水在海。無往不有。當是時。耶西之根株萌蘖。爲民之靈。異邦族類歸之。其所在榮光爛焉。主將舉手。再拯其遺民。使自亞述埃及八羅古實以攔示拿哈末及海之洲島而歸。在列國張其旌旆。號召以色列猶大流亡之衆。自地四極而至。當時以法蓮猶大二國。不相仇。不構怨。西侵非利士人之境。東撈敵之輜重。伐以東摩押。俾亞捫族歸服焉。耶和華將涸埃及海口。吹以狂風。震蕩大河。分爲七支。使人曳履。可以得濟。所遺之民。自

亞述由大道而歸，與昔以色列民出埃及無異。

當斯之時，流民復集，僉曰：耶和華昔震怒余，今怒已息，且加慰藉，故予頌美之焉。耶和華上帝拯余，予恃之以無恐，援予，予必謳歌，極其揄揚。民自福泉，懽然以汲，歌曰：當籲呼耶和華，揄揚其聲名，頌美其經綸，遍於民間。耶和華所爲，赫兮咄兮，無不知之，當謳歌焉。郇邑之民，大聲而呼，以色列之聖主，居其中，至大無比。

亞麼士子以賽亞，以巴比倫之事，得之默示者，筆於書云：張旌旆於童山，號召厥衆，招之以手，俾進民牧之門，主有傑士，召爲執事，以洩其憤，莫不踴躍，樂奏其能。萬有之主耶和華，核數軍實，使臨戰鬪，尚密之上，國民和集，威聲遠振。耶和華赫然震怒，爰整其旅，以滅斯土，來自遠方，至從地極。耶和華爲全能之主，降以大災，殲滅斯邦，其日伊邇，爾當號泣不已。爾手疲膽喪，戰慄穀餼，艱難勞苦，如婦將產，彼此相對而咨嗟，容色維頹，若炙以火。耶和華勃然震怒，其日伊邇，其勢甚烈，若火之燃，剪滅國家，掃除羣醜，星辰不顯其光，日變晦冥，月隱焜耀，天下億兆，咎戾滋多，主必罰之，高者降之爲卑，強者汰其驕心，使民數凋零，少於阿妃之兼金。萬有之主耶和華，忿怒殊烈，震動天地，人將逃遁，若被逐之鹿，無牧之羊，咸歸厥所，以避其害，其尙留邑中者，則必被殺，遁逃於外者，必亡於刃，擲嬰孩於石，使彼目擊，室中之貨財見虜，妻孥被玷，主使米太人擊爾，雖饋以金銀，彼不納焉，以弓撻少壯，不恤孩提，不憫孕字。昔巴比倫富甲萬邦，爲迦勒底人所尊，厥後必爲上帝所敗，若所多馬，蛾摩拉，然自茲以後，代無居人。亞喇伯人不張其幕，牧者不使羊。

曠息其境爲野獸所藏伏其室爲鷓鴣所棲止雌鴛鳥居處於斯魍魎踴躍於斯暴獸嗥於深宮野犬遊於華殿其時將屆其日伊邇○耶和華矜恤雅各家以色列族復選爲民使歸故土異邦人附之以色列族爲異邦人所扶翼旋返桑梓卽耶和華駐蹕之所得異邦人爲僕爲婢供其服役昔則見擄於人今則擄人昔則受制於人今則制人以以色列族蒙耶和華援手免於患難不復黷醜脫於賤役遂作歌以刺巴比倫王歌曰昔虐遇人強取人金者今已絕矣昔發憤怒鞭扑閭閻不知底止虐遇鄰邦不加矜恤以苛政制人者今耶和華已折其柄矣天下綏安揚聲謳歌利巴嫩之柏香木松木交相慶曰自巴比倫傾圮無人斬伐陰府震動待爾速下幽冥之衆莫不矚然昔居民上爲國之王者見爾臨格離座而起曰爾豈如我之荏弱哉爾素華靡鼓琴作樂今入窳窳下有尺蠖上有蚯蚓爾素爲明星今乃隕自天昔則敗列國今乃見滅絕爾自謂必昇天位崇隆越乎至高之星辰坐峻峭之山入大會之中躋北極之所將及雲霄比擬至尊今爾下陰府幽冥之所見爾者必駭然曰震動天下使列國畏懼荒其四境毀其邑垣不反俘囚者非斯人與列國諸王葬於陵寢封殖巍峨惟爾旣絕不能入土如最惡之根株如亡於刃者在巖穴之間尸相枕藉爲人蹂躪昔爾亂國紀害兆民故不得宴然以正邱首作惡之人其後必無令名父旣犯罪戮及子孫不復振興不建邑城不得寸土萬有之主耶和華曰我將勃然而興滅巴比倫遺民塗抹其名延及王之宗室淪胥以亡掃除巴比倫之邑變爲水澤蝟集其處萬有之主耶和華矢之曰我意已定我命必成亞述軍至我地陟我崗我必覆亡之蹂躪之脫民於苛役去

民之重軛，此我所命於天下，所行於列國中。我萬有之主耶和華命之，誰得廢之，行之孰能禦之。亞哈士王崩時，以賽亞以所得之默示，播告於衆，曰：非利士人歟，扑責爾者，茲已覆亡，爾見之，勿欣喜，蛇遺卵，必有蝮出，後成毒蛇，且能飛騰。我國之民，雖至窮困，必安然居處，不遭侵伐，爾邦之人，必饑饉而死，所孑遺者，俱亡於刃，是皆主所使然。爾非利士民，已喪厥膽，大聲號哭，蓋敵自北方，叢集而至，若烟燄四塞，皆爭先恐後，鄰封遣使至，將何以答之，曰：耶和華建造郇邑，貧民實倚賴之。

○**第十六章** 以賽亞以摩押之事得之默示者，述於左。亞耳吉摩押之二邑也，夤夜被襲，淪胥以亡。摩押人登巴益底本崇邱，哭泣不勝，鬚髮盡薙，爲尼破米底巴之遭難，號呼靡已，市廛之民，衣麻屋頂之人，號泣，潛焉出涕。希實本以利亞利二邑，大聲號泣，遍聞於雅哈斯。摩押之武士，號呼，其心悚懼，我心爲摩押哀，避難之民，聲聞瑣耳，與三歲之牛，長鳴相若，陟路歎崗，則哭，至何羅念見其被毀，則爲之哀。蓋寧琳之汲道已絕，青草已枯，菜蔬已槁，故所得之貨財，必攜之濟柳溪。摩押四境，號泣不已，其聲遙聞於以客蓮，別以林底門之溪，盡成流血。底門人，遭難，我復益其災。摩押遺民，有倖免者，使見囓於獅。○**第十七章** 必納羔羊於牧伯，自西拉達曠野，至於郇崗。摩押之女，在亞嫩津者，猶鳥離巢，棲止靡定，曰：請示我，爲我折中，時至亭午，請施庇蔭，有若昏夜，予逢驅逐，爾其匿之，予避患難，爾其藏之，我流亡之民，容與爾居，爾保護之，不爲殘賊者所害，於斯土也。虐遇者必止，糜爛者必息，蹂躪者必去，由是嗣大闢爲王者，矜憫爲懷，秉公行義，真實無妄，厥祚綿

長曰我聞摩押人驕傲矜誇縱肆無度不懷誠懇之情故摩押四境必相號泣吉哈喇泄之基必遭傾圮居民哀慘希實本之田實馬之葡萄園俱變荒蕪昔其嘉種延及牙設藤至曠野蔓及鹽海今爲列國之牧伯所毀故我爲實馬之葡萄與牙設人同聲號泣爲希實本以利亞利潸然出涕蓋爾夏所收秋所斂者敵人鼓譟攘奪昔在良田園囿人咸欣喜載謳載歌歡呼靡暨今歸鳥有人踐酒醑蓋藏而呼茲已不聞其聲摩押與吉哈喇泄患難旣臨我心戚戚若琴聲之哀慘摩押人屢陟崇坵不勝困憊詣殿禱告不蒙眷祐越在疇昔耶和華以摩押之事諭余有此默示今益其詞曰三年之內若備之定期摩押人之榮將變爲辱實繁有徒所存無幾遺民荏弱

第十七章 以賽亞以大馬色之事得之默示者述於左萬有之主耶和華云大馬色之邑將爲瓦礫亞羅耳之邑將爲荒蕪羣羊在彼或寢或訛無人驅之以法蓮之城垣將毀大馬色亞蘭國必喪如以色列族之榮華歸於烏有當是日雅各家肥健之人變爲瘦瘠尊榮之輩降爲卑賤民人被虜若哩之音谷中人刈禾懷穗尙有遺民若收橄欖菓時高樹之巔猶遺二三顆繁枝之上僅存四五枝我以色列之上帝耶和華已言之矣以色列族之聖主爲造化之主宰人瞻望之心存敬恪凡祭壇木偶日像人手所作者咸不瞻望焉當是日雅各家鞏固之城變爲荒寂與昔以色列族未至之時山林中所遺之古蹟無以異也全能之上帝援手爾扶翼爾爾遺忘之故爾栽植嘉種必得自遠方晨夕培養待及穫時望得嘉菓反增憂患我聞異邦之衆譁然若海濤澎湃威聲遠振惟上帝咤叱之使彼逃避猶之糝糠爲颶風所飄揚猶之草芥爲狂飈所吹散暮時穀隤

未及黎明，已歸死亡。凡攘奪我儕者，其報若是。○**第十八章** 古實河外，左翼右翼之軍，器械鋒鏃矣。吾有言告爾，古實遣使，以菴爲舟，浮水沿河而至。我曰：歸哉歸哉，疾趨之，使爾故土之民，魁偉裸體。自古以來，有雄武之名，勇敢而戰，必克其國之河支派分流。天下億兆，與有張旆於山者，爾當觀望，有吹角於野者，爾當諦聽。耶和華諭我曰：安坐在上，鑒觀於下。若日之炎熾，若秋之零露，我必剪滅其軍。若秋未屆，花蕊已結，葡萄未稔，以鎌刪其枝葉，去其藤蔓，爲鳥所巢，獸所穴。自夏及冬，禽獸聚處焉。當是日，魁偉裸體之民，自古以來，有雄武之名，勇敢而戰，必克其國之河支派分流。斯民也，必至郇山，貢物於萬有之主耶和華。

第十九章 以賽亞以埃及之事，得之默示者，述於左。耶和華乘雲迅速，淮臨埃及。埃及之偶像震動，埃及之人民恐懼。萬有之主耶和華曰：我必使埃及人，兄弟友朋，城邑邦國，互相攻擊。埃及人必喪厥膽，其謀爲我所敗，彼雖求偶像，爲神所憑者，以及巫覡之輩，亦必委之於殘忍之主。暴虐之君，涸其江水，絕其河流，其水盡臭，濠渠必竭，葎葦全枯，河濱平原，所植之物，盡衰粹矣。投釣水中，張網波際，以取魚者，咸號泣矣。擘麻織布者，大失厥望，柱石傾頽，傭人憂慮，鎮安之牧伯，法老之謀士，忽爲愚懵，焉能告法老曰：我乃先賢之後。前王之裔哉。萬有之主耶和華，已定厥命，降災埃及。若爾有賢人，必能知之，知之必能告爾。鎮安之牧伯，爲愚，挪弗之君，長見惑。支派之宗，使之迷途。耶和華賦埃及以昏昧之心，使之行事舛錯。若醉者哇吐，跬步不能自主。埃及人自尊肆卑，自國之棟梁，至民之微賤，皆無職事。萬有之主耶和華，舉手一揮，埃及人無不畏葺，同於婦女。其

意既定，攻擊埃及，使埃及畏猶大，聞風戰慄。當是日，埃及國中五邑之民，咸效迦南方言，指萬有之主耶和華而誓。其中一邑，命名太陽埃及。國中必築臺以祭耶和華。埃及邊疆，必立柱以頌耶和華。埃及人被虐遇，禱告於耶和華。耶和華挺生救主，以拯厥衆，而伸其冤。立柱爲證，俾人記錄。耶和華必訓誨埃及人，使之識彼獻祭品，貢禮物，許願奉事，而償其願。維彼埃及，耶和華始則降以災，降則援以手。埃及人歸耶和華，耶和華聽其祈，加以拯救。當是時，必有通衢自埃及達亞述二國，各相往來，共奉事主。以色列族暨彼二國，共享福祉於斯土。萬有之主耶和華，將錫純嘏曰：埃及人，我之選民。亞述人，我所締造。以色列人，我所素得，俱蒙福祉。

第十節 亞述王撒根遣大單至亞實突，攻而破之。是時耶和華諭亞麼士子以賽亞云：爾身衣麻，足曳履，俱當去之。以賽亞遵命，裸裎跣足而行。耶和華曰：我僕以賽亞，裸裎跣足，行於衢路，已閱三年，可爲預兆，以示埃及古實人。斯後亞述王伐埃及古實，虜其旄倪，使之裸裎跣足，露其下體，以凌辱之。昔瀕海之民，惟埃及是誇。古實是恃，後必蒙羞而懷恐。曰：我素望彼，得救於亞述王。今彼敗亡，我何能免於難哉。

第十一節 以賽亞以河外之平原，得之默示者，述於左曰：爰有軍旅來從曠野，譬彼狂飈，自南而至。我得默示，知患難將至，強者行攘奪，暴者行虐遇，無所禁止，以攔人。米太人往哉，環攻巴比倫。維昔巴比倫，俾民哀號，已不令此聲入耳矣。巴比倫人曰：我惟患難，憂心戚戚，劬勞如臨產之婦，恐懼戰慄，不忍見聞。我心昏迷，戰栗特甚，深宵宴樂，忽變駭懼。設席宴享，爰遣邏卒巡更，呼曰：

羣伯速興，備爾千戈。主謂我曰：遣戍稽察，有所見即呼告。適見驍騎，齊驅並駕，駝驢成羣。於是傾耳諦聽，大聲呼曰：彼來若獅，我主與余巡守已永朝矣，屹立已永夕矣。今見驍騎，齊驅並駕，曰：巴比倫城其傾圮乎？其傾圮乎？偶像遭毀，顛隕於地。余曰：我民被蹂躪，若春穀於場圃，萬有之主以色列族之上帝耶和華，宣諭乎我，我已告爾。○以賽亞以土馬之事，得之默示者，述於左。自西耳有人招予，曰：戍卒與民遇患難，如在昏夜，其事可若何？呼之者再應之曰：旭日將至，昏夜亦至，爾欲請予，必先悔爾心，乃可。○以賽亞以亞喇伯之事，得之默示者，述於左。底但之旅，結隊而行，當於亞喇伯曠野，留信宿焉。提馬居民，以水供渴乏，以餅給逃亡，彼避利刃弓矢，戰鬪而來。主諭我曰：未及一載，基達之榮悉廢，若備之有定期，其執弓之武士，尚有留遺，則必減其數焉。以色列族之上帝耶和華，已言之矣。

有谷名默示者，以賽亞以斯谷之事，得之默示者，述於左。曰：爾之居民，俱登屋嶺，其美以故。維爾邑衆，昔則歡然以喜樂，今則譁然而鼓譟，雖無戰鬪，戈兵已被殺戮。爾之羣伯遁逃，不思挽弓，咸被俘囚，自遠方來，居於爾邦者，亦爲所獲。我民見敗，我哭甚哀，雖有眷顧慰藉者，我弗受也。萬有之主耶和華，今在默示谷，降以大災，使民潰亂，遭敵人蹂躪。城垣傾圮，號呼之聲，徹於山崗。以攔人皆屬囊韃，驍騎成羣，吉人負盾，車填美谷，騎逼邑門，猶大之護衛已絕，惟有器械藏於林庫，洵可望也。同見大關城垣，隙處甚多，惟下沼有水，滙於一處。耶路撒冷之室，綜核其數，毀厥宅第，以葺城垣，內城外郭之間，鑿池以蓄舊沼之水，自昔以來，降此災者，爾何不仰望之。今

萬有之主耶和華、頒厥詔命、使爾號哭、薙髮衣麻、惟爾欣喜歡忭、宰牛殺羊、食肉飲酒、曰、寧圖飲食、明日死至矣。萬有之主耶和華、諭示於我曰、斯咎雖死不贖、萬有之主耶和華、已言之矣。又諭我曰、有設拿者、為王左右、掌王宮闈、爾往告之曰、爾於此鑿墓、管窹窹於高磐之上、意以為可久與、抑為爾骨肉之親也。不知耶和華必奮力以執爾、擲爾於外、轉爾若石、投諸遠方、死亡於彼、既玷主室、爾之美車、必遷移焉。主必削爾職、奪爾位、然後召其僕、希勒家子、以利亞金、使之被爾衣、東爾帶、任爾職、為耶路撒冷民、猶大家之師。主必以大闢家之鑰、荷於厥肩、使彼闢則無有能闢、闢則無有能關、主必安其位、若釘釘於柱、堅不可搖、以為宗族光、使彼全家、爰及子孫、皆恃彼一人、若懸器皿於釘、無論美惡、萬有之主耶和華曰、維爾設拿、雖釘釘於柱、亦必不堅、所懸之物必墮、我耶和華已言之矣。

第十三章 以賽亞以推羅之事、得之默示者、述於左、推羅喪敗、宅第全墟、關梁已毀、大失羣舟、泊於基底、聞之哭泣不已。昔西頓商賈、航海而來、載厥貨財、藏於推羅洲島、今其地之民、震懼不勝、夫推羅本為輻湊之區、西曷河畔之民、載穀而至、推羅之城、築於海中、自謂生齒繁衍、若母之育子女、今則無矣。西頓之民、聞言無不媿慙。埃及人聞推羅遭災、為之傷感靡窮。洲島居民、哀聲慘戚、遷於大失。自古以來、推羅之民、歡愉悅懌、今則遷徙遠方。推羅商賈、尊同牧伯、封人為君、今遷患難、孰定斯命。萬有之主耶和華、已定命焉。變榮為辱、降尊為卑、大失居民、遨遊於四方、如何水四溢、推羅人不復挾制爾矣。耶和華舉手撼瀕海之國、頒詔墮迦南之城、曰、西頓人見敗、若處

子被玷，不復忻喜，雖往基底，不獲安居。昔迦勒底未建國時，其民爲野民。亞述人使之雜處，今築崇臺，毀推羅之宮殿，悉爲瓦礫。推羅之城，夙稱鞏固，今城已亡，大失舟子，無不號泣。當是時，推羅爲巴比倫之王統轄，人不復念及者七十年。旣逾其期，推羅人必將歡樂。若妓之謳歌，歌曰：推羅之人，昔爲人所遺忘者，必鼓瑟鼓琴。若優若妓，逍遙城闕，反復謳吟，使人追憶。旣越七十年，耶和華將赦宥推羅。推羅人復圖厥利，與天下列國貿易相通，惟彼貨財，不藏於室，獻於耶和華。崇事耶和華之人，必獲其利，飲食甘旨，衣服麗都。

耶和華使斯土荒蕪，國家傾覆，居民離散。若庶人若祭司，若僕若主，若婢女，若主母，若鬻諸人，若購於人，若貸人以金，若借人之金，若得子母，若納子母者，俱必流離失所。斯地必爲邱墟，劫掠殆盡。耶和華已言之矣。土地荒蕪，居民哀哭，位高者亦廢，民旣犯法違例，爽其永約，故斯土咸染污穢。上帝降災，居民遭譴，如受火烙，存者無幾。葡萄之樹，枝葉全枯，新釀之酒，臭味俱變。昔之權愉者，今則慨嘆。播鼓鼓琴者，無人欣喜。歡竹已止，飲酒之時，不再謳歌。以醇醪爲甚苦，毀其城垣，鍵其宅第，無人得入。歡樂變爲憂戚，通衢之民號呼，欲飲酒以消愁。城中荒蕪，邑門被毀。斯土之民，旣遭斯難，尙有孑遺。若收橄欖菓，拾葡萄實，猶留數顆。遺民逃避，至於海島。以耶和華威儀赫奕，載謳載歌，其聲嘹唳。在彼東方，爰及西海，人揚聲謳歌。以色列之上帝耶和華，自地之極，聞謳歌之聲。云：義者當得尊榮。我曰：余遭患難，形消骨立，素懷奪人者，今懷奪余矣。居斯土者，惟有驚駭。坎阱機檻而已。逃於驚駭者，必陷於坎阱。出於坎阱者，必罹於機檻。蓋穹蒼破隙，大

地震基斯土搖撼震裂，若醉者跬步不能自主，如搖床踴躍不定，蓋斯民之罪甚重，故遭傾覆，不能復起。當是時，萬有之主耶和華，爲君於耶路撒冷，以及郇山，於諸長老前，顯其榮光，罰斯土之王，高位之臣，若令日月韜光隱耀，使之蒙耻，如罪人囚於囹圄，歷日既久，復加眷顧。

耶和華與爾爲我之上帝，吾榆揚爾，頌美爾，爾施異蹟，自昔以來，言出惟行，爾使城垣變爲瓦礫，異邦都邑，一圯不振，故昌大之國，强悍之民，必虔共寅畏，讚美乎爾，強暴之人，若風撼墻，窮民遭難，爾扞衛之，颶風狂飈，爾扶翼之，烈日炎熿，爾庇廕之，異邦之民，鼓譟而來，強暴之徒，謳歌以至，爾挫其銳氣，猶之曠野炎烝，爾覆以天雲，萬有之主耶和華，於此郇山，賜宴羣民，既有肥甘，又有旨酒，滄髓前陳，醇醪滿泛，自古以來，列國兆民，其心昏昧，若帕蒙面，今在此山，耶和華除之，耶和華使死無權，歸於消滅，人昔出涕，主爲之拭，俾選民不復見辱於天下，蓋耶和華已言之矣。當是時，人將曰：耶和華我之上帝，我以之是賴，彼必拯予，俾余欣喜靡窮，維此郇山，必蒙耶和華庇佑，摩押必遭蹂躪，若踐草芥於泥淖之中，摩押人展舒其手，以泳以游，惟耶和華將降其驕志，敗其計謀，毀其城垣，使成平地。

當是日，猶大人將謳歌曰：我邑鞏固，雖無城堞，上帝必扞衛予，當闢其門，守道之善民，可入，篤信乎主，惟恒其心，永錫平康。耶和華爲永生上帝，爾當恒賴，高者降爲卑，都城百仞，使之傾圮，成爲邱墟，使窮乏之民蹂躪之，義人之道正直，主秉公義，使善人得履坦途，耶和華與遵爾律例，余仰望爾，中心所願，念爾弗置，我之中心，夜則慕爾，朝則求爾，爾降災於世，兆民嚮義，作

惡者流，雖錫以寵光，亦不殷然慕義。居仁義之邦，橫行如故。耶和華有威可畏，彼不敬恪。耶和華與爾顯大能，彼不瞻望。惟爾熱中祐民，降火燬敵，令彼見此而愧。耶和華與爾賜我以平康，我所作爲，俱蒙爾祐。前此君我者，不一而足。今而知耶和華爲我上帝，惟頌爾名。彼死不生，在幽冥中不能復起。爾降罰滅之，其名不傳。耶和華與爾恢廓斯邦，使其界延袤，至於地極。爾有尊榮焉。耶和華與民罹禍患，望爾眷佑。既受扑責，則柔聲下氣，以祈求爾。若婦臨產號呼，劬勞不勝。我儕受爾督責，亦若是。譬諸懷妊，亦甚艱難。而所產惟風，我不得拯救。斯邦民不能免於艱苦，然必復振興。若死者必甦，雖居塵土，將勃然起。謳歌不已，若草枯萎，既經雨露，必復向榮。斯邦之民，已死復生，亦若是。我民宜入室闔門，暫匿其身，待患難之過。越在曠昔，人殺選民，瘞埋其血，今必昭然顯露。蓋耶和華勃興，降罰於世，以彰厥罪焉。

第二十七章 爰有敵人，若海中之鱷魚，其體雄偉，其行迅速，盤曲若蛇。當斯時也，耶和華將持巨刃，堅利無儔，以剪斯敵。惟我故土，若葡萄園，人爲作歌。此倡彼和。耶和華曰：斯園我所眷顧，恒加灌漑，防守謹嚴，無間朝夕，恐遭毀伐。斯園也，我不厭棄。敵若荆棘，吾將芟除，焚之以火。若彼敵人，歸誠於我，得我庇佑，終和且平。雅各後裔，將長其根株。以色列族，將萌其芽蘖，漸至葱蘢，結實遍地。雅各之家，雖遭譴責，不若敵之譴責尤深。雖被殺戮，不若敵之殺戮更慘。昔我督責斯民，其罰惟輕。東風驅之，暴風吹之，徙諸遠方。若此則雅各之罪，可以滌除。其惡亦堪洗濯。毀祭臺之石，使之成灰。木偶日像，不復樹立。敵之城垣，變爲荒蕪。敵之宅第，盡爲邱墟。牛犢皆牧於彼，或寢或訛。

嚙芻蕘而食萌蘖，枝幹枯槁，卽遭毀折。女子拾焉，焚之以火，蓋彼敵人，懵然無知。故我造化之主，不加矜憫。當是時，我耶和華集以色列族之人，使之咸歸厥所。自大河至於埃及，若人撲果，拾之於筐。於是人吹大角，凡流亡之民，見逐於亞述，被驅於埃及者，當詣耶路撒冷，陟彼聖山，崇拜我焉。

第二十八章 以法蓮建都於山嶺，望之若冠花冠。四周有谷，土壤膏腴，民人沉酒於酒，心志驕奢，不知浮榮易悴，禍將作矣。主命勁敵，勢若狂風大電，行潦四溢，都城傾圮。以法蓮建都山嶺，望之若冠花冠，四周有谷，土壤膏腴，民人沉酒於酒，心志驕奢，不知浮榮易悴，竟遭蹂躪，亦如夏之無花菓，人一見之，則摘而食焉。當是時，萬有之主耶和華，將以冠冕賜諸遺民，焜耀無比，使士師秉公行義，使武夫克敵致果，驅至城下。斯邦之人，自祭司至先知，縱飲無度，沉酒於酒，至於跬步不能自主，雖目覩異象，而心志仍昏，雖爲民折中，而剖決不明。哇吐盈几，無地清潔。彼曰：爾之教訓，傳於何人，我豈斷乳之赤子乎？乃爾教我言重語疊，醇醇不已，分疏句讀，詳以告我，曰：我必以諸國方言及異音，普告斯民。云爾曹困憊，當順從我，可獲寧宇，惟彼不聽。故我言耶和華之道，所以重疊醇醇不已，分疏句讀，詳以相告也。維彼聽我藐藐，自取顛躓，陷於坎阱。爾曹侮慢，爲耶路撒冷之民牧者，宜聽耶和華之言。爾曹自謂與死亡結約，與陰府訂盟，天降大雨，行潦汎濫，必不及於斯土。我惟誑詞是恃，而適以自欺。耶和華曰：屋隅要石，我所推選，我所器重，置於郇城，爲鞏固之基，使信之者，無戒心。我秉公義，以法則爲準繩，使降大電，行潦汎濫，煎滅遁逃之藪，以去爾所

恃則爾與死亡所結之約不固，陰府所訂之盟弗堅，行潦淹於斯土，爾其淪亡，行潦汎濫，橫溢四境，斯難頻至，危在旦夕，爾衆盡爲所淹，聞風而驚駭不已。諺云：床榻甚短，不能暢其四肢，衾裯甚狹，不能蔽其全體。耶和華勃興，赫然震怒，與在比哩心山基遍谷，無以異也。惟降災於選民，實所罕有。爾曹勿復侮慢，恐爾之縲纆加嚴，我聞萬有之主耶和華，已定厥命，將殲滅斯境矣。我有訓言，爾其傾聽。農夫於田，終日勤勞，豈徒耕耘，亦將播種，鋤地使平，以植天冬，以種馬芹，墾爲隴畝，以播小麥，畫爲疆畝，以播麩麥，田之四隅，盡播麩麥，蓋上帝賦以智慧，故能若是。天冬馬芹，欲去其皮，不以打禾之器，不以駕車之輪，必以杖以耰乃可。若夫五穀必先打以撻，然後碾以車輪，車輪馬蹄，用不可過，過則損穀，此萬有之主耶和華，庸農之一事也。若夫主之經綸，奇不可名，主之智慧，大而莫測。

第十九章 大關都城，厥名亞列，雖歷年無間，以守節期，然必有禍災。我於亞列降以災害，試以患難，厄以憂愁，而其邑尙存。我使敵至，築壘建臺，環攻斯城，民必降格，聲勿揚。若爲神所憑者，其音微細，若從地出，異邦之人，強暴特甚，猝然遁逃，猶之塵埃，無異糠粃。萬有之主耶和華，將以霹靂地震，狂飈烈燄，降罰於異邦人。凡攻亞列圍其城垣，使之困憊，其人雖多，必將淪喪，同於宵夢。若饑者夢食，醒而依然枵腹，若渴者夢飲，醒而依然渴乏。列國之衆，攻擊郇山，亦將若是。猶大人乎，爾曹躊躇而滿志，相望而驚疑，厥心昏迷，跬步不能自主，非因飲酒，乃因駭異。蓋耶和華使爾閉目酣睡，民長先知，均蔽厥心。我傳默示，若已緘之函，使識文字者讀之，彼必曰：緘封之書，其何

能讀，使不識文字者讀之。彼必曰：我弗識也。主曰：斯民以口舌附我，言則敬我，而心則遠我。其敬畏我者，苟隨流俗而已。故我必行異蹟於民間，神妙莫測，智者窒其慧，明者塞其聰，行事暗昧，自謂人不及見，厥謀詭秘，自謂我不及察。若此者，禍不遠矣。爾違道悖理，視甄陶者同於泥土，若被造之物，告造之者曰：爾無知識，焉能造我。俄頃之間，利巴嫩林將變爲良田，良田變爲林木，當是時，振其聲可以聞書言，啟其曠可以察物理，昏昧悉除矣。困乏之民，崇事以色列族之聖主耶和華，欣然歡樂，較勝於昔。強暴者已滅，侮慢者已亡，聽訟者枉法以害貧，健訟者誣良以害義。此皆爲惡之徒也。茲已俱絕。我耶和華昔救亞伯拉罕，今許雅各家，必不靦顏，必不變色。我雅各之聖主以色列族之上帝雅各後裔，觀我經綸，則必敬恪，則必尊崇，昔其心迷悖逆，今則明理順道。

第三十章 耶和華曰：悖逆者流，惟設計謀，不仰望于，灌奠以要約，感于神者，弗順從之，其罪益深，禍將及矣。彼不諮諏我意，乃往埃及，藉法老之勢力，望埃及之庇廕。爾惟法老之勢力是恃，埃及之庇廕是賴，則必含羞蒙耻。牧伯至鎖安國，使詣哈匿，見二邑之民無益，弗能助理，則媿願靡已。牲畜輜重，適彼南方，頻更患難，有牝獅猛獅，又有毒蛇，且能飛騰，所有貨財，載於驢肩，負於駝背，以饋於不能益己之民。埃及之助徒勞，故名之云：大言不慙，無濟於事。惟爾先知，筆之於書，載之於策，備之於後世，以爲記錄。斯邦之民，悖戾誕妄，不從我法，彼使先見者，毋庸明察，觀異象者，不以正道相勉，而以柔媚之詞相告，以虛誕之理相傳，離經畔道。以色列族之聖主，其名非所樂聞，故以色列族之聖主告爾曰：爾棄斯道，強暴妄作，以此自恃。故爾罪戾必若將傾之垣，欲覆之壁。

忽然毀圮，爾將見毀，有如陶器，一經墮地，卽無片存，不能取火於爐，汲水於井，以色列族之聖主耶和華勸爾遣歸，居處靜謐，則獲綏安，以補爾精力，惟爾不欲，爾曰：必馳馬以前驅，主必使爾猝然以避敵，爾又曰：必乘馬而疾馳，主必使追爾者馳騁而至，有一人以驅逐，則爾之千軍皆遁，有五人以追襲，則爾之全師俱奔，卽有子遺，如山巔孤竹，如嶺上單旌，惟耶和華上帝施仁行義，矜憫爲懷，彼必欲勃然而興，以恩加爾，凡恃主者，必蒙福祉，民將居郇山，及耶路撒冷城，爾不復哭泣，呼籲於上，主必俯聞，加以矜憫，耶和華雖供爾以餅，給爾以水，使嘗艱苦，必不使賢人隱匿，俾爾得親訓誨焉，爾或偏於左，偏於右，聲從後至，聞於耳畔曰：此其道也，爾當遵循，爾之偶像，飾以金銀，爾必視之爲污穢，若不潔之布，去之惟恐不遠，維爾播種之時，主必降雨，則五穀豐登，百物繁茂，爾之羣畜，牧於場圃，牛驢耕田，惟食五穀，簸之務潔，加之以鹽，當是時，敵人見殺，其樓傾圮，主醫民傷痍，救民疾苦，崇山峻嶺，各有潤溪，月華朗耀，皎若日光，日之光輝，加以七倍，明如七日，同懸，耶和華自遠而來，震怒特甚，勢不能遏，口吐氣燄，猶之火炬，若水汎濫，幾將滅頂，將降罰於列邦，若以箕簸揚，導之以歧途，若以勒掛口，以色列族之上帝耶和華，使民邁歸，詣彼聖崗，則爾將謳歌，若讌宴連宵，欣喜歡忭，若聽簫遨遊，耶和華震怒諸敵，勢若烈火，颶風雨雹，行潦驟至，霹靂遙聞，異蹟立見，昔亞述人擊民，耶和華必以雷殛之，昔耶和華以亞述人爲杖筆，以擊斯民，厥後亞述之人，戰鬪敗績，民將鼓琴彈瑟不已，自古以來，欲罰亞述國王在彼陀法，爲備坎阱，其深無量，其廣無垠，積薪無數，望之若臺，焚之以火，耶和華之氣若硫磺，使烈燄四熾焉。

第三十一 人往埃及求其助已見車馬衆多，驍騎勇猛，則以之是恃，不恃以色列族之聖主耶和華而求其眷祐，其禍必不遠矣。上帝至明，言出惟行，勃然以興，降災於惡人，凡助惡者，亦降罰焉。埃及之衆人也，非上帝也，所乘之馬，凡馬也，非神馬也。耶和華舉手降罰，輔翼惡人者，皆顛其趾，爲惡人所扶持者，咸遭傾覆。淪胥以亡，萬有之主耶和華告我曰：譬彼牡獅，稚獅嚙其所得，大吼不已，羣牧和會，鼓譟攻之，彼猶不驚，我將蒞臨，救彼郇山，不畏勁敵，亦若是。譬彼飛鳥，覆翼羣雞，護衛之，拯救之，我萬有之主耶和華，保護耶路撒冷，亦若是。爾曹以色列族，昔日違我，今當歸誠，昔用金銀，作諸偶像，蹈於罪愆，今當棄之，惟恐不遠。亞述人將殞沒，非人禍之也，彼必遁逃，若避利刃，彼之下壯，淪胥以亡，郇山及耶路撒冷人，燔柴以祀我，我舉旌旆以衛之。亞述牧伯，見子旌旆，必將畏息，遁於巖穴，我耶和華已言之矣。

第三十二 將有王者，治國以義，羣臣秉公，以理民事，狂風驟起，棲身巖穴，行於曠野，飲泉解渴，烈日炎熇，困憊不勝，得磐巖以憩息，君之保民亦若是。見者目必明，聽者耳必聰，質魯者自生穎悟，言訥者不病嘔喘，頑嚚者無慷慨之名，貪婪者無博施之譽，頑嚚者流出於口，則悖逆，藏於心則不軌，所行奸僞，所言誕妄，上逆耶和華，下使民饑渴，貪婪之輩，行爲則邪僻，計謀則詭祕，凌虐貧乏，誣毀懿行，慷慨者所爲，其量寬宏，足以自立，維爾婦女，逸樂安居，今當起聽我言，歲序旣周，葡萄不實，五穀不登，安居之女，因以殷憂，爾曹逸樂安居，必戰栗憂愁，解其衣裳，束麻於腰，見良田佳園，盡屬荒蕪，不免椎心而太息，我民之田，斯邑之室，昔則欣然喜悅，今則荆棘叢生，宮闕毀

圯邑民離散，城堞成樓，竟成荒蕪。野驢遨遊，羣畜囓芻，迨乎上帝之神，感動人心，則曠野變爲良田，良田變爲林木，斯民也。或居曠野，或處良田，皆依仁而據義，爲義者必獲平康，有義之功必有義之效。永享綏安，我民將居寧宇，無所震動。維彼林木，必遭雹擊，惟彼城垣，必至傾圯。我之選民，驅牛叱驢，耕耘水畔，咸蒙福祉。

第十三章 人不虐爾，而爾虐人，人不誣爾，而爾誣人，禍將及矣。爾以誣虐施諸人，則人待爾亦

若是。耶和華與我惟爾是賴，爾矜憫子，日施其力，以佑民。余遭患難，維爾援手，爾旣勃興，羣醜逃

遁，威聲遠振，敵軍四散，民取輜重，若蝗食芻，民盡疾趨。若蝗迅飛，巍巍乎，耶和華居於穹蒼，在我

郇山，秉公行義。我王其明哲哉，展其大力，以拯庶民，以安國祚。寅畏耶和華，爲邦之寶，敵侵我境，

遣熊羆之士，以修睦，立於邑外，哭泣不已，遠衢寂寞，行旅不至，敵爽盟約，藐視我城垣，不顧我人

民，哀號遍於四境。利巴嫩林已被斬伐，無復向榮。沙崙荒蕪，巴山加密，樹木凋殘。耶和華曰：我將

勃興，顯我巨力，彰我大能，敵之氣燄如火之烈，災及其身，譬彼懷妊，所孕者糝糠，所產者草芥。我

燬其軍旅，若陶人之煮灰，猶刈荆棘，焚之以火。我著其經綸，遠者宜聽從焉。我彰其全能，近者宜

共仰焉。在彼郇城，有罪惡狂妄之徒，見余降災，畏蒞戰慄曰：我遇斯火，永遭炮烙，孰能當焉。惟彼

善人，言信而行義，不取非義之利，不受賄賂，耳不聞殺伐之聲，目不覩怪僻之事。彼居高巖險，陞

以得範衛，餼糧不缺其供，水泉無虞其乏。王衣朝服，得覲君顏，四境綏安，彼得遨遊，頓忘昔日畏

敵之心。自謂軍中繕寫，無庸也。筦庫無庸也。戍樓無庸也。昔異邦之人，其容強悍，其言方言，爾不

舊約聖書 以賽亞書

之識。今則不復見聞矣。爾所瞻望，惟郇邑素守節期之地，以及耶路撒冷。人民安居之所，譬彼帷幕，永不遷移。其釘不拔，其索不斷。巍巍乎，耶和華在彼郇城，譬諸大河，洋溢無垠。舟楫巨艫，不能侵伐。耶和華爲我聽訟，耶和華爲我立法。耶和華爲我治理，必加拯救。敵人駕舟，索不緊，桅不立，帆不揚。惟我居民，分其所得，跛者獲其貨財，民無疾病，百罪俱赦。

第三十四章 天下億兆，列國萬邦，咸來和會，謹聽我言。我耶和華震怒列邦，盡殲其軍。尸相枕藉，血濺山谷，腥聞於上。穹蒼若軸，舒而復卷，天象錯亂，星辰隕落。若葡萄之葉已凋，若無花果樹之葉已墮。子自天降罰，以東之國，戮堪誅之民，血染鋒刃，以洩我忿。我耶和華之刀，飲血食膏，有若羔羊山羊之血，牡綿羊之膏。蓋我於破斯喇，以東地，大行誅殛，如屠牲畜。野兕牛犢，俱必喪亡。於是血流膏潰，遍潤其地。土壤因以膏腴，我爲郇邑報仇洩憤。正在斯時，以東諸溪，變爲瀝青，塵埃化爲硫磺，焚燬遍境。烟燄上騰，不舍晝夜。其地荒蕪，幾歷世代。後人無復過之者，鸚鵡毛蝟聚處焉。鷺鷥鳥鴉棲止焉。我循準繩，以滅以東。在牧伯貴介中，欲簡一人爲王，實難其選。荆棘叢生於宮闕，蒺藜萌長於城垣。蝮蛇鴆鳥，居處其中。暴獸野犬，遇於途。魍魎魍魎，嗥於野。妖狐山魃，據之爲寧宇。有蛇疾行若箭，穴於其所。涵淹卵育，雌雄之鷓鴣，翔集於彼。我耶和華之書，爾當詳察。所載若合符節，維禽與獸，各具雌雄。我有定命，使之聚處，以成余志。我畫地爲區，若爲之掣鏡，使禽獸孳育於以東，生成不已焉。

第三十五章 曠野無水之區，將萌芽蘗，若山慈菇，必有欣喜謳歌之聲。斯土所產，向榮競茂，較諸

利巴嫩、加密沙崙，尤爲繁庶。我之上帝耶和華，榮光普照，有威可畏。人共觀瞻焉。見有手足疲倦者，則爲之扶持。若人喪膽，則告之曰：「強爾志，毋畏。」意爾之上帝將臨汝，以伸爾冤，報爾仇，加以援手。使瞽者明，聾者聰，跛者踊躍如鹿，瘡者謳歌不已。曠野之地，水泉滂至，沙漠之區，遙望之。有若池沼，其後將變爲滄海矣。昔爲野犬棲止之所，今爲萑葦叢生之澤，必有大道，稱爲聖途。不潔者弗能由之焉。惟誠懇之人，蒙上帝訓導，遵循不誤。猛獅暴獸，不復遇之。被救之民，咸遵斯道。蓋耶和華所救之人，旋歸郇邑，永獲欣喜。歡竹無窮，謳歌靡已。旣憂戚之全消，亦歎歎之永息。

第三十六章 希西家王十四年，亞述王西拿基立攻陷猶大諸邑。亞述王遣臘沙基統率大軍，自拉吉至耶路撒冷，攻希西家王。漂工有田，田間有道，近於上沼之溝。師徒旣至，立於其側。其時理家事者希勒家子以利亞金，繕寫設拿史官亞薩子約亞，俱出。臘沙基曰：「爾當告希西家。」亞述大王云：「爾誰恃？爾自以爲智勇兼全，善於戰鬪，此第誇張之詞耳。爾何所恃而逆我乎？」爾於埃及王倚之若杖，不知彼猶已折之萑葦。按手其上，必爲所刺。凡倚埃及王法老者，亦若是。抑爾言恃爾上帝耶和華，何希西家廢其崇邱，去其祭壇，命猶大及耶路撒冷之民，惟在一臺崇拜乎？今當以人質於我主亞述王，則我子爾馬二千匹，爾能使人乘之否？不能，曷能禦我主之僕，武士長至微之一乎？然則爾恃埃及，欲得車馬，亦奚以爲？昔耶和華命我曰：「當滅斯國，今我來攻斯土，豈非遵命而行乎？」以利亞金與設拿約亞告臘沙基曰：「我儕識亞蘭方言，可用之與我語，勿用猶大方言。恐城上之民間之，臘沙基曰：「我主遣我，不第與爾及爾主言也，亦使我與城上之民言，使彼及爾。」

自啖其遺溺，臘沙基遂立，用猶大方言，大聲呼曰：亞述大王之言，爾其聽之，勿爲希西家所誘，彼不能拯爾。希西家使爾恃耶和華，望其拯爾，及爾城垣不付於亞述王手，爾勿聽焉。蓋亞述王曰：爾當與我修和，歸誠於我，厥後可各食其葡萄，及無花果，各飲己井之水，迨我遷國，往彼異方，與爾故土相同，有穀有酒，有餅，葡萄園，具備。希西家言：爾必見拯於耶和華，爾勿聽焉。四方民所事之上帝，豈得救其國，脫於亞述王手乎？哈末亞八之上帝安在？西法瓦音之上帝安在？豈得救撒馬利亞邑於我手乎？列國諸上帝中，孰一救其國於我手，是則耶和華焉，能救耶路撒冷於我手乎？民聞是言，不措一詞，蓋王有命，勿應之。

理家事希勒家子，以利亞金，繕寫設拿史官亞薩子約亞，自裂其衣，以臘沙基言反告於王。

希西家王聞言，自裂其衣，衣麻進耶和華殿，遣理家事者以利亞金，繕寫設拿，祭司

之老者，俱衣麻見亞麼士子先知以賽亞，曰：希西家云：今日我邁患難，有譴責我，欺蔑我者，若婦富產而無力，亞述王遣僕臘沙基侮永生之上帝，爾之上帝耶和華，或聞其言，而加以譴責，故請爾爲遺民，騰告於上。希西家王之臣僕，至以賽亞所，以賽亞曰：當告爾主耶和華云：爾聞亞述王僕隸侮我之言，毋畏，我將聳動其心，使聞一事，卽歸故土，而殞於刃。臘沙基聞亞述王已去拉吉，遂反旆，遇王攻立拿。亞述王聞古實王特哈迦來攻，則遣使至希西家曰：當告猶大王希西家云：爾所恃之上帝，曾言耶路撒冷必不陷於亞述王，勿爲所誘，爾亦聞亞述前王，至於今，皆以煎滅列國是務，而爾獨獲救乎？我祖所滅之國，何散哈蘭哩泄所居提拉撒埃田族，其上帝豈得救之

乎哈抹亞八西法瓦音希拿以瓦列王安在希西家接使者所致之書，展讀既竟，則進耶和華殿，陳於其前，禱曰：居噤略咪間，萬有之主以色列族之上帝耶和華，既造天地，則在天下列國中，爾獨爲上帝。西拿基立遣使侮永生上帝，請耶和華鑒之聽之。亞述列王滅列國，戮民人，誠有是事。其上帝非上帝，乃木石偶像，人手所作者，故亞述王擲而燬於火。今禱我上帝耶和華，救我脫於其手，使天下列國咸知耶和華獨爲上帝。亞麼士子以賽亞遣人告希西家曰：以色列族之上帝耶和華云：爾祈禱我攻亞述王西拿基立，當以我言告之曰：郇邑未字之女藐視爾，戲笑爾，卽耶路撒冷之女，其領首也，亦適以欺爾。爾所侮所欺者爲誰，爾白眼而視，疾聲而呼，欲攻誰乎？豈非以色列族之聖者乎？爾遣僕侮耶和華云：我率衆車已躋山巔，在利巴嫩旁，斫柏香木之高者，松柏之美者，我必造其極處，奪其良田，我鑿井而飲，所經之地圍其城垣，絕其汲道。耶和華云：爾豈不聞自古以來作之者我，定之者亦我，今爾變城垣爲瓦礫，乃我使之然。彼民荏弱，驚懼懷羞，如山野之蔬，屋上之草，未及其長，爲風所暴。爾之居處，爾之出入，爾之狂妄，悖逆乎我，我知之矣。因爾狂妄驕奢，升聞於上，故必置圈於爾鼻，置勒於爾口，使爾仍由其途而返。當告以色列民曰：今歲不耕而稔者，爾其食之。明年亦然。至於三年，可稼可穡，植葡萄園而食其果。既遇斯事，可以爲徵。猶大之遺民，必下深其根，上結其實。耶路撒冷之民將出郇山，得救之人將往，因我萬有之主耶和華熱中，必有此爲。遂指亞述王，語民曰：彼必不入此城，不以干戈弓矢陳於前，不築壘以攻擊。必由所來之途而返，不入此城。我爲己榮，亦爲我僕大關。故將扞衛此城，加以援手。我耶和華

所言如此。是夕耶和華之使者出在亞述營，擊其士卒十八萬五千，詰朝惟見尸骸而已。亞述王西拿基立遂撤其營，歸尼尼微，值崇拜於其上，帝溺落之殿，其子亞得米勒沙哩斯弑之，遁於亞喇臘國，更有一子以撒哈頓繼位。

希西家面壁禱曰：耶和華與其垂念子，吾必誠懇行善於爾前，真實無妄，祈畢哭甚哀。耶和華命以賽亞曰：爾當復入告希西家，爾祖大衛之上帝耶和華云：我聞爾祈禱，見爾出涕，將錫爾十五十分，我使之然，其後果有是事。○猶大王希西家疾愈，援筆誌之曰：我享綏安之時，自謂壽齡將絕，必臨窳窳，不得在世，瞻望耶和華，一入陰府，不見我同人。我室見毀，若遷牧羊之廬，我命將終，危在旦夕，若織者斷其布經，余命朝不保暮，默而待旦，被斷傷我若獅，譬彼玄鳥，呢喃對語，譬彼班鳩，哀鳴不已，余亦若是，瞻望於上，至於目眩。耶和華與我遭患難，爾其救余，爾曾許我，已踐前言，我尚有何辭，余丁此艱，必加謙遜，終身不易，人賴主言而得生，我亦以此而不死，蓋爾醫我疾病，延我生命，我素不安，憂戚盈懷，爾既愛我，不念前愆，免臨窳窳，陰府死亡之輩，不能彰爾榮譽，臨墓入土之人，不得望爾踐言，生者能頌美爾，余今得生，揄揚爾名，維爾真實無妄，父言之，子聞之，世傳勿替。耶和華拯余，故我入其聖殿，鼓琴謳歌，頌讚耶和華，畢生如一日焉。○以賽亞曰：當取無花菓餅一角，置王瘡痍，即愈。希西家曰：我疾得愈，詣耶和華殿，以何爲徵。

第三十九章 巴比倫王巴拉但子米羅達巴拉但聞希西家病愈，致書饋禮。希西家喜以寶物金銀、芬芳之品、香膏器皿及府庫宮闈境中所有，令其遍觀。先知以賽亞見希西家王曰：此人奚自，以何辭告爾？希西家曰：來自遠方，卽巴比倫曰：彼在宮闈所見者何？希西家曰：凡宮闈府庫之物，悉令觀焉。以賽亞曰：當聽耶和華言，自昔迄今，爾宮闈什物及列祖所藏，其將遷於巴比倫，靡有孑遺。爾之子孫爲人所擄，在巴比倫王宮爲宦豎。希西家告以賽亞曰：爾所傳耶和華之言甚善。又曰：我尙存之日，仍享綏安。

第四十章 上帝曰：爾其慰藉我民，慰藉我民，必以善言慰耶路撒冷人，告之云：爾居苦境，已終其年，爾罪赦宥。耶和華以恩寵錫爾，較昔降災，其數維倍。野有聲呼云：在彼曠野，備我上帝耶和華之道，直其徑。諸谷填之，岡陵卑之，屈曲使直，崎嶇使平。耶和華將榮顯，凡有血氣者得見之。蓋耶和華已言之矣。有聲告我曰：爾當號呼，我曰：呼當若何？曰：庶民惟草，其榮如花。庶民惟草，草枯花凋，耶和華以風颯之，則然。草枯花凋，惟我上帝之言不朽。凡欲以嘉音報於郇山耶路撒冷城者，宜陟高崗，大揚厥聲，毋庸畏蕙，告猶大邑民，觀爾上帝。主耶和華蒞臨斯土，施厥大能，治理斯民，加以賞賚。牧民若羊，懷抱羔羊，導方字之牝羊，掬掌以承滄海，布指以度穹蒼，斗量坤輿，權衡山嶽，孰能爲之哉？孰敢耶和華之心，與彼共議，誰爲其師，訓以智慧，使鞫是非。其視列國之民，若滴水滲於器外，若微塵留于衡上，其移海島，若徙草芥。民欲獻祭，卽以利巴嫩林爲柴，以百獸爲燔，亦不足數。萬國在上帝前，曠然無物，悉屬虛浮。爾曹以何物比擬上帝，以何像像之，工塑偶像，飾

以金箔垂以銀鏈。惟彼貧乏，無寶堪獻，選選堅木，而僱巧工，俾作木偶，歷久不壞。創地之先，已有大道，爾豈未之知。未之間耶。主坐地球，視世人若蟻蟲，主布穹蒼，若張帷幕。牧伯士師，藐乎其小。譬諸草萊，甫種甫植，根柢不深，惟主一吹，必復枯槁。被風飄颺，猶之糝糠。爾於聖主，擬以何物。像以何像。爾當仰觀天象羅布，有若軍旅。上帝以巨能大力，創造星辰，呼其名，核其數，無不應命。惟爾雅各家以色列族，曷言乎我之上帝耶和華。不鑒察子，不眷顧子。夫耶和華永生之上帝，創造地極者也。爾豈未之知。未之間耶。其力不疲，其智莫測，無力者扶之，無能者助之，壯者必倦怠，少者必顛躓。惟恃耶和華者，補其精力，翱翔若鷹，疾趨弗倦，力行弗困。

第四十一節 瀕海之民，宜緘口，遠方之人，當補力，俱集我所，與我辯論。誰召義人，至自東方，導之以行，服衆國，制列王，以鋒刃擊敵，以弓矢射衆，擣之成粉，若風揚糝，迨至不識之途，絕無陷害之虞。誰使之然。惟肇基邦國之主而已。我耶和華始始之，終終之者也。義人所爲，洲島之民，見之而懼。地極之衆，靡不驚駭。咸來和會，更相勸勉，造作偶像，曰：壯乃心，木工，金工，細工，粗工，無不相助爲理，使金互相銜接，鈿之以鈿，不能搖撼。昔我眷顧亞伯拉罕，簡其後裔，以色列族雅各家，爲我臣僕。自地極天涯，召之以至，曰：我簡爾爲僕，不汝退棄。我乃爾之上帝，必左右爾，扶翼爾，手援爾，以彰仁義。故勿畏葸，勿狐疑。憾爾者皆媿怍，敵爾者俱死亡。凡與爾戰，必歸烏有，欲見無從。我耶和華爾之上帝，必攜爾手，謂爾曰：子扶翼爾，故勿恐懼。雅各家以色列族，素若蚯蚓，我耶和華乃爾聖主，必加拯救，眷祐爾躬。爾之仇敵，高若山崗，我將使爾爲打穀之器，惟新其製，而有利齒，可

擊諸敵。擣之成粉，有若糝糠。後簸揚之，任風吹散。我耶和華乃以色列族之聖主，爾曹賴我，其樂靡涯。貧乏之民，求水不得，口舌煩燥，莫能解渴。我耶和華以色列族之上帝，必聽其祈，而不遺棄山谷之間，必出泉水，曠野之所，必成池沼。我使之然。在彼橋壤，必植柏香木，皂莢木，岡枯木，油木，松木，杉木，黃楊木，使人無不曉然。咸知我耶和華以色列族之聖主作此。雅各之君耶和華又告拜偶像者曰：當以爾之要道，陳設於衆，使偶像至此，以未來之事，孰先孰後，明告乎我。觀其言，果有驗否？使彼言未來之事，借異蹟以行彰輝，令我見之駭愕，知彼爲上帝偶像虛妄。作偶像者亦虛妄，崇奉偶像者，深可疾也。我使義人崛起，自北而至，亦在日出之鄉，以籲我名，糜爛牧伯，如匠人之擣土，如陶人之躡泥。崇拜偶像之人，誰能預言，事之未至，俾人曉然。事之既成，服其先見，爾中能此者，迄無其人。如其有之，人未之聞。維昔獨我遣告郇邑，及耶路撒冷人，使知嘉音。曰：聽之，聽之。我觀崇拜偶像之人，未來之事不能卜，詰之不能答。金鑄之偶，空洞無物，譬諸飄風，俱爲虛妄，悉歸烏有。

第四十二章 查觀我僕，我扶翼之，我遴選之，我悅懌之，我將以我神賦之。彼以法示異，邦人彼也。凌競胥泯，喧譁務靜，其聲不聞於遠衢，已傷之葦，不折，燼餘之炷，不滅。行法以傳真理，不喪膽，不困憊。傳道於世，洲島之民，實瞻望焉。昔耶和華上帝，創造穹蒼，使之張舒，奠定寰宇，使之生植。賦億兆以吹噓之氣，昇生民以活潑之神。今告厥僕曰：我耶和華召爾以彰仁義，我手援爾，保護爾，俾與我民立約，燭照乎異邦人。明瞽者之目，釋俘囚於獄，寤幽暗者，出之於囹圄。我名耶和華，必

不使我之榮光爲他人所奪。我之聲譽爲偶像所得。昔我預言。今已悉應。更有未來之事。復告於爾。俾爾得聞焉。先知曰。凡爾洲島之民。地極之衆。航海之人。當謳新歌。頌美耶和華。沙漠基達之民。或在鄉里。或在城邑。或在磐巖。或在崗巒。靡不大聲謳歌。大衆宜歸榮耶和華。揄揚不已。洲島咸聞。耶和華將蒞臨。有若武夫。厥氣奮揚。有若戰士。暗鳴叱咤。以克勁敵。耶和華曰。前此緘默。自抑我志。今則號呼。如臨產之婦。奮然吐氣。呼吸甚烈。千山荒寂。百草槁枯。江河咸竭。池沼盡涸。我使之然。惟彼瞽者。我必相之。彼不識途。我必導之。使暗爲光。使曲爲直。我行如是。必不遐棄斯民。凡恃偶像。稱金鑄之形爲上帝者。必蒙媿怍。必駭而奔。爾曹心聾者宜聽。心盲者宜視。爾雖爲我耶和華所遣之僕。所愛之民。無如爾聾爾瞽。甚於諸人。雖熟視若無覩。雖諦聽而不聞。然我耶和華欲踐前言。彰我律例。明我法度。斯民必遭擄奪。囚於幽暗。拘於囹圄。旣罹災害。無人拯之。旣被俘囚。無人釋之。爾曹中誰能深思此理。以免後患。雅各家以色列族爲人擄奪。爲人俘囚。誰使之然。非我耶和華乎。彼陷罪愆。不從我道。不遵我法。故我震怒。俾遇戰鬪。使烈敵騰空。遍及四周。彼目不欲覩。不以爲意。

耶和華曰。雅各家以色列族。我肇造爾邦。拯救爾民。簡爲我赤子。故勿畏葸。我左右爾。雖涉江河。不致沉淪。雖經烈燄。不致焚燬。我耶和華以色列族之聖主。爲爾上帝。爲爾救主。因欲救爾。故使埃及古實西巴悉遭喪敗。我視爾爲寶。舉爾爲尊。加爾以恩寵。因欲援爾生命。故使異邦隣國敗亡。爾勿畏葸。我左右爾。使爾自東自西。咸來和會。謂北方曰。當反我民。謂南方曰。無

阻我民，使我子女歸從四極。凡爲我赤子，我肇造爾邦家，以彰我榮。列國之民，有目而不見，有耳而不聞，亦當咸集。其中孰能言未來事，悉有應驗，如其有之，試述其據，使聞者咸起信心。耶和華又曰：我之選民，爲我臣僕，可爲證。灼知子篤信子，以我爲上帝，在我之先，在我之後，無他上帝。惟我爲耶和華，我外無他救主。越在曠昔，我言欲救斯民，言出惟行。若他上帝，則不能。我耶和華，獨爲上帝。爾曹爲證。溯厥原始，我已先在。我之所爲，無能扞格，無能奪之於我手。以色列族之聖主耶和華曰：我欲救爾，遣人至巴比倫，毀諸門，捷迦勒底人，駕舟，鶯然不靖，終亦必亡。我耶和華，爾之聖主。以色列邦，我所肇造，爲爾君王。我耶和華，使海中判，俾成途路。我使車馬軍旅咸集，然後傾覆之，不能復起。其易也，如撲滅餘燼。已往之事，毋庸復憶。我今新有制作，將卽彰明。備途於曠野，濬川於荒郊。爾豈不以爲意乎？我之選民，行於曠野，濬厥江河，以供其飲。禽獸異類，野犬鴛鳥，靡不仰戴。我所肇造之邦，更當揄揚我名。惟雅各家，以色列族，敬恪已弛，不肯上饋。不燧穢羊，不獻祭祀，不焚香品，不奉禮物。吾所使爾供役者，非以重任加爾也。爾不以金鬻之，菖蒲奉我，不以牲畜之脂膏供我。屢干罪戾，不可勝數，煩瀆乎我。我塗抹爾罪，不錄爾愆，以彰我榮。爾其與我辯論。追溯厥初，以明己之善焉。爾祖已蹈愆尤，爾師又行違逆，故我使聖所之祭司，仍從流俗。雅各家，以色列族，加以咒詛焉。

第四十四章 雅各家以色列族，我所選之臣僕，今聽我言。我耶和華肇造爾邦，如母育子。雅各家耶書崙民，乃我所選之僕，必加眷佑，可勿畏懼。我通水泉，以溉原田。我濬江河，以潤橋壤。我，以我舊約聖書，以賽亞書。

神賦爾子孫，式綏祉福。彼將繁衍，如澤中之草，溪濱之柳。有曰：我崇事耶和華。有曰：我屬雅各家。有曰：我爲耶和華僕，黥手爲證。有曰：我爲以色列族赤子，稱名爲據。萬有之主，以色列族之君，民之救主耶和華曰：本末初終，惟我是操。我外別無上帝。越在疇昔，我立斯民。未來之事，我皆預言。莫不徵應，孰能與我比擬哉？如有其人，使試言未來事，以爲徵據。爾毋畏蒺，在昔我有預言，已告乎爾。爾可爲證。我乃全能上帝。外此我弗知之矣。作偶像者，悉爲虛妄。其所慕者無益，彼明知其不見不聞，當生愧怍。誰鑄無益之偶像，以像上帝哉？豈非人乎？宜其同儕，咸生愧赧，使彼聚會，屹立於此，必令其戰慄不勝，慙慙無地。鐵工作斧，炭以煨之，鎚以治之，竭一臂之力，使之成器。若其不飲不食，氣力俱廢。木工用準繩，循規矩，運其利器，作人之形，窮極華美，置之於室，伐柏香木，以及橡櫟，此皆木之堅者，亦植杉樹，得雨露之養，人取爲柴，燃之可以煖體，可以烘餅，復作上帝像，俯伏而拜。材木之半，焚之可以備餽，可以炙肉，食之果腹，向火得煖，人樂以觀火，更有餘木，以製偶像，以像上帝，俯伏而拜。禱曰：誠我上帝，爾其救子，維彼不識，不知其目若塗，以泥，其心不明，孰能深思其故。奮然儆醒曰：材木之半，焚之可以烘餅炙肉，而供口腹，則其餘材，豈可作像，拜此可憎之楫柁。彼心昏迷，所望成空，若食燼餘而不悟，不知右手所作，悉屬虛妄。雅各家以色列族，我舉厥邦基，爲我臣僕，當憶斯理，我不忘爾。我塗抹爾罪，若驅密雲，子已拯爾，爾當歸誠。我耶和華救雅各家以色列族，以彰己榮。天上地下，俱當歡呼，山崗林木，無不謳歌。耶和華曰：我耶和華創造萬物，張舒穹蒼，奠定寰宇，肇造爾邦，拯救爾民，卜筮之輩，設兆惑人，我使其言不驗，彼自矜巧。

慧反形愚拙，我使之然。我所遣之僕，有言耶路撒冷必有居人，猶大衆邑，必有建造，荒蕪之區，必復其初，我必使應其言。變江河爲陸地，召古列爲我牧伯，以成我志。我使彼言耶路撒冷必得建造，又言聖殿必得肇基。

第四十五章 耶和華告受膏古列曰：我左右爾，使列國賓服，使諸王荏弱，大啟邑門，不能閉拒。我備爾道，使曲爲直，毀敵銅門，斷敵鐵鍵，貨財藏於密室，我以之錫爾。俾爾知命爾名者，乃我耶和華。以色列族之上帝，爾雖不知子，我命爾名，畀以尊號。俾爾救我所選之臣僕，雅各家以色列族。爾雖不知子，我賜爾力，我耶和華獨爲上帝，其外無他。自日出之鄉，日入之所，俾咸知我耶和華獨一無二，其外無他。或禍或福，或光或暗，俱我耶和華使之然。天降仁義，地產福祉，俱必萌芽，我耶和華使之然。人若陶器，居於土壤，如與造化主爭，禍必及之。譬諸塗泥，豈能謂陶人曰：奚造我若此？受造之物，豈能謂造之者，毫無技能。人詰父母曰：爾生子，何爲若此？則其禍必不遠矣。肇造以色列邦之聖主，耶和華曰：予肇造斯民，莫非赤子，我所爲，爾能詰我乎？我張舒穹蒼，羅布天象，奠定寰宇，撫育民人，我萬有之主，耶和華使古列屹然而立，道途坦易，以彰我義，彼必復建我聖邑，釋我俘囚，不望賞賚。耶和華又曰：埃及人貢其物產，古實人攜其貨財，西巴族驅幹雄偉，俱必歸誠於爾，爲爾屬邦，自繫鐵索，跪於爾前，呼曰：惟爾國有上帝，其外無他。先知曰：以色列族之上帝，我之救主，爾之經綸，神妙莫之能測。凡作偶像者，必生媿怍，必駭而奔。耶和華必救以色列族，不使媿怍，永錫綏祉，歷世靡暨。耶和華上帝，創造穹蒼，奠定寰宇，非徒然也，乃俾斯民安處焉。其

言曰我耶和華而外無他也。凡我有命，不祕藏於幽密，我豈使雅各子孫徒然求子哉。我耶和華出言仁義，真實無妄。列國流離之民，當大和會，羣聽斯言，木偶之上帝，不能救民，凡輦斯像而禱之者，其愚甚矣。爾曹咸集我所，共論古昔預言斯事者誰乎，非我耶和華乎。惟我爲上帝，秉公義，拯兆民，我外無他。地之四極，望子以獲救，我乃上帝，我外無他。我指己而誓，命出不食言，萬膝必跪，子萬口必頌，子曰我恃耶和華，仁義堪稱，齊力可得，凡人必詣主前，逆之者，必生愧怍。以色列族恃耶和華而稱義，歸榮於主。

第四十七章 巴勒顛躓，尼破隕越，其像甚重，牲畜負之，無不困憊。巴勒、尼破俱已隕越，不能保其偶像，爲人所虜。雅各家以色列族之餘民，自肇厥邦，我保抱之，提攜之，若懷赤子，以至耄耋，皓然白首，我扶翼爾，拯救爾，爾其聽子焉。爾以何物譬子，與我相比擬哉。人傾囊出其金銀，權其輕重，以畀工人，俾鑄上帝像，俯伏崇拜，負之於肩，置諸一所，立而不動，呼而莫應，望其拯難，而彼不能。爾曹陷於罪者，當深思之，其無愧於丈夫。古昔之事，爾可追溯，我乃上帝，無能比擬，我外無他。自始迄終，未來之事，我一一預言，我旨必成，意必就。召彼鷲鳥，至自東土，我所簡者，來自遠方，我言已出，必踐之，我意已定，必成之。剛愎厥心，悖逆仁義者，必聽吾言。子欲救郇邑，俾以色列族羣被尊榮，以彰仁義，速藏其事，不復濡滯。

第四十八章 迦勒底國巴比倫都督諸女主，失位而坐塗炭，喪其容儀，取磨磨粉，去爾帕，摳爾衣，跣爾足，涉彼溪流，必裸爾體，使爾懷羞，以洩我忿，孰能禦之。萬有之主，以色列族之聖主，其名耶

和華必拯我儕。惟爾迦勒底邦列國稱之爲主母，必囚於幽暗之處，拘於荒僻之所。昔耶和華震怒厥民，以其地付爾，俾染汚俗，乃爾不以矜憫爲懷，使其父老負戴重輓，爾自謂必永爲主母，不深思此理，不慮後患。然爾淫佚之婦，僭稱主母，自謂無能比擬，必不夫亡子喪。吾語汝，一日之間，夫喪子殤，二難並至。爾惑左道，信巫覡，邪惡方張，患難已集。爾自恃巧令，迷眩於惡，自謂人不及見，我爲主母，無能比擬，故必遭患難，昧於所從，不能自脫。災害忽臨，難以逆料。自昔迄今，爾惑左道，信巫覡，試使立於此，能小補乎？能勝敵乎？爾謀夫孔多，有人仰觀天象，占察星辰，每值月朔，以卜未來，以定吉凶，使其咸興，庶可救爾。豈知彼乃草芥，被火焚燬，不能自救，皆爲灰燼，不見微炭，不餘爛火，俾人溫暖。昔日左道之徒，與爾往來，今見爾邑敗亡，各歸己所，無人援爾。

第四十八章

雅各家以色列族赤子及猶大支派崇事萬有之主以色列族之上帝耶和華指其

名而誓，以之是恃，自稱爲聖邑之民，特爾心非由於誠懇，今宜聽耶和華之言。耶和華曰：昔我預言諸事，明示於衆，猝然成之。我知爾剛愎性成，鐵項銅額，越在疇昔，事未至，我先言之。俾爾知悉，恐爾以爲所鑄之偶像作此。爾始耳聞，今能目覩，何不以此明示於衆，今而後未來之事，素稱祕奧，爾所未知者，我以之啟迪爾。稽古以來，未有若此，今特新創，俾爾聞所未聞。恐爾言曰：予已知之矣。然爾實未嘗見聞也。我知爾自建邦以來，恒爲叛逆，我怒不遽發，不滅絕爾者，正以彰我榮。我置爾於洪爐，非煨鍊爾若金也。實歷試汝以艱耳。我僅降爾以災，欲彰我榮，使爾不謗譏我名，不以我榮光歸於他人。雅各家以色列族我所遴選，宜聽我言，我乃始始之，終終之者也。我布穹

蒼造寰宇，使之奠定，無不應命。選民和會，羣聽斯言。異邦之人，孰能預言未來事。惟我耶和華，寵愛古列，俾成我志。降災於巴比倫，降罰於迦勒底。我頒詔召之，且導之遵坦途。爾曹至此，以聆斯言。自古在昔，惟我恒存。今頒斯詔，不祕藏於幽密。先知曰：主耶和華遣我，畀我以神。以色列族之聖主，救主耶和華，告選民曰：我乃爾之上帝。耶和華，我示爾以獲益之方，導爾以當行之道。願爾恪遵我命，享綏安。若江河之浩渺，得仁義，若波濤之洶湧。爾之子孫，多若塵沙。爾之苗裔，繁若鱗族。爾之邦國，必不滅絕。歷世靡暨。爾曹去巴比倫，迦勒底地，欣然謳歌。昔告四極云：耶和華救其臣雅各家，導之於野，裂磐出泉，以解其渴。耶和華曰：爲惡之徒，不享平康。

第四十九章 受膏者曰：洲島之民，遠方之人，宜聽我言。惟我初生，耶和華命我以名，召我爲僕，使我口若利劍，庇我以手，俾我若利鐵，藏我於彀。告我曰：爾爲我僕，無愧爲以色列。吾以爾榮。受膏者曰：我竭力徒勞，我之上帝耶和華，必伸我冤，必賞我勞。我生於世，耶和華上帝，以我爲僕，必輔翼于我，使我尊崇。俾雅各家歸誠，以色列族復集。耶和華曰：爾爲我僕，使雅各支派，得再振興，使以色列遺民，歸誠於我。此猶細故，我立爾爲異邦人之光，俾爾爲救主。至於地極，爾雖爲牧伯所制，億兆所藐。此邦之人所棄，然我耶和華爲以色列族之聖主，救主，言出惟行。旣遴選爾，必使列王來觀，俯伏於爾前。耶和華又曰：納爾之時，我聽爾，救爾之日，我祐爾，倍加保護。俾與我民立約，復興斯邦，使荒蕪之區，爲民樂土。俘囚者出囹圄，幽暗者爲衆所見。道旁山岡，可以自足，不復饑渴。日不得而暴，暑不得而侵，矜憫之者，牧之導之。至於水源，平岡陵，填坎阱，悉爲坦途。有人自遠方，

有人自北自西，有人自秦國而至。天地當歡呼，山岡當謳歌。蓋我耶和華，慰藉我民，罹於患難者，必加矜恤。郇邑之民，常言我主耶和華，棄子忘子。夫婦豈忘哺乳之子，不慈甫產之嬰，彼或忘子，我不忘爾。爾之城垣，我畫諸掌上，常在目前。爾之赤子，必速歸爾，爾之外侮，必遠離爾。爾可四望，莫不來歸。我耶和華指己而誓，俾爾撫斯有衆，猶新婦衣麗服，束寶帶，向也。土曠人稀，既而人稠地狹，寇爾者遠遁。昔爾赤子，流離遠徙，一旦旋歸，皆告爾曰：壤地褊小，其恢廓之，則我得所棲止。爾將謂焉得有是子耶？我子流離，自爲鰥獨，見擄驅逐，伶仃無依，今此子果誰育之哉？主耶和華又曰：我舉手張旆，以召異邦人，彼必提抱爾子，肩負爾女。王爲父，后爲母，撫育爾子，俯伏拜跪爾前，舐爾足塵，使爾知我乃耶和華。凡恃我者，永不媿怍。郇民有言曰：猛士虜人，豈能脫乎？強者獲俘，豈能救乎？耶和華曰：猛士虜人可以脫，強者獲俘可以救。敵爾者，我必敵之。拯爾赤子，使兇暴者自食其肉，自飲其血。若醉以醇酒，我耶和華爲雅各家全能之救主，天下無不知焉。

第五十章 耶和華告以色列族曰：爾母見出，必有離書。離書云何？爾身見鬻，必有所償，所償伊誰？爾母見出，爾身見鬻，乃罪應爾。我來俾爾悔改，從命者，迄無一人，獨何哉？我豈碌碌無能，不能手援爾與？我叱咤則河海變爲槁壤，鱗族失水，死而變臭。我使穹蒼晦冥，若蔽以麻布。受膏者曰：主耶和華助子，使我崇朝儼醒，傾耳諦聽若弟子之受教。如是則能善爲說辭，慰藉困苦之人。主耶和華使我耳聰而不違人，杖我背，我不敢動。拔我鬚，我不敢避。吐我面，我不敢掩。主耶和華祐我，我顏堅比鐵石，不愧不怍，可以自信。主左右余，將伸我冤，誰敢侮子，使彼試立於此，與我辯折。主

耶和華眷佑子，孰能加我罪戾。設有其人，當若敝衣，爲蠹所壞。爾中誰畏耶和華，而聽其臣之命者？若行暗地，不得光明，必以上帝耶和華是恃。反是以爲吾自有火，烟燄環繞。若然，則以此照爾出入，可也。不知我必降以災，使彼長戚戚。

第五十一章 凡從善之人，崇事我耶和華者，宜聽予言。譬出於礦，泥出於坎，爾亦如是。當追思焉。爾之祖父亞伯拉罕、祖母撒拉，爾祖被我遴選之時，孑然一身。後錫純嘏，寢昌寢熾。我耶和華將撫綏郇邑，今雖荒蕪若曠野，後復振興，與我園囿、埃田相埒，使其人欣然歡忭，載咏詩篇，發聲頌讚。我之選民，宜聽我言，余必施我法度，立我律例，燭照庶民。我施仁義，手援斯衆，以伸其冤。其時伊邇、洲島之人，將瞻望予，惟子眷佑是賴。爾盍仰觀乎天，俯察乎地，穹蒼必散若烟。寰宇必敝若衣，居民猝然而死，亦若是。我以仁義救民，歷久不渝。諳悉仁義，服膺我法者，宜聽我言。人侮慢爾，爾勿畏葸。彼必消亡，若衣爲蠹所蝕，若毛爲蟲所蛀。惟我施仁義以救民，歷代弗替。先知所曰：願耶和華勃然而興，展厥臂力，與昔無異。昔滅喇合、擊鱷魚，豈非爾乎？使滄海水涸，中判爲途，以濟得拯之民者，豈非爾乎？蓋耶和華所救之人，必旋歸郇邑，永獲欣喜。懼忤無窮，謳歌靡已。旣憂戚之全消，亦歛歔之永息。耶和華曰：我慰藉爾，斯世之人，俱將淪亡。擬於草萊，何爲畏之。我耶和華肇造爾邦，張舒穹蒼，奠定寰宇。爾何爲忘子，恒畏強暴之人，恐其烈怒滅爾邦家。然彼怒雖烈，焉能有爲。抱屈之人，必不死於囹圄，必不絕糧。釋之必速。我名萬有之主，耶和華爲爾上帝。海濤澎湃，我能使之恬靜。我以道傳爾，以手庇爾。我張舒穹蒼，奠定寰宇，謂郇邑之人，乃我赤子。爾曹耶

路撒冷人我耶和華所震怒若手執爵酒味殊烈醞釀甚厚使爾飲之務盡以至酩酊今當做醒
覺悟耶路撒冷赤子雖曰衆多未有人扶爾導爾者二難並至饑饉薦臻干戈不息將滅斯邦孰
能慰藉爾以解爾憂爾之赤子已喪厥膽偃臥道旁若野羊罹於羅網蓋爾之上帝耶和華震怒
爾加以譴責爾曹潦倒甚於酩酊非由醉酒宜聽我言我耶和華爾之上帝恒伸民冤素我怒爾
若手執爵酒味殊烈使爾飲之以至酩酊後不復飲爾惟爾敵人素使爾曲躬俯伏俟其踰越而
行若遨遊於通衢我必使彼飲焉

第五十二章 維爾郇邑耶路撒冷聖京素若被虜之女今當振興去爾塵埃脫爾項索坐爾高位
被爾麗服以彰華美自今而後未受割者被污之物不復錯處爾中耶和華曰爾素繫於遠邦不
受價值今予不償價以贖爾主耶和華又曰昔我民往居埃及後遭亞述人無故虐遇而我援之
今我民無因見虜強暴之人恒瀆我名譁然不靖我將何以處之我必使選民尊崇我名知我有
應許必踐前言先知曰陟彼山岡傳諸和平報諸嘉音者其足音之美爲何如彼示人得救之道
告郇邑之民曰爾之上帝治理寰宇耶和華必振興郇邑其時戍卒無不目擊大聲謳歌耶路撒
冷城昔已傾圮今耶和華慰藉斯民救斯城故當欣然歡聲而呼我上帝耶和華至聖展一臂之力
救彼選民使列國地極之人皆親見之爾曹選民去巴比倫勿居其中勿捫汚穢凡攜耶和華之
聖器者當自潔其身出巴比倫時宜從容不迫毋若逃遁之人蓋以色列族之上帝必導爾於前
護爾於後

耶和華之臣僕，其遇必亨通，必躋崇高，造乎至上之域。維昔憂心戚戚，容顏枯槁，幾不類人，見者盡駭。惟彼滌濯列邦，使君王箝口無詞，蓋未蒙示者，將觀之，未得聞者，將悟之。**第五十三章** 我所傳聞，篤信者誰？耶和華力大，誠服者誰？受膏者生若草萊，萌於荒野，根株長於槁壤，容貌不揚，威儀不秩，人所共見，無艷羨之心。彼爲人所藐視，所棄絕，屢遭困苦，憂心悄悄，人皆掩面而不覩，藐視而不敬。見其困苦，以爲上帝譴責之，不知任我恙，肩我病者，正斯人也。彼因我罪，而被傷殘，緣我咎而受瘡痍，彼遭刑罰，我享平康。彼見鞭扑，我得醫痊。我迷於歧途，譬諸亡羊，所向靡定。耶和華使我愆尤叢於其身，彼受屈抑，不啟厥口，爲人牽制，如羔羊就死地。又若羊對剪毛者而無聲，彼遭難時，人審判之，不秉公義，爲民罪戾，而受譴責。生命且滅於世，遑計其後乎？彼雖行不邪僻，言不誕妄，人擬瘞之，與惡人同穴，然終歸富人窠窠。斯實耶和華之旨，使之糜爛，憂心悄悄，獻祭贖罪，可享遐齡。若子若孫，熾昌弗絕。耶和華之志，無不大成。耶和華曰：余有良臣，先患難，後結果，心無不悅。彼也，任人愆尤，使人咸知斯理，得稱爲義。惟此良臣，人視爲罪犯中人，彼捐軀爲人負罪，代惡者祈禱，故子必大賚之，舉凡富强之子皆屬焉。

第五十四章 耶和華謂郇邑曰：不妊不生之婦，最可樂，未劬勞之女，歡聲而呼，蓋棄婦較有夫之婦，生子多矣。當廓爾居，張爾幕，索必長，釘必固，勿怠爾事。爾之子孫，寔昌寔熾，環繞左右，諸國之邑，素已荒蕪，惟爾後人，將撫而有之。溯爾幼時，至於成立，伶仃孤苦，屢受凌辱，今不復念，不愧不怍，無所畏懼，我萬有之主耶和華，治理宇宙之上帝，以色列族之聖主救主，昔肇造爾邦，眷顧乎

爾有若夫婦。爾可擬女子。幼時適人。後爲夫所棄。愀然以憂。今我耶和華爾之上帝。召爾旋歸。我棄爾不過俄頃。必加厚恩。納爾以歸。我耶和華爾之救主。忽生憤怒。暫退棄爾。後施矜恤。永世靡暨。昔挪亞時。我矢之云。自後洪水。必不汎濫於天下。今也。我亦誓不怒爾責爾矣。我耶和華矜憫爲懷。與爾立約。錫爾平康。必不爽約。山崗可移。我之仁慈。斷不可移。爾遭患難。不納慰藉。若飄於颶風。我必以光石青玉作爾基。以紅寶玉築爾堞。以夜明珠飾爾門。四境之內。寶石聚焉。爾衆赤子。將蒙我教。大獲平康。以義興邦。無人虐遇。毋庸畏懼。四境不驚。糾合攻爾者。違我所命。必使投誠。燃火製器之人。我所造。用器傷人之人。亦我所造。兵革攻爾者。必不利。與爾舌戰者。必不勝。我使我臣僕。稱義納福。無不若是。我耶和華已言之矣。

第五十五章 耶和華曰。口渴者當臨水濱。無金者當至此。酤酒乳。市食物。無需價值。爾以金市者。不足以果腹。勞而得者。不足以饜心。是誠何故與。爾謹聽我言。可飫嘉肴。可食肥甘。而心悅懌。我之所云。宜傾耳以聽。歸誠於我。則可得生。我與爾立永約。昔我許大闢。錫以實惠。今將賜汝。我立受膏者爲師。俾作民長。秉國之鈞。異邦人素未之識。必蒙其召。趨而就焉。蓋我耶和華。以色列族之聖主。卽彼之上帝。使彼得榮。先知曰。耶和華離民不遠。將加眷顧。爾當乘時祈求。作惡者流。當改其行。寢其謀。歸誠耶和華我之上帝。蓋彼矜恤爲懷。必赦宥之。耶和華曰。我所思所爲。與爾比擬。相去奚啻霄壤。我所思所爲。高出於爾遠矣。譬諸雨雪。自天降者。不能復歸於上。潤澤土壤。使之萌芽結實。耕者以爲種。饑者以爲食。我言旣出。非徒然也。必成我旨。行我意。我導爾出。以享平

康必欣然以往。山崗綠爾謳歌，林木爲爾鼓掌。松柏挺生，以代叢棘。崗枯秀發，以代荆榛。我耶和華，留其異跡於後，永爲記誌。歷世勿替。○第五十六章耶和華曰：我拯選民，以彰仁義。其時伊邇爾當秉公行義，遵從斯道，固守弗失。守安息日而弗瀆，束手而不作惡，則有福祉。異邦之人歸誠於我者，勿曰：耶和華不以我爲赤子。聞者亦勿曰：我若枯木。凡受聞之人，守于安息日，從子所悅懌，不爽盟約。我之宅第，必賜彼居處。其名不朽，較子女衆多者爲多福。異邦之人歸誠於我，供我役事，敬愛我耶和華名。若子臣僕，守我安息日而不瀆，遵我誓約而不爽，我將導之，至我聖山，入我殿宇，祈禱乎我，欣喜懽懽。彼之燔祭，獻於我壇，我必悅納。蓋我室必稱爲祈禱之室，億兆咸集焉。昔耶和華安集以色列族離散之民，今主耶和華曰：我又將懷來異邦之人，咸萃一方。又曰：當令野獸來此吞噬，民之戍卒，目昧不明，守夜之犬，喑不能吠，或偃臥，或假寐。彼甚饑饉，不知饜足。譬彼愚蠢之牧人，無一不縱己欲，不顧私利。彼曰：盍來取酒，縱飲醇醪。明日必多於今日。○第五十七章施仁行義之輩，淹忽以沒，人不以爲意。不知其逝世者，正以避患耳。爲義者卒於正寢，得考終命。惟爾淫亂之人，術數之徒，咸集於此。爾曹罪人，僞爲妄作，張吻吐舌，欲侮何人。爾祭偶像，縱淫欲於茂林之下，戮嬰孩於巖谷之間，灌奠獻祭，奉事溪中光石。我豈能忍。爾曹陟高岡以獻祭，且置床焉。門闕之後，爾立偶像，譬彼淫婦，背夫從人，與之相約，擇地設床，欣然適彼。爾之背我亦若是。爾自沐膏，多用香品，入覲君王，遣使遠方。爾自屈辱，幾陷陰府。適於遠方，不免困憊。惟蒙輔翼，不至喪膽。爾敬恪者誰，反悖逆子，不以子爲意。子不罪爾，爾益無忌憚。爾

自稱爲義，爾所作爲，毫無裨益。余必暴爾。爾患難號呼之際，每望羣偶援手，不知偶像一遇飄風，靡有孑遺。惟以我是恃者，可得斯土。獲聖山以爲業。竊聞人云：平衢路，修道途，去窒礙，俾我民前往。我永生之主，至聖至高，居聖所，坐高位，凡謙卑遜順者，我與偕居，活潑其心神，暢快其意志。我之責人，不恒蓄怒，恐予所造之人，瞻喪氣餒，彼貪財貨，干我震怒，扑之遠之。彼乃乖戾，不更厥志。我見其所爲，我將醫之，導之以行，慰藉其心，以解厥憂。耶和華又曰：我錫平康，遍於遐邇，醫民之疾，使人祝謝。惟彼作惡之徒，若波濤激濁，翻騰莫遏。上帝曰：邪僻之輩，不享綏安。

第五十八章 宜大聲呼號，響比吹角，勿息其音。告我民雅各家，輝其罪惡。彼日崇事余，求我道，詰我法，欣然詣我前，幾與行義之民，不違上帝無異。彼曰：我已禁食，卑以自牧，爾不垂顧，其意何居。曰：爾雖禁食，乃縱私欲，威迫傭人，是爾禁食，依然作惡，與人爭競，揮拳毆擊。夫如是，豈得升聞於上哉。爾禁食之時，卑以自牧，屈抑若蘆，身衣麻布，坐於塗炭。我耶和華豈悅此乎。爲強暴所拘繫者，當縱之自逸，釋人重負，伸人屈抑，折人衡軛，禁食若此，我何不喜。饑者食之，貧者寓之，裸者衣之，戚屬遭難，毋掩面而不覩。則爾之光明，必如平旦。爾之沉疴，一朝頓失。爾之仁義，護爾於前。我之榮光，備爾於後。如爾待人不虐遇，不譏訕，不驕毀，則爾呼籲我，我應甚速。若在左右，如爾大發仁心，眼饑濟困，則爾之暗，可變爲光。赫然若日方中。我恒導爾以行，雖至槁壤，必若園囿，源泉不竭，灌漑有資，俾爾果腹，筋骸堅固。傾圮之邑，歷代荒蕪，維爾赤子，重加建造。城垣已毀，爾築之，達衢已斷，爾修之。安息日我之聖日，如爾以是日爲可喜可尊，奉事乎我，不務操作，不耽宴樂，不任

己意不言虛誕，以我爲悅，我必升爾於崇邱，享爾祖雅各之業。我耶和華已言之矣。

第五十九章 耶和華非手短不能救，非耳聾不能聽。實爲爾罪已深，故上帝隔絕爾，不垂顧爾，不俯聽爾。爾嘗殺人害人，手污指穢，口尙虛詞，舌施詭詐。人喜涉訟，不懷公義，不尙眞實，譁張爲幻，藏於中者詭譎，行於外者邪惡。若胸蝮卵，若織蛛網，食其卵者必死，破其卵則蝮出。所織者不能爲衣，所作者不能自蔽，所爲者惟惡事，所行者惟暴虐。喜戮無辜，疾趨行惡，其謀不軌，其行殘刻。不由平康，不秉公義，行由邪徑，不獲福祉。故上帝不伸我冤，不拯我躬。我望光明，忽致幽暗。我望日中，偏值晦冥，徧捫不見。無異瞽者，捫壁而行。雖在日中，亦顛其趾。無異昏暮，雖得福田，不能安享。無異死亡之輩。我大吼若熊，哀鳴若鳩，望伸冤而不得，冀援手其無人。我罪戾孔多，主鑒察之。我惡跡已彰，我心知之。我已妄行，背逆我上帝耶和華。所謀不軌，言行俱謬。秉公義者，遠遁遙立。言眞實者，仆於遠衢，不敢入邑。尙誠愨者，不可得。改惡行者，每遇害，援手無人。保護無人。耶和華見仁義衰頹，怒然憂之。彰厥仁義，顯厥大能，以拯斯民焉。以仁義爲護胸，以救人爲兜盔。以伸冤爲和服，以熱中爲長衣。視人所爲，而加報施。仇敵之衆，洲島之民，赫然怒之，而降以罰。自日出之鄉，至日入之所，無不寅畏耶和華。敵人旣至，沛然若決江河。耶和華以風迴其狂瀾。○耶和華曰：必有救主降臨郇邑，以救雅各家之去其舊惡者。耶和華又曰：我必與斯人立約。我所賦爾之神，傳爾之言，口誦不輟，爰及子孫。歷世弗替，永世靡暨。

第六十章 耶和華曰：我彰厥榮光，燭照選民。爾當崛起，蒙其焜耀。天下億兆，處幽暗，居晦冥，惟爾

得我耶和華榮光普照。諸國列王見爾榮光普照，咸來歸附。爾仰目環視，見衆和會。爾子來自遠方，爾女藉人提抱。滄海之珍寶，洲島之貨財，俱歸乎爾。爾見此而喜，心曠神怡。羣駝自米田以法，遍於爾境。人攜金乳香，自示巴詣爾，頌美我耶和華焉。基達羣羊，盡歸於爾。尼排約之牡綿羊，爲爾所用，獻於祭壇。見納於我，以彰聖室之榮光。庶民雲集，若鴿歸舍，速飛而至，不知何處來。洲島之民，瞻望乎我，大失之舟，先至載爾，赤子來自遠方，同攜金銀以奉我。以色列族聖主，爾之上帝，耶和華，加爾榮光。異邦人建爾城垣，列王爲爾供役，蓋我既震怒責爾，今復矜憫爲懷，施爾厚恩。爾之邑門，晝夜不閉，列國貢其貨財，諸王擁護而至。凡茲邦國，不歸誠於爾者，必覆敗，必淪亡。利巴嫩之名樹，及松柏黃楊，移栽聖所，使我駐蹕之地，榮光丕著。昔暴虐爾者，其子孫必屈節於爾。前，凌侮爾者，將俯伏足下，稱爾爲以色列族之聖主。耶和華之郇邑，昔爾見棄被惡，人踪罕至，後必使爾輝煌有耀，喜樂靡涯。歷世弗替，爾得列國諸王貨財，若子得乳，俾知我耶和華雅各家全能之主，救爾贖爾。我賜金銀以代銅鐵，賜銅鐵以代木石。統理爾者，使民平康，督役爾者，惟秉公義。境內不聞屈抑之聲，不見殘賊之事。城稱福祉，門號揄揚。晝不藉日，華夜無庸月皎。蓋爾之上帝，耶和華，普施燭照，俾爾赫奕，永世靡暨。日不下墜，月不晦冥。蓋我耶和華，恒燭照爾，煩憂頓釋。國之民人，我締造之，我栽培之，以彰我榮。彼懷公義，得恒業。今也，藐然一身，後必千倍。今也，微弱，後成強國。屆期，我耶和華必速行焉。

第六十一章 受膏者曰：主耶和華以神感我，以膏沐我，俾傳福音於貧人，傷心者醫之，釋被擄於

縲紲出俘囚於囹圄命我宣播上帝耶和華之禧年伸民冤抑解民憂愁凡在郇邑哀哭者使不蒙塵而冠花冠不喪胆不殷憂懽然頌美若沐以膏油若被以麗服譬彼茂林耶和華所植以彰其榮城邑傾圮歷年已多荒蕪特甚將復建造異邦之人將牧爾羣羊耕爾田疇修爾園圃爾曹堪稱爲我上帝耶和華之祭司供其役事維彼列國爾可享其貨財被其榮顯昔爾受人凌辱後必屢膺大賚得徵福祉既返斯土較昔得業其數倍惟竹無窮耶和華曰公義者我所深愛強據不義者我所痛疾我與選民曾立永約言出惟行必視其所爲而報之使其後裔名聞列邦凡見之必知我耶和華錫嘏斯民選民曰我之上帝耶和華錫我純嘏加我仁義若衣麗服若被長衣譬彼新娶者冠以美冠譬彼新婦飾以寶物我蒙福祉不覺踊躍欣喜不勝譬諸土壤萌芽園匪甲坼主耶和華必使仁義萌芽列國頌揚之亦若是

我爲郇邑及耶路撒冷城祈禱不息欲彼得拯救享福祉有如明燈輝光燦爛列國君民將觀爾福祉觀爾輝煌耶和華錫爾以新名爾之上帝耶和華佑爾視爾若花冠若冕旒不以爾邑爲曠土不以爾地爲荒坵必使爾邑爲可樂必以爾地爲可復蓋耶和華悅爾復爲爾國之主有如男子壯而得佳婦造爾者之上帝必娶爾以爾爲樂若夫之燕其新婚耶路撒冷城垣必置邏卒以察之凡爾耶和華者當晝夜不息求之不已待其建造耶路撒冷使輝耀於天下耶和華具全能有大力指已發誓爾之五穀爾之酒漿皆勤勞而得自是而後必不使仇敵食之異邦人飲之刈禾者得食釀酒者得飲詣聖所頌美耶和華當出邑門平衢路修甬道去壑礙爲民

展旆耶和華傳諭天下，普告郇民。爾之救主蒞臨，加以賞罰。人稱民曰：聖民耶和華所拯救者。稱斯國曰樂國。耶和華所不遺棄者。

第六十三章 選民曰：來自以東破斯喇色，具大力，衣麗服，染血淋漓，果何人與？主曰：乃我踐言，力拯斯民也。選民曰：爾衣甚赭，若踐酒醑，誠何故哉？主曰：踐酒醑者，無他，我也。我震怒，蹂躪異邦人，血污衣襟。蓋救民之時伊邇，我意必伸其冤。我見輔翼無人，不勝錯愕，故展力發憤，手援選民。我怒異邦人，踐之於足下，使之搖撼靡定。若醉以酒，流其血於地。選民曰：耶和華自昔眷顧以色列族，矜憫無涯，恩膏甚溥，我念此而頌美焉。蓋耶和華以斯民為赤子，不敢違逆，故耶和華為其救主。民遭患難，主懷憂戚，自天遣使，以拯其災，特加眷愛，以贖其身。自昔迄今，扶翼之者屢矣。斯民違逆，使聖神懷憂，故耶和華視若讎民，而攻擊之。民憶古昔，摩西與其牧伯，為主所導，至自海濱，賦以聖神。今我主安在哉？誰展巨力，左右摩西，中判滄海，丕顯其名，永世弗替。民涉深淵，若馬行平原，不致顛躓，孰使其然？耶和華之神，使民綏安，導民歸來，若羣畜之下陵谷，以彰榮光。主居穹蒼，聖殿輝煌，昔則熱中，展其大能，矜憫為懷。今也何靳爾恩，請俯視子。亞伯拉罕不知我，以色列不識我，惟耶和華我父也。我救主也，自古迄今，斯名不易。我迷於道，剛愎我心，不畏耶和華。爾何聽其然？爾何聽其然句或曰爾何使之然望爾垂念，眷顧爾僕，救爾選民。聖民得業未久，而敵人蹂躪聖所。爾非其民不治，爾以此視我，儕久矣。○第六十四章 望爾闢穹蒼而臨格，山嶽震動，使仇敵知爾名。列邦戰慄於爾前，猶火焚芻，如水沸鼎。昔爾行異蹟，出我望外，臨格自天，山嶽震動。人惟上帝是賴，上帝

佑之。所行之事，自開闢以來，耳未聞，目未覩焉。惟人樂於爲善，恒念爾道，爾其善待之。我屢作惡，千爾震怒，焉能得救。我儕污穢，雖有片長，仍如不潔之布。我若已枯之葉，因罪見驅，爲風飄颻，呼籲爾者，無人懇求爾者，無人爾遐棄子。緣我罪戾，使我消亡。耶和華與爾，乃我父。我若泥塗，爾若陶人，爲爾甄造。耶和華與，毋大發爾忿怒，毋恒錄我愆尤，垂顧我儕，視若赤子。聖邑荒涼，郇城蕪沒，耶路撒冷傾圮。昔有聖室，輝煌喬麗，我祖頌美之處，茲經焚燬。我所翫羨之區，今變荒蕪。耶和華與，毋遐棄子，毋扑責子，毋屯爾膏。

耶和華曰：異邦之人，向未求子者，今將求子，而我聞之。向未謁子者，今將謁子，而我見之。向未歸子者，今將歸子，而我在其左右。選民違逆，任意爲非，我終日舉手勸迪。彼在我前，恒于震怒，獻祭於園圃，焚香於瓦壇，居於塚墓，宿於隱祕，所食豕肉，以可惡之物爲湯，盛於器皿。猶告人曰：遠避勿前，我潔過爾。子怒斯人，若煙上騰，若燄恒熾。我命載諸冊，必宣播之，降罰其身。彼與其祖，焚香山崗，辱我特甚，自取咎戾，我必罰之。適當其罪。耶和華又曰：葡萄成纍，可釀新酒，人皆曰：葡萄之中，汁漿嘉美，勿壞之。子也眷顧我僕，不忍殲滅，亦此意耳。必使雅各子孫，猶大遺民，有我山崗，我之選民，必得斯。我之臣僕，必居斯。求我之人，牧羊於沙崙之野，放牛於亞割之谷。爾曹棄我耶和華，忘我聖山，司命者備筵以尊之，司數者灌奠以奉之。我有命，爾不應。我有言，爾不從。我所不悅者，爾故爲之。我所不喜者，爾故舉之。必數爾罪，使屈身受戮。主耶和華又曰：我僕得食，惟爾飢餓。我僕得飲，惟爾煩渴。我僕喜樂，惟爾愧怍。我僕欣喜，以謳歌爾曹，憂愁而號泣。焦思

苦慮、哀哭不勝。我耶和華將翦滅爾、垂戒選民。惟子臣僕、必錫新名。上帝真實無妄、凡在斯土、祈
禱者必祈之、發誓者必指之。前災已弭、不復目覩。我創造天地、煥然一新。昔所有者、不復記誌。見
我所造、爾恒悅懌。我建耶路撒冷、以爲福地、使民權竹靡涯。我爲耶路撒冷邑民、不勝喜樂。使哀
哭之聲、不聞於耳。在彼無短折之年、不得考終者、壽至百齡。猶以爲幼、未屆期頤、而殞沒者、人以
爲犯罪遭譴。人必建宅第、以棲身、植葡萄園而食果。非我建屋、他人居之、非我栽圃、他人食之。選
民之壽、比諸樹木、恒食其力。其所爲者、不徒勞、所生者、不夭殤。蓋我耶和華降以純嘏、爰及子孫。
彼未祈子、子應其祈。啟口之際、我已俯聞。狼羔共食無害、獅嚙芻、猶之牛、蛇食塵、以果腹。遍我聖
山、必無損害。我耶和華已言之矣。

耶和華曰：天乃我坐位，地乃我足凳。爾曹何殿以容我，何地以安我乎？我耶和華手
造萬物，使之咸備。凡謙卑遜順，敬畏我命者，我垂顧之。彼縱私心，以可惡之事爲悅，故宰牛刳羊，
與殺人斬犬無異。獻禮焚香，與塗豕血，祈偶像無異。我有命，彼不應。我有言，彼不從。在我前行惡
事，我所不悅者，彼故爲之。故我必降災，以彼所懼，加其身。畏耶和華命者，當聽我言。爾兄弟憾爾，
繯我名而棄爾，自以此爲尊敬子，我必顯現，使爾欣喜，使敵愧怍。邑內喧譁，殿中鼓譟。我耶和華
有聲降災於敵。郇邑若婦，不圻副而分娩。未劬勞而生子。地出土產，豈能一日而成。國有民人，豈
能頃刻而生。若此之事，孰見聞之。然郇邑人始覺劬勞，遂產其子。爾之上帝耶和華曰：我既使圻
副，豈不使之產乎？我使萬物生育，何況選民乎？爾曹與耶路撒冷人友，憂患與共，今可欣喜權竹。

踴躍不勝。耶路撒冷人得榮光，受慰藉，爾可同樂。若子得乳。耶和華又曰：我必使彼平康。若江河之浩渺，使得諸國之貨財。若巨川之汎濫，爾曹可享厥福。若子得乳，爲母提抱，擁諸懷，加諸膝。我必慰爾。若母慰子，使爾復歸耶路撒冷。爾曹見我耶和華眷顧臣僕，震怒仇敵，必心神怡暢，筋骸堅固。若草萌芽。我耶和華必蒞臨。若烈焰之騰，乘大輅。若颶風之疾，發震怒，加譴責。火燎於前，以焚仇敵。蓋我耶和華降罰億兆，使蹈鋒刃，罹火災，殺戮者不可勝數。凡在圍困之人，自言已潔，一唱衆和，食豕與鼠，及可惡之物。我耶和華滅之務盡。其所思所爲，我鑒察之。必使諸國異邦和會，覩我輝煌。我將大施異蹟，使免難之選民，散布列國。俾至大失卜路得張弓之族，及土八雅番，無遠弗屆。布告我榮於列邦，使未見聞者，得見聞焉。耶和華又曰：異邦人將攜爾兄弟，乘馬騾駝，載於輿，承於筐，來自四方，詣耶路撒冷聖山，以獻於我。若以色列族獻禮物，盛於潔器，進我聖殿。我自其中，簡人爲祭司，爲利未人。耶和華又曰：我造天地，煥然一新，常在我前。爾之苗裔，聲名永著。亦若是。耶和華又曰：迨至後日，值月朔安息日，兆民必詣我前，崇拜我。違逆我者戮之，以其尸徇衆。其蟲不死，其火不滅，爲萬人所惡。

耶利米書

第一章 便雅憫地亞拿突邑希勒家子耶利米爲祭司以耶和華所命筆諸書始於亞門子約西亞爲猶大王之十三年終於約西亞長子約雅金爲王於猶大次子西底家在位十一年是年五月耶路撒冷民遷於巴比倫耶利米曰耶和華諭我云余未造爾於胎我已知爾爾未生於世我俾爾爲執事立爾爲先知訓迪列邦我曰主耶和華與渺余小子不能知所當言耶和華曰爾勿自以爲幼冲也我有所遣爾必前往我有所命爾必宣播我左右爾拯救爾可勿畏人耶和華捫我口曰我以我命詔爾今日錫爾前知何邦開創何邦剪滅何邦立其基何邦撥其本言無不應耶和華諭我曰耶利米與爾觀何物曰杏樹杏樹在猶大地在爲最早曰然則我速行我命亦如是耶和華又諭我曰爾觀何物曰鼎沸其氣自北而至耶和華曰禍必自北臨斯民矣蓋我必召北方諸族咸至斯土置座於耶路撒冷邑門城垣及猶大諸邑斯民違我焚香奉事他上帝崇拜手所作者肆行惡事故我有命必降災於其身惟爾束腰勃然而興盡述我命勿畏其威否則我必使爾驚懼特甚猶大王公祭司庶民攻爾我必使爾屹立若鞏固之城鐵柱銅垣彼雖敵爾必不能勝蓋我耶和華左右爾拯救爾

第二章 耶和華諭我俾我告耶路撒冷人宣播其言曰我憶在昔邦國肇造爾行於野無人耕種之地當時我眷愛爾若納聘之幼女以色列族乃成聖之民以奉事我若土產之初實我頒斯詔凡吞噬斯民獲罪於我者必遭災害雅各家以色列族宜聽耶和華之言耶和華曰維昔爾祖見

我所爲、有何苛政、故背逆子、崇事虛無、所爲放誕、我導斯民、出於埃及、過曠野深坑之地、汲道已絕、陰翳之所、廬舍全無人踪罕至、我令此族、入於良田、食其土產、得其嘉物、自是之後、彼乃使我田疇聖業、咸染污穢、深可痛疾、庶民祭司、俱不求子、傳法之師、不識余道、民牧背子、先知托巴力之名而言、所作無益、故我耶和華必斥爾非、爰及子孫、可往基底洲島、而瞻望之、可遣人至基達而省察之、有此事否、列邦之所爲上帝、非上帝也、然未嘗有人棄之、我民昔則歸榮於我、今又棄我、以事無益之物、耶和華又曰、天亦以此爲奇、愕然駭異、我民作二大惡、我乃活水之源、彼反棄子、器易敗漏、不得盛水、彼反造作、以色列族、詎同家之厮養乎、何爲被擄、人攻斯邦、若稚獅狂吼、荒蕪其地、燬焚其邑、無人居之、挪弗答比、匪人碎汝頭、我耶和華爾之上帝、導爾於途、爾乃棄我自羅斯害、爾今或往埃及、飲西曷之水、或往亞述、飲百辣之水、果何爲哉、萬有之主耶和華曰、爾犯罪違道、必遭刑譴、俾爾知、退棄我躬、不畏我威者、必備嘗艱苦、越在曠昔、我折爾軛、解爾結、爾曰、必不犯罪、然於羣峯之巔、茂林之下、縱欲奉事偶像、昔我肇造爾邦、若植葡萄、擇其嘉種、迄於今、嘉者奚變爲劣、主耶和華又曰、爾雖以鹼水皂莢、洗濯厥身、然爾犯罪、黥墨之迹、終不能滅、爾豈得曰、不染污穢、未從巴力乎、爾於谷中所行、爾自知之、如牝駱駝、相誘以風、馳逐遠去、野驢其風、放佚曠野、牝求其牡、孰能禁之、追之徒勞、迨其既定、仍必遇之、勿作惡、以致足跣口渴、然爾曰、毋庸勸我、崇他上帝、弗能已焉、盜被執則愧恥、以色列族、王公、祭司、先知、庶民、無不懷慙、亦若是、彼稱木爲父、稱石爲母、居恒之際、則背逆乎我、患難之時、則求子援手、猶大人與爾之衆邑、各事

一上帝其數相等所作之像安在。盡使彼並起拯救爾曹。耶和華曰：爾曹負罪之人，怨于曷故。吾督責爾赤子，仍不受教，使我徒勞。惟爾手刃先知，若猛獅吞噬。斯世之人，宜聽我言，我眷佑以色列族。詎若幽曠之野，杳冥之域哉。何以我民放縱，不肯詣于處女之簪珥，新婦之衣裳，無刻或忘。惟我民忘于歷時已久。爾何治容誨淫，以爾所爲，誘惑蕩子。爾慮遇貧民，多殺不辜，血染衣裾，毋庸掘地以見，隨處露迹。爾自爲無罪，莫子弗怒，爾不任過，我必鞠爾。爾何肆志遨遊，重蹈故轍。昔爾維亞述是恃，而蒙愧恥。今爾惟埃及是賴，而抱羞慙。爾所恃者，爲我所棄，俾爾不利，以手抱首而去其國。○**第廿四章** 有言出妻，任其他適。既出勿納，恐斯邦染其污穢。耶和華曰：惟爾縱欲背于崇事他上帝，今使爾歸誠於我。曠覽崇壇，何往非爾狗欲之地。爾憇坐途側，以惑衆，若亞喇伯人潛身曠野以害人。爾作惡縱欲，污穢斯邦。甘露不沛，春霖不降。爾靦顏不知恥，有若淫婦。當爾幼冲，我誨爾醇醇，何至今日，不以我爲父子。不恒責爾，不屢怒爾。然爾所言所行，惟惡而已。

第廿五章 當約西亞王年間，耶和華告耶利米曰：以色列族有若淫婦，爾豈不見乎。彼背我，陟高巒，入茂林，狗欲而行。我見其所爲，欲其歸誠，惟彼不從。其與猶大族親若姊妹，猶大族效尤，屢欺侮子。以色列族既背我，狗欲而行。我棄之，與以離書。其姊妹猶大族，屢欺侮子，毫無畏葸。狗欲而行，我鑒察之。彼狗欲特甚，崇拜木石，污穢斯邦。厥後佯爲歸誠，心不誠慤。○耶和華又告耶利米曰：以色列族背于，猶大人欺子，若相比較，則以色列之過尤細。爾往北方，揚聲播告曰：耶和華曰：爾以色列族背于，今當歸誠。蓋余矜憫爲懷，不常蓄怒，必眷顧爾。我耶和華爾之上帝，爾違逆子，不遵我命。

入諸茂林，崇事他上帝。今當任過。耶和華又曰：爾曹違逆之流，爲我所棄。今當歸誠。我必納爾於城邑中，則簡一人於支派中，則簡二人，導至郇山。民牧若得我心者，我必立之，使以智慧治理爾曹。耶和華曰：當斯之時，爾旣繁衍於茲土，則我之約櫃，可置之弗道，勿復貴重，毋庸憶念。不詣其所，不製其式，如昔所爲。以耶路撒冷爲我駐蹕之所，列邦之民必詣斯邑，尊崇我名，惡念不生，惡事弗作。斯時也，猶大家會以色列族偕行，來自北方，至我所予厥祖之地。子竊自思，安能以爲爾赤子，斯土膏腴，列國之民以爲佳業，焉能予爾。轉念曰：爾稱子爲父，無違逆子，則可。耶和華又曰：以色列族與爾曹欺子，若婦欺夫。爾曹背道，忘我耶和華，爾之上帝。今在童山，我聞哭聲，籲呼於上。我曰：背逆之子，歸誠於我，我宥爾罪。民曰：爾耶和華乃我之上帝。今我詣爾之前，禱彼岡巒，俱爲徒勞。惟我上帝耶和華拯救以色列族。自昔以來，我之列祖，竭勞而得牛羊子女，悉爲可惡者，吞噬無遺。自古迄今，我之列祖，爰及我躬，獲罪於我之上帝耶和華，不遵其命，故蒙羞恥，一蹶不振。

第四章 耶和華曰：以色列族與爾歸誠，則可返爾故土。如爾棄可惡之物，則我不遷徙爾。爾指子而發誓，言必實踐，行必秉公，異邦人亦祈禱子，頌美子焉。耶和華諭猶大族，耶路撒冷人曰：荆棘叢生，不可播種，必開墾土壤。猶大族，耶路撒冷人與，當潔心志，若受割禮，崇事乎我。如爾猶作惡不悛，我怒必烈，若火之燃，炎炎不滅。播告猶大及耶路撒冷人，當吹角，召衆和會，羣入城垣，立旌旆，遙指郇崗，使人逃避於彼，毋稍遲延。我降大禍，來自北方，盡遭其毀，殘賊列邦者，猶獅出林而至，彼出其所，必使爾地荒蕪，城邑傾圮，無人居處。爾當衣麻哀哭，蓋我怒正盛，莫能遏止。耶

和華又曰：當是時，國王牧伯喪膽，祭司先知駭愕。耶利米曰：主耶和華與爾曾告耶路撒冷民曰：可得平康。今反飲刃，害及生命，言既不應，寧非欺子。耶和華曰：我將判擬耶路撒冷居民告之曰：我必使炎熇之風，來自曠野童山，較簸揚禾穀之風尤大，以擊斯邦之民。敵將雲集，車若颶風，馬奔迅過於鷹隼。億兆自謂我遇災害，禍將及矣。耶路撒冷人乎，爾懷妄念，伊於何底。當滌爾私心，去爾惡念，可得拯救。聲自但地，及以法蓮山而至，以報患難之事。當告列邦，使耶路撒冷人知勁旅來自遠方，欲攻猶大諸邑。耶路撒冷人背我耶和華，故敵圍之。若守園之丁，環圍而居，彼所行艱苦，所爲暴戾，喪其心術，自召禍患。耶利米曰：我聞吹角戰鬪之聲，我心戚戚，中懷不安，不禁哀鳴。城邑破於陸續，帷帳毀於俄頃，遍地荒蕪。我見旌靈，我聞角音，何時可止。耶和華曰：我民愚昧，俱不知我，不明孰甚，作惡則智，爲善則愚。耶利米曰：我觀地虛曠，天無光，山巒震動，四境無人，飛禽已去，良田荒蕪，城邑傾圮。蓋耶和華蒞臨，其怒殊烈。耶和華曰：雖遍地荒蕪，我怒猶不息。因地必愁慘，天必幽暗。蓋我言之，我志不回。乘馬執弓者，喧譁不靖，舉邑遁逃，入彼叢林，登彼險阻。衆邑荒蕪，無人居處。爾邦淪喪，將如之何。雖衣絳垂金，修容飾目，俱爲徒勞。昔與爾行淫者，必藐視爾，謀害爾。我聞有聲哀號，若妊婦初產，卽郇女之聲，哭泣伸手，曰：殺我者至，禍必不遠，我喪厥贈。

耶和華與爾曾告耶路撒冷民曰：可得平康。今反飲刃，害及生命，言既不應，寧非欺子。耶和華曰：我將判擬耶路撒冷居民告之曰：我必使炎熇之風，來自曠野童山，較簸揚禾穀之風尤大，以擊斯邦之民。敵將雲集，車若颶風，馬奔迅過於鷹隼。億兆自謂我遇災害，禍將及矣。耶路撒冷人乎，爾懷妄念，伊於何底。當滌爾私心，去爾惡念，可得拯救。聲自但地，及以法蓮山而至，以報患難之事。當告列邦，使耶路撒冷人知勁旅來自遠方，欲攻猶大諸邑。耶路撒冷人背我耶和華，故敵圍之。若守園之丁，環圍而居，彼所行艱苦，所爲暴戾，喪其心術，自召禍患。耶利米曰：我聞吹角戰鬪之聲，我心戚戚，中懷不安，不禁哀鳴。城邑破於陸續，帷帳毀於俄頃，遍地荒蕪。我見旌靈，我聞角音，何時可止。耶和華曰：我民愚昧，俱不知我，不明孰甚，作惡則智，爲善則愚。耶利米曰：我觀地虛曠，天無光，山巒震動，四境無人，飛禽已去，良田荒蕪，城邑傾圮。蓋耶和華蒞臨，其怒殊烈。耶和華曰：雖遍地荒蕪，我怒猶不息。因地必愁慘，天必幽暗。蓋我言之，我志不回。乘馬執弓者，喧譁不靖，舉邑遁逃，入彼叢林，登彼險阻。衆邑荒蕪，無人居處。爾邦淪喪，將如之何。雖衣絳垂金，修容飾目，俱爲徒勞。昔與爾行淫者，必藐視爾，謀害爾。我聞有聲哀號，若妊婦初產，卽郇女之聲，哭泣伸手，曰：殺我者至，禍必不遠，我喪厥贈。

於石不肯歸誠。我自謂彼貧乏者流，懵然愚昧，不識厥上帝耶和華之道。我必詣世家，與之語。彼庶幾灼知上帝耶和華之道，惟彼折軛斷維，不受約束。彼逆主屢矣，故必死於林中之獅，斃於黃夜之狼。豹守其邑，伏視耽耽，凡出邑者，必被斷傷。耶和華曰：爾之赤子，我使之果腹，尚有背于者，指他上帝而發誓，集於娼妓之室，狗欲而行。我見此，豈能宥爾。維彼夙興，縱欲無度，貪人妻女，若肥馬鳴嘶，牝牡相誘，有民若此，我豈能不加責罰，以雪我憤哉。耶和華又曰：宜登邑垣，雉堞環列，非屬於我，可撤其衛，勿盡毀之。蓋以色列族猶大家，負子特甚，彼違我耶和華，謂我非上帝，不能使彼遭難，飲刃受飢。先知有言：災必及民，民謂其言虛誕若風，未嘗奉命於上。萬有之上帝耶和華，告先知曰：爾傳我命，民棄之若此，我必以命爲火，以民爲柴，焚燬務盡。耶和華告以色列族曰：遠方有國，歷年已久，其民强悍，其方言爾不識，其所語爾不明，我必使之攻爾。所統士卒，無不英武，一啟厥毀，令人歸墓，食爾糗糧，戮爾子女，宰爾牛羊，斫爾葡萄，以及無花菓樹，毀爾所恃之城垣，刃擊居民。耶和華又曰：當是時，我不盡滅爾。如有詰先知者，謂我之上帝耶和華降災於我曷故。先知必曰：爾棄耶和華，在爾故土，崇事非爾之上帝，故必在非爾之地，從事異邦人。當告雅各家猶大族曰：不智之徒，無慧者流，有目而不見，有耳而不聞，宜聽斯言。耶和華云：我立命不易，以沙界海，洪濤澎湃，不得越其防，爾豈不寅畏，戰慄於我前。斯民思叛，中心懷惡，棄子如遺，不肯自謂我之上帝耶和華，春雨秋霖，無不時若，迨屆穡期，俾我能享，故當畏其威焉。斯民犯罪，福祉不降，中有惡人，匿於歧途，備設羅網，專務陷人，籠之有鳥，以誘飛禽，斯民中藏僞詐，以致巨富，亦若

是體則肥胖，容有光華，作惡勝於尋常，孤貧被控，不爲折中。耶和華曰：有民若此，我豈不降罰，以雪我憤。國中所行奇惡，深可痛疾。先知傳虛詞，祭司隨聲附和，國民以此爲悅，將若之何。

第六章 禍自北至，毀傷特甚。爾便雅憫子孫，宜和集出耶路撒冷，在提哥亞吹角，在伯哈西林舉烽火。郇邑雖美，甚有容儀，我命剪滅牧羊之民，驅羣畜至。郇邑四周張幕，隨意嚙芻。敵曰：與我攻城，勿過日午，如待日昃，薄暮將至，行路尤難。既至則曰：當黃夜攻城，毀其殿宇。萬有之主耶和華曰：耶路撒冷人，強暴特甚，當降以災，伐木築壘，以環攻彼常行惡，如源泉混混，彼爲暴虐，行強據，皆耳聞之。彼殘疾人，困苦人，我目覩之。耶路撒冷人與宜受勸迪，否則我厭棄爾，使地荒蕪，無人居處。萬有之主耶和華曰：以色列族遺民，爲人所虜，若採葡萄，承之於筐，止而復採，我將與誰言，使之聽命。彼充耳不聽，彼嫵笑我命，不以爲悅。故我忿怒盈懷，不能復忍，必降災於遠衢之孩提。結黨之壯士，夫妻耆老，俱被俘囚。耶和華又曰：我將舉手，擊斯土之民，其宅第田疇，妻室爲他人所得，自尊逮卑，貪婪無厭。先知祭司，俱言詐僞，醫民之傷，不過皮毛，謂有平康。平康不至，彼行可惡之事，豈有羞惡之心哉。恬不知恥，毫不懷慙。故我耶和華降災之時，必使傾圮，淪胥以亡。耶和華曰：當立道旁，訪其舊途，正直者履之，可得平康。人曰：余不欲正直是履，我置邏卒，使聽角聲。民曰：我不欲聞，異邦之人，斯會之衆，宜聽我言，知禍將及。我告天下，向其聽子，斯民不從我言，不遵我法。故我降災，罰其詭謀，香品攜自示巴，菖蒲得自遠方，獻我曷故。爾之燔祭禮物，我不悅納。耶和華又曰：我將置窒礙於民前，使父子友朋，顛躓而亡。耶和華曰：大邦之民，勃然而興，來從北方。

至自地極。執弓持戟，殘忍不慈，聲若海濤，乘馬列陳，以戰郇邑。先知曰：我聞其聲，已喪厥膽。我懷憂戚，若婦將產，勿往於田，勿行於途。敵人執刃，四周震懼。殘賊猝至，民必衣麻，坐於塗炭，舉哀甚慘。若喪獨子。耶和華告先知曰：我使爾試民，同於煉金，置爾於成樓，知民所行。彼悉違子，評人長短。若金與銅，鐵交融，冶金者徒勞，風箱已焚，鉛以火消，相雜不分，僅成頑金。見棄於耶和華。

耶和華諭耶利米曰：爾當立於殿門，播告乎衆云：凡猶大人，入此門，崇拜耶和華者，應聽其言。萬有之主，以色列族之上帝耶和華曰：爾當改其品行，易其作爲。我使爾安居斯土，有言虛誕者，三稱耶和華殿爲可恃，爾勿信之。如爾改行易爲，彼此行義，不虐遇遠人，不害孤寡，不殺無辜，不崇事他上帝，以召禍患，則昔我所錫爾祖之地，以爲永業者，今必俾爾安居。人述虛誕，無益於事，爾乃信之。爾攘竊殺人，行淫妄誓，焚香以敬巴力，崇事素未識之上帝，又至籲我名之所，奉我於斯殿，以爲作惡無傷。此殿爲籲我名之所，爾曹視若盜巢。我耶和華鑒察之矣。昔以示羅爲籲我名之所以，以色列族作惡，我既有以處之矣。爾可往觀耶和華，又曰：爾旣作此，我數告爾，爾弗聽。我屢召爾，爾不諾，故我所錫爾祖及爾之地，與斯殿爲籲我名之所，爾所恃者，我必敗之。如昔敗示羅然。我必遺棄爾，與遺棄爾兄弟以法蓮族無異也。惟爾先知，勿爲斯民祈禱，呼籲於上。我必不許。彼在猶大諸邑，及耶路撒冷達衢，所行之事，爾豈不見之。子採薪，父爲炊，婦女團麵爲餅，以奉天后，酒以灌奠，敬他上帝，于我震怒。耶和華又曰：彼作此，于我震怒，豈非自貽厥羞乎。主耶和華曰：我必降災，斯邦之民，以及野獸、林木、田土所產，我怒甚烈，靡人遏止。以色列族之上帝，

萬有之主。耶和華曰：燔祭之肉，爾可食之，與禮物無異。昔我導爾祖出埃及，我諭以命，不第爲燔祭禮物也。我所諭者，乃使其敬聽我言，我必爲其上帝。彼將爲我民，如遵我命，必獲亨通。爾祖不傾耳以聽，縱其私欲，輒蹈愆尤，退縮不前。自爾祖出埃及之時，迄於今日，我數遣諸僕先知，訓迪爾衆，爾不傾耳以聽，仍強厥項，較祖尤甚。上帝告先知曰：爾雖有命，民不聽從，爾雖招徠，民不應命。故當切指之曰：斯民不聽其上帝耶和華之命，不受訓誨，不言真實。故耶和華怒斯民，棄之如遺。民憂患斷髮，務盡哭於童山。耶和華曰：猶大子孫犯罪於我，置可惡之物於殿，使籲我名之所，咸染污穢。在便欣嫩谷，築陀法崇丘，焚獻子女，干我所禁，我深痛疾。時日將至，人必不復以陀法便欣嫩谷名斯地，而以殺戮稱，死者無地可埋，咸葬於陀法。走獸飛禽食其尸，無人驅除。在猶大諸邑，耶路撒冷遶衢，不聞權杖之聲，新娶者及新婦之音，遍地荒蕪，我使之然。○**第八章** 耶和華又曰：當是時，人將發猶大王公祭司先知，與耶路撒冷居民之塚，而暴其骨。昔彼悅事，俯伏祈禱，天上日月，今其骨爲三光所暴，人不拾而瘞之。視若糞壤，所遺之民，多行不義，我驅逐之，散於四方。惟求速死，不樂有生，我萬有之主耶和華已言之矣。耶和華使先知告民曰：豈有顛仆而不起，迷途而不歸乎？然則耶路撒冷人恒背逆子，固執詭詐，不知悔改。曷故？我傾耳諦聽，人無正直之言，無悔罪之心，而內自訟焉。彼疾行其道，若馬之臨陳馳驅，飛鶴知其期，班鳩立鳥，呢喃之類，俱知當來之時。惟我民不識耶和華之法。

烏得爲智。耶和華曰：自尊達卑，貪婪無厭。先知祭司，俱言詐僞，故其妻室必適他人，其田疇爲他人所得。我使之然。醫民之傷，不過皮毛，謂有平康，平康不至。彼行可惡之事，豈有羞惡之心哉？恬不知羞，毫不懷慙，故我耶和華降災之時，必使傾圮，淪胥以亡。耶和華又曰：我必糜爛斯民，葡萄樹無花菓，必至凋零，枝葉必枯。我所賜之物，泯焉無存。先知告民曰：我儕坐此曷故，必會衆入城，在彼默默無語。我獲罪於我之上帝耶和華，使我嘗膽，無詞可述。我望平康，不可復得。我望援手，禍患叢集，敵馬噴氣，聞自但邑。驛驢嘶鳴，遍地震動。彼至斯土，吞噬邑衆，以及土產。耶和華曰：我遣蛇蝮，嚙爾，卽善制蛇者，亦無如之何。先知曰：我欲解憂，反喪厥膽。我民號呼於遠方曰：大君耶和華，豈非護衛郇邑者哉？耶和華曰：彼崇事偶像，及異邦人無靈之物，干我震怒。民曰：夏日已過，穡時旣畢，而我未獲拯救。先知曰：我民被害，我亦受傷，哀慘駭愕之至。在基列，豈無乳香，豈無醫士，何我民之不得醫耶？○**第九章** 願我首爲淵，我目爲泉，淚出不止。斯民被戮，我爲哭泣，無間晝夜。

我民詭詐行淫，我欲去之，願遜於荒，得托足之所。耶和華曰：彼民逞舌妄言，若援弓發矢，言雖不誠，偏能得志，作惡無已，不識我道。當謹防隣里，勿信兄弟，蓋兄弟相欺，隣里譏謗，各相欺誑，不言眞實，舌出誑詞，孳孳爲惡。耶和華告耶利米曰：爾之隣里，詭譎不識我耶和華之道，萬有之主耶和華又曰：我將何以處我民，必煨煉之而後可。鼓舌欺人，勝於毒矢，口言平康，心謀殘害，有民若此，我豈能不加責罰，以雪我憤。山崗牧原，俱被焚燬，杳無人跡，不聞牲畜之鳴，飛鳥走獸，皆已奔

散，我用是殷憂。耶路撒冷城變爲瓦礫，野犬藏於其中，猶大諸邑荒蕪，無人居處。我使之然。遍地蕭條，恍若沙漠。人踪罕至，焉得哲人。蒙子啟示，而言其故。耶和華又曰：彼棄我法，不遵我命。乃縱私欲，崇事巴力，效祖之尤。故我以色列族之上帝，萬有之主耶和華言：必使斯民食苦飲毒，流離列國。此國乃其祖所未聞，彼所未知者。我仍手刃之，殲滅務盡。萬有之主耶和華曰：遍訪慧女，能謳哀歌，招之至此，使其速至，爲我舉哀，使我目擊心傷，淚如泉湧。在郇邑聞彼哀歌曰：我見屬，離故土，我室已毀，不能容膝，含羞蒙垢。先知曰：維爾衆女，耶和華之言，宜傾耳以聽焉。當令爾女舉哀，隣里哭泣。蓋注死者入我廂，侵我殿，在達衢中，戮孩提，殲壯士。故爾當言耶和華有成命，必使人之尸骸散於田疇，有若糞壤，亦猶刈者遺禾，無人拾之。耶和華曰：賢者毋自誇其賢，能者毋自矜其能，富者毋自炫其富。我耶和華施仁義於天下，言出惟行，以此爲悅。如爾識我耶和華，則可自詡。耶和華曰：時日將至，受割與未受割者，我悉降罰，使之同刑。埃及猶大以東亞捫摩押與薶鬚之四周，居於曠野者，俱未受割，以色列族心未受割，皆遭重譴。

耶和華曰：以色列族，宜聽我言，勿效尤異邦。上天垂象，異邦人所深畏，爾勿畏之。億兆之禮儀虛僞，有入林叢，以斧伐木，以工治之，以金銀飾之，以鎚鈿之，使不搖動，屹立若柱，不能言，不能行，藉人肩負，彰輝不加，爾勿畏之。惟爾耶和華，至大至能，莫之與京。爾惟億兆之大君，盡人當敬，孰不畏爾。列國諸聖者，不得與爾頡頏。崇拜偶像，愚蠢孰甚，欲知其妄，以木爲證。擣銀使薄，至自大失。金自烏法，冶人鎔之，匠人製之，紫赤之布爲衣，良工織之。惟耶和華眞上帝，永生爲王，彼

赫斯怒，則大地震動，彼發厥憤，則億兆不安。當告民曰：非造天地之上帝，必亡於天地間。耶和華以其大能創造大地，以其智慧展布穹蒼，奠定寰宇。彼命既出，霧起地極，雲集穹蒼，電閃雨下，風藏府庫，彼能出之。惟彼偶像，崇之者愚蠢，鑄之者蒙羞，偶像偽物，內無生氣，悉無靈爽，妄人所作。天災一至，與衆偕亡。雅各所崇之上帝，不若是。彼造萬物，簡以色列族爲民，萬有之主耶和華其名也。○耶和華曰：在邑之民，當斂財貨，蓋我必於斯時驅逐斯邦，若以繩發石，使之困苦，遭難特甚。民曰：哀哉！我受傷殘，其痛殊甚，如此憂愁，其何以堪。我幕已傾，其繩已斷，我之赤子，逃亡於外，歸於烏有，張幕無人，立帷無人。民牧愚懵，不求耶和華，故不亨通，羣民四散，風聞敵至，北方大震，使猶大諸邑荒蕪，爲野犬之藪穴。耶和華與我知人事，不操諸己，人居斯世，不得整其步履。耶和華與爾譴責余，當寬和，毋震怒，恐余滅亡，異邦之人，不尊爾，不籲爾，吞噬雅各家，毀其居處，則必震怒降罰焉。

耶和華諭耶利米，俾告猶大族、耶路撒冷居民，咸聆盟約之言。曰：以色列族之上帝耶和華云：昔我導爾祖出埃及，如脫冶鑪，諭之曰：我所命爾必聽，則可爲我民。我爲爾上帝，我與爾祖誓，錫以產乳與蜜之地，必踐前言。今日之事爲徵，如爾不從斯約之言，禍必不遠。耶利米曰：耶和華與余，敢不惟命是行。耶和華使耶利米播告於猶大諸邑，及耶路撒冷，遶衢云：宜聽斯約之言，遵從弗失。自我導爾祖出埃及，以迄今日，我屢訓迪，曰：宜聽我命，彼不肯從，不傾耳以聽，乃縱欲行惡，我所命之約，彼不恪守，我已降罰，循約所言。耶和華又告耶利米曰：猶大人及耶路撒冷

居民咸謀叛逆，予鑒察之。其列祖不聽我言，崇事他上帝，彼乃效尤。我與彼祖結約，以色列族及猶大家，爽我盟約。故我耶和華必降災其身，使彼不能逃避。彼雖籲我，我必不應。猶大諸邑各事一上帝，耶路撒冷諸遠衢，各立一祭壇，焚香崇拜可惡之物。巴力不知患難之時，雖籲呼之，弗蒙拯救。惟爾先知勿爲斯民祈禱，彼罹禍害，呼籲於上，我必不應。我之選民，樂與衆同惡，尙入我殿，以獻聖胙，亦奚以爲。我耶和華以爾爲橄欖枝，葉葱蘢，結菓繁庶。今威聲大振，火燃焰騰，焚其枝葉。我萬有之主耶和華，昔培植爾，今降爾以災，蓋以色列族猶大家，焚香崇事巴力，于我震怒。耶利米曰：民謀害予，乃蒙耶和華默示，俾我灼知。人謀害我，我昔不知，譬彼羔羊，其性柔順，將就死地。人曰：當滅其生命，若伐木剝菓，使名不存。萬有之主耶和華與爾鑒察人心，惟秉公義。我訴於爾前，爾其雪忿，使我目覩。萬有之主耶和華曰：亞拿突居民，既謀害爾，使爾不托我名而設教，言必戮爾，故我必罰之，使其壯士飲刃受戮，子女飢餓而死。屆期降災於亞拿突人，使無子遺。○

耶利米曰：耶和華與吾訴於爾前，爾惟公是秉，卽以爾行事論之。作惡者亨通，逆理者平康，誠何故哉。爾栽植斯人，遂發根株，長而結菓，口則附爾，心則遠爾。耶和華與爾鑒察予，知予中心信從，惟彼作惡者流，爾其牽之，若羊置於死地。人居斯土，作惡無厭，自謂上帝不加彰瘡，故邦國愁慘，土產槁枯，禽獸死亡，伊於何底。耶和華曰：爾與步卒爭鬪，已形困憊，焉能與驍騎角力哉。邦國平康，爾可自恃，約但漲溢，將如之何。宗族兄弟，疇昔欺爾，羣驅逐爾，今雖善言相待，亦勿信之。我棄聖殿，與所得之土，委我愛民，付於敵手。我視斯民若林中之獅，聞其狂吼，故深痛疾。我視

斯民若斑狼，凡鷲鳥走獸，俱當羣集，而吞噬之。殘賊衆多，毀我園囿，蹂躪我業，使我良田變爲曠野。邦國荒蕪，號呼於我前。國雖荒蕪，人猶不以爲意。曠野童山，寇賊已至，遍於四境。民罹鋒刃，被吞噬，不享綏安。我使之然。所播者麥，所穫者荆，雖勞無益。見土產則蒙羞，我怒震烈，故使之然。○耶和華曰：凡彼隣邦，作惡不悛，侵伐我所賜以以色列族之土，我必救猶大家，得脫敵人之地。驅隣邦出於其故土，旣驅之出，後加矜憫，使歸故土，恢復舊業。如隣邦之人，效我民所爲，指我而誓，不復教人指巴力而誓，則可恒居於我民間。不然，我必殲滅之。耶和華已言之矣。

耶和華謂我曰：當取麻帶，勿浸於水，以束於腰。我遵耶和華諭，取帶束腰。耶和華復告

我曰：取束腰之帶，往百辣河，藏於磐隙。我遂往，藏之於百辣。遵耶和華命，歷日旣久，耶和華告我

曰：我昔諭爾，藏帶於百辣，今往取之。我往百辣，於所藏之所，掘磐取帶，帶已糜爛無益。耶和華告

我曰：猶大及耶路撒冷，汰侈已甚。我耶和華將敗之，與此無異。惡民不聽我言，輒自縱恣，崇奉他

上帝，服事崇拜之，必使之無益。有如此帶。耶和華曰：帶附人身，如此我使以色列族猶大家附我

爲我民，聲名播揚，榮譽昭著，惟彼不聽。爾當以我以色列族之上帝耶和華命傳之。曰：衆革囊必

盛以酒，彼將曰：我豈不知之耶。爾可復傳我命曰：我必使繼大闢爲王者，祭司先知及耶路撒冷

居人，遍地之民，俱醉於酒，沉酣不起，互相顛擗，父子咸蹶其趾，不加矜憫，滅之務盡。耶利米曰：耶

和華旣言，宜傾耳以聽，毋驕乃志。爾之上帝耶和華，宜虔共寅畏，否則使爾幽暗，顛躓於晦冥之

岡。爾所望之光，變爲陰翳昏黑。如爾志傲不聽，我於暗室，爲爾傷心。見耶和華羣民被虜，我目潛

然出涕。當告王與后云：卑以自牧，退居下位。蓋上帝必使爾棄其冕旒，減其容光。南方之邑將閉不啟，猶大遍地，民人被虜，靡有孑遺。昔有羣民，上帝付爾，爾以自詡，而今安在。爾舉目觀瞻，見民至自北方，爾素尊之爲君長，及遭其難，尙有何詞。豈非劬勞若婦臨產，如爾問何爲遭難，則爾當知罪惡衆多，故裸爾體，跣爾足。古實之人，豈能革其面，豹豈能改其斑，則習於惡者，可學爲善乎。耶和華曰：我必使斯民離散，如狂風飄草芥。爾曹棄我，所恃妄誕，故我罰爾，必若是。我必去爾帷裳，以加爾首，使爾蒙羞。耶路撒冷人與爾縱欲無度，貪人妻女，若馬鳴嘶，爾陟山岡，行平原，惟作惡事，深堪痛惡。我鑒察之，禍必不遠，願爾自潔，何時可成。

耶利米以早乾之事，得耶和華默示，播告於衆曰：猶大國懷憂，邑民衰絰，哀慘靡已。耶路撒冷號呼，升聞於上。長者遺少者汲水，井泉枯竭，挈其空瓶，含羞蒙首而歸。遍地無雨，土壤燥裂，耕者抱愧，而蒙厥首。郊原無草，磨產子而遺之。野驢立於童山，噙氣若野犬，無草而盲目。耶和華與我罪戾孔多，爾鑒察之，雖屢背爾，願爾赦宥，彰爾仁慈。以色列族遭難之時，惟爾是望，得爾拯救。今爾不眷顧余，自視若旅人，偶過斯土，暫留一宿者然。曷故。爾見我臨難，不勝駭愕，若不能援手。昔日之權能安在。耶和華與爾駐蹕於我間，我爲爾民，請勿棄余。耶和華曰：斯民樂於背道，不回头履，故我不悅，念其罪愆，加以刑罰。耶和華告我曰：勿爲斯民祈福，彼禁食籲我，我必不應。彼獻燔祭禮物，我不悅納，必以鋒刃饑饉，疾疫滅之務盡。耶利米曰：主耶和華與諸僞先知曾告斯民，必不飲刃，不受饑，安居斯土，永獲平康。出於耶和華所賜。耶和華曰：維彼先知，托我之名，普

傳妄誕，我未嘗遣之，亦未嘗降諭。彼所言者，虛偽之異象，無憑之卜筮，中心所思之幻境。今我頒詔論彼，爲先知之事。彼未嘗奉我所遣，猶托我名而告民云：斯土必無鋒刃饑饉之虞。彼先知必以鋒刃饑饉殲滅之。凡從其言者，必飲刃受饑，陳尸於耶路撒冷，達衢以及妻室子女，無人瘞埋。蓋我使之慘罹惡報。爾以我言播告於民。耶利米曰：斯民遭難孔艱，可爲晝夜痛哭流涕也。往於田所見無非殺戮，入於邑，觸目盡是餓殍。先知祭司往來貿易，不以爲意。耶和華豈遺棄猶大，痛疾郇邑哉？奚擊我而不醫，我莫平康而有禍，望得醫而加傷。耶和華與我祖與我獲罪於爾，我已過。毋痛疾我，彰爾仁慈。爾駐蹕之所，夙著榮光，勿以爲辱。爾與我立約，請誌之勿忘。異邦人所奉之偶像，豈能使天沛以膏澤，降以甘霖。爾耶和華爲我上帝，肇造萬物，故我賴爾。

耶和華告耶利米曰：雖摩西撒母耳代民祈禱，我必弗恤。當遐棄之，屏之遠往。如彼酷爾，當往何處。爾必傳我命，告之曰：當死則死，當殺則殺，當饑則饑，當虜則虜。耶和華又曰：我降四災於厥身，刃以戮之，犬以嚙之，飛鳥以噬之，走獸以滅之。流離於萬邦，斯何故與。因猶大王希西家子馬拿西所行於耶路撒冷。耶路撒冷民與，孰矜恤爾，孰慰藉爾，孰問爾安。耶和華又曰：爾違逆子，却而不前，故我必舉手擊爾，滅爾殆盡，不可復忍。其餘我散之邑門，若舉扇揮塵，喪其子女，猶不悛改，必加殲滅。時值亭午，我必使殘暴壯士，猝攻京邑，降以重災，使其嫠婦，較海沙愈衆。育七子之婦，喪膽斷氣，其年中絕。若日未暮而沉西，故懷慙抱愧，所遣之民，爲敵人誅戮。我耶和華已言之矣。耶利米曰：哀哉我母，何爲產我，爲通國之人所攻。我未貸衆以金，衆未貸我以金，藉權

子母而人莫不誚子。耶和華曰：我必釋爾。雖罹災害，必使敵善待爾。耶和華告民曰：爾雖堅剛若鐵，豈及北方之鐵，與銅交融，爲不可毀乎？爾遍四境，作惡孔多，故爾之貨財，必見攘奪，不復償爾。我使之然。亦使爾在素未識之地，爲敵人供役。蓋我震怒，烈如火之燃，延及爾曹。耶利米曰：耶和華與爾鑒察子，眷顧子，伸我之冤。爾旣恒忍，勿滅子命。我緣爾故，受人凌辱，爾所知也。萬有之主耶和華與我爲爾僕，聞爾訓言，服膺於心，因以悅懌。侮慢之人，我不樂與之坐。爾言降災于懷歎，默然獨坐。子創傷未痊，殘缺未醫，曷故？爾之待我，若泉之忽竭，使人絕望。曷故？耶和華曰：如爾歸誠，則可爲我僕。如爾能別善惡，則可傳我命。民當從爾，爾勿徇民。耶和華又曰：我使爾在民間，若金城之鞏固，彼雖攻爾，必不能勝。蓋我左右爾，拯救爾，出爾於惡者暴者之手。

耶和華告子曰：爾居斯土，勿娶妻室，生育子女。斯土之爲父母者，及其所生之子女，我

有定命，俱遭慘死，無人哭泣，無人瘞埋，視若糞壤，亦有亡於鋒刃，死於饑饉，飛鳥走獸，食其尸骸。耶和華又曰：我不矜恤斯民，不使平康，故勿入室哭之，亦勿往弔，自尊達卑，皆死斯土，無人瘞埋，無人哭泣，不爲之薙髮，不爲之割肉。人有親戚之喪，不賜食以唁之，人有父母之喪，不賜飲以弔之。筵宴之所，爾亦勿入，與之飲食。萬有之主，以色列族之上帝耶和華曰：斯時也，四境之內，必無懼怖之聲，不聞新娶者，與新娶之音。我使之然。爾躬逢其事，爾以是告民。如詰爾云：我之上帝耶和華，我犯何罪，我蹈何愆，致耶和華降此鞠凶？爾則告之曰：耶和華云：因爾列祖，退棄我躬，不守我法，乃從他上帝，俯伏崇拜。爾濟祖惡尤甚，各縱私欲，不遵我命，故我驅爾出斯土，至爾與爾祖

所未識之國。在彼仍服事他上帝。晝夜不息。我因此不加矜恤。耶和華曰。其期將屆。人發誓之時。不言耶和華救以色列族出於埃及。乃言耶和華救以色列族出於北方。昔則逐於列邦。今則反之故土。蓋我必歸斯民。俾至所賜列祖之地。耶和華曰。我必召衆漁人。使漁之。召衆獵夫。使獵之。出諸山岡。驅之磐穴。彼之所行。予鑒察之。彼惡昭彰。予目睹焉。彼污穢我地。以穢惡之尸骸。狼藉我土。故我必罰其罪。較昔受苦。其數維倍。耶利米曰。耶和華與爾施大力。以捍衛子。我罹患難。爾拯救子。異邦人自地極將至。告曰。我祖所崇事者。誕妄無益。耶和華曰。本非上帝。豈可視若上帝哉。當是時。我必展我力。顯我能。使彼皆知。我名爲耶和華。○**第七節**猶大人之罪。錄以鐵筆。其鋒堅剛無匹。銘於心中。書於壇角。茂林之下。高岡之上。建置祭壇。樹立偶像。彼之子女憶之。我聖山之民。於四境崇丘。干犯罪戾。故我必以爾土產貨財。爲敵人所攘奪。我昔錫爾土地。後必使爾至未識之地。爲敵人服役。蓋爾干我震怒。炎炎不滅。耶和華曰。人背逆子。求人助己。惟人力是恃。禍必不遠。譬彼杜松。生於曠野。其地斥鹵。其壤燥烈。人踪罕至。不沾膏澤。以我爲恃者。望我拯救。綏祉繁多。譬彼林木。植於溪旁。根延河畔。雖經炎熱。雖歷亢陽。不受其害。枝葉青蒼。結菓不息。人心詭譎。不可改易。難以灼知。我耶和華鑒察人心。視人所行。而加報施。譬彼鷓鴣。非己之卵。覆翼而育之。亦猶得非義之利者。不終身而失之。其愚孰甚。耶利米曰。我儕聖所。溯厥肇造。其位崇高。輝煌赫奕。耶和華與以色列族所望。違之者。愧恥蒙於一身。耶和華爲活水之源。棄之者。臭名遺於萬世。耶和華與爾醫我則得痊。爾拯子則得救。揄揚爾不置。人嘗詰子云。耶和華之言。安有效。

驗任彼行其旨。我聽爾命，爲民之牧，斯職不敢速棄。民遭患難，非我所欲，我所言者，惟爾使之爾所知也。子罹患難，望爾眷祐，毋使子恐懼，毋使子愧恥。當令窘逐我者，懷慙無地。罹大禍，避重災，至於滅亡。○耶和華諭我曰：爾當立於耶路撒冷門，猶大王與庶民出入之所，告之云：猶大居民及耶路撒冷人，凡出入是門者，宜聽耶和華之言。耶和華曰：爾當謹恪，安息日勿負荷入耶路撒冷邑門。安息日勿負荷出爾室，亦勿操作，乃以安息日爲聖日，遵我所諭爾祖之命。爾祖不遵命，不傾耳以聽，乃強厥項，不聽訓言，不承教誨。耶和華又曰：如爾恪聽予言，於安息日不負荷入此邑門，乃以安息日爲聖日，亦不操作，則繼大關爲王，乘車服馬，與厥諸僕，及猶大耶路撒冷居民俱入邑門，此邑永存。自猶大諸邑，耶路撒冷四周，及便雅憫地，或山岡，或平原，或南方，人將至，攜燔祭禮物，芬芳之品，入我殿宇，揄揚我名。如爾不聽，不以安息日爲聖日，仍於安息日負荷入耶路撒冷邑門，則我必火焚邑門，延及宮殿，無人撲滅。

耶和華諭耶利米曰：爾往陶人之宅，予有言告爾，我往陶人之宅，見其以鈎製器。陶人搏土甄陶，以製器皿，未成而毀，遂製他器，任其意之所欲爲。耶和華諭我曰：以色列族乎，我之待爾，豈不能如陶人乎？譬彼泥土，其權操自陶人，爾曹以色列族，其權操之於我，亦若是。如我命邦國，必當剪滅，撥其根本，而彼邦國，悛改厥行，則我欲降之災，必不行焉。如我命邦國，必當開創，立其址基，而彼邦國，不從我命，作惡不悛，則我欲錫之福，必不行焉。今爾當告猶大及耶路撒冷居民，云：耶和華曰：予有定命，欲降災於爾，爾衆速當改惡從善。彼曰：毋容勸我，我必從心所欲，任意

作惡，故我耶和華曰：我視以色列族，有若處女，惟彼所行，甚屬難堪，卽異邦人亦未有此。詎有棄利巴嫩之雪，而求郊原之磐，詎有棄溪流之清冽，而求遠方之水。我民忘子，焚香以敬偶像，舍平坦之舊道，而不由，行崎嶇之僻路，而顛趾。致其地荒蕪，人恒作怨憤之聲。過之者必愕然駭異，搖首弗已。我使斯民爲敵人所驅逐，若風吹草芥，臨難之時，子不眷顧。人曰：祭司有律例，智士有箴規。先知有預言，如耶利米其言不可信，子當批其頰，而謀害之。耶利米曰：耶和華與，尙其眷顧子躬。彼欲害子，請爾鑒察。念我在爾前，代彼祈禱，望爾息怒，彼以惡報善，欲掘坎阱，以陷害子。願其子或死於飢饉，或殞於鋒鏑，丁男受戮，壯士戰沒，其妻爲嫠，喪其子女。願爾使敵人猝至，比戶咸聞哀泣之聲，蓋彼掘坎阱，欲陷子，設網罟，欲罹子。耶和華與，爾知其謀害我命，勿赦宥其罪，勿塗抹其過，當使之傾覆，爾赫斯怒，降以刑罰。

第十九章 耶和華告我曰：當取陶器，招民長，祭司長，咸集，偕往東門之外，便欣嫩谷，以我所言播告於衆。云：猶大王耶路撒冷民，宜聽耶和華之言，萬有之主，以色列族之上帝耶和華云：我必降災於斯土，聽之者必震其耳。彼違逆子，瀆我聖所，在此焚香，以敬他上帝，他上帝之聖名，自厥祖以迄子孫，更逮猶大國王，未嘗聞也。亦殺無辜，流血遍染此所。彼事巴力，築崇丘以奉之，焚子女以獻之，我所嚴禁，我所痛疾。耶和華又曰：時日將至，人必不復以陀法便欣嫩谷名斯土，而以殺戮稱之。蓋在斯土，猶大及耶路撒冷人之謀，我必敗之，使陷於敵手，殞於鋒刃，其尸骸爲飛鳥走獸所食。我必使此邑荒蕪，人發怨聲，過斯土者見此鞠凶，則驚愕歎歎不已。爰遇羣敵環而攻之。

勢甚危迫，欲殲其命。子女友朋之肉，民相殘食。我使之然。斯言既竟，當毀陶器，使同行者目擊焉。告衆曰：萬有之主耶和華曰：我必毀此邑民，猶毀陶器，不能復完。死者既衆，無地可埋，咸葬於陀法耶和華。又曰：我必視此邑民，有如陀法。猶大王宮殿，耶路撒冷廬舍，必視爲污穢，無異陀法。蓋在樓巔，人焚香以奉天象，酒以灌奠，崇敬他上帝。○耶利米奉耶和華命往陀法，述此預言。既竟，則詣殿院，立而告衆曰：萬有之主以色列族之上帝耶和華曰：斯邑及四周之民，強項不從我言，故所言之災，必降其身。○**第二十章** 音麥子巴述爲祭司，兼爲耶和華殿宰，聞先知耶利米言此，則撻之，加以桎梏，在崇門之側。門名便雅憫，近耶和華殿。詰旦，巴述釋耶利米出於桎梏。耶利米告巴述曰：耶和華易爾名爲馬各米撒畢。馬各米撒畢，即國在斯位。蓋耶和華曰：我將使爾恒有懼心。友朋見爾，莫不悚懼。爾友將亡於刃，使爾目覩。蓋巴比倫王將伐猶大，殺戮殆盡，擄其民人，而反。我使之然。斯邑之貨財、物產珍寶，暨猶大王之國帑，我必悉付於敵手，彼盡取之，遷於巴比倫。爾巴述全家，將被俘於巴比倫。在彼爾及信爾言之友，必死而葬。耶利米禱曰：耶和華與爾強我爲先知，而我勉從。我迫於爾命，莫之能辭。今也人咸欺子，日藐視子。如我傳耶和華之命，呼告斯民，必遭強據。必見俘囚。斯民也侮子欺子，靡有已時。如我言不藉爾名，而言斯事，則我中心如焚，爍於骨髓，不復能忍。我聞衆民訕謗我躬，隨在驚惶，彼此傳語，聲罪辱我。我之友朋，望我趨趨，云：或可誘而勝之，以雪我忿。惟耶和華威武可畏，左右余躬，眷逐我者，必遭躓蹶，永不亨通。懷羞抱愧，歷世莫掩。其醜。萬有之主耶和華，鑒察義士，知人衷曲，子訴冤於爾前，爾其雪忿，俾子目覩。耶和華救貧乏。

者出於惡人之手，故當謳歌頌讚之。我生之辰，不祥孰甚。我母產子，其時勿吉。人告我父，已得男子，使父忻喜，子願是人所遭不幸。譬彼古邑，耶和華滅之，始息其怒。清晨則聞呼號，亭午則聞譁。我在母胎，曷弗見殺，曷弗使母恒妊，曷弗以胎爲墓。我何生於世，受苦罹憂，畢生愧赧。

西底家王遣馬其亞子巴述，祭司馬西雅子西番雅見耶利米而告之曰：巴比倫王尼布甲尼撒攻我，爾爲我禱。耶和華庶幾耶和華仍顯異蹟，俾不攻子。時耶利米奉耶和華命，告之曰：爾當奏西底家云：以色列族之上帝耶和華曰：巴比倫王及迦勒底人環繞爾邑，爾雖與戰，我必使爾倒戈，使迦勒底人入於斯邑。我忿怒殊烈，必以巨力大能攻爾。斯邑之民人牲畜，必降瘟疫，以擊之，俾其死亡。耶和華曰：嗣後猶大王西底家與邑中所遺之臣民，不戮於鋒刃，斃於瘟疫，死於饑饉者，我必付之於敵人。巴比倫王尼布甲尼撒之手，俾以鋒刃殺戮，不加矜恤。耶和華又告民曰：今日我以生道死道，置於爾前。凡居斯邑者，必遇鋒刃饑饉瘟疫而亡。凡出邑外歸誠所攻爾之迦勒底人者，則得保其生命。耶和華又曰：斯邑也，我必降以禍災，不錫以福祉。付之於巴比倫王手，使之焚燬。猶大王宗室宜聽我言，我耶和華使大關後裔夙秉公義，凡受暴者，爾其援手，如爾作惡，我怒震烈，若火炎炎，撲滅無人。耶和華曰：爾居陵谷，處平原，據巖穴以爲家，自謂無人干犯，無人入室。我耶和華攻爾，視爾所行而加刑罰，燃火於林，四面焚燬。

耶和華告耶利米曰：詣猶大王宮告之。爾繼大關爲王於猶大及爾臣民，凡入邑門者，宜聽耶和華之言。耶和華曰：爾居斯土，當秉公義，凡受暴者，爾其拯救，賓旅孤寡，爾無慮遇，勿

殺無辜，如爾行是，則繼大闢爲王者，將乘車服馬，與厥臣民，俱入殿門。如爾不聽，我耶和華指己而誓，此殿必致荒蕪。耶和華又告猶大王宗室曰：昔我視爾若基列地，利巴嫩嶺，今我使爾荒蕪，若無人居處之邑，使殘暴者各執具械，斫爾栢香木之佳者，委之於火。凡隣國衆庶，經過是邑，互相告語曰：耶和華罰此大邑，何爲至於若斯？人必曰：斯民背其上帝耶和華之約，崇拜服事他上帝，故有此罰。勿爲死者哀哭，當爲擄者號泣。蓋彼不返國，不復見故土。耶和華曰：猶大王約西亞子沙龍，繼父爲王，旣出斯土，必不返國，乃死於被擄之地，不復見故土。人以非義之利，建造宅第，用人之力，不償其工者，禍必不遠。彼曰：廣廈崇室，余必構造，啟其窻牖，以栢香木爲板，塗以丹雘。耶和華曰：爾雖以栢香木爲板，以示華美，豈得恒居王位？爾父日用飲食，躬行仁義，而享福祉，彼爲貧乏伸冤，旣識我道，遂得亨通。惟爾縱心目之欲，貪婪不已，強據虐遇，而殺無辜。耶和華曰：猶大王約西亞次子約雅金，旣死之時，民不舉哀哭泣，曰：哀哉！兄弟姊妹乎，惜哉！我主顯榮安在乎？乃人拽其尸，棄之耶路撒冷邑外，無異葬驢，必登利巴嫩而大呼，在巴山舉哀，在亞巴林呼號。蓋爾良朋已喪，平康之時，我曾語爾，惟爾不聽，自肇造邦國，以迄於今，爾不從我言，所爲若是。故爾之牧者，隨風飄沒，爾之良朋，爲人俘囚，爾作惡衆多，必蒙羞抱愧。居利巴嫩人巢於栢香木，爾旣臨難，若婦劬勞，豈不哀慘？耶和華曰：我指己而誓，爾猶大王約雅金子約雅斤，雖爲我掌中之印，亦必棄之如遺。付爾於爾所懼之敵，巴比倫王尼布甲尼撒，及迦勒底人手。我必驅爾，爰及爾母，至於異邦，非爾故土，在彼必死。惟爾雖欲歸而弗得。約雅斤若已毀之偶像，爲人所藐視，又若器

皿不爲民所娛玩，彼及子孫已遭驅逐。至於素所未識之地曷故。耶和華三呼斯土之人，告之曰：爾衆宜聽我言。約雅斤畢生不獲亨通，當錄其名於冊。雖有子孫，不得繼大關之位，爲王於猶大。

第二十三章 耶和華曰：民牧害我羣羊，驅之離散，禍必不遠。以色列族之上帝耶和華告牧民者曰：爾曹驅逐我羊，不加眷顧，我必視爾所爲，而降譴責。我所遺之羊，散於列國，我必使之復集，返於故土，使彼繁息。耶和華曰：必立牧者，以豢養之，則無驚惶，無缺乏。耶和華曰：時日將至，必使仁義者興，長若枝柯，繼大關爲王，秉公行義，亨通於天下。斯時猶大家獲救，以色列族安居。王之名曰：耶和華大施仁義，以拯我躬。耶和華曰：其期將屆，人發誓之時，不言耶和華救以色列族出於埃及，乃言耶和華救以色列族出於北方。昔則逐於列邦，今則反之故土。○耶利米以衆先知行惡，中心憂傷，筋骸震動，又得耶和華聖言傳示，有若醉人，迷眩於酒。四境之內，靡不行淫，厥口詛咒，其國有愁慘之象。斯人也，作不善，行非義，郊原牧場，盡成槁壤。耶和華曰：先知祭司，所行誕妄，在我殿宇，惡跡已彰，故其途幽暗，滑而難行，我驅逐之，使顛蹶趾，屆期降災。撒馬利亞之先知托巴力之名，振振有詞，欲使我民以色列族舛錯，維我洞見其愚。耶路撒冷之先知，更堪痛疾，行淫詭譎，俾作惡者流，厥志孔強，不悛厥行，予鑒察之，視若所多蛾摩拉之人，無異。萬有之主耶和華曰：耶路撒冷先知，導民行惡，殆遍斯土，我使之茹荼飲醜，萬有之主耶和華曰：惟彼先知，擅自而言，不傳我命，彼乃欺爾，爾勿聽從。有人藐視子，彼托我命，言必獲平康，有人縱私欲，彼言必不遇害。其中何人與我神契，諦聽我言，惟我震怒，使風驟起，飄搖震撼，罰彼惡徒，我志未成，則怒不

息時至自知。惟彼先知。我未遺之。而自趨。我未命之。而自言。如彼與我神相契合。則必播傳我命。使民改其惡行。革其邪心。耶和華又曰。我爲上帝。無間遐邇。人能退藏於密。使我不見乎。我豈不能充乎天地哉。惟彼先知。佯托我名。自言得夢者再。我聞其語。彼僞先知。從心所欲。普傳誕妄。伊於胡底。彼也互述所夢。使民忘予。若厥祖忘我。崇奉巴力。耶和華又曰。如先知有夢。則直曰出之。夢。如我有命。則直曰我之命。維糠與麥。何能比擬。如我出命。必若火炎炎。若鎚摧石。耶和華又曰。凡先知竊我言者。我必攻之。又曰。凡先知自述其言。僞托我名者。我必罰之。又曰。凡先知未奉我命。托言有夢。傳之於人。以厥妄誕。使民舛謬。有損於衆者。我必降罰。耶和華曰。如斯民。或先知。或祭司。詰爾曰。耶和華有何默示。可譬重任。爾必曰。尙有何詞。比諸重任。惟耶和華棄爾如遺。凡先知祭司庶民。以耶和華默示爲重任。而譏之者。我必降災於其家。爾當問於兄弟隣里。耶和華有何言答我。爾勿以萬有之主。永生上帝耶和華之言。戲稱重任。若是則爾所言。亦爲重任。爾問先知。當問耶和華。有何默示。誠以告我。我既命爾。不可以耶和華默示爲重任。如爾以此稱之。則我必遐棄爾。與我所錫爾祖及爾之邑。不復眷顧。使爾含羞抱愧。永世不息。

第十四章 巴比倫王尼布甲尼撒虜猶大王約雅斤。及猶大諸牧伯。與木工鐵工。自耶路撒冷。至巴比倫。厥後耶和華以二筐示予。中盛無花菓。置於殿前。一筐之菓甚嘉。如初熟之無花菓。一筐之菓甚劣。不可適口。耶和華問我曰。耶利米與爾觀何物。曰。無花菓。其嘉者甚嘉。其劣者甚劣。不堪適口。耶和華又諭我曰。我以色列族之上帝。耶和華云。猶大民爲俘。我所遷徙。自

斯土至於迦勒底，我視之若此嘉果，加以眷顧，使返斯土，我必開創之，立其址基，不可翦滅，撥其根本，我必賦以善心，俾知我乃耶和華，一心歸誠，彼爲我選民，我爲其上帝，惟彼劣菓，不堪適口，可比猶大王西底家，以及牧伯，耶路撒冷居民，斯土之遺衆，暨旅於埃及者，我必驅逐，散於列邦，遭人陷害凌辱，受人詛咒譏刺，我必於昔所賜爾祖及爾之地，戮以鋒刃，降以饑饉，斃以疾疫，滅之殆盡。

第二十五章 巴比倫王尼布甲尼撒元年，卽猶大王約西亞子約雅金四年，耶利米以猶大民間之事，得之默示者，播告於猶大人及耶路撒冷居民，曰：自猶大王亞門子約西亞十三年，迄於今日，歷二十三年，耶和華頒詔於我，我曾告爾，諄諄不已，惟爾不從，耶和華之僕先知，數奉使告爾，惟爾不傾耳以聽，先知曰：凡爾有衆，當悛厥惡，革其非心，則可恒居於耶和華所賜爾祖及爾之地，勿崇事伏拜他上帝，以干耶和華震怒，則不降爾以災，惟爾不聽耶和華命，手作偶像，于我震怒，自罹其災，萬有之主耶和華曰：既不聽我命，我必使我僕巴比倫王尼布甲尼撒，率北方之衆，攻斯土之民，及四周隣國，滅之殆盡，使見之者駭愕，皆作怨聲，不聞懼怖之言，新娶者及新婦之音，旋磨之聲，不徹於外，燈火之光，不耀於內，我使之然，四方列國必致荒蕪，使人駭愕，惟彼億兆，服事巴比倫王，歷七十年，耶和華又曰：七十年之期既屆，我降罰於巴比倫之君民，治其罪戾，使迦勒底土地荒蕪，歷久若此，昔我使先知耶利米，以列國之事，筆之於書，中有降災迦勒底之言，必有效驗，邦國衆多，列王顯赫，必使迦勒底人爲其服役，視其所行，而加報施，以色列族上帝耶

和華諭我曰。我必震怒。錫爾以爵。咸以鳩酒。遣爾至列國。使彼咸飲。飲畢若狂。傾歎不定。蓋我必降以鋒刃之災。我卽取爵而往。至耶和華所遣我諸國。使彼飲之。至耶路撒冷及猶大諸邑。與厥王公。使彼喪亡。見之者無不駭愕。怨聲咒詛。今日之事爲徵。亦至埃及王法老。以及羣臣衆庶。與非同族者。及烏士非利士亞實基倫迦薩。以革倫國。亞實突遺民。以東摩押亞捫推羅諸王。西頓諸王。海島諸王。底但提馬布斯與薙鬚之四周者。亞喇伯諸王。與異族諸王。同居曠野。心哩諸王。以攔諸王。米太諸王。北方諸王。無間遐邇。爰及天下列邦。厥後示殺王。亦飲斯爵。爾必告之曰。萬有之主。以色列族之上帝耶和華云。予必擊爾以鋒刃。當飲斯爵。至於酪酏。至於哇吐。顛躓不起。如彼不受爵。不肯飲。爾當曰。萬有之主耶和華曰。爾必飲之。我旣降災於斯邑。及籲我名之所。爾豈能免於患難。今以鋒刃。遍擊天下億兆。爾豈能道厥刑罰。爾宜傳命告衆曰。耶和華在上。居於聖宮。雷聲遠震。霹靂轟聞。旣攻億兆。必若踐葡萄菓者。號呼不已。聲聞自地極。我耶和華欲罰列邦。降災億兆。使作惡者無不飲刃。萬有之主耶和華曰。颶風起自地極。災害延於萬邦。當斯時也。我所殺戮者。尸骸枕藉。自天涯至於地極。無人爲之衰經。無人爲之瘞埋。視若糞壤。牧守羣羊者。當號呼哭泣。坐於塗炭。蓋爾羣離散。被殺之日已屆。爾必喪亡。與珍器之毀。無以異也。牧守羣羊者。亦無遁逃之所。牧場爲子所毀。牧守羣羊者哭泣不止。我旣震怒。羣羊安棲之地。爲我所廢。殘暴者其怒甚烈。譬彼猛獅。出於林藪。邦國以致荒蕪。

約西亞子約雅金始爲王於猶大耶利米奉耶和華命曰。宜立於殿院。見猶大衆邑。

之人入殿崇拜，則以我命傳之，勿減一詞。庶幾聽從，改其惡行。我欲降災，以罰其罪，止而不行。爾當告之曰：耶和華云：我數遣我僕先知告爾，示爾律例，爾常不聽，後仍不聽從，則我必棄此殿宇。與昔棄示羅無異，使此邑爲列邦所詛。祭司先知庶民聞耶利米在耶和華殿言此，耶利米以耶和華所命者，悉告庶民，其言既竟，祭司先知與衆民執之曰：爾罪當死，爾何藉耶和華名言此殿必見棄，如示羅然。此邑必荒蕪，無人居處，衆民集於耶和華殿，攻耶利米，猶大諸方伯聞之，則自王宮詣耶和華殿，坐於殿之新門，祭司先知告諸方伯庶民曰：斯人也，言我邑必遭毀棄，爾所咸聞，其罪當殺。耶利米告諸方伯庶民曰：子誠有是言，爾衆所共聞，然遣我言此者，乃耶和華也。今當改爾所行，遵爾上帝耶和華之命，則耶和華所言降災之事，必能中止。子今爲爾所執，生死惟爾之命。然爾當知，耶和華遣子告爾，誠有是事，如爾殺我，則殺無辜，陷爾及邑民於罪。諸方伯庶民告祭司先知曰：此人藉我上帝耶和華之名而言，不可殺也。民間長老數人遂起，告庶民之會曰：當猶大王希西家之時，摩哩沙人米迦爲先知，告猶大庶民曰：萬有之主耶和華曰：人將耕郇邑之地，有若田疇，耶路撒冷將變爲瓦礫，斯殿之山，將爲林藪。猶大王希西家與猶大庶民未嘗加斯人以殺戮，惟敬畏耶和華，求其恩祐，故災害不果降。我今若殺耶利米，必罹禍災。有基列耶林人示罵雅子烏哩亞藉耶和華名言斯邑斯地必毀，與耶利米言無異。約雅金王與諸方伯武士既聞斯言，欲謀殺之。烏哩亞知之則懼，逃於埃及。約雅金王遣亞革破子利拿單與從者數人詣埃及，曳烏哩亞出，至約雅金王前，殺之，棄尸於賤者之墓。然沙番子亞希甘護翼耶利米，不許

庶民殺之。

第二十七章 約西亞子約雅金

或曰西底家

始爲王於猶大耶和華諭耶利米云宜製繫與軛懸於爾項

有國使來自以東王摩押王亞捫王推羅王西頓王至耶路撒冷觀猶大王西底家爾取繫與軛

使國使饋於列王告之曰萬有之主以色列族之上帝耶和華云爾當奏爾主云我耶和華以巨

能大力肇造寰宇以及庶民百獸以地錫人惟我所欲我今以列邦子我僕巴比倫王尼布甲尼

撒亦使野獸供役列國之人必服事之爰及子孫屆滅國之期而後已厥後邦國衆多列王顯赫

必使巴比倫王供其服役耶和華又曰凡諸邦國不肯服軛事巴比倫王尼布甲尼撒者必以鋒

刃饑饉瘟疫罰之煎滅務盡爾之先知及卜筮占夢術數巫覡告爾云爾勿服事巴比倫王則勿

聽若而人所言誕妄而已如爾信從我必驅爾遠離斯土使爾殞沒耶和華又曰凡諸邦國歸誠

巴比倫王負軛服事我必使彼留故土安於隴畝適於厥居耶利米以斯言奏猶大王西底家云

汝當歸誠巴比倫之君民負軛服事則可得生耶和華曾言凡諸邦國不肯服事巴比倫王必以

鋒刃饑饉瘟疫使之淪喪今汝與民何爲自取死亡惟彼先知言爾不必服事巴比倫王所言誕

妄爾勿聽從耶和華未遣之彼藉其名所言詭譎如爾信從耶和華必驅爾爰及先知與爾偕亡

耶利米告祭司庶民曰耶和華云先知有言巴比倫不久必返我殿之重器斯言荒誕爾勿信之

當服事巴比倫王而得生何必逆命使斯邑傾圮如彼誠先知奉耶和華命則可祈萬有之主耶

和華使其殿宇及猶大王宮耶路撒冷邑所遺之器皿必不遷於巴比倫萬有之主耶和華曰昔

巴比倫王尼布甲尼撒、擄猶大王約雅金子約雅斤及猶大耶路撒冷諸世職、自耶路撒冷、至巴比倫時、不取柱、與盤、及座、暨所遺邑內諸器皿、今我萬有之主、以色列族之上帝耶和華言、我之殿宇、及猶大王宮、以及耶路撒冷邑所遺之器皿、俱必遷於巴比倫、待我眷顧斯民之日、我則使人負載、返於斯土。

第二十八章 猶大王西底家四年、五月、基遍人押說子、先知哈拿尼亞、在耶和華殿、祭司庶民前、告耶利米曰、萬有之主、以色列族之上帝耶和華云、我已折巴比倫王之軛、昔巴比倫王尼布甲尼撒、遷我殿之器皿、自斯邑至巴比倫、若二載之期已屆、我必返之於故土、耶和華又曰、昔猶大王約雅金子約雅斤、及猶大庶民、被擄至巴比倫、今我必返之斯土、蓋我已折巴比倫王之軛、先知耶利米、在耶和華殿、當祭司庶民前、告先知哈拿尼亞曰、誠心所願、我望耶和華所行、一如爾言、其殿中之器皿、所擄之人民、自巴比倫返於斯土、然我有言告爾、以及庶民、爾其諦聽、粵稽古昔、爾我之前、有先知、或言衆國大邦、必遇戰鬥、遘災害、罹疫癘、或言民得平康、苟其言有驗、則知其爲耶和華所遣、先知耶利米、懸軛於項、先知哈拿尼亞、爲彼折之、告衆民曰、耶和華云、二年之內、巴比倫王尼布甲尼撒之軛、我必折之、勿許列邦供其役事、先知耶利米不置辨而去、先知哈拿尼亞、旣折先知耶利米項上之軛、耶和華諭耶利米曰、爾以我命、往告哈拿尼亞云、所折者木軛也、必作鐵軛以代之、蓋我萬有之主、以色列族之上帝耶和華云、我以鐵軛、置於列邦、使彼服事巴比倫王尼布甲尼撒、亦使野獸供其服役、先知耶利米告先知哈拿尼亞曰、哈拿尼亞尙其

聽之哉。耶和華未嘗遺爾，乃爾播傳誕妄，俾民信從。故耶和華曰：爾既教民，逆于所命，故爾死期必在今年，不留於世。是年七月，先知哈拿尼亞卒。

第十九章 尼布甲尼撒擄諸長老、祭司、先知、庶民，自耶路撒冷，至巴比倫。亦擄約雅斤王與后，以及宦豎，暨猶大耶路撒冷方伯、木工、鐵工，自耶路撒冷去。時猶大王西底家使沙番子以利亞薩、希勒家子其馬哩，往巴比倫覲尼布甲尼撒王。先知耶利米托彼寄書一函，自耶路撒冷達被擄之人。書曰：萬有之主以色列族之上帝耶和華告諸俘囚，惟爾俘囚，既遭遷徙，自耶路撒冷，至巴比倫，我使之然。汝當建屋以棲身，栽園而食果，娶妻室，育子女，子則娶媳，女則適人，可生子孫，以致繁衍，其數不減。子俾爾爲俘囚，至於斯邑，汝當求子，錫斯邑以平康。蓋斯邑綏安，爾亦得享萬有之主以色列族之上帝耶和華曰：勿爲爾中之先知及卜筮所惑，占夢之言，亦勿聽從。我耶和華未嘗遺彼，彼藉我名，所言誕妄。耶和華曰：爾居巴比倫，歷七十年，厥後我眷顧爾，應我所許，使爾得歸故土。耶和華又云：子待爾將若何，子自知之。欲錫平康，不加災害，終有可望。爾禱告子，當祈求不輟，我必俯聞。倘爾一心求子，則必可得。耶和華又曰：我左右爾，返爾俘囚，昔我驅爾於列國，散爾於四方，後必撫集之。俾歸故土。爾既曰：耶和華在巴比倫，振興先知，以訓迪子。凡繼大闢爲王，與斯邑之居民，未被俘囚者，萬有之主耶和華曾言之曰：我必罰之，戮以鋒刃，降以饑饉，斃以疫癘，視若劣菓，不堪適口。既以斯三者降罰其身，又必徙於天下萬邦，受人咒詛，不勝駭異。爲人凌侮，時聞怨聲。我數遣僕先知，訓迪有衆，惟彼不聽我言，與爾無異。故我罰之若此。自耶路

撒冷至巴比倫爲我所遷徙，使爲俘囚者，宜聽我言。我萬有之主，以色列族之上帝耶和華曰：有哥賴亞子亞哈馬西雅子西底家，藉我名以惑衆，我必付之於巴比倫王尼布甲尼撒手，俾就殺戮，爾目覩焉。厥後猶大之民，俘囚於巴比倫者，凡咒詛必指斯二人爲口實，曰：願耶和華使子敵人，若西底家亞哈爲巴比倫王炙之以火，因彼作惡於以色列族，淫人婦女，又藉我名，誘惑民人，違子所命，我耶和華鑒察之矣。當告尼希蘭人示罵雅云：萬有之主，以色列族之上帝耶和華云：爾曾書達耶路撒冷居民，與馬西雅子祭司西番雅及衆祭司，書曰：耶和華俾爾爲祭司，以代約何耶大兼在耶和華殿爲督，凡狂妄者流，自稱爲先知，俾爾執之，囚之於獄，加以桎梏。今亞拿突人耶利米自稱爲先知，爾曷弗督責焉。蓋耶利米曾致書至巴比倫，告子曰：時日尙久，當建室以棲身，栽園而食菓。祭司西番雅於先知耶利米前，展讀是書。耶和華諭耶利米曰：爾當致書告諸俘囚者曰：尼希蘭人示罵雅子耶和華未之遣也。彼傳言以惑衆，故我云：必罰之。爰及苗裔，彼使人違我，故我錫福於斯民，彼不得享，彼之子孫，必絕滅於民間。

以色列族之上帝耶和華諭耶利米曰：我所告爾者，筆之於書。耶和華曰：時日將至，我必返以色列猶大之俘囚，復歸我所錫其祖之地，據而有之。耶和華以以色列猶大之事實曰：惟聞戰慄恐懼之聲，不聞歡樂之聲。男子產育，未之有也。今見男子手捧腹，色乍青，若將產之婦，誠何故與。嗚呼大難之日將屆，無可比擬。雅各家罹災禍，後必獲救。萬有之主耶和華曰：予當斯時，將折懸項之甌，斷其繫維，不許異邦人役爾。爾所崇事者，惟上帝耶和華，及我所振興夫繼大關。

爲君者。耶和華又曰。我僕雅各家以色列族。勿懼。我拯救爾。爰及苗裔。使雅各家來自遠方。脫於俘囚。將歸故土。俱享平康。不受恐喝。耶和華又曰。我左右爾。拯救爾。我昔散爾於列邦。盡滅列邦。而爾不盡滅。乃我降災。責爾獨寬。耶和華又曰。爾創傷未痊。殘缺未醫。無人察視。裏其傷痕。敷以良藥。雖有良朋。棄爾弗顧。因爾衆愆尤屢蹈。故我加爾以重傷。罰爾以嚴酷。爾既遭難。何哭泣若此。因爾咎戾衆多。故予責爾。傷殘殊甚。厥後噬爾者將見嚙。敵爾者將被虜。劫爾者將被盜。攫爾者將見奪。耶和華又曰。維爾郇邑。昔雖棄之如遺。無人眷顧。我必醫爾。使得痊可。耶和華又曰。雅各幕見虜。余將返之。矜憫其宅。城邑雖成瓦礫。必復建造。宮闕雖已荒圯。必復其初。揄揚權卞之聲。由是而起。我使之繁衍。不復減損。顯其尊榮。不復衰微。子孫之盛。仍如往昔。其會衆立於我前。凡虐遇之者。我必降罰。耶和華又曰。其長者牧伯悉屬猶大。凡盡心求我者。我必使之進於前。爲我僕從。爾將爲我民。我爲爾上帝。惟我震怒。使風驟起。飄搖震撼。罰彼惡徒。我志未成。則怒不息。時至自知。○第三十一章 耶和華曰。當斯之時。我爲以色列族之上帝。彼爲我民。耶和華又曰。以色列族免鋒刃。遜於荒。沾我鴻恩。歸於福地。民曰。昔耶和華顯現示我曰。我永愛爾。施爾以恒忍。耶和華又曰。我必復建以色列國。譬彼處女。執轂相從。舞蹈而出。忻喜權卞。在撒馬利亞山。爾可栽葡萄樹。園丁治之。以供食品。時日將至。在以法蓮山之邏卒。將呼爾云。爾曹當起。登彼郇山。觀我上帝耶和華。耶和華曰。爾居大邦。緣雅各家權卞。大聲而呼。揄揚弗絕。播告曰。以色列族之遺民。蒙耶和華拯救。我導之自北方。集之自地極。凡瞽者。跛者。及懷妊育子之人。莫不羣至。彼爲我

所導必哭泣禱告而來。我爲以色列族之父。以法蓮人爲余冢子。我使彼履道坦坦。行於溪畔。無虞顛趾。耶和華之言異邦人宜聽之。復播揚於遠島之民。云昔散以色列族者。今必聚而守之。如牧者守羣畜焉。蓋耶和華救雅各家。免爲強暴所害。使登耶山。聚會謳歌。因沐耶和華恩膏。有麥。有酒。有油。牛羊肥嫩。譬彼園圃。源泉不竭。欣喜懽懽。不復喪膽。男女老幼。靡不踴躍。隨在懽欣。蓋我使人轉憂爲喜。破愁爲樂。後加慰藉。我使祭司甘旨餼心。維彼庶民。沾子深恩。沐子厚惠。耶和華曰。在拉馬聞悲泣。哀哭。重憂之聲。拉結氏哭子。以無存故。而不納慰。耶和華曰。毋號哭。毋出涕。蓋爾子必返自敵國。產育之苦。終必得甘。耶和華又曰。爾之終身。深可冀望。爾子將歸故土。我聞以法蓮哭曰。昔子如放逸之犢。爾督責子。而我受責。爾耶和華乃我之上帝。俾我悛改。我既悛改。悔於厥衷。我既受教。擊髀浩嘆。幼時已干罪戾。既長。更負愆尤。含羞抱愧。無地可容。耶和華曰。以法蓮。豈非我之赤子。我所眷愛者哉。子責之。輒生憐念。子矜憫爲懷。復加以撫恤。以色列族與當樹表立柱。以定趨向。思往轍返故邑。違逆之女。行止靡定。伊於胡底。女勝男子。世所罕聞。我耶和華將使之然。萬有之主。以色列族之上帝耶和華曰。我既釋猶大俘囚。則在諸邑中。人必曰。維彼義室。維彼聖山。願耶和華錫以純嘏。在猶大郊邑。必有農夫。牧豎。雜處其間。蓋其力困憊。其心殷憂者。我必使之果腹安居。耶利米既寤。回思睡鄉甚樂。耶和華曰。時日將至。我必使猶大族以色列家。生齒蕃衍。羣畜孳息。昔子曾專我心。思滅其邦國。毀其根株。屢降災害。今子亦必專我心。思建造之。栽植之焉。當斯之時。人不復曰。父食酸菓。而子齒酸。人各因其罪。以致死亡。凡食酸菓。其

齒覺酸。耶和華曰：時日伊邇，我與以色列族猶大家將立新約。昔我佑厥祖，導出埃及，與之立約，爲彼所爽。我擯之弗顧，今復立約，必不若是。我必與以色列族共立新約，我將以我律法置其衷，銘其心。我爲彼上帝，彼爲我民。耶和華曰：彼毋需誨其兄弟隣里，使識耶和華，蓋自尊逮卑，莫不知子。我將赦其罪，不錄其愆。耶和華書使日華照燦，夜使星月交輝，永定其例。海水澎湃，叱之使靜。厥名萬有之主耶和華。耶和華曰：如此定例可廢，則以色列族亦可爲我所廢，不爲邦國。歷世弗易。耶和華又曰：如穹蒼可度，大地可測，則我念以色列族所爲，必棄之如遺。耶和華又曰：時日將至，我邑垣必復建，自哈拿業戍樓，至邑隅之門。是門之前，準平繩直，及伽立崗，繞至峨亞棄尸之谷，置灰之所，暨諸田疇，至汲淪溪，又至東方，及馬門之隅，俱爲聖地，以奉事予，不拔其根，毀其基，歷世弗替。

第三十三章 猶大王西底家十年，卽尼布甲尼撒王十八年，耶利米奉耶和華命。當時巴比倫王帥師圍耶路撒冷，先知耶利米幽於外獄。在猶大王宮側，蓋耶利米曾曰：耶和華云：我將付此城於巴比倫王，使彼取之。猶大王西底家不能脫於迦勒底人手，必解至巴比倫王前，詰問研究。曳至巴比倫，居彼待我。耶和華眷顧之，爾曹雖戰巴比倫軍，必不獲利。西底家王聞之，怒其言不利，故下之於獄。耶和華諭耶利米曰：爾叔沙龍之子哈拿滅將至，請爾贖其田疇。斯田在亞拿突邑，所當贖者，惟爾一人。未幾，我叔之子哈拿滅至外獄見我，應耶和華言，彼謂我曰：便雅憫地亞拿突邑，我有田畝，所當贖者，惟爾一人，請爲我贖之。業可歸爾，我聽此，知耶和華所使，遂贖叔子哈

拿滅之田，在亞拿突邑，計金八兩有半。我書於簡，印之，使人爲證，權金與之。循例簡必有二，其一緘以印，其一則否。我取之，子馬西雅孫，尼利亞子巴錄，我叔之子哈拿滅親見之，書名於簡之證人，及外獄之猶大人，靡不目覩。我於衆前，告巴錄曰：萬有之主，以色列族之上帝耶和華曰：贖田有二簡爲證，其一緘以印，其一則否，爾取之，藏於瓦器，存之至久。蓋我萬有之主，以色列族之上帝耶和華曰：人返斯土，其宅第園囿田疇，可以復得。我以鬻田之簡，遞於尼利亞子巴錄。後禱耶和華曰：主耶和華與爾，以巨能大力，肇造天地，詎有難行之事。善者福之，至于百世，惡者禍之，自父及子，皇矣上帝，厥名萬有之主耶和華。主之經綸，奇而難名，主之智慧，大而莫測。鑒察斯人，視其所爲，而加賞罰。昔在埃及，屢行異蹟，使以色列族及異邦人，無不目覩。播揚爾名，至於今日。爾施巨能，展大力，著異蹟，行奇事，俾衆畏懼，救爾民以色列族，出於埃及。昔汝曾與列祖發誓，以產乳與蜜之地，予厥子孫，彼據而得之，不遵爾命令，不守爾律例，凡爾有命，彼不遵循，故爾降以禍災。今敵築壘，勢甚危迫，攻城殆破，斯邑之人，戮以鋒刃，因以饑饉，重以疫癘，迦勒底人遂取邑垣。爾言有應，爾實鑒之。耶和華上帝與，是邑旣爲迦勒底人所取，乃命我贖田疇，償之以金，使人作證。何耶和華諭耶利米曰：我乃億兆之上帝耶和華，詎有難行之事。耶和華又曰：我必以斯邑付於巴比倫王尼布甲尼撒，及迦勒底人手，攻陷斯邑而燬之。昔斯邑之民，曾在樓巔焚香，以奉巴力，灌奠以事他上帝，于我震怒，故火焚其樓。耶和華又曰：以色列族及猶大家，肇造邦國以來，作惡不悛，造諸偶像，于子震怒，自建此城，以迄今日。斯民也，于子震怒，我退棄之。以色列族猶大

家爰及耶路撒冷居民與厥王公祭司先知惟惡是作櫻子忿懣彼退縮不前我則誨之諄諄彼則聽我藐藐以可惡之物置於我室顧我名之所加以污穢在便欣嫩谷築巴力崇邱焚子女於火以奉魔洛此我所嚴禁所痛疾彼所作不端使猶大人陷於罪戾爾嘗言斯邑之民戮以鋒刃因以饑饉重以疫癘爲巴比倫王所取惟我以色列族之上帝昔我忿怒震烈散民於列邦今我必撫集之使歸故土安居無虞彼必爲我民我必爲其上帝我必使之道同志合共寅畏予以微福禮爰及子孫我與之立約使彼寅畏不違逆子我必不遐棄厥裔惟降福祉永世弗替我必專心致志樂賜洪福使恒居斯土耶和華曰我於民間既降以甚巨之災必錫以所許之福爾恒言斯土爲迦勒底人所取變爲荒蕪居民野獸不得居處惟我耶和華曰在便雅憫地耶路撒冷四周猶大諸邑山谷諸邑南方諸邑人將鬻田償之以金書之於簡鈐之以印使人爲證蓋我必返其俘囚俾歸故土

第二十三章時耶利米猶在外獄耶和華復命之曰作之者我定之者我我名耶和華爾顧我我必應示以經綸神妙莫測爾所未聞以色列族之上帝耶和華曰斯民作惡于我震怒我遐棄之使迦勒底人攻擊斯邑築高壘用器械毀猶大王宮殿庶人宅第殺戮其民尸相枕藉今我醫爾使得痊可加以平康踐我前言我將返猶大家以色列族之俘囚復建邦國與昔無異彼犯我屢矣惟我將潔其罪惡赦厥愆尤天下億兆聞我降福於斯民恒錫亨通必忻喜權杖揄揚我名戰慄寅畏耶和華曰爾曹常言猶大諸邑耶路撒冷遶衢變爲荒蕪居民野獸不能安處惟我耶和

華曰，在斯土將復聞懼怵之聲，新娶者與新婦之音，必有人言，萬有之主耶和華當頌美之，蓋耶和華無不善，矜憫恒懷，斯民也，頌美弗輟，而獻祭品，入於我殿，蓋我必返其俘囚，使納綏祉，與昔無異，萬有之主耶和華曰，斯土諸邑，今變荒蕪，居民走獸，不得安處，將有牧場，維彼羣羊，或寢或訛，耶和華又曰，在山谷諸邑，南方諸邑，便雅憫地，耶路撒冷四周，猶大諸邑，羣羊必為牧者所守，耶和華又曰，我許以色列族猶大家之福，時至必有效驗，當斯之時，必使仁義者興，長若枝柯，繼大關為王，秉公行義於天下，是時猶大家獲救，耶路撒冷人安居，王之名曰，耶和華，大施仁義，以拯我躬，遂以耶路撒冷為都，耶和華又曰，大關必有後，踐以色列國位，祭司利未人，未嘗乏人，常獻燔祭禮物於我前，耶和華諭耶利米曰，我已立約，晝夜不失其時，如此約可廢，則我與僕大關約，言必有後，以踐國位，及我與利未人祭司約，言不乏人，以服事我，斯約亦可廢，天象不可測，海沙不能度，我僕大關之裔，及服事我之利未人，必使繁衍，亦若是，耶和華諭耶利米曰，爾聞人言，昔耶和華所選之二族，今退棄之，於是人藐視我民，不以為邦國，惟我曰，我與晝夜立約，必不爽之，我定天地之例，必不廢之，則雅各家及我僕大關，豈可棄之如遺，必簡其子孫，使治亞伯拉罕，以撒，雅各後裔，蓋我必矜恤之，返其俘囚。

第十四章 巴比倫王尼布甲尼撒率其軍旅，及屬國人民，攻耶路撒冷，與四周諸邑，時以色列族之上帝耶和華諭耶利米曰，當觀猶大王西底家，傳我命云，我將付斯邑於巴比倫王手，使其焚燬，爾必不得免，為人所執，解至巴比倫王前，詰問研究，被逮至巴比倫，然爾猶大王西底家，宜

聽我耶和華之言，我有定命，爾必不亡於刃，爾將死於安樂，爾之列祖先王易贊之時，人蘇芬芳之品，哭曰：哀哉我主，爾逝世，人焚香哭爾，亦若是。我耶和華已言之矣。巴比倫王之軍旅攻耶路撒冷，亦攻拉吉亞西加，猶大國所未下之城垣，斯時也。猶大王西底家駐蹕於耶路撒冷，先知耶利米以斯言告西底家王，與耶路撒冷民約，勿使我猶大國百姓供其役事，凡得希百來男女為僕婢者，當釋之。方伯庶民既立，當釋僕婢，毋使供役之約，皆從之。既而悔所釋之僕婢，仍使服事，故耶和華使耶利米傳命曰：以色列族之上帝耶和華云：昔爾祖在埃及為人服役，我導之出，與之立約，曰：如購爾同族，希百來人為僕，事爾六年，既屆七年，例當釋之，然我有言，爾祖不傾耳以聽。今爾曹悛改，行善於我前，於籲我名之室，共立盟約，釋諸同儕，厥後爾曹易其素志，瀆我聖名，所釋之僕婢，仍使供役，故耶和華曰：我有所命，爾不聽從，同儕同族，爾不縱之，則我必縱鋒刃以戮爾，縱饑饉以斃爾，縱疫癘以亡爾，散爾於列邦。昔猶大耶路撒冷方伯宦豎，祭司庶民，宰犢而中判之，由其中以過立盟約於我前，厥後復淪此盟，不踐其言，我必付之於敵手，將殲其生命，飛鳥走獸食其尸骸。猶大王西底家及其牧伯，我必付之於敵手，殲滅其生命，巴比倫王之軍旅，雖去爾而他往，我將命之復至，攻城而取之，焚之以火，使猶大諸邑荒蕪，無人居處。

當猶大王約西亞子約雅金之時，耶和華諭耶利米云：宜往哩甲家，使彼詣我殿，而登樓飲之以酒。我於是攜哈巴洗尼孫、雅利米子耶沙尼及其昆弟子孫，與哩甲全家詣耶和華殿，登上帝僕益大利子哈難之樓，樓之側為牧伯之室，樓之下為閽者沙龍子馬西雅之室。我以

魯噶威酒，置於哩甲子孫前，而勸之飲。彼曰：我儕不飲，蓋我祖哩甲子約拿撻，禁子曰：爾及子孫，勿飲酒。歷世弗易。勿建屋，勿播種，勿栽葡萄園。據而有之，畢生居於帷幕，則在羈旅之地，可享遐齡。我祖哩甲子約拿撻所命，我與妻室子女，終身謹守，不敢嗜酒，不建屋以居，無葡萄園，無田疇，無百種，惟居帷幕，以遵我祖約拿撻之命。適巴比倫王尼布甲尼撒來攻斯土，我儕曰：恐迦勒底人、亞蘭人之軍旅害我，故當入耶路撒冷。於是我至耶路撒冷居焉。萬有之主以色列族之上帝耶和華諭耶利米曰：宜往告猶大家及耶路撒冷居民云：耶和華曰：何不受教聽從我命？哩甲子約拿撻命其子孫勿飲酒，子孫聽從，彼遵父命，迄今不飲。我誨爾曹，諄諄不已，惟爾不聽。我數遣僕先知告爾云：當改爾惡行，革爾非心，勿崇事他上帝，則可於我賜爾祖及爾之地安居無虞。然爾不傾耳以聽。哩甲子約拿撻之子孫遵父遺命，斯民乃不聽從子。我萬有之主以色列族之上帝耶和華曰：猶大家耶路撒冷居民，我命之而彼不聽，我召之而彼不應，故我有言降以災患，臨於其身，終必若是。耶利米告哩甲家曰：萬有之主以色列族之上帝耶和華曰：因爾遵父約拿撻之命，守其誠，聽其令，故哩甲子約拿撻必不乏人，侍我左右，歷世弗替。

猶大王約西亞子約雅金四年，耶和華諭耶利米曰：自約西亞之時，迄於今日，我所告爾，論以色列猶大與衆國之語，爾當取卷書之於上，庶幾猶大人民聞我降災，改厥惡行，望我赦宥。耶利米召尼利亞子巴錄至，巴錄以耶利米所傳耶和華之語書之於卷。耶利米告巴錄曰：我囚於獄，不能詣耶和華殿，禁食之日，猶大國人自衆邑詣耶和華殿，爾當以我所傳耶和華之

命書之於卷者，誦於民前。耶和華震怒，言欲降災於斯民。庶幾斯民悔改惡行，求耶和華恩焉。尼利亞子巴錄悉遵先知耶利米所諭，在耶和華殿誦卷中之語。猶大王約西亞子約雅金五年九月，耶路撒冷居民及來自猶大諸邑，至耶路撒冷者，播告於衆。當在耶和華前禁食時，巴錄詣耶和華殿，入繕寫沙番子其馬哩室，在上院新門之側，以所書耶利米言朗誦之，俾民咸聽。沙番孫其馬哩子米該雅聽書所載耶和華之言，則詣王宮，入繕寫之室，見繕寫以利沙馬，示馬雅子地來雅，亞革破子利拿單，沙番子其馬哩，哈拿尼亞子西底家，諸牧伯咸坐於彼。米該雅以巴錄誦書，庶民咸聽之事，告諸牧伯。遣古示曾孫示利米孫尼大尼子猶底詣巴錄，所告之曰：以爾所誦之卷，攜之以至。尼利亞子巴錄執卷而至，衆曰：坐，爾朗誦之，俾我諦聽。巴錄誦之，衆聽畢，驚訝不已。告巴錄曰：我必以斯言奏王，又詰之云：爾所書之言，果彼所述否？明以告我。巴錄曰：斯言也，彼誠述之。我筆之於書。諸牧伯告巴錄曰：爾與耶利米宜遁於僻地，勿俾人知。諸牧伯藏其卷於繕寫以利沙馬之室，入朝覲王，以斯言奏之。王遣猶底取卷以至，遂取之於繕寫以利沙馬室，誦於王前。諸牧伯侍側，時屆九月，王坐禦寒之宮，前有爐火。猶底誦三四篇，遂以削簡之刀割之，投之於爐，全卷悉焚。王臣雖聽所誦之言，不知警，不裂衣。利拿單地來雅其馬哩諫王，勿焚，王弗聽。王使哈米勒子耶喇滅押列子西勒亞押鐵子示利米執繕寫巴錄，先知耶利米而賴耶和華祕匿之。巴錄以耶利米言書於卷，既爲王所焚，耶和華諭耶利米曰：猶大王約雅金既焚斯卷，爾當復取一卷，如前所言錄之。奏猶大王約雅金曰：耶和華云：卷中有言巴比倫王必至，翦滅斯國，人民

野獸不得安居，爾不悅斯言，火焚其卷，故耶和華論猶大王約雅金云：雖有後嗣，不得繼大闢之位，棄尸於外，晝暴之夜，寒之。我必罰其罪，爰及子孫。臣僕昔于有言，欲降災於耶路撒冷居民，猶大國人，而彼弗顧，今必使災速至。昔書一卷，爲猶大王約雅金所焚，耶利米復取一卷，昇繕寫尼利亞子巴錄，使書耶利米諸言，一如疇昔，更增言詞，其義畧同。

第三十七章 巴比倫王尼布甲尼撒立約西亞子西底家爲王於猶大，以代約雅金子約雅斤。耶利米傳耶和華之言，王臣庶民咸不聽從。西底家王遣示利米子猶甲與祭司馬西雅子西番雅至耶利米，請曰：我之上帝耶和華，爾其代予祈求。耶利米未下獄，猶與民往來，迦勒底人圍耶路撒冷，聞法老軍旅自埃及而至，遂撤圍。耶和華諭耶利米曰：以色列族之上帝耶和華云：猶大王既遣爾，諮諏於我，爾當告之曰：法老之軍旅雖來輔翼，終歸埃及。迦勒底人必復至，攻陷斯邑，取而焚之。耶和華又曰：勿自欺云。迦勒底人將去，蓋彼無去志。浸假攻爾之迦勒底人，爲爾所擊，其軍中惟遺被傷之卒，偃於幕下，亦能起，燬斯邑。迦勒底軍既懼法老撤圍而去，耶利米欲離耶路撒冷，往便雅憫地，恢復舊業，適出便雅憫門，關長哈拿尼亞孫示利米子以哩雅執之曰：爾欲投迦勒底人乎？耶利米曰：否。迦勒底人我安肯降之？以哩雅不聽，仍執耶利米，解至牧伯。牧伯怒，撻耶利米，在繕寫約拿單之室，有囹圄幽之於彼。耶利米下獄，囚於蠶室，居彼日久，西底家召之出獄，令潛入其宮，問曰：耶和華有所命乎？耶利米曰：有，爾必解於巴比倫。王手耶利米又奏西底家王曰：我未嘗得罪於王臣百姓，下我於獄曷故？爾之先知預言巴比倫王必不攻爾，侵伐斯土。

今安在哉。請我主我王俯聽我求，勿使我復入繕寫約拿單之室，恐入則死。西底家王命人幽耶利米於外獄，曰：於烘餅街取餅一方，與之食。邑中餅盡，然後已。於是耶利米居於外獄。

第二十八章 馬坦子示法提亞巴述子其大利示利米子猶甲馬勒家子巴述聞耶利米言，傳述

於衆，其言曰：仍居邑中者，必戮以鋒刃，因以饑饉重以疫癘，惟出邑歸誠迦勒底人者，生命可保。耶和華又曰：此邑必付於巴比倫王手，使彼帥師取之。諸牧伯奏王曰：斯人所言，邑中武士百姓無不喪膽，以若所云於民不利，可殺之。西底家王曰：權操諸爾，王莫能禦焉。衆乃執耶利米，解於外獄。哈米勒子馬勒家室有井，以繩縋之下，井無水，惟有淤泥。耶利米遂淖於泥中。王宮內暨古實人以伯米勒聞人縋耶利米下井，知王坐於便雅憫門，則出宮覲王曰：我王與我主與有人作不端，下先知耶利米於窖井，在邑內食且無餅，况在井中，有不饑而死乎。王諭古實人以伯米勒曰：當召三十人，乘先知耶利米未死，出之於井。以伯米勒率衆入王宮，於府庫中取布之舊且敝者，繫之以繩，縋於井中，至耶利米所，告之曰：以舊且敝之布裹此二繩，置於腋下。耶利米如言而行。於是人以繩曳耶利米出之於井，使居外獄。西底家王遣人召先知耶利米至，耶和華殿第三院詰之曰：我有一言問爾，必毋隱。耶利米奏西底家王曰：我告爾，爾必殺子，勸爾，爾必不聽。西底家王私誓謂耶利米曰：我指賜我生命之耶和華而誓，必不殺爾，不付爾於敵手。耶利米乃奏西底家曰：萬有之主，以色列族之上帝耶和華云：如爾出邑歸誠巴比倫王牧伯，則爾一家生命可保。斯邑不遭焚燬，不然，迦勒底人必焚此城，爾亦不能脫於其手。西底家王告耶利米曰：猶大人

已先歸誠於迦勒底人，我甚恐，若彼委我於猶大人，使凌辱子，則奈何。耶利米曰：迦勒底人必不委爾於彼，惟我所傳耶和華之命，爾其聽從，則可保生命，而納福祉。如爾不出，則耶和華所示之言，更爲王誦之。猶大王宮所遺之女，必曳之出，至巴比倫。王牧伯所，此女必訕爾云：爾之良朋誘爾，爾受其欺，見爾陷阱，不顧而逃。人將曳爾妻子，見迦勒底人，爾亦不能脫其手，必爲巴比倫王所獲，斯邑必焚以火，皆爾自取。西底家王謂耶利米曰：毋以斯言示人，則可不死。浸假牧伯聞我與爾言，來詰爾曰：爾所奏於王，王所語爾者，其言若何，明以告我，毋隱，則我不殺爾。爾可答之曰：我求王勿使我復入約拿單之室，恐死於彼。諸牧伯至耶利米所，問之。耶利米遵王所命而答，事竟不洩。厥後耶路撒冷被陷之日，時耶利米猶在外獄。

猶大王西底家九年十月，巴比倫王尼布甲尼撒帥師圍耶路撒冷。十一年四月九日，取之。巴比倫王之牧伯，尼甲沙利泄，三甲尼破，宦官長撒西金，博士長尼甲沙哩設，又有王之牧伯數人，咸至坐於中門。猶大王西底家與諸武士見此，則賁夜逃遁，有途近於王園，有門在於二垣之間，由此以出，望平原而去。迦勒底人帥師追及之，於耶利哥平原，執之，解至哈末地，立拉以見巴比倫王尼布甲尼撒，請彼定擬。巴比倫王在立拉，殺西底家之子，使之目覩。猶大之家亦遭誅殄，抉西底家之目，繫以銅索，被逮於巴比倫。王宮民室，悉爲迦勒底人所燬。墮耶路撒冷城垣，侍衛長尼布撒喇担，虜邑遺民，以及歸誠之卒，悉至巴比倫。其尙留於猶大者，惟貧乏之民而已，賜之以葡萄園田畝。巴比倫王尼布甲尼撒，以耶利米托之侍衛長尼布撒喇担，諭之曰：

爾眷顧之，斷勿加害，惟視其所欲而施之焉。侍衛長尼布撒喇担宦官長尼布殺班、博士長尼甲沙哩設與巴比倫王諸牧伯遣人至外獄，召耶利米使與沙番、孫亞希甘子其大利同歸。故土居於民間。耶利米猶在外獄之時，耶和華諭之曰：「往告古實人，以伯米勒云：『萬有之主以色列族之上帝耶和華云：我言降災於斯邑，必有效驗，俾爾目覩。惟我耶和華必拯救爾，不付於敵手。爾惟我是賴，我手援爾，救爾生命，免於鋒刃。我耶和華已言之矣。』」

猶大國人耶路撒冷居民被擄至巴比倫時，耶利米縲紲雜衆中，至拉馬。侍衛長尼布撒喇担釋之，厥後耶和華使耶利米以所遇之事臚陳如左。侍衛長告耶利米曰：「昔爾曹負罪，干犯耶和華，不遵其命，爾之上帝耶和華言必降災於斯土，今一如其言，爾曹遇難其驗也。我今解爾手桎，如爾欲偕我往巴比倫，我必眷顧爾，如爾不欲，何處無地，隨意可居。耶利米未及答，侍衛長又曰：「巴比倫王封沙番、孫亞希甘子其大利爲猶大諸邑方伯，爾可歸之，與民偕居，否則任意而往，侍衛長饋以餼糧禮物，任其所之。耶利米往密士巴，見亞希甘子其大利，與遺民同居。武士長與潰卒逃於平原，聞巴比倫王封亞希甘子其大利爲方伯，以未徙巴比倫之男女幼稚貧乏來歸，尼大尼子以實馬利、迦哩亞二子、約哈難、約拿單、爰及單戶滅子西勒亞與尼陀法人以匪諸子、馬迦人子耶沙尼，率衆至密士巴，見亞希甘子其大利。沙番、孫亞希甘子其大利與之發誓，曰：「爾曹服事迦勒底人，亦歸誠巴比倫王，則勿驚懼，可居斯土，而亨通。我駐密士巴，奉迦勒底人命，爾當釀酒，製油，斂夏時之菓，藏之於器，在所得之邑安居無虞。在摩押、亞捫，以東諸邑之猶大

人聞巴比倫王遺猶大人國民數人，使沙番孫亞希甘子其大利爲方伯。則自所驅之處返其故國至密士巴，見其大利釀酒斂菓不可勝計。迦哩亞子約哈難至密士巴，平原之武士長亦至，見其大利告之曰：亞捫王巴勒士遣尼大尼子以實馬利殺爾，爾猶不知乎？亞希甘子其大利弗信。迦哩亞子約哈難在密士巴私語其大利曰：容我往殺尼大尼子以實馬利，必無知之者，何可待其殺己，使歸爾之猶大人四散，猶大之遺民亦亡。亞希甘子其大利告迦哩亞子約哈難曰：爾言以實馬利之事出於妄誕，必不可行。

七月宗室以利沙馬孫尼大尼子以實馬利與王臣十人至密士巴，見亞希甘子其大利設宴待之。以實馬利與同至十人偕起，各持利刃於席間擊其大利殺之。斯人也，巴比倫王所立爲方伯者在密士巴，從其大利之猶大人及迦勒底人、武士悉被以實馬利所殺。既殺其大利，無人知之。詰旦有八十人自示僉示羅撒馬利亞而至，蓬髮裂衣，自毀其身，攜香品禮物欲詣耶和華殿遺址。尼大尼子以實馬利哭泣於途，出密士巴境迎之曰：請爾來見亞希甘子其大利。既至邑中，尼大尼子以實馬利率衆殺之，投尸於井。其中有十人告以實馬利曰：我有麩麥小麥、油與蜜藏於田，毋殺子。於是釋之，不與同儕就戮。昔亞撒王懼以色列王巴沙鑿井以備不虞，今尼大尼子以實馬利殺其大利衆，投尸於井，在密士巴遺民及公主侍衛長尼布撒喇担所托亞希甘子其大利者，尼大尼子以實馬利虜之，欲投亞捫。迦哩亞子約哈難與武士長聞尼大尼子以實馬利所作之事，則率衆欲與之戰，遇之於基遍大川之濱。以實馬利自密士巴所擄之民見

迦哩亞子約哈難與武士長則喜盡歸誠之惟尼大尼子以實馬利與從者八人脫約哈難反於亞捫尼大尼子以實馬利既殺亞希甘子其大利獲密士巴之民人武士婦女幼稚宦豎至基遍迦哩亞子約哈難與武士長取之以歸俱來金罕旅所近伯利恒之地欲往埃及蓋尼大尼子以實馬利既殺亞希甘子其大利巴比倫王所立爲方伯者故約哈難及僕從畏迦勒底人逃之他方。

第四十一 章 迦哩亞子約哈難何沙雅子耶散尼與武士長庶民自尊達卑告先知耶利米云我之庶民昔衆今寡爾所目覩請爾代我遺民祈爾之上帝耶和華示我當行之途當爲之事先知耶利米曰應爾所請我將祈爾之上帝耶和華凡耶和華所應者我必告爾一無所隱衆告耶利米曰凡爾之上帝耶和華命爾告我之事我必遵行望耶和華爲證今我請爾諮詢我之上帝耶和華彼所命者無論其得我心與否我必聽從望得亨通十日後耶和華復諭耶利米耶利米召迦哩亞子約哈難與武士長庶民由尊達卑告之曰爾曹遣我求以色列族之上帝耶和華今耶和華曰昔我降災今不復行如爾仍居於斯土我必建造爾栽植爾不毀爾邦國不拔爾根株耶和華又曰昔爾懼巴比倫王特甚今毋庸懼蓋我祐爾脫爾於其手我矜恤爾彼亦矜恤爾令爾安居故土惟爾曰我不居斯土不聽我上帝耶和華之命必往埃及恒居於彼不見戰鬪不聞角音不遇饑饉今我萬有之主耶和華以色列族之上帝告爾猶大遺民如爾定志必往埃及而居則爾所懼之鋒刃饑饉踵爾之後在埃及遇之令爾死亡凡定志必往埃及欲居於彼必遇鋒刃

饑饉、癘疫而亡。我既降災，必不得免。靡有孑遺。萬有之主，以色列族之上帝耶和華又曰：昔我震怒，降災於耶路撒冷居民。今爾欲居埃及，我必震怒，降災於爾。且爲人咒詛駭異，受人凌侮嗟訝，不得歸於故土。耶利米曰：爾曹猶大遺民，耶和華諭爾，勿往埃及。予今日告爾，爾尙其知之。昔爾請予代爾祈禱，爾之上帝耶和華言：凡我之上帝耶和華諭我，我必聽從。斯言也，非出乎誠心。我之上帝耶和華遣我諭爾，今日告爾，爾不聽從，必使爾於欲往居處之地，遇鋒刃、饑饉、疫癘而亡。爾當知之，無庸疑惑。

耶利米以上帝耶和華所遣諭民之事宣言既竟，何沙雅子亞薩哩亞、迦哩亞子約哈難及驕侈之士告耶利米曰：爾出言妄誕，我之上帝耶和華未嘗遣爾。告我云：勿往居埃及。爾爲尼利亞子巴錄所從，憑加害乎我。付我於迦勒底人手，或見殺，或被虜，至巴比倫。迦哩亞子約哈難與武士長庶民不聽耶和華命，不居猶大。率猶大遺民，乃昔驅至列邦而歸，欲居猶大地者。男女幼稚，公主，先知耶利米，尼利亞子巴錄，俱爲侍衛長尼布撒喇坦所托。沙番孫亞希甘子其大利者，咸至埃及。答比匿邑，遷耶和華命。耶利米在答比匿時，耶和華諭之曰：在答比匿邑，法老宮前有陶瓦之所，爾以大石藏之於土，使猶大人目覩，告之曰：萬有之主，以色列族之上帝耶和華云：我必使我僕巴比倫王尼布甲尼撒至此，置位張幕於藏石之所。既至，必擊埃及人，或亡於疾病，或戮於鋒刃，或被虜而去。我必使巴比倫王火埃及人，上帝之龕，或焚或遷，以埃及之榮歸於一己。如牧者衣衣，後必安然他往。埃及地伯示麥邑之偶像則毀之。埃及人上帝之殿則焚之。

第四十四章 有猶大人居於埃及之密魯答比匿、挪弗諸邑。八羅四境，耶利米奉萬有之主以色列族之上帝耶和華命，告之曰：我降災於耶路撒冷、猶大諸邑。今日彼地荒蕪，無人居處。爾所目覩，彼蹈愆尤，焚香服事他上帝，列祖與彼皆所未識。故于我震怒，我遣僕先知，誨爾諄諄不已。我所痛疾者，爾莫行之。彼不傾耳以聽，焚香服事他上帝，怙惡不悛。故我震怒，降災於猶大諸邑。耶路撒冷、遠衢，使之荒蕪傾圮。今日之事爲證。萬有之主以色列族之上帝耶和華曰：何爲蹈此罪愆，使猶大男女孩提，以及乳哺，爲我所絕。靡有孑遺。何爲於所居埃及之地，造作偶像，焚香奉事他上帝。于我震怒，爲我棄絕，爲列邦人咒詛、凌侮，皆由自取。昔於猶大國，耶路撒冷、遠衢，爾列祖作惡，猶大王與后亦然。爾與爾妻，更無不然。爾豈忘之乎。至於今日，爾猶不知實畏，不自怨艾。我所命列祖及爾之律例法度，不復遵從。故我萬有之主以色列族之上帝耶和華曰：我必罰汝，殲滅猶大族。凡猶大遺民，其志已定，往居埃及。我將滅之，自尊逮卑。戮以鋒刃，因以饑饉，爲人咒詛。駭異，受人凌侮，嗟謗。昔我罰耶路撒冷居民，戮之以鋒刃，因之以饑饉，重之以疫癘。我加刑乎居埃及者，亦若是。猶大遺民，思暫居埃及，而後圖歸，卒不可得。其獲返者數人而已。居埃及及八羅之猶大人，男女衆多，咸至耶利米所。中有男子，知婦女焚香服事他上帝，告耶利米曰：爾藉耶和華名，傳諭於我，我不聽從。我所欲者，我必爲之。昔我列祖王公，在猶大諸邑，耶路撒冷、遠衢，焚香灌奠，奉事天后。當時咸得果腹，所遇亨通，不遘患難。我不焚香灌奠，奉事天后，我則缺乏。又遇鋒刃饑饉而亡。諸婦女曰：昔我焚香灌奠，爲餅，以事天后，豈非我夫所許乎。耶利米告諸男女庶民曰：

爾列祖王公庶民爰及爾躬焚香於猶大諸邑耶路撒冷遶衛耶和華鑒察憶念之見爾作惡深堪痛疾不能復忍故使爾土荒蕪無人居處爲人詛咒駭異今日之事爲證然爾焚香獲罪於耶和華不聽命令不遵律例不守法度不奉禮儀故今遭殃耶和華又告庶民及衆婦女曰猶大衆人居埃及者宜聽耶和華言萬有之主以色列族之上帝耶和華云爾與婦女欲行之事已出於口曰我會發願焚香灌奠奉事天后必償我願必行所欲今爾曹宜聽我耶和華言我指己而誓必不使居埃及之猶大人崇事我稱我大名我意已定降災爾躬居埃及之猶大人使戮於鋒刃亡於饑饉滅之殆盡其得脫於鋒刃自埃及復歸猶大者寥寥無幾厥後猶大遺民欲往居埃及者必知所應何人之言彼與抑我與耶和華又曰我必罰爾使爾知我言必有效驗有兆堪徵我耶和華以埃及王法老哈拉付於敵手如前日我以猶大王西底家付於敵巴比倫王尼布甲尼撒手。

第四十六章 猶大王約西亞子約雅金四年尼利亞子巴錄以耶利米所言筆之於書厥後先知耶利米以以色列族上帝耶和華之言傳於巴錄曰爾常言嗚呼耶和華增我憂愁恐懼歎歎不獲平康惟我耶和華告爾曰昔予建造斯邦加以栽植後必殲滅拔其根株爾勿爲己圖維大事蓋我耶和華必降災於億兆惟爾隨在可往得救生命我使之然。

第四十七章 耶和華以列邦之事諭耶利米其言如左猶大王約西亞子約雅金四年埃及王法老尼哥帥師在百辣河濱迦基密邑爲巴比倫王尼布甲尼撒所敗先知耶利米以埃及軍國之

事奉耶和華命而錄其詞曰：千戈森列，臨陣戰鬪，駕馬列騎，戴冑而立，礪戈矛，著戎衣。耶和華曰：我觀其喪膽敗北，四周畏懼，武士戰北，逃遁維速，不顧其後。疾趨者不及逃遁，強猛者不能免難。在彼北方，百辣河濱，顛躓傾覆。彼之至也，勢若大河，波流洶湧，果爲誰與？埃及人至此，譬諸巨川。彼曰：我將汎濫於斯土，毀其邑，殲其民。維爾武士，駕車乘馬，馳驟而至。古實人、弗人，俱執干戈，路丁人善挽強弓。先知曰：今日萬有之主耶和華降災於敵，雪其夙忿，使之被戮於鋒刃，飲血若醉。蓋萬有之主耶和華在於北方，百辣河濱，大行誅殛。埃及人往基列求乳香藥品，雖多無益，必不得醫。爾受凌辱，號呼之聲聞於列國。蓋傑士顛躓，淪胥以亡。巴比倫王尼布甲尼撒將至，攻擊埃及。耶和華以是事告先知耶利米曰：當告埃及人，播揚斯言於蜜奪、挪弗、答比匿。云：當預爲備，屹立不動，四周之民，亡於鋒刃。爾之有能者，爲我耶和華所驅，不能禦敵，俱遭淹沒。羣衆傾覆，自相蹂躪。曰：莫若旋師返國，不遭強者殺戮。告埃及王法老云：戰鬪之事，不敢與會。萬有之主，耶和華曰：我指己而誓，敵至斯土，若山中有大泊，若海濱有加密，屹然峙立。挪弗、荒蕪，無人居處，旅於埃及者，必預爲備，恐見虜。埃及人若美犢，有災至自北方，彼以金募壯士，俱若肥牛。災害既臨，敗北而遁，不能禦敵。埃及人聲細若蛇，敵人帥師來攻，若樵夫執斧伐木。耶和華曰：彼雖衆多若蝗，不可勝數，亦當伐之，無異伐木。埃及人惶遽，爲北方之人所虜。萬有之主，以色列族之上帝耶和華曰：我必罰埃及之挪亞門，毀其上帝之像，誅王公法老，與凡恃法老之勢者，付之於敵。巴比倫王尼布甲尼撒及其僕之手，厥後埃及之地有人居處，與昔無異。我耶和華已言之矣。我僕雅各家。

以色列族勿懼，雖勝於遠方，我將救爾，使歸故土，得享平康，無人使爾恐懼。耶和華又曰：我僕雅各家毋畏，予左右爾，我昔散爾於列邦，列邦雖滅，而爾不滅，乃我降災，責爾獨寬。

第四十七章 法老未伐迦薩時，先知耶利米奉耶和華命，告以非利士人之事。耶和華曰：大河自北至，勢若洪濤，泛濫斯土，諸邑民人，盡遭淹沒，號呼哭泣不已。驕驕驕驕，車輪轟轟，聞其聲者，無不喪膽，父不顧其子，非利士人，鴿托遺民，推羅西頓，所賴以得助者，耶和華敗之，絕其所恃，其日將至，迦薩人已薙厥髮，亞實基倫已絕，谷之遺民，自毀其身，伊於胡底。耶和華之劍，何時入鞘，鋒藏不試。耶和華既命之攻亞實基倫及海濱之人，焉能藏其鋒乎。

第四十八章 萬有之主，以色列族之上帝耶和華，以摩押之事告衆，曰：尼破已遭糜爛，基烈亭已破，米士夾人畏蕙抱愧，豈不哀哉。摩押不被榮光，在希實本有謀害之者，欲滅其國，未面傾圮，鋒刃隨其後，自何羅念已聞殘賊攻擊之聲，摩押已破，孩提哭泣，陟路歎崗，號哭不已，下何羅念，哀號甚慘，聞於敵人，若不遁逃自救，必如曠野之杜松，因恃貨財，爲人所擄，基抹之偶像被擄，其祭司牧伯俱爲俘囚，殘賊者至，無邑不攻，陵谷平原，遂至荒蕪，耶和華所言應矣。摩押人遁逃，若藉羽翮，其城荒蕪，無人居處，人加害於摩押，耶和華使之然，若有怠志，刃弗飲血，禍必不遠。摩押肇造邦國以來，恒享承平，未嘗爲人所虜，若酒有渣滓，不易尊壺，故臭味仍存，馨香不變。耶和華曰：時日將至，我必使人傾之，罄其器皿，壞其革囊。昔以色列族抱愧，因恃伯特利故也，摩押族因基抹故，以致含羞，亦必若是，豈可自誇有能之士，善於戰鬪。萬有之主，耶和華曰：摩押已遭糜爛，邑

垣已燬，遴選之壯士已被殺戮。摩押之禍已在旦夕，其害伊邇。四周之邑與彼相識者，哭之曰：彼強且美，其杖已折，居底本之女自榮位而下，坐於無水之地。蓋殘害摩押者，毀爾城垣。亞羅耳居民立於途側，瞻望遠方，詰逃避之男女曰：其事若何？摩押傾圮，懷慙抱愧，爾當號哭，告於亞嫩。言摩押已亡，災降於平原，何倫雅夏撒米法押底本尼破伯敵拉太陰基烈亭伯加末伯米雲加畧破斯喇。凡摩押之邑，無論遐邇，盡遭淪喪。耶和華曰：摩押之角已斷，厥臂已折。彼於我前，自負不凡，故必降罰。若醉以酒，至於哇吐，顛躓不起，爲人訕笑。昔爾訕笑以色列族，視之若盜賊，搖首戲侮。摩押居民當離城垣，藏於巖穴，譬彼班鳩，巢於洞口。我聞摩押之民驕矜倨傲，縱恣無度。我耶和華知彼盛怒，不從所言，彼雖誕妄，不能成事。故我必爲摩押邑號呼哭泣，爲吉哈喇泄人哀聲。甚慘。實馬之葡萄，延及雅設。至於鹽海，殘賊者流，奪爾葡萄，擣爾夏果。我效雅設人哭泣不已。昔在摩押良田，人咸欣喜，維踐酒醪，人常懽呼。今酒已竭，欣喜懽呼之聲，俱不復聞。自希實本至以利亞利，大聲號泣，遍聞於雅哈斯。自瑣耳至何羅念，其聲遙聞。與三歲之牛，長鳴相若。寧林水濱亦已荒蕪。耶和華曰：在摩押四境，無人陟崇邱，焚香奉事其上帝。我使之然。先知曰：摩押與吉哈喇泄貨財既亡，我心戚戚。若簫聲之哀慘，彼鬚髮盡薙，指掌毀傷，腰束麻帶。耶和華曰：凡摩押樓巖衝側，必有哀哭之聲。蓋子摧折摩押，棄若敝物。人將哭云：摩押已毀，敗北而抱愧。四周之人，譏笑而恐懼。耶和華又曰：敵人將至，若鷹展翮，翱翔於摩押。加畧已陷，城垣已取。摩押諸武士喪膽。若婦將媿，摩押於我前，自負不凡，以致邦國翦滅。耶和華又曰：予以驚懼，坎阱機檻，罰摩押人免。

於驚駭者，必陷於坎阱。出於坎阱者，必罹於機檻。屆期，我必降災於摩押。力憊而遁逃者，至希實本望得庇蔭。今火自希實本出，焰自西宏發，焚摩押四境。燬喧呶者之首。摩押人其有禍乎？崇事基抹者，俱已淪亡。爾之子女，俱爲俘囚。耶和華又曰：末期之日，我將返摩押俘囚，耶和華以摩押之事告衆，其言若此。

第四十九章 耶和華以亞捫之事告衆曰：以色列族豈無嗣子，崇事密君者，奚可強據伽得之地而處其邑？故耶和華曰：時日將至，我必使戰鬪之聲聞於亞捫族之喇巴邑。城垣變爲瓦礫，居民盡遭焚燬。以色列族昔爲敵所虜，後轉虜其敵。埃邑傾圮，希實本人號呼。喇巴衆女，俱衣衰絰，躅於藩籬間，不勝哭泣。蓋密君見攘，其祭司牧伯俱爲俘囚。違逆之女，居於膏腴之谷，詡詡然以爲已得貨財，無人犯我四境。然爾不可矜誇。萬有之主耶和華曰：我自四周使爾駭懼，驅逐爾曹。爾衆流亡，無人撫集。耶和華又曰：厥後我將返亞捫人之俘囚。萬有之主耶和華，以以東之事告衆曰：在提慢，豈無哲士賢人，豈無智慧，豈無智謀？底但居民咸當逃遁，匿於曠野。蓋我降災於以掃，已屆其期。如摘葡萄，必有所遺。如盜賊夜至，必罄其所欲而後已。敵至以掃，盡窺其所藏，悉取其所有。子孫戚屬，以及比隣，俱被攘奪，歸於烏有。我使之然。凡爾孤子，我保全之。務婦恃我，我庇祐之。耶和華又曰：不當遭罰者，已飲苦杯，則爾豈能免苦杯之罰乎？耶和華又曰：我指己而誓，破斯喇，必變荒蕪。諸邑傾圮，爲人駭異，譏刺咒詛。我耶和華告先知，遣使至列邦，使彼咸集，與破斯喇戰。破斯喇與我使爾卑微，爲列邦所藐視。爾居山巖險隘，危迫之地，心志倨傲，至於自迷。爾巢

雖高，譬彼神鷹，我耶和華必使爾降爲卑。以東必荒蕪，人過其地，見大災已降，則爲之驚異而作怨聲。耶和華曰：昔所多馬、蛾摩拉及其鄰邑傾圮，無人居處，以東亦必若是。孰能與我比擬？孰能與我辯論？孰能爲民牧，侍於我側？我遴選之，以目會意，彼則疾趨，攻擊斯邦，譬彼獅子，因約但之水漲溢，出自河濱，遊於牧地，青草芊綿。我耶和華已定厥志，欲攻以東，降罰提慢，卽羊之小者，亦得而欺之，使其居處荒蕪，彼傾圮而呼，聲聞紅海，震動大地。其敵將至，若鷹展翮，翱翔於波斯喇當斯之時，以東之武士喪膽，若婦將媿，以大馬色之事，播告於衆，曰：哈末亞八已聞凶耗，恐懼喪膽，不勝戰慄，若海濤之未定。大馬色人失志，欲旋師而遁，恐懼憂愁，若婦將媿。斯邑也，昔爲人所揄揚，所欣喜，今則棄之如遺。萬有之主耶和華曰：當斯之時，壯者仆於遠衢，武士已遭殲滅，必火大馬色城垣，毀便哈達宮殿。巴比倫王尼布甲尼撒將伐基達夏朔諸國，耶和華以其事告衆，曰：爾曹當起，咸往基達，東方之衆，爲爾所困，虜其牛羊，奪其帷幕，獲其器皿，載於駱駝，取爲己有，播告於衆。隨在驚惶。耶和華曰：巴比倫王尼布甲尼撒謀欲害爾，故夏朔居民遁逃，宜疾匿於曠野。耶和華曰：彼民也，門不設楗，安居無虞，不與衆雜處，爾當攻之，其駱駝羣畜，爾可得之，薙鬚之四周者，我必散之於四方，使之遍罹禍患。夏朔將變荒蕪，無人居處，爲野犬之藪穴，歷代如此。西底家始爲王於猶大，耶和華以攔事告先知耶利米，曰：萬有之主耶和華曰：以攔善射過人，我將折之。我必使四周之風擊以攔人，散於四方，無國不至。耶和華又曰：我既震怒，必降災於以攔，使之懼敵，亡於鋒刃，翦滅殆盡。耶和華又曰：我必威加以攔，滅其王公。末期旣屆，我必返以攔人俘

囚我耶和華已言之矣。

耶和華以巴比倫及迦勒底之事，諭先知耶利米曰：當立旌旆，告於列邦，播傳毋隱。曰：巴比倫已陷，巴勒抱愧，米羅達已折，諸偶像已毀。民自北至，攻巴比倫，人民羣畜，劫掠一空，地變荒蕪，無人居處。耶和華又曰：當斯之時，以色列族猶大家偕至，且哭且行，求其上帝耶和華，俱望郇邑，勸詢厥路，歸誠於我，與我結約，歷世弗忘。昔我民若亡羊，牧者誘之，迷於歧途，陟彼崗巒，忘厥棲止之所。凡遇我民者，必吞噬之。敵曰：耶和華爲斯民之福場，列祖所恃，今彼獲罪於主，我噬之何害。今我民當出巴比倫，離迦勒底地，若牡羊導羣，大邦之民必率羣衆，來自北方，攻巴比倫，列行伍，取邑垣，若善戰者，矢不虛發，我使之然。耶和華又曰：迦勒底地爲人侵奪，奪之者皆饜其欲。昔迦勒底人殲滅我民，欣喜不勝，身肥體胖，若牛得芻，若馬長嘶。今巴比倫抱愧，大邑含羞，其地終爲邱墟，有若沙漠。因我耶和華震怒，巴比倫傾圮，變爲荒蕪，無人居處。凡過之者，見其災害，必駭異而作怨聲。巴比倫人獲罪於我，凡執矢列行伍，圍巴比倫者，射之毋惜。今我欲雪宿忿，視其所行而加報施，爾曹當鼓譟直前，毀其垣墉，傾其基址，使巴比倫投誠。在巴比倫播種者則滅之，刈禾者則殺之，旅其地者，懼利刃，逃四方，各歸故土。以色列族若亡羊，爲獅所驅，初爲亞述王吞噬，後爲巴比倫王尼布甲尼撒折骨。萬有之主，以色列族之上帝耶和華曰：昔我罰亞述王，後必罰巴比倫王，及其土地，亦若是。我必返以色列族於故土，於加密巴山，牧守羣羊，於以法蓮基列地，而得果腹。耶和華又曰：所遺之民，我必赦宥，當是之時，以色列族猶大家所有罪戾，歸於烏

有雖求其疵亦不可得耶和華又曰違逆之邦當降以罰滅之務盡循我所命戰鬪殺伐之聲聞於斯土昔巴比倫滅天下若鎚摧物今巴比倫被折列國爲之驚駭巴比倫人逆我耶和華故我設坎阱乘彼不覺陷於其中我萬有之主耶和華在迦勒底啟我府庫出我器械以雪我忿以成我事迦勒底之敵國自地極來攻開其倉廩城垣變爲瓦礫滅之務盡毋遺踪跡殺壯士若屠牛降災之日既至其禍不遠我上帝耶和華爲殿宇雪忿人自巴比倫逃於郇邑備述斯事咸聞其語巴比倫人驕其心志逆以色列族之聖主耶和華故召弓人矢人圍巴比倫不許逃遁視其所爲而報之耶和華曰當是時壯者偃於遠衢武士俱亡萬有之主耶和華曰驕志之人降災之日伊邇我必攻爾驕者將顛躓無人扶翼我火其邑四周焚燬我萬有之主耶和華曰以色列族暨猶大家爲人暴虐見擄於敵不復釋之我萬有之主耶和華奮其大能加以拯救必伸其冤歸於福地使巴比倫人戰慄不勝耶和華曰災降於迦勒底巴比倫及其牧伯哲士災降於卜筮之輩使之愚蠢勇悍之卒使之怯懦災降於車馬以及異族使之喪膽無異婦女災降於貨財被人劫掠災降於江湖使之立涸斯土之人服事偶像舉國若狂故暴獸野犬雌雄駝鳥必巢其中無人居處歷代若此耶和華曰昔所多馬蛾摩拉及其隣邑爲我上帝所傾圮無人居處斯邑亦必若是大邦之邑來自北方列王勃興至自地極執弓持戟殘忍不慈聲若海濤乘馬列陳攻巴比倫人巴比倫王聞聲喪膽憂心戚戚若婦將產孰能與我比擬孰能與我辯論孰能爲民牧侍於我側我遴選之以目會意彼則疾趨攻擊斯邦譬彼獅子因約但之水漲溢出自河濱遊於牧地青

草芊綿。我耶和華已定厥志，攻巴比倫，降罰迦勒底，卽羊之小者，亦得而欺之，使其居處荒蕪。巴比倫傾圮而呼，聲聞列邦，震動大地。

耶和華曰：我使狂風攻擊巴比倫，以及違予之人。降災之日，我必遣人圍巴比倫，使其邦國空虛。若舉扇揮塵，執弓矢者攻之，著戎衣者戮之，勿惜其壯士，盡殲其軍旅，被殺者殞於迦勒底，被刺者仆於達衛。以色列族及猶大家，違其聖主上帝，罪遍四境，然萬有之主耶和華，必不棄之如遺。今耶和華報巴比倫，以雪宿忿。凡欲自救者，必出斯邑，庶或免罹災害。巴比倫若金，學耶和華執之，使天下列邦飲之而醉狂。今巴比倫傾頽崩毀，爲之舉哀，求乳香以醫厥疾。我儕欲醫巴比倫而不得，其禍滔天，上冲霄漢。我今去之，各歸故土。耶和華賜我得救，當詣郇邑。述我上帝耶和華之經綸。今耶和華震怒，欲滅巴比倫，爲其殿宇雪忿，故懲憇米太王，以攻爾邑。爾雖彌鐵執盾，邑垣建旆，戍樓鞏固，命戍稽察，設伏防禦，終歸無益。蓋我耶和華昔言降災巴比倫，今已有應。巴比倫人居於水濱，多得貨財，禍害已至，爲人所虜。萬有之主耶和華，指己而誓曰：我使敵至，若蝗衆多，號呼攻爾。我以大能，創造大地，以智慧奠定寰宇，展布穹蒼。我命既出，霧起地極，雲集穹蒼，電閃雨下，風藏府庫，我能出之。維彼偶像，崇之者愚蠢，鑄之者蒙羞，偶像僞物，生氣不存，悉無靈爽，妄人所作。天災一至，與衆偕亡。雅各所崇之上帝，不若是。彼造萬物，簡以色列族爲民，萬有之主耶和華，其名也。爾米太王，若我巨椎，若我武備，用汝伐列邦，殲衆庶，使爾斃其馬，駕馬者見殺，使爾毀其車，乘車者被戮，男女老幼，壯士處女，皆爲爾所喪敗。爾殛牧人，刳其羣羊，爾

誅農夫，擊其二牛，牧伯長者，爲爾所淪亡。耶和華曰：昔巴比倫迦勒底人，在郇邑作惡，爲爾目覩。我必報之。耶和華曰：爾巴比倫邑若山，天下黎庶，遭爾淪喪。我將舉手攻爾，推爾暫巖，焚爾峯巔。無石可爲屋隅基址，使爾荒蕪。歷代若是，當舉旌旆於斯土，吹角於民間，使列邦攻之，會集亞喇臘。米尼亞實基拿人，立武夫長，使驍騎咸至，若蝗衆多，使米太君民，牧伯長者，與其衆庶，攻巴比倫。使民戰慄，蓋我耶和華，已定厥志，攻巴比倫，使之荒蕪，無人居處。斯言必應。巴比倫武士，不敢出戰，堅守城垣，已喪厥膽。有若婦女，敵人驟至，燬宅第，折門礎，使者絡繹而來，告巴比倫王曰：邑已陷，津已塞，葦已焚，武士戰慄。萬有之主，以色列族之上帝耶和華曰：巴比倫人若穀場，其期已屆，必遭蹂躪，不日穡時至焉。郇邑及耶路撒冷民曰：巴比倫王尼布甲尼撒，噬子滅子，使我爲虛器，吞我若蛇，飲我肥甘，逐我遠去，彼虐遇子，殺子戚屬，罪必歸巴比倫。及迦勒底民，耶和華曰：我必伸爾冤，爲爾雪忿，惟彼泉源，我必涸之，使巴比倫邑，變爲瓦礫，野犬穴之，無人居處，爲衆駭異。時聞怨聲。耶和華曰：巴比倫人，號呼若稚獅，彼中心如焚，飲酒酩酊，欲取淫樂，或至長眠，永不得醒。我使之然。我殺戮之，若牡綿羊，牡山羊，爰及羔羊。示殺巴比倫已陷，億兆所譽之邑，已取。列邦見之，無不駭愕。巨川漲溢，淹巴比倫，波濤覆之，四境荒蕪，變爲曠野，無人居處。人踪罕至。我在巴比倫，必罰彼勒所吞者，使哇而出之，列邦不復歸巴比倫。其城垣傾覆，我使之然。我民當出巴比倫，各保生命，免我震怒。

歲有浮言，長者構兵，鬪聲聞於斯土，爾勿喪膽，勿恐懼。斯後我必降災於巴比倫偶像，通國懷羞。

邑衆被戮。耶和華曰：敵人至自北方，攻巴比倫。天地萬物，謳歌不已。昔巴比倫殺以色列族，後其四境居民見戮於人，亦若是。惟爾選民，不亡於刃，當往勿遲。雖在遠邦，追念耶和華。思耶路撒冷，不置。其見異邦人入耶和華聖殿，加以凌辱，則曰：我見之含羞抱愧。耶和華曰：後日我必降災於巴比倫，偶像使遍地傷痍者，咨嗟歎息。耶和華曰：巴比倫雖築高垣，上凌霄漢，我必使敵破之。隨在皆聞巴比倫迦勒底喪敗之音。蓋我耶和華滅巴比倫，邑中譁然，聲若波濤洶湧。我平息之。攻巴比倫壯士淪喪，強弓已折。蓋我耶和華上帝雪忿報仇若此。萬有之主耶和華曰：我將使其牧伯哲士，齒長之儒，有能之輩，嗜酒酩酊，忽致長眠，永不得醒。萬有之主耶和華又曰：巴比倫城垣雖廣必毀，邑門雖高必焚。昔役列邦之民，竭力築此，後必盡燬，歸於烏有。猶大王西底家往巴比倫，內侍馬西雅孫，尼利雅子西勒亞扈從。西底家王四年，先知耶利米以巴比倫所遭之災，筆之於書。告西勒亞曰：爾至巴比倫時，必讀斯書。當言於耶和華曰：爾言必滅斯邦人民羣畜，劫掠一空。地變荒蕪，歷代若此。言竟則繫書於石，投之百辣河中。曰：耶和華降災於巴比倫，使彼困乏，沉而不浮，有如此書。於是耶利米之言畢矣。

西底家乃立拿人耶利米女哈母達所出，年二十有一，卽位於耶路撒冷。凡歷十一年，行惡於耶和華前，效約雅金所爲。故耶和華怒耶路撒冷，猶大之民，咸驅逐之。西底家叛巴比倫王。九年十月十日，巴比倫王尼布甲尼撒率師，至耶路撒冷，於其四周，建營築壘，以攻擊。困苦其邑。至於西底家王十一年，四月九日，邑民糧罄饑甚，迦勒底人環攻其城，而陷之。武士出城，由

門旁夾道，近於王園，賁夜而遁。士卒四散，王望坦途而往。迦勒底軍追襲其後，至耶利哥之坦途，執之，解至哈末之立拉。見巴比倫王，王斷其事。巴比倫王在立拉殺西底家諸子，使其目覩，亦殺猶大諸牧伯。巴比倫王挾西底家目，繫以銅索，解至巴比倫。幽於圜，至死不赦。巴比倫王尼布甲尼撒十九年五月十日，其臣僕侍衛長尼布撒喇担至耶路撒冷，燬耶和華殿，王宮宦第，及耶路撒冷民室。侍衛長率迦勒底軍，墮耶路撒冷城垣之四周。侍衛長尼布撒喇担虜邑中所遺之貧民，及降巴比倫者，惟遺貧民，便修理葡萄園，耕植其田。耶和華殿中銅柱、盆座、巨盤，俱爲迦勒底人所毀。攜其銅至巴比倫，其釜、釜、剪、鼎，及諸銅器，以供役事者，悉攜之去。其杯、槍、其盤、其盃、其鼎、其燈臺、其剪、其壺，及金銀諸器，俱爲侍衛長所取。昔所羅門爲耶和華殿，造諸銅器，不能權其輕重，卽二柱、一巨盤、盆座、下銅牛十二，每柱高丈有八尺，四周丈有二尺，其柱維空，厚約四指，每柱有銅頂，高五尺，欄杆石榴圍其四周，悉以銅鑄。欄上雕石榴之形，各方九十六，與角共計之，數約一百。侍衛長擄祭司西勒亞、祭司之次者西番雅，與闕者三人。城中擄韓武士之宦暨一王之近臣七，軍中之繕寫兼掌民數者一，及民衆六十，咸至哈末之立拉。見巴比倫王，巴比倫王殺之。猶大族被虜之事如此。尼布甲尼撒七年，擄猶大民三千有二十三，十八年，擄八百三十有二，二十三年，侍衛長尼布撒喇担自耶路撒冷擄猶大民七百四十五，共計四千六百。猶大王約雅斤被虜之三十三年，十二月二十五日，巴比倫王以未米羅達卽位，乃出猶大王約雅斤於獄，撫恤之，使其位高出於同在巴比倫列王之右，更易其衣，每食與共，以畢其生。巴比倫王日賜以糈糧。

耶利米哀歌

第一 維昔郇邑居民衆多，今則不勝寂寞兮。昔爲大國，今若嫠婦兮。昔也列邦爲彼所制，今則爲人供役，能勿悲兮。彼終夕流涕，沾濡盈睫兮。良朋雖多，慰藉無人兮。我以彼爲良朋，彼以我爲仇敵兮。猶大被虜，服役維艱，居於異邦，未獲安康兮。災厄已臨，敵人追襲兮。大會旣屆，無人詣郇邑兮。遶衢荒寂，邑門零落兮。祭司吁嗟，處女憂愁，邑衆困苦兮。郇民屢犯，耶和華責之兮。敵人亨通，挾制邑民，虜其赤子兮。郇邑之女，頓喪婉孌之姿兮。維彼牧伯，若失芻之鹿兮。無力戰鬥，爲敵追襲兮。耶路撒冷民旣罹災害，爰念疇曩之安樂兮。今爲敵虜，援手無人兮。遇斯患難，爲敵嘲笑兮。耶路撒冷民，愆尤叢集，主遐棄之兮。昔雖尊崇，今則裸體，爲人藐視，彼亦歔歔而退兮。其衣污穢，不念厥終，故遭非常之傾圮，而慰藉無人兮。彼曰：敵加困苦，望耶和華眷顧兮。彼所欣慕者，敵人取之兮。主命異族不得與會，彼反入聖所，郇民目擊兮。邑衆咨嗟，願舍欣羨之物，以求糲糧，庶堪果腹兮。郇民曰：今予受辱，望耶和華眷顧兮。耶和華震怒，降災我躬，爾曹過此，見予哀慘，無所比擬，乃不爲意兮。火自天降，入于骨髓兮。彼張網羅，以顛予趾，使予退却，終日震驚，膽盡喪兮。維予犯罪，主加以輓，懸於我項，使力廢弛兮。付我於敵，不能自救兮。主集列邦之民，會伐我，猶大，我有能之士，遭其蹂躪，我勇敢之卒，惕服其威兮。我之處女被踐，若踐酒醱兮。緣此我爲哭泣，潸然出涕，蓋慰者遠去，不加拯救兮。敵人勝予，子民笑獨兮。郇民舉手，慰藉無人兮。耶和華使雅各諸敵，環而攻之，彼視耶路撒冷，若污穢之婦兮。耶和華無不義，我違其命，故罹重罰，壯士處女，俱爲

俘囚爾曹黎庶見我憂愁兮我招良朋不副予望祭司長老惟求糶糧以果其腹兮求而不得亡於邑中兮我蹈重愆外遭殺戮內則死亡兮予也懷憂特甚中心慘怛望耶和華眷顧兮維彼人斯聞予嗟嘆不加慰藉敵聞爾降災於予反增喜色爾已定命降災於彼與余無異言必有應兮昔予有罪爾降以罰今予喪膽長歎不已兮彼有罪戾爾鑒察之罰彼毋緩與我無異兮

主怒郇邑愁雲慘淡以色列雖榮光焜耀若躋穹蒼必下墮於地兮雖為駐蹕之所亦所弗惜兮雅各全家為耶和華殲滅不加矜恤兮震怒猶大墮其城垣使邑傾圮喪其邦家辱其牧伯兮怒既震烈斷以色列角不援之於敵手兮雅各之家為火所焚滅其四周烈焰殊張兮怒烈如火挽弓若敵舉手若仇兮凡在郇邑可以娛目者則殺戮之兮主視民若敵吞噬以色列兮毀其宮室墮其城垣使猶大民憂愁靡已兮主之殿宇被摧折之若毀園中之亭榭兮民會之所亦俾其荒圯兮昔在郇邑有大會之時有安息之日今盡遺忘耶和華使之然兮主赫斯怒則王公祭司為所藐視兮主棄祭臺遺聖所以其殿宇付於敵人兮使彼兆民號呼於耶和華殿與大會之日無異兮耶和華欲墮郇邑主畫準繩滅之毋惜兮城堞邑垣傾圮偕亡兮邑門已墮門鍵已折王公牧伯羈留於異邦律例不講維彼先知莫覩耶和華異象兮郇邑長老坐於塗炭緘口無言首蒙灰腰束麻耶路撒冷處女俯首至地兮我民流亡孩提之子哺乳之兒喪於遠衢兮我目流涕中心惻怛不啻肝腦之塗地兮赤子如傷仆於遠衢失魂於母懷乃詰母曰百穀有酒安在兮耶路撒冷之民郇邑之女爾之禍患大若滄海孰能醫爾兮子將何詞何譬用慰爾心矣爾之

先知所傳，惟虛惟狂，未瘳爾惡，免爾見虜。彼之所述，惟尙妄誕，以惑人兮。凡過耶路撒冷者，鼓掌搖首，作怨憤之聲，曰：天下素稱華國樂土者，非此邑乎？敵口孔張，切齒憤聲，曰：我所望者，今日之事，斯邑吞噬，我所目覩兮。昔耶和華所定之事，今已爲之，言無不應。彼傾爾邑，不加矜恤，使敵崢嶸，勝爾而喜兮。郇邑之民，當籲於主，痛哭流涕，無間晝夜，潛然不已兮。夜未央兮，當起號呼，更初屆兮。當於主前，吐其衷曲，爾之赤子，已爲餓殍，仆於達衢。爾當舉手於上，求其矜恤兮。耶和華兮，請爾視之，所責者誰？婦之初媿，自食其子，祭司先知，見戮於聖所兮。老幼仆於達衢，壯士毘女，亡於鋒刃，當爾震怒之時，戮之而不惜兮。耶和華震怒之期已屆，四周禍至，無能逃遁兮。我所撫育者，敵盡殺之，靡有孑遺兮。

第三篇 主怒余責子，備嘗艱苦，惟余一人兮。導子入幽暗之途，非光明之域兮。彼屢害子，終日不息兮。肌膚槁枯，骨骸摧折兮。彼沮尼余，如荼如膽，四面皆是兮。置我於暗地，與久死之人無異兮。籬籬四圍，使我不出，繫我以鐵索兮。我雖籲呼，不得升聞兮。以石塞途，使我行於曲徑兮。主欲執余，有若熊獅，伏於密林兮。忽搏噬子，傷子喪子兮。張弓發矢，以我爲的兮。覆中之箭，入我腎腸兮。人嫻笑子，日作歌以譏刺兮。主使子食苦茶，餐茵陳兮。嚼沙石，折余齒兮。陷灰中，氣難息兮。不可得兮。平康不復見兮。福祉我曰：子力困憊，不復望耶和華兮。余也追思禍患，回憶苦境，如荼如膽兮。子心思之，殷憂靡已兮。子復憶念，猶可望兮。耶和華仁慈是尙，不廢矜憫，故子不亡兮。矜憫日新，仁義無涯兮。子自謂得耶和華佑，猶可冀望兮。凡瞻望耶和華，求沾恩澤者，耶和華善視之兮。

惟耶和華是賴，望其拯救，必蒙福祉兮。自幼負軛，猶以爲幸兮。既負重任，默然獨坐兮。頭搶泥塗，庶有企望兮。人欲批其頰，則以頰應之，懷羞隱忍兮。主棄人，不終棄兮。雖令人懷憂，必加矜恤，仁澤靡涯兮。主責民，非其心兮。蹂躪俘囚，罔上陷人，屈害平民者，俱主所不悅兮。未得主命，誰能言而有應兮。禍福之來，俱由至上者定之兮。人生於世，犯罪愆，受撲責，何怨之有。當省察我行，歸誠耶和華兮。當拱手立志，祈求天上上帝兮。子蹈罪愆，爾不赦宥兮。爾赫斯怒，督責子躬，加以殺戮，不復矜恤兮。維爾所在，有雲蔽之，我禱於上，不得升聞兮。爾之視子，若被污穢，受世俗之塵垢兮。敵口孔張，吞噬我兮。我常驚駭，罹於陷阱，殲滅殆盡兮。斯民被戮，我目流淚而不止兮。漚然出涕，晝夜不息兮。望耶和華，自天垂顧兮。邑民淪喪，我淚盈睫，至於患疾兮。敵人追子，出於無因，若鳥被逐兮。下我於井，置石於上，幾絕我生命兮。水滅我頂，我曰命絕兮。我於井中，籲耶和華名兮。子曰爾其聽我歎歎，不復充耳，我之所禱，庶得上聞兮。我既禱爾，爾眷顧子，命余勿懼兮。主伸我冤，救我生命兮。我受屈抑，耶和華鑒之，伸我之冤兮。敵痛疾子，謀害子，爾亦鑒之兮。彼凌侮子，腹誹子，爾亦聞之兮。無日不詈子，靡刻不謀子，爾亦知之兮。彼或坐或起，作歌以刺我兮。耶和華兮，視彼所爲，而加報施兮。以帕蒙心，加以咒詛，盛怒追襲，絕於耶和華之天下兮。

第四章 金失其光，兼金變色，聖所之石，傾於遠衢兮。郇邑赤子，昔比兼金，今如瓦缶，寧不悲兮。野犬猶哺其子，我民之婦，殘忍難堪，若曠野之鵝鳥兮。哺乳之嬰，厥口甚渴，齟閉舌卷兮。孩提求餅，無人擘而予之兮。素飫肥甘者，今亡於遠衢兮。昔衣絳袍，爲人提抱者，今偃於糞壤兮。昔所多馬

人蹈罪愆，忽致傾圮，非人使然兮。今我民犯罪遭刑，較彼尤甚兮。昔彼顯宦，皜皜無比，若雪之白，若乳之潔，色若珊瑚，體若青玉兮。今其容變黑，形消骨立，有若枯木，至彼市塵，無人識之兮。寧殞於鋒刃，不願死於饑饉，土產已絕，日漸衰微兮。維彼婦女，素懷矜恤，今民淪喪，烹子而食兮。耶和華震怒，大發厥憤，重降其災，火焚郇邑，燬厥址基兮。敵入耶路撒冷，邑門兮。是事也，列王億兆，素所不信兮。先知祭司，蹈於罪愆，殺義人於邑中，故遭此事兮。彼若警者，往來於市，血染其衣，人不能捫兮。人叱之曰：去之，去之，遍體血污，手不可捫，既流亡於異邦，異邦人曰：勿旅於此兮。耶和華怒而散之，不復眷顧，祭司長老，失其尊崇兮。郇民曰：我冀鄰邦，以手援子，引領徒勞，望眼欲穿兮。敵襲子後，不敢行於市塵，生命幾絕，末期伊邇兮。追子之人，捷於飛鷹，襲子於山巔，設伏於曠野兮。耶和華所沐以膏，我所賴以得生，至異邦中，望其庇蔭者，今陷於坎阱兮。以東人居於烏士，毋庸喜樂，惟此苦杯，必爲爾飲，以致酩酊，裸爾身體兮。郇邑之民，所犯罪愆，今已遭刑，不復被虜，惟彼以東，必彰其穢跡，降以重災兮。

子遭災受辱，望耶和華眷顧兮。異邦之人，據我土，處我室兮。子無父，母無夫兮。欲求薪水，非金莫得兮。我項服役，勤勞不息兮。子與埃及亞述，夙有盟約，望得果腹兮。子之列祖，蹈於愆尤，遂致殞滅，今子負其罪戾兮。僕婢制我，援手無人兮。惕其鋒刃，遜於荒野，捨身以餬口兮。饑饉特甚，膚黑若爐兮。在郇邑，猶大城，敵辱婦女兮。牧伯之手，高懸於上，長老之容，失其尊嚴兮。使壯者旋磨，幼穉負薪而僱仆兮。長老不坐門側，少壯不作音樂兮。心不欣喜，昔則踴躍，今則悲歌兮。晷

去我首我蹈罪愆深可悲痛兮子因此瞻喪目矇兮太山荒蕪狐狸游兮太耶和華兮爾乃永生爾國靡暨兮何為忘我退棄我躬日久月長兮耶和華兮使我歸誠爾可返故土使復振興與昔無異兮易退棄我怒子靡已兮

此篇乃大衛所作其意謂我罪愆深矣我目矇矣我國靡暨矣我何為忘我耶和華我退棄我躬日久月長矣耶和華使我歸誠爾爾可返故土爾使復振興與昔無異矣我怒子靡已矣

以西結書

第一_三章約雅斤王被虜五年四月五日我布西子祭司以西結年三十矣在迦勒底地基八河濱被虜之中穹蒼忽闕耶和華上帝示以異象其神感子其命傳子我見飄風自北驟至亦有大雲若火炎炎焜耀四周雲中有光若磨礮之金又有四靈物其狀彷彿似人各有四面四翼足直若犢蹄藻采輝耀若金已經磨礮翼下四旁有人手四靈物有面有翼其翼相連隨其所往無需回顧直行以前右之容若人與獅左之容若牛與鷹四靈物之容若此諸靈物二翻高展交相比接二翻蔽身隨神所感而往直行以前無需回顧狀若熾炭明若燈光火繞靈物光射若電靈物往反若電閃爍我觀靈物之下有輪輪有四面色若黃玉四輪之式維一其狀其法則二輪交互行時四面皆可隨其所往無需返轍輪之四面甚高可畏遍環有目靈物行輪亦行靈物起輪亦起焉靈物隨神所感而往輪亦起行行止舉動皆隨靈物蓋靈物之神亦感其輪靈物首上穹蒼展布色若水晶其狀可畏穹蒼之下諸靈物各張其翻交相比接左右各有二翻以蔽其身靈物行時其翻有聲我聞之若波濤澎湃若羣衆喧譁若霹靂震轟靈物止時其翻下垂靈物立而垂翻時首上穹蒼有聲出焉首戴穹蒼其上有形若座色如青玉座上有形彷彿似人我見坐者自腰以上色若磨礮之金四周狀若火自腰以下狀亦若火焜耀四周其焜耀之狀若下雨之時雲中虹見耶和華榮光煥發其狀若是我一見之俯伏於地彼與我言子聞其聲矣

第二_四章其聲曰人子爾宜屹立我將命汝言時其神感子使我屹立聞其所言曰人子我遣汝至

以色列族彼所行忤逆，自列祖迄今，千犯罪戾，剛愎性成，我遣爾，以我耶和華上帝之命告之，彼忤逆之流，無論聽否，必知先知已至其中。惟爾人子，毋庸畏蒞，彼忤逆殘賊，爾居其中，若與蠍同處，勿懼其言，毋畏其威。彼甚悖逆，爾當以我言告之，無論聽否，惟爾人子，宜聽我言，爾毋若彼悖逆。爾當啓口，食我所賜，我見有手，手執卷，展於我前，內外皆有文字，錄曰：悲哀，患難，慘怛。

又告我曰：人子，所獲者食之，當食此卷，往見以色列族，以我言相告。我啟口食卷，隨彼所使。彼曰：人子，我以卷賜爾，食之果腹，我食之，尚在口中，味甘若蜜。彼告我曰：人子，往見以色列族，以我言相告。我不遣爾至列邦，見言語不通之人，其方言爾所不識，如遣爾至彼，彼則願聽，我今遣爾，見以色列族，惟以色列族，剛愎性成，不聽我命，不從爾言。我使爾容甚剛，頰甚堅，與彼無異。我使爾額堅剛，過於鑽石，彼悖逆之流，毋庸懼之，勿畏其威。又告我曰：人子，我所語爾之言，必耳聞心思，爾之同族，今已被虜，爾往見之，以我耶和華上帝之言相告，無論聽否，禱感子，使遊象外，子聞有聲，震轟於後，曰：耶和華駐蹕之所，其榮可美，靈物之翼，交相比接，有輪偕行，其聲轟轟，我聞之矣。耶和華之神，大感於子，遊於象外，我心激烈，意甚惻怛，我至基八河濱，特亞畢，與被擄者同處，不勝駭愕。越七日，耶和華諭我曰：我令爾爲戍卒，稽察以色列家，爾聽我言，代我示民，我言惡人必死，如爾不示之，使彼悔改，以獲生命，則彼惡人，將死於罪，而我亦必罰爾。如爾示惡人，而彼枯過不悛，則彼雖死於罪，爾可免於刑罰。如義人棄善作惡，我任其陷罪，至於死亡，彼所爲之善，不復繫念，死於罪戾，爾既不示之，我亦必罰爾。如爾示義人，使不犯罪，聽爾訓誨，彼可得生，爾

亦無咎。耶和華之神復感我，曰：往於平原，我與爾言。我往平原，見耶和華之榮光，與昔基八河濱所見無異。我俯伏於地。其神感我，使我屹立，告我曰：爾當入室，閉戶不出。人子，人必繫爾以縲，纜不容出戶。我使爾舌卷，瘡不能言。維彼悖逆之流，毋庸督責。後余啟示爾，爾口能言，播傳我命，告彼悖逆之家，聽者任之，不聽者亦任之。

第四章 惟爾人子取瓦，置於前，以耶路撒冷城圖刻於上，環攻其城，建崇臺，築營壘，發鎚欲破之。取鐵釜置於鐵垣，在爾與城間，以此圍城，困迫特甚。以上所圖，堪以爲兆。示以色列族。爾身左側以臥，爲以色列族負罪，視爾偃臥之日數幾何，則爾負其罪亦若是。以色列族獲罪三百九十年。我使爾負其罪，當歷三百九十日。其數既盈，爾身當右側以臥，負猶大家之罪，歷四十日。一日以抵一年。爾必面嚮耶路撒冷圖，而袒其臂，爲攻城之兆。我將束縛爾，使爾不能反側。至城陷之日，乃已。爾必取小麥、麩麥、巨豆、細豆、黍與粗麥，置於一器，以之爲餅。爾身側臥，凡歷三百有九十日。其時爾必食之，權衡輕重，日食十兩，隨時而食。當量水隨時而飲，一升有半。爾食麥餅，必以人之糞壤炊之，使衆目擊。耶和華曰：我驅以色列族散於異邦，必使食不潔之餅，亦若此。我曰：我主耶和華與我，未嘗不潔。自幼迄今，自斃之畜，噬傷之獸，未嘗果腹，可惡之物，未嘗入口。主曰：爾炊餅，我許爾取牛糞，以代人矢。又曰：人子，吾必使耶路撒冷人，養生之餅匱乏，將權餅而食，量水而飲，不敢少過。中心危懼，待餅水俱絕，互相觀望，因罪而亡。

第五章 惟爾人子，必取利刃，薙其鬚髮，權衡輕重而分之。待城陷之日，必取髮三分之一，焚於邑。

中，以三分之一割之以刀，以三分之一散之四方。我亦襲之以刃，爾當以髮少許，半繫於衿，半投之火，焚之務盡。蓋必有火出，焚以色列全家。主耶和華又曰：以上皆指耶路撒冷而言。昔我置其邑民於列國中，我之律例法度，彼不遵從，而反作惡，較列邦尤甚。故主耶和華曰：因爾違逆，不遵我律例，不守我法度，較列邦尤甚。列邦有善政，亦弗恪從。故主耶和華曰：我必攻爾，降災於爾，使列邦目覩。因爾所為，深堪痛疾，我必降罰。自古迄今，至於後世，未有若此之甚。我降災於爾邑，使父子相食，遺民散於四方。主耶和華又曰：我指己而誓，因爾以可惡之物玷我聖所，故我必使人民減少，不加矜憫。爾民三分之一，必亡於瘟疫饑饉，三分之一，必亡於鋒刃，三分之一，必散於四方。我亦襲之以白刃，怒既奮發，則雪子忿使爾知予所言者，因熱中而言之。所行者，因憤烈而行之。我使爾國荒涼，如是之甚。四周列邦及過爾地者，無不駭異，共相嘲笑。我怒憤烈，降以重災，使四方之民譏笑侮慢，以爾之事為可戒可異。我耶和華已言之矣。俾爾饑饉，日漸匱乏，絕爾餼糧，滅爾生命。如亡以毒矢，不第降以饑饉，亦使暴獸攫爾子女。又使瘟疫鋒刃，臨於爾邦。耶和華已言之矣。

耶和華諭我曰：人子，當指以色列山，而言未來事。曰：以色列山岡，宜聽主耶和華之言。我耶和華必使鋒刃，臨爾山岡，侵爾陵谷，圮爾崇邱，傾爾祭壇，毀爾偶像。殺以色列族偶像之前，尸相枕藉，祭壇四周，骨骸散棄。爾居邑將荒蕪，爾崇邱將傾圮，爾祭壇將被毀，爾偶像將見斫。凡爾所作，歸於烏有。爰殺庶民，使知我乃耶和華。爾散於列邦，中有遺民，得脫鋒刃。我使之然。昔斯民

違逆子，狗心目所欲，崇拜偶像，使子懷憂，故我使彼爲俘囚，流離列國，免難之民，繫念我躬，爲所作之惡，自怨自艾，使彼知我乃耶和華。昔言降災，要非虛詞。主耶和華謂先知曰：爾當鼓掌頓足云：以色列族多行不義，深堪痛疾，必遇鋒刃，饑饉疫癘而亡。遠者必死於瘟疫，近者必死於鋒刃。所遺於邑中者，必困苦難堪，死於饑饉，以雪我忿。爰在高崗之巔，茂林之下，祭壇之側，昔焚香祭偶之所，惟見尸骸與偶像，共相枕藉，以是可知我乃耶和華。我必舉手，使其居處荒蕪，較特拉之野尤甚，俾知我乃耶和華。

耶和華諭我曰：人子，我耶和華指以色列地而言，斯土四境，末期已屆。既屆其時，我必震怒，視其所行不義，深堪痛疾，降災其身，不加矜憫，滅之務盡，使我乃耶和華。耶和華又曰：患難絡繹以至，末期既屆，所伏之禍機，突起攻擊，爾民罹災，次第以及，爾之日期已屆，患難之日伊邇。山林之間，不聞歡樂之聲，余赫斯怒，視爾所爲，深堪痛疾，降災爾躬，不加矜憫，使知責爾者，乃我耶和華。爾之日期已至，災亦次第及爾，驕侈者將至，以杖繫爾，芽蘗已萌，花蕊盡發，彼居心殘暴，勃然以興，責彼惡徒，所有羣衆，靡有孑遺，哭之者迄無一人。日時伊邇，災及斯衆，購者毋庸喜，鬻者毋庸憂，鬻者雖保生命，亦不得返於故土，蓋所傳默示，指衆而言，必無不應，維彼惡人，所作者，僞心常戚戚，我既怒斯衆，雖吹角使戰，無人臨陣，外有鋒刃，內有瘟疫饑饉，在田者亡於鋒刃，在邑者亡於饑饉瘟疫，或有免於難者，各自怨艾，逃避於山，若斑鳩歸谷，手疲膝倦，懦弱若水，以麻束腰，盡燼首髮，蒙羞抱愧，戰慄之至。我怒之日，彼棄金銀於遠衢，欲救其命，欲果其腹，欲安其心。

亦屬無益。昔作惡以得之，今使之顛躓。以金玉爲飾，驕志頓生，遂用之以作可惡之像，故我使民棄之如遺，亦使遠方之強暴攘奪之，蔑視之。我亦退棄斯民，使強暴者入我聖所，加以瀆玩。斯土之民，尙殺戮，行劫奪，遍於邑郊，故當作鐵索，以爲被擄之兆。我將使異邦之惡者至，據其宅第，玷其聖所，滅其所挾以誇人者。殘賊伊邇，人求平康而不得，禍患風聞，絡繹而至。人求先知之默示，然祭司已無律例，長老已無智謀。王公哀慘，牧伯驚駭，庶民喪膽。我視其所行，降以重罰，使知我乃耶和華。

約雅斤被擄之六年，六月五日，我坐於室，猶大長老坐於前。主耶和華之神感于我，瞻望之，厥狀若火，自腰以下，若火炎炎，自腰以上，輝光丕著，若磨礱之金。彼所舉者，其狀若手，執余首髮，我爲神所感，升於天地間。恍惚若覩異象，導我至耶路撒冷之內門，其門向北，見有偶像，上帝所斷不容以匹己者。我亦見以色列族上帝之榮光，與在平原異象中所見無以異也。彼諭我曰：人子，北向而瞻望，我見北方祭壇門內有偶像，是上帝所不容以匹己者。又諭我曰：人子，爾觀以色列族在此，所行不義，深堪痛疾，使我去聖所甚遠。然爾將見可惡之事，較此尤甚。遂導我至院門，我見壁有隙，彼諭我曰：人子，宜鑿此壁，予鑿之，見一門。彼曰：爾入得見，彼衆在此，所作不端，深可疾焉。予入而觀之，有不潔之獸，昆蟲之狀，及以色列族所拜諸偶像，繪於壁四周。偶像之前，以色列族長老七十人咸立，撒番子雅撒雅亦在其中，各執爐炷香，烟篆繚繞若雲。主諭我曰：人子，盍觀以色列族長老，暗室所爲，咸入偶像之所，自謂耶和華，不加鑒察。耶和華已退棄斯民，主諭

我曰爾可更觀其所作愈堪深疾較此尤甚遂導我至耶和華殿北門在彼有婦女羣坐爲大母
斯哀泣主謂我曰人子爾盍觀此爾可更觀其所作愈堪深疾較此尤甚遂導我入耶和華殿內
院我見門內廡下祭壇之間有二十五人背耶和華殿東向拜日主謂我曰人子盍觀猶大人在
此所爲深堪痛疾是非細故遍行強暴于我震怒以杖自塞其鼻故我怒憤烈不加矜憫滅之務
盡彼雖大聲籲呼於上我必不應

我聞主大聲呼曰操斯邑刑賞之權者當執殺人之器而來有六人至自北之崇門各執
殺人利器中有一人身衣臬衣腰懸墨孟咸入殿中立於銅臺之側以色列族之上帝耶和華榮
光煜耀離嗾啞啞至殿門褶衣臬衣懸墨孟者前來諭之云爾巡行耶路撒冷遠衢若有人以邑
衆所行之事深堪痛疾而歔歔哀哭者爾則以印誌其額又聞主告五人曰爾曹踵臬衣者之後
遍邑殺戮勿加矜憫殲滅務盡老幼孺子孩提婦女俱當誅殛惟有印誌者勿殺殺必聖所爲始
乃自殿前之長老始主曰殿中院內誅戮人民勿懼其玷然後出殿以殲邑衆五人聽命他人見
殺惟我獨留俯伏於地呼曰我主耶和華震怒耶路撒冷豈欲滅以色列遺民俾無瞧類乎主曰
以色列族猶大家罪戾甚重殺人遍地舉邑違逆自謂耶和華不加鑒察耶和華已退棄斯土故
我必視其所行降以重罰不復矜宥滅之無俾遺種衣臬衣懸墨孟者復曰余已遵命而行

我觀嗾啞啞上穹蒼之中有狀若座色若青玉主告臬衣者曰爾至嗾啞啞下四輪間盛
炭於手散之邑上臬衣者往我目觀之其人入殿嗾啞啞在殿右雲覆內院耶和華之煌榮自嗾

啞啞移至殿門，雲華盈殿，耶和華之煌榮，燦爛於院。啞啞展翻，其聲聞於外院。若雷震轟，主命
臬衣者，至啞啞四輪間取火，遂往立於輪側。一啞啞舉手，在諸啞啞間取火，以昇臬衣。臬
衣者取之而出。我觀啞啞翼下，有人手之狀。我亦觀啞啞側有四輪，各有一輪，色若黃玉。四
輪之式相同，二輪交互，行時四面皆可隨其所往，毋需返轍，所向往則輒至，不偏左右。啞啞渾
身前後手翻，有目殆遍。四輪亦若是。我聞有聲呼曰：旋轉斯輪。啞啞各有四面，一卽啞啞。二
若人，三若獅，四若鷹。諸啞啞飛騰於上。昔在基八河濱，我所見之靈物卽此。啞啞行，輪亦偕
行。啞啞展翻欲騰於上，輪亦不離其側。啞啞行止舉動，輪皆隨之。蓋靈物之神亦感其輪。耶
和華之榮煌，離殿門，覆啞啞上。啞啞展翻飛騰，我目視之。啞啞離殿輪在其側，各立於耶
和華殿之東門。以色列上帝之榮煌，焜耀其上。昔在基八河濱，以色列族上帝之下，所見之靈物
卽此。我知爲啞啞，各有四面四翼，翼下有人手之狀。昔在基八河濱，所見之容貌形狀，與此相
同，各直行以前。

第十一章 我爲神所感，遊於象外，導至耶和華殿之東門。見門外有二十五人，中有牧伯押說子
耶沙尼及庇拿雅子比喇底。主諭我曰：人子，彼衆在邑中，謀爲不軌。云此邑若鼎，我儕若肉，我當
建室而居其中，禍不及子。惟爾人子當傳我命，預述遭災之事。耶和華之神遂感於我，告我曰：我
耶和華云：爾以色列族心所思，口所言，我知之矣。爾殺人盈城，遠衛尸骸枕藉，故我耶和華曰：爾
旣殺人，其尸若肉，斯邑若鼎，惟我逐爾於外。主耶和華又曰：爾懼鋒刃，我以鋒刃擊爾，逐爾出邑。

付於異邦人降災爾躬。以色列族接壤之地，必罹禍患，亡於鋒刃，使知我乃耶和華。斯邑不可爲鼎，爾曹不可爲肉。以色列族接壤之地，我必降災，使知我乃耶和華。蓋爾不遵我律例，不守我法度，乃從四周列邦之所爲。余傳命之時，庇拿雅子比喇底死，子俯伏於地，大聲呼曰：耶和華與，豈欲翦滅以色列族，靡有子遺乎？耶和華又諭我曰：人子，耶路撒冷居民告爾同儕同族，以色列族全家云：耶和華駐蹕之所，爾曹離逃之，惟我得斯土而居焉。爾當告之曰：我耶和華雖驅斯民於遠邦，散之於異族，亦必於所至之地暫施扞禦，復告之曰：我耶和華必自離散之所，撫集爾衆，使以色列族之地，仍能恢復。爾曹得返故土，凡我所痛疾之物，棄之務盡。我賦以一心，惟新其神，去其頑梗之心，賜以易化之心，必使遵我律例，守我法度，彼爲我民，我爲彼上帝。我所痛疾之事，彼仍妄爲，我必視其所行，降以重罰。我耶和華已言之矣。嗟啞咪遂展其翻，四輪在側，以色列族上帝之榮煌，焜耀於上，俱離城邑，立於東山。我感上帝之神，遊於象外，至迦勒底地，見被擄之衆，於是目所觀之異象，上昇於天，我以耶和華言播告被擄之衆。

耶和華諭我曰：人子，爾居違逆者中，彼有目視而不明，有耳聽而不聰，故爾人子，必預爲備，將行遷徙。當在晝時，俾違逆者目觀，庶或思而悔之。爾當晝時檢什物，若將遷徙，夕時出門，若被俘囚，使衆目觀，鑿壁以遁。由此徙物，俾衆目觀，爾乘昏夜，負物而出，蒙面而行，不見所至之地。俾衆目擊，蓋我置爾爲以色列族之兆。我遵命而行，晝檢什物，若被俘囚，夕時鑿壁，將乘昏夜，負物而出，使衆目觀。詰朝，耶和華諭我云：人子，以色列違逆之家，問爾何爲，爾當以我耶和華之

命告之曰：此乃耶路撒冷之君及以色列全家將來之兆。爾當告之曰：我爲兆以示爾，我所爲者，其後爾亦必若是。必移貨財，被擄而去。君將負荷，乘夜而出，鑿壁以遁，行必蒙面，不得見其地。我張網羅，罹之於中，曳至迦勒底之巴比倫。雖死於彼，亦不得見其地。彼之左右，爰及軍旅，我必散之於四方，襲之以白刃，既散之於列邦，令彼曉然。我乃耶和華。我必遣數人，得免鋒刃，饑饉瘟疫，使之旅於列邦，自言其非，深可痛疾，使知我乃耶和華。耶和華又諭我曰：人子，爾當食餅飲水，慄危懼，告斯土之民曰：主耶和華言，耶路撒冷邑及以色列居民，虐遇斯衆，致地荒蕪，食餅飲水，不敢少過，中心危懼，邑將傾圮，地將荒蕪，使知我乃耶和華。耶和華又諭我曰：人子，以色列國人，奚用諺語云：時日遲延，先知之言不應。爾當告之云：我耶和華必使以色列族，不復用此諺語。乃爾當言：時日伊邇，先知之言必應。此後在以色列邦，必無虛僞之異象，無憑之卜筮。蓋我耶和華言而有應，原不濡滯。我既言之，爾違逆者，尙存之日，必見效驗。我耶和華已言之矣。耶和華又諭我曰：人子，以色列家常言：爾所見之異象，指後來之事，其禍尙遠，不及我躬。故爾告之云：我耶和華所言，必不濡滯，應驗伊邇。我耶和華已言之矣。

耶和華諭我云：以色列族先知，中心思維，造爲幻境。人子，爾當預言，後必降災，使聽耶和華言。主耶和華曰：彼僞先知，未覩異象，心有所思，而言虛幻，禍必不遠。以色列族乎，爾之先知，譬彼野狐。耶和華降災，以色列族遭侵伐，城垣見毀，其時爾之先知，不敢爭先禦敵。彼所見者，虛僞之異象，所占者無憑之卜筮，自謂傳耶和華之命，然我未嘗示之，未嘗遣之，彼使人冀其言有

應是事豈不有之乎。故我耶和華有言。因爾所見虛幻。所言誕妄。必降以罰。維彼先知。見虛偽之異象。占無憑之卜筮。我亦罰之。不入我民之會。不錄於以色列之籍。亦不反其土地。使知我乃耶和華。蓋彼先知誘惑我民。謂有平康。平康不至。若作垣墉。一人築之。而他人以不堅緻之泥塗之。爾當告塗之者云。淫雨必下。大雹必降。飄風驟起。擊而傾之。垣既傾矣。人將詰爾云。爾所塗者安在。主耶和華又曰。我怒震烈。忿氣殊張。必使飄風摧之。淫雨大雹撼之。毀之務盡。爾所塗之墉。我必毀之。使盡傾圮。址基畢露。爾曹偕沒。使知我乃耶和華。主耶和華曰。斯墉與塗者。可比以色列族之先知。彼言耶路撒冷必有平康。平康不至。故我毀墉。使塗之者俱沒。以雪我忿。民中婦女所言皆臆說。人子。爾當告之云。主耶和華曰。製枕以枕。作巾以蔽首。欲陷人於罪者。其有禍乎。爾既陷人於罪。豈能自免於難乎。爾欲得一掬之麥。一方之餅。迷惑我民。聽爾妄誕。偽托我名。民之不當死者。爾言必死。當死者。爾言必生。故我耶和華曰。爾製枕誘惑斯民。我必奪之。救爾所陷之人。亦裂爾巾。以救我民。不爲爾所陷。使知我乃耶和華。作善者流。我不使之殷憂。爾述妄誕。使彼中心戚戚。維彼惡人。爾言必生。使心剛愎。恒作惡事。終不悔改。故虛偽之異象。爾不得復覩。無憑之卜筮。爾不得復占。我必救民於爾手。使知我乃耶和華。

第十四章 以色列長老數人。咸來詣我。坐於我前。耶和華諭我曰。人子。斯人之於偶像。中則崇敬之外。則贈禮之。自陷於惡。豈得諒諛於我乎。故爾當以我耶和華之命。播告斯衆。曰。以色列族之於偶像。中則崇敬之外。則贈禮之。自陷於惡。後就先知。諛諛於我。我耶和華。必視其偶像之多寡。

而降以罰。使以色列族內自訟。因其背我。崇敬偶像。當告以色列族曰。主耶和華命爾棄偶像。勿崇可惡之物。凡以色列族及旅其中之異邦人。背我而奉偶像。中則崇敬之。外則瞻禮之。自陷於惡。後就先知。諮諏於我。我耶和華必罰之。降災於其身。絕之於民中。為人作歌譏刺。使知我乃耶和華。如先知迷眩其心。傳言於衆。我耶和華聽其然。聽其然如以日使之然後必降罰。絕之於我民以色列族中。各人必負其罪。信偽先知言者。罪與偽先知同科。使以色列族不復背我。不染汚俗。乃可為我民。而我為其上帝。我耶和華已言之矣。耶和華又諭我曰。人子。凡有民人。輒蹈愆尤。犯罪於我。我必罰之。使其餅餌匱乏。人畜饑餓。致於死亡。雖挪亞但以理約百三人。旅其中。躬行仁義。亦止救一己之生命而已。如我使暴獸侵噬其國。致之荒蕪。人踪罕見。雖斯三人。居其中。我耶和華指己而誓。其國荒蕪之日。彼止能救一己之命。不能救其子女。如我降以鋒刃。使其國人畜。悉行翦滅。雖此三人。居其中。我耶和華指己而誓。彼止能救一己之命。不能救其子女。如我使瘟疫。流布其國。震怒特甚。加以殺戮。人與畜無噍類焉。雖有挪亞。但以理約百居其中。我耶和華指己而誓。彼為善者。止能救一己之命。不能救其子女。主耶和華又曰。我使四災降於耶路撒冷。鋒刃。饑饉。暴獸。瘟疫。使人畜靡有孑遺。其害豈非尤重乎。如其邑。尚有遺民。所留子女。必遭俘囚。至爾同擄之所。使爾見其所為。知我降災於耶路撒冷。而怨心悉平。爾見其所為。知我降災。非出無因。則爾怨悉平。我耶和華已言之矣。

耶和華諭我曰。人子。葡萄之樹。豈得於林中。眾木等量齊觀乎。其木不適於用。不能作

劍藉以懸物，人投之火，焚其兩端，并燬其中，安能適於用哉？其木尙全，猶難適用，既焚之後，復何所用？主耶和華曰：若林木中，有葡萄樹，投之於火，別無所用，我視耶路撒冷居民亦若是。我必罰之，降以重災，既出燄山，復入火坑，使知我乃耶和華，以色列民蹈愆尤，故其地必荒蕪，我耶和華已言之矣。

耶和華諭我曰：人子，使耶路撒冷人知其所爲，深可痛疾。我耶和華告爾耶路撒冷民云：爾之爲爾，若女子生於迦南，以亞摩哩人爲父，赫人爲母，生時不斷臍，不澡身，不施以鹽，不裹以衣，矜恤爾善待爾者，迄無一人，乃生之日，人棄於田，生命難保。我過時，見爾染血，幾遭蹂躪，則賜爾生，染血之時，我賜爾生。我使爾漸長，若林樹萌芽，爾體窈窕，容顏韶秀，乳堅髮長，猶無衣以蔽體。主耶和華曰：我過而見汝，若女及笄，我以裾覆爾，締結姻盟，于歸乎我。我洗爾以水，去爾污穢，沐爾以膏，衣爾以繡，以貂皮作履，以棉爲巾幘，以絲爲長服，加以首飾，著劍於手，垂金於項，置環於鼻，懸珥於耳，戴冕於首，備極華美，以金銀飾爾之體，以棉絲繙繡，被爾之身，以麵及蜜與油，果爾之腹，遂成艷麗，邦國之興，亦若是。主耶和華又曰：爾有殊色，榮煌赫奕，名震列邦，我使之然。惟爾自恃其美，聲名洋溢，故縱私欲，無論何人，隨在與之行淫。爾取衣服，五彩俱備，飾諸崇壇，狗欲而行，自昔迄今，未有若此，後亦無有。爾亦取我所賜之金銀珍寶，作人之像，狗欲而行，覆之以繡衣，以我之膏油，及芬芳之品，置於其前，以我賜爾養生之麵，及油與蜜，陳於其前，以爲芬馥，誠有斯事，我耶和華已言之矣。我賜爾生子女，爾以子女獻而焚之，爾狗欲若此，豈爲細故？爾殺我

子女焚之以火，以敬偶像。爾狗欲行淫之時，不憶在昔，若女初生，裸體染血。主耶和華又曰：爾之禍災重於山嶽，行惡若此，猶不知警。在諸遠衢作高臺，以爲妓室。爾於市塵，遍築高臺，招彼途人，與己行淫。爾雖殊色，人厭而棄之矣。埃及鄰邦，淫風流行，爾狗欲與私，于我震怒，故我降災，減爾糈糧。非利士人，羞爾淫行，深爲厭惡，故我以爾付於其手。爾行淫無度，故與亞述人私，大縱厥欲，靡有底止。在迦南行淫，至於迦勒底，亦不知足。主耶和華曰：爾行此事，有若淫婦，既無羞惡之心，又精神之頓耗。爾在遠衢，特構高臺，以爲妓室。妓在圖利，爾則不專於利，譬彼淫婦，背夫而私人。居恒之時，人以金子娼，惟爾以金贈於所權，使四方咸歸。爾與他婦行淫，本甚懸殊，無人從爾。子爾以金，爾反以金子人，若是則爾與他婦不同可知矣。爾爲娼妓，宜聽我言。我耶和華曰：因爾崇拜可惡之偶像，殺子女以獻，亦施金與所歡，行淫無度，故我必使爾所娛悅之人，集於一處，與爾所憎者偕居。既集之後，我必裸爾體，使衆目覩。我必罰爾，與背夫之婦，殺子之母同科。我怒甚烈，使爾飲刃。我必付爾於敵手，摧爾妓室，毀爾高臺，去爾衣服，奪爾珍寶，俾爾裸體。羣衆環攻，擊爾以石，殺爾以刃，焚爾宅第，降罰爾身，使衆女目覩。然後爾不得行淫，無金子人。如此我怒將息，不復憤烈。主耶和華曰：爾不憶曩日，于我震怒，故必降罰，使爾所行，可惡之事，不復再蹈。諺曰：女效母尤，後人必引此以指爾。爾之所爲，若以亞摩哩人爲父，赫人爲母，爾母厭夫棄子，爾效其尤。爾姊妹厭夫棄子，爾亦效其尤。爾之姊妹撒馬利亞及其衆女，居於爾左，爾之姊妹所多馬及其衆女，居於爾右，爾視其所爲，尙爲細故，效其愆尤，猶爲不足，更作不義，深堪痛疾。爾妹所多馬及其衆女

所爲與爾暨衆女較之，猶不爲已甚。我耶和華固言之矣。爾姊妹所多馬與其衆女所犯之罪，卽驕傲、饕餮、逸志、不恤貧乏、詡詡自誇，于我所痛疾之事，故我不得不去之。撒馬利亞人陷於愆尤，未及爾之半，乃爾較彼，多行不義，則撒馬利亞之過爲尤細。爾責姊妹適以取辱，蓋爾所爲較彼尤甚，彼之過較爾爲輕，故爾當蒙羞抱愧。越在後日，所多馬與撒馬利亞及其衆女，我將返其俘囚，當時亦必返爾俘囚，爾遭患難，爾姊妹見之，怨心悉平，則爾必自慙其素行。爾之姊妹所多馬與撒馬利亞及其衆女，恢復故土，當時爾及衆女，亦可恢復故土。昔爾強盛之日，爾惡未彰，亞蘭人及非利士人暨四方衆女，猶未督責爾，凌辱爾，斯時也，爾視爾姊妹所多馬以爲不足挂齒，使爾負行淫之罪，我耶和華已言之矣。主耶和華又曰：爾爽盟約，子必因爾所行以報之。昔爾幼稚，我與爾立約，今予追憶之，更申前約，永世弗替。以爾姊妹賜爾爲女，不循舊約，爾受之時，則追憶所爲而蒙羞耻。我必堅我約，使知我乃耶和華，待我與爾復和，則爾當憶昔所爲，抱慙不已，不敢自伐。我耶和華已言之矣。

耶和華諭我曰：人子，當設譬示以色列族，以隱語相試，當告之云。耶和華曰：巨鷹有翼，碩大無朋，毛羽豐健，文彩斑斕，集於利巴嫩，栢香木之高枝，爲其所折，弱幹爲其所斷，移至貿易之地，置於輻輳之區，亦取斯土之葡萄種，播於良田，若楊柳植於溪濱，日漸生長，枝葉蔓延，其巔不高，枝向乎鷹，根結於土，遂發巨幹，其葉蔥蘢，又有巨鷹，其翼甚大，毛羽豐健，葡萄發根株，長枝幹，以向此鷹，望其灌溉，若農之治田，葡萄栽於良田，植於水濱，發枝結菓，成爲佳種，爾當傳我耶

和華之命曰：斯葡萄豈得枝繁葉盛，鷹將拔其根，所發之枝必槁，毋庸巨邦衆民，刪其根株。葡萄雖爲人所植，不復向榮於園囿之中，爲東風所搖撼，盡爲枯槁。耶和華諭我曰：當告違逆之族，云爾知是乎？巴比倫王至耶路撒冷，虜其王公牧伯，至於巴比倫，與王子結約，加以盟誓，取其世家爲質，使國爲卑，不復振興，但守盟約，猶可自保。乃王子背巴比倫王約，遣使至埃及，欲其率軍馬以至，彼行是事，豈能亨通，豈能免難，爽約之人，豈能獲救。我耶和華指己而誓，王子旣爲巴比倫王所立，藐視其主，爽其盟約，則必至巴比倫而沒，敵旣築壘建營，欲滅邑衆，法老雖率旅衆多，以助其戰，亦必不利。蓋王子於立約之後，不以盟誓爲重，而爽其約，故不能免難。主耶和華又曰：彼藐視約言，而背我命，我指己而誓，必罰其罪，罹之以網羅，陷之以坎阱，曳至巴比倫，在彼降災，以罰其罪。彼及流亡之衆，爰及軍旅，必殞於刃，遺民星散，使知我耶和華已言之矣。主耶和華又曰：我必取柏香木之高枝，栽之於囿，在弱幹中，更取柔條，栽之高嶺，卽以色列山岡，使長枝結菓，爲柏香木之佳種，使羽族咸棲其上，得其庇蔭。我耶和華使高木爲低，使低木爲高，使青者爲枯，使枯者復茂，則郊原諸木，皆知言之行之者，惟我耶和華而已。

第十八章 耶和華諭我曰：爾指以色列地常云：父食酸菓，子齒覺酸，用此諺語曷故？我耶和華指己而誓，爾在以色列地，勿復用此諺語。惟我操世人之權，無論父子，犯者必死，如人爲義行善，不食岡巒之祭品，不敬以色列族所崇偶像，不淫人妻，妻癸水至，不與同寢，不虐遇人，不攘奪人，受人質卽反之，饑者供以食，裸者被以衣，貸人金，不取利，不迫索，與人交，不作惡，恒爲善，遵我禮儀。

守我法度，真實無妄，斯爲義人，必保其生。我耶和華已言之矣。如此義人有子，爲盜殺人，上所言之善不作，上所言之惡屢行，食罔罄之祭品，淫人之妻，虐遇貧乏，強暴是作，不反質，崇敬偶像，多行不義，深堪痛疾，子母是懼，迫索是爲。若此者，生命豈能保乎？既作不端，必就死地，不保其生，自取罪戾。如此惡人有子，見父作惡，思改其行，不食罔罄之祭品，不敬以色列族所崇偶像，不淫人妻，不虐遇人，不攘奪人，受人質，卽反之，使饑者得飽，裸者不寒，不挾制貧乏，不取利，不迫索，遵我禮儀，守我法度。若此者，不可因父之罪，并加誅殛，必全其生命。然其父殘暴，強據同儕，作惡於民間，則必蹈罪而亡。爾曹曰：子負父罪，曷故？如人子爲義，守我法度，則可保生，犯者必死，子不負父罪，父不負子罪，善者必獲善報，惡者必獲惡報。如惡人悛改素行，守我禮儀，孳孳爲義，則可保生，不就死地。其所作之惡，不復追憶，乃因其善，必保其生。主耶和華曰：維彼惡人，自取死亡，豈我所悅。我豈不以悛改得生爲悅乎？如善人去善就惡，行諸不義，我所痛疾者，豈得保生乎？其所行之善，不復追憶，既犯罪作惡，必使之亡。爾言我耶和華所行，不尙正直，以色列族宜聽我言，我所行者，惟秉大公，爾所爲者，尙存偏頗。善人去善作惡，則必因其所爲，置諸死地。如惡人悛改素行，孳孳爲義，則可得生。因其思慮，悛改厥惡，則保其生，不就死地。以色列族常言：我耶和華所爲，不尙正直，爾以色列族乎？我所行者，惟秉至公，爾所爲者，不能無私。我耶和華必鞠以色列族，視人所爲，降以刑罰，故當悛改，免陷於罪，以致滅亡。以色列族乎？當革爾惡行，新爾心神，奚爲自取其死，人死於罪，我所不悅，故當悛改，保爾生命，我耶和華已言之矣。

第十九章 爾當爲以色列牧伯作哀歌。曰：爾母將何以譬之。有若牝獅，伏於衆獅間，撫育稚獅。中有一獅，日漸長大，能搏物噬人。列國聞之，陷以坑阱，鑿以鐵索，曳至埃及。牝獅望子不回，復撫一子，日漸長大，往來於衆獅間，能搏物噬人。遨遊宮室，蹂躪城郭，遂致荒蕪。居人聞其吼聲，靡不恐懼。四周列邦，張以網羅，陷以坎阱，繫以鐵索，曳至巴比倫王囚於獄中。由是以色列山，不復聞其吼聲。爾母若葡萄樹，植於溪濱，灌溉有資，枝葉蔥蘢，株幹堅強，堪作長者之杖。可謂枝繁幹偉矣。忽拔其根，擲之於地，其葉爲東風所暴，枝幹摧折，遂致枯槁，焚之以火，乃移其根，植於無水之野，枝葉爲火焦灼，燬其果實，無堅強之株幹，可謂長者之杖，此則大可憫焉。

第二十章 約雅斤被擄之七年，五月十日，以色列族長老數人咸集，諮詢耶和華，坐於我前。耶和華諭我曰：人子當告以色列族長老云：主耶和華曰：爾來諮詢於我，我指己而誓，不許爾與我言。人子，爾當責之，使知自昔以來，彼祖所作，我已痛疾。爾當告之云：主耶和華曰：越在曠昔，我顯現於埃及，遴選以色列族雅各家，與之盟誓。曰：我耶和華爲爾之上帝。既立盟誓，導爾祖出埃及，至產乳與蜜之地。其地爲列國所羨美，我素所選者。斯時我諭之曰：我乃耶和華，爾之上帝。爾當棄可惡之物，勿因埃及之偶像，自染污穢。惟彼違逆，不從我命，不棄可惡之物，不毀埃及之偶像。故爾祖尚在埃及時，我已憤怒甚烈，欲降災其躬。恐列國之民，以我爲無能，爲藐視我名。故我顯現，導之出埃及，入於曠野，使列國人目覩，俾知我禮儀法度。有人遵從，則可得生，亦立我安息日。於我及彼之間爲徵，俾知我乃耶和華，使之成聖。然以色列族在曠野，違逆乎我，不遵我禮儀，犯我

安息日，浸假有人守我法度，則可保生，惟彼藐視之，故我自謂，必在曠野，震怒斯衆，滅之務盡。夫我所以不加殲滅者，恐列國之人，以我僅導斯民出於埃及，必將藐視我名。彼尚在曠野，我誓不導之入產乳與蜜之地。斯地列國所羨美，彼藐視我法度，不遵我禮儀，犯我安息日，心崇偶像。然我猶加矜憫，不忍殲滅，不使殞沒於曠野。當彼在曠野時，我告其子孫曰：勿效列祖之尤，勿從其所行，勿拜其所崇之偶像，自致污穢。我乃耶和華，爾之上帝。當遵我禮儀，從我法度，守我安息日，可爲爾我間作徵，俾知我乃耶和華，爾之上帝。子孫背我，不遵我禮儀，犯我安息日，如有人守我法度，則可保生，惟彼不守，故我自謂，必在曠野，震怒斯衆，滅之務盡。夫我所以不加殲滅者，恐列國之人，以我僅導斯民出於埃及，必將藐視我名。彼尚在曠野，不守我法度，藐視我禮儀，犯我安息日，崇敬列祖所拜之偶像，我誓必散之於異邦族類中。彼從不善之例，失保生之法，我聽其然。我聽其然句或曰我使之然彼獻初胎男子，焚之以火，我聽其污穢，使地荒蕪。俾知我乃耶和華，惟爾人子，當告以色列族云：主耶和華曰：爾之列祖，更蹈罪愆，欺我太甚。我導之入迦南，踐我誓言，彼見高巒茂林，遂獻祭奉禮，焚香灌奠，于我震怒。我雖責之曰：爾登崇壇，奚爲？迄今民登崇壇，不易其俗。故爾當告以色列族云：主耶和華曰：列祖狗欲崇拜偶像，爾何效尤，自取污穢。以色列族乎，爾獻子女，焚之以火，崇事偶像，自沾污穢。今日乃來問我，我耶和華，指己而誓，不許爾與我言。爾欲效異邦人，尤崇拜木石，我必不姑容。我耶和華，指己而誓，必以巨能大力，震怒憤烈，治理爾曹。雖散於列邦，必撫集爾，導爾至人踪罕至之地。在彼指斥爾非，與昔在埃及曠野，斥爾祖之非無異。我耶和華

已言之矣。我必循舊約，牧爾治爾。凡違逆我者，必出乎爾中，去其所旅之邦，不得歸以色列地。使知我乃耶和華主耶和華曰：爾曹以色列族，今而後有不從我命者，我聽其崇奉偶像，然不許爾既奉偶像，復獻禮物于我，瀆玩我聖名。主耶和華曰：以色列全家，居斯土者，必於我聖岡，以色列地高巒，崇事乎我，在彼獻禮物，奉初產，作聖事，俱遵我命，我必納之。爾雖散於列邦，我必撫集爾，納爾馨香，受爾崇敬，使異邦人目覩，昔我誓以以色列地賜爾列祖，我使爾恢復，俾知我乃耶和華。在彼追憶，爾所行污穢之事，自怨自艾。主耶和華曰：以色列族乎，我待爾大度寬容，爾之惡行，妄爲，我不苛以較量，爾既明此，則知我乃耶和華。耶和華諭我曰：人子，爾當望南方，指南郊之林，而言未來事。曰：南郊之林，宜聽耶和華之言。主耶和華曰：我必燃火林間，凡爾樹木，或青或枯，焚之務盡，其燄不滅，自南及北，四周盡燬，衆人皆知我耶和華所燃，不得撲滅。以西結曰：主耶和華與人，以我言，皆爲隱語。

第二十一章 耶和華諭我曰：人子，爾當遙望耶路撒冷，指以色列地之聖所，而言未來事。告以色列國云：我耶和華降災於爾，拔刃出鞘，善者惡者俱欲殲滅，殺戮衆生，自南至北，使億兆知我耶和華拔刃出鞘，必不復鞘。惟爾人子，歎歎太息，至於斷腸，令人目覩，如彼問爾：何爲太息，必曰：因風聞將來之事，衆人喪膽，手疲膝倦，懦弱如水，禍患迫至，主耶和華已言之矣。耶和華又曰：人子，當傳我命曰：磨礪鋒刃，光芒四射，鋒既利而行殺戮，光華閃爍，孰敢存喜樂之心哉。我民不畏杖箠，必擊以刃，加以磨礪，淬其光芒，俾殺人者執而用之。人子，爾當呼號哭泣，以刃擊以色列君民。

百姓驚駭，恐遭飲刃，故當擊髀浩嘆。主耶和華曰：「既以艱難試我民，彼又不畏長上，其國必致淪亡。惟爾人子當鼓爾掌，言未來事，使刃三至，殺戮人民，入諸密室，誅滅大人。我以鋒刃攻諸邑門，使人喪膽，使邑傾圮，蓋鋒刃閃爍，以備殺戮。其刃指揮莫定，或左或右，隨其方向。我必鼓掌，以雪我忿。我耶和華已言之矣。」耶和華又諭我曰：「人子，爾圖繪巴比倫王軍旅出國，至歧途，有衢可達二邑，一至亞捫之喇巴，一至猶大之耶路撒冷城垣。蓋巴比倫王躑躅歧途，不知所之，故卜以矢問偶像，察牲肝，以決從違。據繇辭，當右往耶路撒冷，發鎗破之，厥口孔張，大聲號呼，欲行殺戮，復發鎗攻門，建營築壘。耶路撒冷人既與法老盟，則以巴比倫之卜，勉爲不足信。巴比倫王追憶其背約之罪，必取其邑。」主耶和華曰：「巴比倫王知爾背約，厥罪昭彰，所爲不善，故爲敵所取。」主耶和華曰：「惟爾以色列族之君，爽約作惡，必罰其罪。時日已至，當去冠脫冕，不以斯人爲王，使高者降爲卑，卑者升爲高。斯國必一滅再滅，而復滅，不克振興。待當王者至，則我賜之。惟爾人子當以未來事語人，云：『亞捫人凌辱以色列族，故主耶和華曰：鋒刃已拔，加以磨礪，光芒閃爍，殺戮人民。卜勉所占，惟尙虛妄，欲使爾與惡者偕亡，尸相枕藉，蓋降罰之日已至。』鋒刃既拔，不復入鞘，我必於爾生長之地殺爾。我怒憤烈，降災爾躬，付爾於殘忍殺戮者之手。人必熱爾若薪，殺爾於斯土，使名泯沒。我耶和華已言之矣。」

第二十一章 耶和華諭我曰：「人子，彼邑之民，惟嗜殺人，爾當責之，使知所作不端，爲我所痛疾。爾當言，主耶和華曰：『斯邑之民，殺人無度，作諸偶像，污穢其身，今降災之日已至矣。』爾殺人作偶像，

自取罪戾，自玷厥身，禍患之日伊邇。我使列邦異族，咸姗笑爾。邑民作亂，臭名播於四方。遐邇之人，無不譏刺。以色列牧伯，居於爾中，竭力殺人。斯邑之人，藐視父母，凌侮旅人，強暴孤寡。藐視聖物，犯安息日，揚虛誕以殺人，食岡巒之祭品，行諸淫亂，烝父繼室，妻癸水至，與之同寢。淫人之妻，亂子婦，淫姊妹，受賄以殺人，取利追索，棄我耶和華。爾貪非義之利，草菅人命，我見之憤恨鼓掌。我耶和華已言，必降災於爾，爾豈不膽喪手疲乎？我必散爾於列邦異族中，使爾不復淫亂。爾既罹慘報，爲異邦人目覩，則必知我乃耶和華。耶和華諭我曰：人子，我視以色列族若渣滓，彼在爐中，若銅鐵錫鉛焉，亦與銀之渣滓無異。主耶和華曰：因爾無異渣滓，故必使爾入耶路撒冷城，集於一處，猶聚銀與銅鐵錫鉛於爐，鼓紅燄以鎔之。我怒憤烈，亦必集爾於邑中，鎔爾務盡。我必集爾，張我之怒，鼓我之氣，鎔爾於邑中，猶鎔銀於爐中，使知我乃耶和華。震怒爾曹。耶和華諭我曰：人子，當告以色列族曰：斯土不潔，震怒之日，甘霖不沛，僞先知同謀，若獅狂吼，斷傷人，吞噬人，得其珍寶，使邑中嫠婦不可勝數。祭司干犯律例，玩瀆聖物，聖與不聖，潔與不潔，不爲剖別。我之安息日，不復恪守，棄我於民中。邑中之牧伯若狼，行其殘害，肆其吞噬，以獲不義之利。先知所見者，虛僞之異象，所占者無憑之卜筮，自謂傳耶和華之命，然我未嘗示之。若作垣墉，以不堅緻之泥塗之。斯土之民，虐遇人，強暴人，挾制貧乏，侮慢羈旅，我稽察之，欲得一人，可補藩籬，可塞垣墉，立於我前，代民祈求，免我殲滅，亦不可得。故震怒憤烈，降災於衆，視其所爲而報之。我耶和華已言之矣。

第二十三章 耶和華諭我曰：人子，昔有二女，一母所生，姊名亞何拉，卽撒馬利亞，妹名亞何利巴。卽耶路撒冷，俱爲處子，於歸乎我，賜生子女，當其盛年，往埃及行淫，爲男擁抱。亞何拉於歸之後，戀愛鄰邦亞述人，與之行淫。亞述人衣紫顯爵之宦，有能之輩，岐嶷男子，乘馬而至。亞何拉見亞述丁男，戀愛殊深，與之行淫，崇其偶像，染其污穢。當其盛年，在埃及行淫，爲男擁抱，自玷厥躬，及其中年，猶不悛改，故我付之於所懼亞述人手，裸其身體，擄其子女，殺之以刃，降諸禍患，遺臭於衆婦間。厥妹亞何利巴見此，則狗欲行淫，較姊尤甚，戀愛鄰邦亞述人，顯爵之宦，有能之輩，岐嶷男子，乘馬盛服而至。我見其被玷，與姊無異。亞何利巴增其惡行，見迦勒底人像，繪於牆壁，塗以丹艷，佩博帶，冠華冠，俱若軍長。迦勒底之巴比倫所出，見則懽然，遣使至迦勒底。巴比倫人就之，登榻行淫，婦旣被玷，則厭其所懼，彼狗欲行淫若此，我則憾之，與憾其姊無異。亞何利巴更增淫行，當其盛年，在埃及穢德彰聞，至於今日，惡念依然陡起。戀其所懼，其體雄偉，無異驢焉。壯時在埃及行淫，任男擁抱，至於今日，惡念依然陡起。今亞何利巴宜聽主耶和華之言，爾之所懼，爲爾厭憎者，我必使之四方攻爾，迦勒底之巴比倫人，比割人，書亞人，哥亞人，及諸亞述顯爵之宦，有能之輩，岐嶷男子，有名軍長，乘馬而至，率軍旅，與干戈，擐甲冑，乘車馬，我將付爾於其手，聽其所處。我怒旣盛，使敵強暴爾，加以劓則之刑，殺爾居民，擄爾子女，所有子遺，焚之以火。又將褫爾衣裳，攘爾珍寶，使爾不犯淫行，不復戀亞述人，不再蹈埃及前愆。主耶和華曰：爾所憾所惡者，我必付爾於其手，彼必害爾，奪爾貨財，使爾裸體，俾人咸知。爾行淫無度，我降斯罰，因爾狗欲，從異邦。

人拜厥偶像爲其所玷。爾旣效姊尤，我必以其爵鳩爾。主耶和華曰：爾姊之爵旣巨且深，多感酖酒，爾必飲之，爲人媼笑。爾姊撒馬利亞之爵，令人恐懼，駭愕，酖酖憂傷，爾必飲之務盡，乃碎爵割乳，我耶和華已言之矣。主耶和華又曰：因爾違逆子，退棄子，必負爾行淫之罪。主耶和華諭我曰：人子，當責亞何拉，亞何利巴，使其知其咎，爲我所痛疾。彼行淫殺人，崇拜偶像，以我所賜之男子，焚之於火，以敬偶像，更行諸惡，卽於是日，污穢我聖所，犯我安息日，旣殺子女，獻於偶像，當日入我聖所，殿中作惡，以玷污之。爾遣使至遠方，招人咸集，人旣就爾，爾則澡身修容，加以首飾，坐於華床，肆筵設席，以獻我之馨香膏油，陳於席上，人衆安逸，呼於爾側，亦有曠野之示巴人，著劍於手，戴冕於首，甚爲美麗。我曰：行淫之婦，歷年已久，孰欲與之行淫乎？人果入室，與二淫婦亞何拉，亞何利巴交，爲義之人，必罰斯婦之罪，與淫行殺人者同科。主耶和華曰：我必率衆，攻斯二女，攘奪劫掠之，擊之以石，殺之以刃，戮其子女，焚其宅第，使斯土之人不染淫風，俾衆女不效爾尤。爾旣行淫，崇拜偶像，必負罪遭刑，俾知我乃耶和華。

第十四章 約雅斤被擄之九年，十月十日，耶和華諭我曰：人子，爾當記錄是日，今日巴比倫王攻耶路撒冷，當罕譬而喻，以示違逆之家。曰：主耶和華曰：置鼎於火，盛之於水，取羣畜之佳者，投其肉於中，或蹄或肘，遴選肢骸，集之於鼎，鼎下焚以車薪，使鼎沸骨糜。主耶和華曰：斯邑之民，殺人無度，禍必不遠，可比沸鼎，其鏽常在，不爲洗滌，鼎中數方之肉，取之以出，毋庸遴選。邑民殺人，血蹟現於石上，不瘞於土，故我赫斯怒，以罰其罪，使彼之血，亦流石上，不瘞於土。耶和華曰：邑民

殺人其有禍乎。我必用車薪，使鼎沸然，增益其柴，火炎水沸，骨肉俱盡，留空鼎於火上，而炙其銅，以去污穢，以燬銹蹟。欲淨斯鼎，力瘁心勞，鼎銹斑駁，去之不易，故炙以火，邑民行淫，至於污穢，我欲滌之，不肯成潔，故依然染污，待子降災，以雪我忿。我耶和華既言之，必行之，不食言，不同志，不加矜憫，視爾所爲，而降重罰。我耶和華已言之矣。耶和華諭我曰：人子，我必使爾所愛之妻，忽焉而亡，爾勿哀哭，勿下淚，爲死者毋揚爾聲，毋露爾首，毋去爾履，毋掩爾口，毋食苦餅。以西結曰：我朝與民言，而夕妻死，詰朝我循命而行。民間我曰：爾有斯舉，與我何與？請以告我。耶和華諭我曰：爾當告以色列家云：主耶和華曰：我之聖所，爾素以爲榮，素所欣慕者，余必使之被玷，爾所遺之子女，必亡以刃。以西結所爲者，爾必爲之，不掩爾口，不食苦餅，不露爾首，不去爾履，不哀不哭，爾之愆尤，日漸消亡，彼此相嚮，而唁其喪。以西結於爾爲徵，視其所爲，爾必爲之。斯事既成，爾必知我乃主耶和華。人子，越至後日，民所倚賴，所欣慕之聖所，爰及子女，我必棄之如遺。浸假有人得免於難，至於爾前，以此相告，爾可啟口，勿復緘默，以示免難之人，使知爾爲徵。我乃耶和華。

第二十五章 耶和華諭我曰：人子，望亞捫族，而言未來事。曰：爾亞捫人，宜聽我言。主耶和華曰：昔子之聖所被玷，以色列族荒蕪，猶大家盡被俘囚，爾見之，則曰：吁哉。故我必使東方之人，據爾四境，建室廬於其間，必食爾果，飲爾乳。我必使喇巴爲駝廐，亞捫地爲牧場，俾知我乃耶和華。主耶和華又曰：爾見以色列民遭難，則鼓掌頓足，欣喜不勝，故我必舉手，付爾於異邦，爲彼所攘奪，絕爾於列國中，俾知我乃耶和華。主耶和華曰：摩押、西耳之人，譏訕猶大，言彼無異異邦。摩押四境，

已築城垣，民以爲榮，卽伯耶西末、巴力免、基烈亭，我必破之，使東方之人得焉。昔我翦滅亞捫，不得與列邦相埒。後必降災於摩押，使知我乃耶和華主。耶和華曰：以東攻猶大，以雪其忿，干犯於我。故我耶和華必擊以東，俾人畜俱無。噍類使提慢、荒蕪底，但人飲刃，我震怒以東，必使我民以色列族，侵伐其土地，以雪我忿，使知我實降是災。我耶和華已言之矣。主耶和華曰：非利士人藏匿舊怨，中心叵測，以害我民，故我耶和華必擊非利士人，殺基利族，海濱居民殲滅殆盡。大降患難，重罰其罪，使知我耶和華實降是災。

第十六章 約雅斤被擄之十一年，正月朔，耶和華諭我曰：人子，昔耶路撒冷遭難之日，推羅之人譏之曰：吁哉，民出入之所，其邑已破，民必歸余，皆屬我矣。故主耶和華曰：我必罰推羅，使列邦攻之。若海水泛濫，傾推羅城垣，毀其戍樓，散其塵埃，使爲光潔之磬，歸然峙於海中，爲張網之所。所有貨財，爲民擄奪，我耶和華已言之矣。推羅屬邑，在平原者，必亡於刃，俾知我乃耶和華主。耶和華曰：我必使諸王之王，巴比倫王尼布甲尼撒，來自北方，簡其車馬，率其軍旅，以攻推羅。平原屬邑，必亡以刃，築壘建營，多置干戈，攻推羅城，以槌破城垣，以斧斫戍樓。城垣旣破，邑門旣啟，敵人驟入，萬馬奔騰，塵埃蔽邑，乘者號呼，車輪轟轟，宮室震動，維彼遠衢，遺馬足之蹂躪，維彼人民，櫻鋒刃而殺戮，雖地利險峻，亦無不破。敵擄貨財，毀華宮，破壁垣，木石塵土，俱投水中，謳歌必息，琴瑟不聞，我使之然。惟留磐巖，張網之所，厥後不復建城於此。我耶和華已言之矣。主耶和華告推羅曰：爾之城垣傾圮，被傷者號呼，居民見殺，洲島聞之，豈不震動。海濱君王，將下其位，解其麗

服去其繡裳，戰慄危懼，坐於塗炭，衆作哀歌云：有名之邑，在彼海中，素稱鞏固，舟楫薈萃之所，隣邦無不惕伏。今已傾圮，海島之民，見爾傾頽，歸於烏有，靡不震驚。主耶和華曰：我使爾邑荒蕪，無人居處，使海水漲溢淹爾。我使爾居民，俱落深淵，歸於幽邈，陷於地下，無異久葬之人。斯後我使福邦復興，爾邑無人居處。我使爾邑歸於烏有，雖索之而莫得，凡見爾若此，必致恐懼。我耶和華已言之矣。

第二十七章 耶和華諭我曰：人子，爾當指推羅而作哀歌，告推羅云：主耶和華曰：惟爾推羅居於海口，洲島之民，輻輳於此，自稱至美。爾邑四面環海，創建宏麗，舟以西匿松爲板，以利巴嫩柏香木爲檣，以巴山椽爲樞，以基底島之黃楊木，飾以象牙，爲坐板，以埃及文繡之棉爲旆，以以列沙島紫赤布爲幃。西頓亞發人爲爾舟子，推羅之哲人，爲爾辨水道，其八之人，諳練巧捷，彌爾舟隙。海舶與其舟人，至爾邑以通商。巴西路得弗人，在爾行伍，爲爾武士，於爾邑中，列其干戈，懸其兜鍪，使爾顯榮。亞發人爲軍旅，守城垣，迦末人守爾戍樓，四周列干，以揚爾威。爾既富有，大夫人攜銀、鐵、錫、鉛，易於市廛。雅番土八米，設人與爾貿易，販鬻婢僕，及銅製之器皿。陀伽馬族驅馬牽騾，至於爾市。底但人與洲島諸民，與爾通商，鬻象牙烏木。亞蘭人欲得爾所製之物，故攜紅玉、赤布、絳繡、臬衣、珊瑚、琅玕，易於爾市。猶大以以色列族與爾貿易，鬻米、匿之麥、餅餌、蜜、油、乳香。大馬色人欲購爾所造之物，財貨衆多，故攜黑本之酒、白羊之毛，來相貿易。但民與雅番人往來於爾市，攜光鐵、肉桂、菖蒲，以鬻之。底但人至，購襖車之氈。亞喇伯與基達人，赴爾市廛，牽羊羔、牡綿羊、牡山

羊售之於人，示巴喇馬人與爾貿易，市芬芳之品與金玉。哈蘭、干尼埃田、示巴亞所、吉抹人與爾通商，市諸貨財，紫衣、絨繡、以栢香木爲匱，繫以絲繩，中藏麗服，繫之於市。大失舟人往來爾市，爾在海中富有尊榮。爾之舟師陷爾於難，東風狂暴，毀爾於海中。爾傾圮之日，則平日之蓄積、市塵之貨財、掌舵者、辨水道者、彌舟隙者、商賈武士及爾中居民俱溺於海。辨水道之人大聲號呼，震動邑郊。凡撥櫂者、駕舟者、辨水道者必棄舟登岸，無不痛哭，其聲甚慘，蒙灰於首，坐於塗炭。盡薙厥髮，束麻於身，緣爾困苦，其聲甚哀，哭時必作哀歌曰：推羅傾圮矣，昔居海中，無所比擬。爾之貨財饒足，自海而至，天下君民獲富者甚衆，遇海水汎濫，淹爾於波濤，其時爾邑傾圮，居民殞亡，洲島之民爲爾駭愕，其王恐懼，憂形於色。四方商賈作怨憤之聲，見爾淪亡，恐懼不勝。

第二十八章 耶和華又諭我曰：人子，當告推羅王云：主耶和華曰：爾中心驕泰，自謂可匹上帝，其邑在海中，若上帝位，爾雖自謂可匹上帝，終屬凡民，非上帝也。爾自謂智過於但以理，無所隱於汝，以爾智慧得諸貨財，藏金銀於府庫，巧於貿易，日臻富厚，因而心驕，故主耶和華曰：因爾自謂可匹上帝，我必率異邦之強暴者至，拔其鋒刃，爾以巧捷所作奇麗之物，彼必毀之，物著光華者，彼必滅之，使爾陷於深淵，殺戮爾身，投於海中。爾被殺之時，豈得自謂可匹上帝，爾既見殺，則屬凡民，非爲上帝明矣。爾必被異邦人所殺，與不潔者偕亡。我耶和華已言之矣。耶和華又諭我曰：人子，當爲推羅王作哀歌曰：主耶和華曰：爾若至美之玉，以巧捷之技，雕琢爲印，美麗無儔，爾可比古人在埃田上帝囿，以珍寶爲飾，卽瑪瑙、淡黃玉、金鋼石、黃玉、碧玉、璧玉、青玉、紅寶玉、葱珩，俱

嵌於金。爾生之日，豎簫兼備。爾若嗒咯咪，高展其翮，施其庇護。我使之然。爾若祭司，胸飾寶玉，光輝燦爛，遨遊我聖山。爾踐王位，始有善政。後遷於惡，因貿易繁盛，遂至強暴。陷於罪戾，爾既污穢，我必逐爾。出我聖崗，不許爾復爲嗒咯咪。施其庇護，爲燦爛之玉。輝光四照。爾因美麗，中心驕泰，亦因光彩，失其智慧。故我必傾圮爾，使列王目覩爾之貿易，不秉大公。多陷罪戾，瀆玩聖所。故我必縱火於爾邑，其燄炎炎，使爲灰燼。俾衆目覩，民間齊聲爾者，見爾歸於無有，則恐懼駭愕。耶和華又諭我曰：人子，當指西頓而言未來事。曰：耶和華曰：西頓與我必罰爾。彰我公義，既降災於爾，使爾敬余，則知我乃耶和華。我必使瘟疫流行，使四方敵至，加以鋒刃，遍爾達衢，殺爾居民。使知我乃耶和華。昔以色列族爲四方之民所辱，若刺荆觸棘，今則無有。俾知我乃耶和華。主耶和華曰：今以色列族，民人星散，我必撫集，俾居我所賜僕雅各之土。恒恭敬子，使異邦目覩。昔在四方，有人凌辱我民，我必降之以災，使我民建室栽園，安居於斯。無人加害，則知我乃耶和華。

第二十九章 約雅斤被擄之十年，十月十二日，耶和華諭我曰：人子，指埃及及王法老及埃及四境而言未來事。主耶和華曰：埃及王法老，若河中巨鱷，自謂我鑿江河，足供己用，我必罰爾，以圈貫爾之頰。河中諸魚，附於爾鱗，隨爾俱出。余必擲爾於郊野，投諸魚於荒邱，不能復至於河，爲走獸飛鳥所食。使埃及人知我乃耶和華。昔以色列家賴爾埃及若恃葦杖，彼執爾手，爾強脫之，致彼肩骨差失。彼親爾，爾突然去之，致彼腰骨閃損。故主耶和華曰：我必使利刃臨於爾國，人獸俱被殲滅。埃及王自謂鑿斯河，足供己用，故予必使埃及荒蕪。俾知我乃耶和華。我必降災於爾，及爾

江河使埃及國盡成荒墟，自蜜奪至叙以尼古實接壤之區，人跡斷絕，不經斯土，民不棲止。凡歷四十年，我必使埃及及民人散處於列國，異邦他邑既變邱墟，埃及通國及其邑郊靡地不然。歷四十年，主耶和華曰：四十年後，埃及之民我必撫集之，使至自列邦，反其俘囚，歸於八羅，仍旋桑梓。然其國不能昌大，埃及在列國中將微弱不振，使其戶口凋殘，不得統理他國。以色列家必不復賴埃及人，既憶前事，中心懊悔，俾知我乃上帝耶和華。約雅斤被擄之二十七年正月朔，耶和華諭我曰：人子巴比倫王尼布甲尼撒勞師興衆，以攻推羅，負戴辛勤，故首爲去髮，肩爲去皮，無一人不若是。王與軍旅攻城，未得犒勞，故主耶和華曰：我必以埃及及衆庶之貨財，賜於巴比倫王尼布甲尼撒，以犒其軍。主耶和華曰：彼爲我供役服勞，我必以埃及及地賜之，以爲賞勞。當是時，我必使以色列族崢嶸其角，亦必使爾先知得啟口於民間，俾知我乃耶和華。

耶和華又諭我曰：人子，當言未來事曰：主耶和華云：禍日將屆，爾當號泣不已。其日伊邇晦冥慘淡，耶和華降災於異邦，其日伊邇鋒刃臨於埃及，患難至於古實，址基既毀，億兆被戮，遺民見擄，古實呂彼亞呂氏亞與異邦族類及古巴之民，同盟之輩，俱亡以刃。耶和華曰：必折埃及驕泰之心，自蜜奪至叙以尼俱亡以刃，助埃及者亦必敗北。我耶和華已言之矣。列邦諸邑俱至荒蕪，埃及與助之者亦然。我燧火於埃及，凡助之者既被殲滅，則知我乃耶和華。古實人安居無恐，斯時我必遣使駕舟，至其地，令彼震驚哀痛，與埃及降災之日無異。其日伊邇，主耶和華曰：我必藉巴比倫王尼布甲尼撒之手，使埃及及衆庶俱亡。巴比倫王之軍旅，列邦所畏懼，我必率之。

以殲斯土，拔利刃攻埃及，隨在殺人。我必涸埃及之川流，以其國付惡人之手，使異邦人荒蕪其地，使其物產歸於烏有。我耶和華已言之矣。主耶和華又曰：我必斫其偶像，使不存於挪弗埃及。無君庶民恐懼，我必使八羅荒蕪，火焚鎖安，降災於挪，滅其居民。汎爲埃及國鞏固之邑，我必忿怒攻擊，又必火焚埃及，使汎民哀痛，挪必毀裂，挪弗日遭困苦。亞文比伯實之壯士必亡於刃，邑民被擄，我必使答比匿變爲晦冥。昔埃及之人，使他邦衆庶臣服奔走，故我折其軀，使變光華爲黯淡，若雲蔽覆，且使女子被擄，我降災於埃及，俾知我乃耶和華。約雅斤被擄之十一年，正月七日，耶和華諭我曰：人子，我已折埃及王法老之肱，不裹其傷，不敷以藥，不纏以布，使彼力廢難執。利刃，主耶和華曰：我必降災於埃及王法老，昔折一肱，其一尙健，今并折之，使刃墮地，我必使埃及之人散處異邦列國，使巴比倫王膂力剛強，俾執我刃，折法老二肱，使其嘆息於敵前。若人被重傷而嘆息焉，我必使巴比倫王手，其力倍加，使法老手不勝疲倦，既以我刀，畀巴比倫王，使擊埃及，則知我乃耶和華。我必使埃及及民人散處於異邦列國，俾知我乃耶和華。

約雅斤被擄之十一年，三月朔，耶和華諭我曰：人子，當問埃及王法老及其庶民，爾有威可畏，誰能比擬。試觀亞述王若利巴嫩之柏香木，其枝蔥蒨，其幹扶疎，其杪高不可及，四面環溪，灌溉有資，故柯幹甚巨，高大無比，林叢諸木，無不得水之利。既蒙灌溉，超於羣木，枝繁葉茂，長柯森發，飛鳥結巢於其枝，走獸生產於其蔭。大國之民居於下，亦受其庇，根在水濱，故枝葉蔥蒨，長柯森發，上帝囿之柏香木，不能出其上，松樹不及其長條，楓樹不及其弱幹，上帝囿中，衆木

雖美，不得與之頡頏。枝葉向榮，葱蒨可悅。我使之然。上帝囿中諸木，亦嫉其高。耶和華曰：彼譬喬木，其葉藜藜，心志驕泰，故我委於異邦之強暴，俾治其罪。我亦加以驅逐，異邦之強暴，斫以斧斤，散枝於山谷，折幹於溪澗。天下居民，失庇蔭而他往，飛鳥棲於幹上，走獸伏於枝中。使天下林木，植於水旁，勿誇其株高幹偉，枝葉藜藜，喬木森然，終必枯萎，偃於下土，與人之歸墓無異。主耶和華曰：我使柏香木枯萎，是日也，深淵源泉，爲之立涸，以示悲哀。利巴嫩之木枯槁，以發憂恨。我斫栢香木，使下幽冥之所，與歸墓者無異。列邦人民，聞其下墜之聲，靡不震動。埃及田林木，與利巴嫩之佳樹，素得灌溉，後至枯槁，見其隕落，則怨心悉平。昔此林叢，受其庇蔭，乃遭摧折，彼異邦人得王庇護，忽被斬伐，下於幽冥之所，亦若是。埃及王譬諸栢香木，森然高大，欣然向榮，堪與埃及田木頡頏，必遭斬伐，下幽冥之所，與衆木無異。王必亡於刃，與不潔者同科。王卽法老王及衆庶，受災如此，吾耶和華已言之矣。

第三十三章 約雅斤被擄之十二年，十二月朔，耶和華諭我曰：人子，當爲埃及王法老作哀歌，告之曰：爾若獅之伏於民間，若鱷之居於海中，出入江河，足亂波濤，使水混濁。主耶和華曰：我必率衆，張我羅網，曳爾出水，委爾於岸，棄爾於郊，使飛鳥棲爾側，走獸飽爾血，以爾肉置於山崗，以爾身填於陵谷，以爾血灑於斯土。山澤之間，無不殆遍。戮爾之時，我必以雲蔽天，日月星辰，韜其輝光。天象晦冥，不能燭照爾土。我耶和華已言之矣。天下列邦，爾未嘗與之通聞問，我使之聞爾敗亡，則必憂心戚戚。君民衆多，見我揮劍，罰爾之日，必畏懼駭愕，恐喪生命，戰慄不已。主耶和華曰：

我必使巴比倫王大興干戈，率列邦所畏之勁旅，以伐埃及，滅其威，殺其衆。埃及河濱羣獸必亡，厥後人足獸蹄，不復混濁其水，河水澄清，其流若油。我耶和華已言之矣。我使埃及土地荒蕪，絕其所產，滅其居民，則知我乃耶和華。主耶和華曰：列邦羣民必爲埃及衆庶作哀歌，號泣其事。約雅斤被擄之十二年，十二月望日，耶和華諭我曰：人子，當言未來事。曰：埃及衆庶與諸名邦，必遭敗北。下窰窰，入陰府，爾當爲之作哀歌。曰：爾與不潔者流，同歸陵塚，則爾昔日婉變超羣，卒安在哉？異邦之民已亡於刃，埃及衆庶亦蹈利刃，曳至窰窰，強悍之輩，不潔之民，亡於鋒刃，俱下陰府。見埃及王及助之者，亦至於斯，必與之言，在彼有亞述及其衆旅，俱亡於刃。下窰窰，入陰府，埃及衆庶素使人恐懼，今亡於刃，抱媿蒙羞。下於窰窰，偃仆其側，與不潔者無異。埃及衆庶素令人悚惶無地，今也，抱媿蒙羞，俱亡於刃。下窰窰，入陰府，偃仆於以蘭之側，與不潔者無異。在彼有米設土八及其衆旅，素令人恐懼，今亡於刃。偃仆於側，與不潔者同科。維彼二國，昔令英雄，悚然駭懼，今與不潔之武士同亡，手執利器，首枕白刃，下陰府，負罪戾。爾埃及人亦必敗亡，殲以鋒刃，與不潔者同科。在彼有以東王公，膂力雖剛，亦亡於刃。下於窰窰，與不潔者同科。在彼有北方之王，及西頓居民，素有巨能，今懷懼抱媿，下於窰窰，與不潔之人，亡於刃者同科。主耶和華曰：法老及其軍旅，俱亡於刃，見異邦人，同陷陰府，則怨心悉平。法老及其軍旅，素令人恐懼不勝，我聽其然，今亡於刃，與不潔者同科。我耶和華已言之矣。

第三十三章 耶和華又諭我曰：人子，當告民曰：如我於邦國降以鋒刃之災，則民簡境內一人，置爲戍卒，戍卒見刃將至，吹角以警衆，凡聞角音，不知警畏，刃至而殺之，其罪歸己。彼聞角音，不知警畏，其罪歸己。警畏者，生命可救。如戍卒見刃將至，不吹角以警衆，刃至而殺人，則彼死於罪愆。而戍卒亦遭刑罰。人子，我使爾爲戍卒，稽察以色列家，必聽我命，代我示民。我謂惡人必死，以告乎爾。如爾不示之，使彼悛改，則惡人將死於罪，而爾不能免於刑罰。如爾示惡人，使彼悛改，彼仍怙過不悛，則死於罪，而爾得免。人子，當告以色列家云：爾曹常言我任罪戾，日漸消亡，豈能得生。然主耶和華曰：我指己而誓，我不以人作惡致死爲悅，惟以人悛改得生爲悅。故爾以色列家當改厥惡，何必蹈於死亡。人子，當告民云：如善人陷罪，不因前善而獲救，惡人悛改，不因舊惡而殞亡。我言善人必生，如彼自恃其善，陷罪觸法，則其前善，必不復憶，因其作惡，必置之死。我言惡人必死，如彼悛改，惟善是行，受人質則反之，盜人物則償之，不復爲惡，遵我法度，以望得生，則生命可保。死所不臨，不復念其舊惡，因彼衆善奉行，則必獲生。爾民常言主耶和華所爲，不秉大公，實衆所爲偏頗。善人去善作惡，則因其所爲，置諸死地。惡人悛改素行，孳孳爲義，則可得生。以色列族常言我耶和華所爲，不尙正直，我必鞠爾。察爾所爲，先知云：我儕被擄之十二年，十月五日，有一人免難，至自耶路撒冷，告我云：城陷矣。前夕免難之人未至，耶和華之神感我，使我言此。詰朝免難者至，我則啟口，不復緘默。耶和華諭我曰：人子，以色列地荒墟，居民常言亞伯拉罕一人，能得斯土。我儕既衆，豈不能據而有之。爾當告之云：主耶和華曰：肉常有血，爾曹食之，崇敬偶像，殘

害人命豈能據有斯土爾恃鋒刃作可惡之事玷人妻室詎能得土爾先知當告之云主耶和華曰我指己而誓維彼眾民居於邱墟必亡於刃處於郊野必噬於獸藏於城垣巖穴必斃於疫癘以色列族恒誇其能我必使彼不能矜詡令其山崗原隰俱變荒坵人踪罕至彼作不端我所痛疾必使其地淒涼寂寞俾知我乃耶和華人子爾民在垣墉之側門闕之間彼此相語指爾而言曰來聽耶和華所傳之諭彼既至坐於爾前若我民然聽爾言而不行口所言則愛爾不置其心貪婪彼聞爾言若聞善語者發其清歌善樂者操其妙音彼聽爾言而弗遵行是事既成我言已應則可知先知已至民間

耶和華諭我曰人子當傳我命責以色列族之牧者曰主耶和華云以色列族之牧者自顧其身不牧羣羊禍必不遠矣爾以羊酪爲飲羊毛爲衣羊既肥膩宰而烹之其餘置之弗顧弱者不扶持之疾者不醫痊之傷者不裹其痕驅至遠方者不復招集迷於歧路者不復追尋乃待之以強暴處之以殘忍牧者不加眷顧故羊星散爲野獸所吞噬我羊迷於山崗行於高巖散於遍境覓之者迄無一人故爾眾牧者宜聽耶和華之言我耶和華指己而誓因牧者自顧其身不牧羣羊若無牧然羊既喪不知道尋使羊爲人所攘奪爲獸所吞噬故我耶和華告諸牧者我必加爾以扑責索取爾羊爾名爲牧羊實則自顧其身而已我必褫爾之職救羊於爾口不復遭爾吞噬主耶和華曰我必求我羊譬彼牧者見羊四散則追之不已我必追我羊羊值晦冥之際散於四方我必加拯救我民散於列邦我必撫集之使彼旋歸故土以色列山崗膏腴之壤

大河之濱爲其牧地。我必養之，俾適樂郊。以色列高崗之巔，爰有羊牢，以之賜彼，使之偃臥於樂嘉之苑，鬻芻於芳草之場，卽以色列族之山也。我必牧羊，使之孔安。我耶和華已言之矣。迷於歧途者，我必追之，爲人驅逐者，我必反之，裹其傷殘，扶其荏弱，強者肥者，我亦護之，俾羣羊咸被德澤。惟爾羣羊，我耶和華有言，必於牲畜中區別美惡，牡綿羊、牡山羊，犂然分明。爾食於芳苑，猶爲細故，又將蹂躪之乎？爾飲於清溪，猶爲細故，又將混濁之乎？我之羣羊所食，惟爾已踐之苑，所飲，惟爾既濁之水。故我耶和華曰：肥羊瘦羊間，我將明鞠其故，荏弱之羊，爾肩摧之，角抵之，使之星散。故我必救我羣羊，不遭虐遇。我將於牲畜間，詳加鞠問。我將簡一牧以養之，卽我僕大關。彼必養羣羊，爲善牧焉。我耶和華爲其上帝，我僕大關爲其牧伯。我耶和華已言之矣。我必結約，恒賜平康，驅猛獸於斯土，卽在郊原、林樹之間，亦得咸若，或寢或訛。在彼山林，及我聖崗之四周，我必錫以純嘏，使時雨降，甘霖沛焉。樹結菓，地產物，安居斯土。斯時也，我民爲人服役，我折其軛，脫於彼手，則可知我乃耶和華。自茲以後，爾不復爲異邦人所攘奪，野獸所吞噬，民必安居，不遭震駭。我必使有名者興，長若枝柯，使斯土之民，不復饑饉，不爲異邦人凌辱。主耶和華曰：以色列族，可知我耶和華，乃其上帝，彼爲我民，恒蒙眷佑。我之羣羊，卽爾世人，我乃爾之上帝。我耶和華已言之矣。

耶和華又諭我曰：人子，當指西耳山而言未來事。云：主耶和華曰：我必舉手，責西耳山，使變荒蕪。城邑傾頽，四郊寂寞，俾知我乃耶和華。以色列族，爾素所銜憾，彼受刑罰，遭患難，其

日既屆，爾則加以鋒刃，戮其民人。故我耶和華指己而誓，爾既以殺人爲悅，余必追襲，殲爾務盡。使西耳山崗變爲沙磧之場，往來之衆，俱遭翦滅，亡於刃者，不可勝數。山谷河濱，尸相枕藉，爾之邦國，恒爲荒墟，爾之城邑，無人居處。俾知我乃耶和華，爾當言以色列猶大必歸於我，我得其土，不知彼二國者，爲我耶和華所眷祐，故我耶和華指己而誓，因爾媚嫉我民，銜憾無已，俾爾遭慘報，我必罰爾，而施恩我民。昔爾口出惡言，指以色列山云：彼既荒蕪，余必滅之。我聞斯言，必降以罰，俾知我乃耶和華。爾詡詡然自誇不已，違逆乎我，我已聞之矣。主耶和華曰：萬姓臚歎之際，必俾爾土，忽變荒蕪，以色列地既成荒邱，爾西耳山以東四境，靡不悅懌，故我使爾荒蕪，俾知我乃耶和華。

第三十六章 人子當指以色列山崗而言未來事云：以色列山崗宜聽耶和華言，主耶和華曰：敵云：亙古以來，有彼崇邱，今爲我所得，豈不快哉。爾當以我言告之云：主耶和華曰：敵縱橫噬，使山荒寂，爲他邦之人所得，虛誕之徒，播其流言，故以色列山宜聽我言，主耶和華告諸山崗溪谷，其地素有邑郊，今變荒蕪，爲他邦之人所奪，加以譏刺，我耶和華曰：他邦之民，以東諸族，中心叵測，喜得我地，驅逐居民，我怒憤烈，將加譴責，惟爾先知，當指以色列山岡溪谷，以我言告之，曰：爾爲異邦人所辱，我怒憤烈，指己而誓，四國之人，必遭凌辱，惟爾以色列山岡，必萌芽結菓，爲我以色列民之用，其時伊邇，我必眷顧爾，俾得耕耘，在斯山岡，我必使以色列全家，生齒繁衍，不可勝數，諸邑雖遭傾圮，必復建造，我必使人民衆多，牲畜孳息，居於斯山，民既旋歸故土，較之於昔，待之

愈厚，使知我乃耶和華。我必使我民以色列族，遨遊斯山，得爲恒業。今也，人踪罕至，後則不然。主耶和華曰：人常言人居斯土，必受其害。人踪罕至，故我耶和華曰：人居斯土，必不受害。昔則人踪罕至，今也不然。異邦之人，不復譏刺。斯土不復見辱，人踪不復罕至。我耶和華已言之矣。耶和華諭我曰：人子，昔以色列族在故土，其素行有玷斯邦，我視之若不潔之婦。異室以居，彼殘害人命，崇拜偶像，玷污斯土，故我震怒憤烈，散之於異邦族類，視其所爲，而降其罰。彼至異邦，玩瀆我名，自稱耶和華之民，出於聖地。我之聖名，我珍惜之。以色列族在異族中，乃玩瀆之。故當告以色列家云：主耶和華曰：我施恩澤，非爲爾以色列族之故，特爲珍惜我聖名耳。爾在異邦，玩瀆我大名不已。我必使人崇敬之，厥後爾必尊崇我，使異邦人目覩，則知我乃耶和華。我已言之矣。我必撫集爾曹，來自異邦，反爾故土，以清水灑爾，使爾爲潔。凡拜偶像行淫穢之事，均滌除焉。以新心賜爾，去其頑梗之性，賜以易化之心。以我神賦爾，使爾遵我禮儀，守我法度。昔以斯土賜爾祖，今必使爾居之。俾爾爲我民，我爲爾上帝。去爾污穢，必使五穀繁多，饑饉不至。菓實纍然，土產豐登。不因饑饉，爲異邦人所辱。爾追念曩時之惡行，爲我所痛疾，則必自怨自艾。耶和華曰：以色列族，爾作不端，當自懷慙。我施斯恩，非爲爾故。爾其知之。主耶和華曰：我既滌爾愆尤，則傾圮之邑，可復建造。俾爾居處，斯土荒蕪，過者所目覩，今必復耕耘。旁觀者必曰：昔也，斯土荒蕪，今則若埃田之圃。斯邑傾圮，今則建造。有人居處，四方隣國，必知我耶和華，使傾圮者建造。荒蕪者開墾。我言之，必行之。主耶和華曰：我雖令斯人，生齒衆多，若畜孳息，然以色列族，要當求我。昔大會之日，聖民

羣詣耶路撒冷厥後傾圮之邑人咸集焉俾知我乃耶和華

我爲耶和華神所感恍惚中若覩異象導我至谷谷中骸骨殆遍使我四周巡察見骨不勝數甚爲枯槁散於谷中主謂我曰人子此骨可復生乎我曰主耶和華爾知之矣又謂我曰當告斯骨云爾枯骨與宜聽耶和華言主耶和華曰我必以氣噓爾使爾復生我必束爾以筋絡長爾以肌膚通爾以呼吸可得復生俾知我乃耶和華我遵命而行遂有震動之聲骨相聚合但見筋聯膚生惟不能呼吸主謂我曰人子爾當呼風曰主耶和華曰氣息當至來自四方使斯死者呼吸潛通則可復生我遵命而行氣息遂至使死者呼吸而復生皆立於前不可勝數主謂我曰人子此骨譬諸以色列全家彼曰我命已喪我骨已枯我望已絕爾當告之曰主耶和華云我民與我必啟爾窀穸使爾出墓導歸以色列地耶和華曰我啟爾窀穸使爾出墓則知我乃耶和華我必以神賦爾使爾復生歸爾故土則知我乃耶和華我言之必行之耶和華諭我曰人子爾當取一簡書曰猶大及同居之以色列族又取一簡書曰約瑟之以法蓮及同居之以色列族以二簡同執合爲一簡如民間爾曰作此何爲請以告我則當告之曰主耶和華云我必取約瑟之以法蓮族與同居之以色列支派使與猶大族相聚合爲一族爾所書之簡當執於手俾衆目覩告之曰主耶和華曰我必導以色列族來自異邦至自四方歸於故土在以色列山崗我使之合爲一邦爲一王所治理自此而後不復爲二國二民不復事偶像以玷其身不作非義爲我痛疾四境之內彼素作惡我必加拯救使成潔清可爲我民我爲其上帝我僕大關必爲其王斯衆

統轄於一牧，遵我法度，守我禮儀。昔以斯土賜我僕雅各，列祖居之。厥後使斯民居之，爰及子孫。歷世弗替，我僕大闢，必爲其君。其國靡暨，我必與之立約。恒賜平康，使斯民居處綏安，生齒繁衍。置我聖所於其中，永世不廢。我聖室既在其中，我必爲其上帝，以彼爲我民，異邦之民，見我聖所，恒駐蹕於其地，則必知我耶和華，以以色列族爲聖民焉。

耶和華諭我曰：人子爾當指馬各米設土八之君角而言未來事。曰：主耶和華云：米設土八之君角，我必責爾以圈貫爾之頰，隨意轉輒，我曳爾出境，及爾軍旅，駕馬乘騎，著戎衣，執干戈，恃利刃，不可勝數。巴西古實呂彼亞俱執干櫓，戴兜鍪，坳滅及其軍旅。北方之陀伽馬族及其軍旅，又有衆庶，爲爾左右，爾及同盟者，當預爲備，爾統率之。以色列山久變荒蕪，今免于戈之擾。庶民和集，來自四方，安居斯土。越至於後，歷日既久，爾必至而攻伐之，爾及軍旅從者無數，將猝然而至，若颶風驟至，若天雲蔽覆。主耶和華曰：斯時也，爾心將萌惡念云：地無城郭，吾必侵伐之。民安逸樂，吾必攻擊之。維彼城垣不築，門櫂俱無，昔斯地變爲荒邱，今則有人居處，來自列邦，聚貨財，養牲畜，安居斯土。我攻伐之，攘奪其物，示巴底但大失之商旅，及其猛士，將詰爾云：爾集斯衆，非欲劫貨財，攘金銀，擄牲畜乎？惟爾人子當告角曰：主耶和華云：我民以色列族安居，爾知之。遂自北方來，率衆無數，驍騎衆多，若雲覆地，伐我民以色列族。越至末日，爾攻斯土，我聽其言，厥後我必撻伐爾，以彰公義，異邦靡不目覩，俾知我之爲我。主耶和華曰：越在曠昔，我示我僕以色列族之先知，諭以未來事，言我將任敵攻伐斯衆，非爾其誰。主耶和華曰：越至後日，角攻以色列

列地時，我赫斯怒，我怒震烈，已出斯言，曰以色列地必有震動，海魚飛鳥，走獸昆蟲，及天下億兆，見我顯現，則必戰慄，山嶽崩頽，城垣傾圮，主耶和華曰，我在山崗，必使刃至，殺戮角衆，使自相攻擊，蹈鋒刃，罹疫癘，降霖雨，下大雹，硫磺騰燄，厥火炎炎，罰角之軍旅衆庶，使人尊我崇我，列邦目覩，俾知我乃耶和華。

第十九章 惟爾人子，指角而言云，主耶和華曰，米設土八之君角，爾出北方，攻以色列山後，即使爾旋轅返旆，爾左手執弓，我將奪之，爾右手取矢，我使之隕地，爾及軍旅，與爾庶民，將亡於以色列山，鷲鳥野獸，吞噬爾肉，我使之然，爾將亡於郊原，我耶和華已言之矣，我將火焚馬，各使洲島安居者，俱遭烈燄，俾知我乃耶和華，我將使我民以色列族，知我聖名，不復玩瀆，使異邦人，皆知我乃以色列族之聖主耶和華，主耶和華曰，我所言之日，今已屆矣，事已驗矣，以色列衆邑之民，必出取敵之干戈弓矢杖梃，用以爲炊，歷至七年，毋庸拾薪於田，伐木於林，惟燒器械，昔則見攘於人，今則攘人，昔則見擄於人，今則擄人，我耶和華已言之矣，是日也，在以色列地東海之谷，往來之所，我必使角衆尸相枕藉，人埋於此，稱其谷曰哈門角，過之者無不掩鼻，以色列家葬尸，歷至七月，乃蔽其事，地始潔清，斯土居民，封其尸骸，我得尊榮，以是日爲吉日，我耶和華已言之矣，必簡數人，晝夜巡行，見未葬之尸，則復瘞埋，又歷七月，斯地始潔，過斯土者，見人骸骨，則爲之誌，待葬者瘞之於哈門角谷，遂以哈門亞名邑，人潔斯土，必如是以行，主耶和華曰，人子，當告飛鳥走獸云，我行殺戮於以色列山，爾當自四方，噬肉飲血，食武士之肉，飲邦君之血，大小牛羊，

俱已肥腩。至自巴山者，爾可吞噬。既戮衆民，爾可食脂飲血，以果爾腹。至於饜飮，凡駕馬之武夫，乘輿之猛士，俱賜爾食。我耶和華已言之矣。我必彰公義，施巨力，降罰斯衆，使異邦人目覩。自此而後，以色列族必知我乃耶和華，異邦人亦知以色列族被擄，因其愆尤，獲罪於我，故我退棄之。付於敵手，俱亡於刃。我察其罪，淚孔多，身染污穢，而退棄之。耶和華曰：斯後我必反雅各俘囚，矜憫以色列全家，大顯我聖名。昔彼犯罪於我，我使蒙羞，後導之自異邦敵國而至，賜彼安居斯土，不復震驚，尊崇乎我，爲列邦目覩。主耶和華曰：昔我使以色列族擄於異邦，厥後返於故土，無不各歸其所，我不復退棄。賦以聖神，俾知我乃其上帝耶和華。

第四十章 我儕被擄之二十五年正月十日，耶路撒冷城已陷十四年矣。斯時耶和華之神感我，恍惚中若覩異象，導我至以色列地，立於高崗，瞻彼南方，若有城郭之狀，導我至彼，見有人容色若銅，麻繩與量度之杖，立於門前，告我曰：人子，我導爾至此，將以物示爾，爾當目覩耳聞心思，以所見者，播告以色列家。殿外四周有垣，其人執杖，杖長六尺，尺計長自肘至指，再加一掌，量度其垣，高廣各一杖。至於東門，拾級登階，量其門闕，深計一杖，門內有小室，深廣亦各一杖，室相間計五尺，內門之闕，深計一杖，與門廊相近，又量門內之廊，深八尺，其柱方廣二尺，東門之小室，左右各三，深廣相同，室旁左右各有柱，大小相同，門內之衢，廣一丈，長一丈三尺，左右之室，深廣各六尺，其前有陞，廣一尺，門與兩旁之室，總計之，廣二丈五尺，左右有門，各相向，衆門柱數，合而計之，廣六丈，門柱四周，中留隙地，由外門達內門，以及後廊，其深五丈，門內左右小室，及室旁之柱，各

有窻，閉以斜櫺，後廊之內亦有窻，柱上刻棗樹之狀。其人導我入外院，牆內四周以石鋪地，其上
有室，數共三十，門外兩旁亦以石鋪地，地勢較院內稍卑。其人量院自東門外至內院前，深十丈，
外院北向之門，量其深廣，門內左右各有三室，其柱其廊與東門之室深廣相同。門與室總計之，
深五丈，廣二丈五尺，其窻其廊及所刻棗樹之狀俱循東門之式。塔有七級，歷之以上有廊在後，
內院有門與外院北門相向，無異東方。自外院之門至內院之門，深十丈，其人導我至院之南，在
彼有門，遂量度之，其柱其廊與他門深廣相同。門與廊四周有窻，製同北門。門與室總計之，深五
丈，廣二丈五尺，階有七級，歷之而上，其後有廊，柱上左右刻棗樹之狀。自內院之門達外院南門，
量之，得十丈，其人導我由南門入內院，遂量內院之門，其室其柱其廊深廣與外院之門無異。門
與廊四周有窻，門與室總計之，深五丈，廣二丈五尺，門前有廊與外院相向，柱上刻棗樹之狀。階
有八級，歷之以上，遂導我至內院東向，量度其門，其室其柱其廊深廣與外院之門無異。門與廊
四周有窻，門與室總計之，深五丈，廣二丈五尺，門前有廊與外院相向，柱上刻棗樹之狀。階有八
級，歷之以上，遂導我至內院北門，量之，其室其柱其廊深廣與外院之門無異。四周有窻，門與室
總計之，深五丈，廣二丈五尺，門前有廊與外院相向，柱上刻棗樹之狀。階有八級，歷之以上，門旁
有柱，中空如小室，燔祭之品滌於斯。門外之廊左右各有二几，凡獻燔祭與贖罪之祭者，宰牲於
上，廊外階之兩旁各有二几，門旁左右各四几，共八几，宰牲於上，階之兩旁各有燔祭之几二，以
雕石爲之，長廣各一尺五寸，高一尺，凡欲宰燔祭及贖罪之祭者，置其器於上，有鈎濶約一掌，釘

於廊之四周，几上置胙肉，其人導我入內院之門，見有二室，一在北門側南向，一在南門側北向，其人告我曰：南向之室，守殿之祭司居之，北向之室，守壇之祭司利未後裔撒督子孫，凡詣前服事耶和華者居之。遂量內院，長廣俱十丈，其院維方，殿前有祭壇，其人導我入殿前之廊，左右立石柱二，徑各五尺，柱之隅自外至內，兩旁各三尺，廊廣二丈，深一丈一尺，欲入之者，必歷階級而上，石柱之旁，復有木柱，左右各一。

第四十一節 其人導我入殿，左右各有石柱，量之各徑六尺，門闊廣一丈，門旁左右各五尺，共計殿廣二丈，深四丈，遂進內殿，量其門楹徑二尺，門廣六尺，門旁各七尺，其人量後殿，深廣各二丈，廣與前殿相同，告我云：此至聖之所。遂量殿牆六尺，殿之四周，有衆小室各廣四尺，室有三層，每層計之，得室三十，殿牆四周，又有小牆，附牆遍築衆室，不與殿牆相接，上層之室，愈高愈廣，四周之室皆若是，衆室之中，自下層至上層，緣梯曲折而登，我觀殿之四周，衆小室自下至上，各高一丈，即六尺，衆室之外牆，厚五尺，外牆之外，即殿之左右有兩廡，其間有隙地，廣二丈，自小室至隙地，有二門，一南向，一北向，殿牆四周，有陸廣五尺，隙地西向有廡，深七丈，廣九丈，四周之牆，厚五尺，遂量殿長十丈，殿旁隙地與廡及牆，亦長十丈，殿前隙地，東向亦十丈，殿後隙地，及兩廡各廣十丈，內殿前廊門楹，與環殿三層之室，門楹相向，自地及廡，俱蓋以板，殿門之上，殿之內外，牆之四周，雕嗒啞啞，與棗樹之狀，相間而列，嗒啞啞各有二面，左則貌似人，右則狀若獅，各向棗樹，殿之四周皆如是，門旁之牆，自殿及巔，雕嗒啞啞與棗樹之狀，殿之門柱，形製維方，聖所之前。

其狀亦若是，有木臺高三尺，長廣俱二尺，其角其旁，俱以木爲，其人告我曰：此乃耶和華之臺，外殿與聖所，各有二門，門之左右各有雙扉，門上雕嗒啞啞，與棗樹之狀，與牆上無異，殿門以巨木爲闕，廊左右有窻，雕棗樹之狀，環殿之室與陛，亦若是。

第四十一 遂導我至外院，自北入廡，其廡在殿旁隙地之北，廣十丈，深五丈，其門向北，內院有隙地，深二丈，外院有鋪石之處，其間有臺三層，室前有道，長十丈，廣十尺，其門北向，上層之室最狹，上層之臺，較中下者愈寬，臺有三層，不立柱，不與外院相同，上層之室，較中下者愈狹，廡前有牆，與外院諸室相向，長五丈，廡前有室，與外院相向，亦長五丈，共計十丈，此室之下有門，東向，可自外院由此而入，外院牆側南向，殿旁隙地之前，亦有廡，其室與室前之道，長廣與北廡無異，出入之門，與前式相同，廡前有室南向，東方亦有門，自牆前可通廡內之道，其人告我云：隙地前南北之廡，俱爲聖室，詣耶和華之祭司，可在彼食聖物，即贖罪之祭品，以及禮物，蓋此廡至聖，祭司入廡，不可自聖所往外院，欲出外，必先解供職之聖衣，更衣他衣，雜於衆中，其入量內殿，既竟，導我至東門，量院四周，以杖量東方，長五百丈，以杖量北方，長五百丈，以杖量南方，長五百丈，以杖量西方，長五百丈，其量四方有牆環繞，長廣各五百丈，使聖所與俗地相隔。

第四十二 嗣後其人導我至東門，以色列上帝之榮光，自東而至，聲若波濤澎湃，光極輝煌，燦爛於地，昔我於異象中，至耶路撒冷，言此邑必敗，及在基八河濱，亦有所見，與今所目覩者，無以異也，我見之，俯伏於地，耶和華之煌榮，由東門入殿，我爲神所感，導我入內院，見耶和華之煌榮。

充盈殿宇，我與其人偕立時，聞殿中有聲。若與我言，謂我曰：人子，此卽我位，爲我駐蹕之所，我必永居以色列族中。蓋以色列族君民，不復縱私欲，築崇壇，葬王尸於殿側，玩瀆我聖名。昔斯民以其殿之門柱，門櫺與我殿之門柱門櫺相連，惟間以壁，恒作不端，玷我聖名，故我震怒，殲滅殆盡。今當遠棄淫行，不葬王尸於殿側，我則恒居其中。人子，以色列族所作不端，既自知有罪，抱愧含羞，則必以此殿之規模形製，出入之處，及禮儀法度，書之於冊，俾衆目覩，使彼恒守山巔四周，乃至聖之所。此乃殿之法度，祭壇之長廣如左：尺計長自肘至指，再加一掌，壇基有三層，下層高深各一尺，四圍有緣，廣一掌，此乃壇之外式。中層高二尺，深一尺，上層高四尺，深一尺，壇高四尺。壇上有四角，壇長廣各一丈二尺，其式維方。基之中層長廣各一丈四尺，四圍有緣，廣半尺。基之下層深一尺，階級自東而上。其人告我云：人子，主耶和華曰：人既作壇獻燔祭，灑血於上，其禮儀如左。主耶和華曰：利未後裔，撒督子孫，俱爲祭司，詣前以奉事我，爾必以犢一子之爲贖罪之祭，取血獻壇四角。基之四旁，緣之四周，使壇成潔，牽贖罪之犢，至聖所之外，預定之所，燔之於火。翌日必獻山羊之羔，純潔是務，爲贖罪之祭，以潔斯壇。與用牛之法無異。潔壇既畢，必備犢一，牡綿羊一，純潔是務。祭司灑之以鹽，獻於耶和華，以爲燔祭。歷七日，必獻山羊一，爲贖罪之祭，又獻犢一，牡綿羊一，純潔是務。歷七日，當潔祭壇，以供其職。屆八日，而後祭司當獻燔祭禮物於壇。我耶和華必悅納之。

第四十四章 其人導我至外院之東門，見門已闔。耶和華謂我曰：我耶和華，以色列族之上帝，既

入斯門、厥後門必關、恒不敢、人不得擅入、惟君王可坐其內、在我前食餅、由門廊出入、其人導我入北門殿前、我見耶和華之煌榮、充盈殿宇、俯伏於地、耶和華謂我曰、人子、我以聖殿之法度禮儀示爾、當慎爾觀聽、知殿出入之所、當告以色列族違逆者云、主耶和華曰、以色列族與爾所作不端、罪惡貫盈、彼異邦人身心不潔、爾導之入我聖所、以玷我室、爾雖獻餅餌血膏、亦作不端、背我盟約、爾不守我聖所、乃使他人代之、因以取利、主耶和華曰、以色列族中有異邦人、身心不潔者、不得入我聖所、昔以色列族背我、崇拜偶像、利未人亦背我、遂負罪戾、彼在聖所、可供役事、守殿之門、爲民宰牲、立於其前、以供役事、既崇事偶像、誘以色列族陷於愆尤、故我耶和華指己而誓、必加以罪、不詣我前、供祭司之職、不在至聖之所、近我聖物、必因所作不端、含羞抱愧、惟守殿門、供其役事、則無不可、主耶和華曰、昔以色列族背我、利未後裔撒督子孫、咸爲祭司、守我聖所、彼可詣前、以奉事我、獻脂與血、入我聖所、近我聖几、以供其職、彼入內院供役、必衣桌衣、勿衣羊毛、上戴桌冠、下服桌褲、凡致汗之衣、不服於身、出與衆雜處、必解供職之衣、置之聖室、更衣他衣、如衣俗服、不能行祭司之事、勿雍首、勿長髮、惟修以翦、祭司入內院、不可飲酒、務婦棄婦、勿娶、必娶以色列族之處女、或他祭司之嫠婦、當教我民、必別聖與不聖、潔與不潔、有訟事、必當鞫問、遵我法度、在大會中、必守我禮儀法度、以我安息日爲聖日、祭司勿近尸骸、恐自玷其身、惟爲父母子女兄弟未嫁之姊妹、則可成潔之後、七日既屆、必入內院聖所、以供役事、獻贖罪之祭、我耶和華已言之矣、祭司在以色列族中、不得土壤爲恒業、惟以色列族所獻之禮物、與贖罪之祭品、皆

祭司所得爲其食用，凡土所產之初實，人所獻之禮物，悉歸祭司，新麥爲屑，亦予祭司，純嘏臨於爾家，凡自斃斷傷之禽獸，祭司不食。

第四十五章 爾掣籤分地爲業，當以一區獻耶和華，以爲禮，長二萬五千杖，廣一萬杖，區內四周俱爲聖地，其中有區，長廣各五百尺，其式維方，以爲聖所，四周五十尺，以爲隙地，當量聖地，長二萬五千杖，廣一萬杖，中有聖所，及至聖之室，祭司詣耶和華前，在聖所供役，可得斯地，以爲聖所，及己宅第，斯地也，長二萬五千杖，廣一萬杖，凡殿中供役之利未人，可得一區，建室二十，聖地相向之所，當畫一區，長二萬五千杖，廣五千杖，使以色列全家，建邑於此，聖地邑城附近之所，東西兩旁，當畫二區，爲君王所得，其長與聖地東西之界相同，以色列地有王畿，以餘地予以色列族，循其支派而分之，故君不侵牟民利，主耶和華曰，爾以色列君畿內所產，足以自供，勿強暴攘奪，惟孳孳然行仁爲義，權量法度，悉秉至公，石斗之制，維務均平，十斗爲一石，十錢爲一兩，三十兩爲二斤，爾當獻之禮物如左，麩麥，小麥，六石中獻一斗，油六百斤中獻六斤，在以色列沃土，二百羔中獻一羔，爲燔祭，以贖罪，亦獻禮物，及酬恩之祭，我耶和華已言之矣，國民以此物數，納於以色列王，王爲之進獻，凡節期月朔安息日，及以色列族大會之時，君王必備燔祭禮物，及酬恩之祭，酒以灌奠，爲以色列民贖罪，主耶和華曰，正月朔，必獻犢，純是務，以潔聖所，祭司取血，釁殿之柱，壇之四基，及內院門欄，正月七日，爲彼蚩氓，悞干我命，亦必獻犢，贖民罪，而潔殿宇，正月十四日，爲逾越節，七日守節期，食無酵餅，是日君王必備犢一，爲己及庶民獻之，爲贖罪之祭，歷節期

之七日，備犢七，牡綿羊七，惟潔是務，以爲燔祭，亦必日備山羊之羔，爲贖罪之祭，爲各犢各牡綿羊，備麵六斗，油六斤，以爲禮物。七月望，必守節期，歷七日，獻贖罪之祭，燔祭禮物，及油，俱遵前數。

第四章 第六章 主耶和華曰：六日間，民操作，必閉內院之東門，安息日及月朔，必啟。君王入內，由是

門之廊，立於門闕，祭司獻燔祭，酬恩祭之時，君王必拜於門闕，然後出，惟門不闔，迨夕乃闔。安息

日月朔，庶民必詣是門崇拜耶和華。安息日，君王必獻綿羊羔六，牡綿羊一，純潔是務，以爲燔祭。

奉耶和華，爲牡綿羊獻麵六斗，油十斤，以爲禮物，爲衆羔羊，各隨其力之所給。月朔，必獻犢一，綿

羊羔六，牡綿羊一，純潔是務，爲各犢各牡綿羊，獻麵六斗，油六斤，爲禮物，爲衆羔羊，隨其力之所

給。君王出入之道，必由門廊。大會之時，庶民欲詣耶和華前以崇拜，凡入北門者，必由南門而出，

入南門者，必由北門而出，其出不由所入之門，必由相對之門。君王亦在民中，偕民出入。大會節

期，爲各犢各牡綿羊，獻麵六斗，油六斤，爲禮物，爲衆羔羊，隨其力之所給。如君欲樂輸燔祭，酬恩

之祭，奉耶和華人，必啟東門，遂供燔祭，酬恩之祭，與安息日無異。君王既出，人必闔。每晨，必獻未

盈歲之羔，純潔是務，以爲燔祭。奉耶和華，每晨，必備麵一斗，雜以油三斤四兩，獻爲禮物，循耶和

華常例。每晨，當備羔羊禮物膏油，恒爲燔祭。主耶和華曰：如君王錫土於子，則其土歸子統轄，爲

其恒業。如王以土地錫於臣僕，則其土必歸臣僕。越屆禧年，乃歸君王，爰及子孫。君王欲以土賜

子，必取畿輔之地，勿強奪民業，逐民出邑，使星散於四方。其人導我入，由門旁之道，詣祭司北向

之室，見其西亦有室宇，遂告我云：祭司潔民之時，不可攜贖罪之祭，以及禮物，迨至外院，乃烹於

此室^三其人導我至外院，巡行院之四隅，每隅有小院，長四丈，廣三丈，其式維一，小院四周有衆室，內有烹飪之所，其人告我云：庶民獻祭，殿之供役者，烹肉於此。

第四^一章 其人導我至殿門，其殿東向，門闕之下，水滂然以出，流於東方，由殿右壇南而來，遂導我出北門，折而至東門之外，見水出於右，執繩之人，往東量百丈，導我涉水，其水沒脛，又量百丈，導我涉水，其水沒膝，再量百丈，導我涉水，其水沒腰，又量百丈，其水成河，我不得濟，蓋水泛溢，可洄而不能涉矣。遂告我云：人子，爾見此乎？遂導我至河濱，見河左右，林木叢雜，其人告我云：此水流至東方，過野入海，海爲之甘，河流所至，盡成甘泉，水族滋生，魚尤繁衍，不可勝數，水之所匯，百物生焉，自隱其底，至隱客連，漁人張網得魚，五色俱備，魚族繁多，不亞大海，其淤下之澤，依然斥鹵，河濱左右，結菓之樹，其菓經歲不凋，其菓取之不竭，因水出於聖所，月必有菓，菓可爲食，葉堪入藥。主耶和華曰：爾得斯土，循以色列支派，其界如左，約瑟必得二區，昔我發誓，以斯土錫爾列祖，爾必共分而得之。北界自大海之希得倫，至西撻哈末，庇羅達，大馬色，哈末，間之十喇音，耗蘭旁之哈撒哈底干，近大馬色界之哈撒以喃，至哈末界，此乃北界。東界自耗蘭，大馬色，基列，以色列地之約但，至東海，此乃東界。南界自大馬及迦鐵之米利巴，水至大海，此乃東界。西界大海，自南方至哈末，相向之地，此乃西界。必以斯土，循以色列支派而分之，當掣籤分與爾民，旅爾中之異邦人生子，必與以色列本族無異，俱得土以爲恒業，異邦人旅於各支派中，必於此得業。我耶和華已言之矣。

第四十八章 支派之業如左，但所得者在北界，自東至西，由希得倫至哈末，哈撒以喃，北向大馬色之界，亞設所得者在但之南，其界自東至西，納大利所得者在亞設之南，其界自東至西，馬拿西所得者在納大利之南，其界自東至西，以法蓮所得者在馬拿西之南，其界自東至西，流便所得者在以法蓮之南，其界自東至西，猶大所得者在流便之南，其界自東至西，在猶大之南，自東至西，爲獻地，長二萬五千杖，廣如他區，聖所在其中，所獻耶和華之地，必長二萬五千杖，廣一萬杖，祭司所得之聖地，自南至北，二萬五千杖，自東至西，一萬杖，耶和華之聖所在其中，昔以色列族及利未人背我，惟撒督子孫，咸爲祭司，不背乎我，潔身而守我室，故得此地，所獻之地，附利未界者，必歸祭司，爲至聖之城，祭司之地，相向之所，其地利未人得之，長二萬五千杖，廣一萬杖，此區獻於耶和華，爲聖地，利未人不可鬻之，又不可易之，其土產之初實，不可歸於他人，利未人得地二萬五千杖，附其地者，又有一區，廣五千杖，可爲俗地，建邑，構廬於其中，其量如左，東西南北方四千五百杖，邑郊四周，廣二百五十杖，附聖區之餘地，東西各一萬杖，其土所產，以供邑中役事之人，邑中役事者，必自以色列衆支派中簡之，所獻之地，與邑地共計之，四方得二萬五千杖，聖地與邑地，二萬五千杖，中有聖室，東西更有餘地，皆爲王畿，自猶大界至便雅憫界，爲利未人業，與建邑之地，其東西之地，爲王畿，其餘支派所得如左，聖地南，自東至西，爲便雅憫之地，便雅憫之南，自東至西，爲西面之地，西面之南，自東至西，爲薩迦之地，以薩迦之南，自東至西，爲西布倫之地，西布倫之南，自東至西，爲伽得之地，伽得之界，在南方，自大馬至迦鐵之米利巴水，至

大海三主耶和華曰此乃以色列地爾當掣籤分與諸支派為業邑之北方四千五百杖邑門循以色列支派之名北向有三門曰流便曰猶大曰利未邑三之東方四千五百杖亦有三門曰約瑟曰便雅憫曰但邑三之南方四千五百杖有三門曰西面曰以薩迦曰西布倫邑三之西方四千五百杖有三門曰伽得曰亞設曰納大利邑三之四周一萬八千杖是日以後邑名曰耶和華駐蹕之所

但以理書

猶大王約雅金三年，巴比倫王尼布甲尼撒環攻耶路撒冷，其勝猶大王約雅金也。耶和華聽之，遣上帝殿中器皿之半，返於示拿，藏於其上帝殿旁之庫。王諭宦官長押比拿簡，以色列王宗室，以及閹閼之家數人，皆無瑕疵，丰采甚都，智識兼備，可立於朝者，教以迦勒底人語言文字。王日賜以糲糧酒醴。比及三年，乃使侍於王前。中有猶大族四人，名但以理、哈拿尼亞、米沙利、亞薩哩亞。宦官長爲易其名稱，但以理曰：伯底沙撒，稱哈拿尼亞曰：沙得臘，稱米沙利曰：米煞，稱亞薩哩亞曰：亞伯尼珂。但以理立志，不以王之糲糧酒醴，破其戒，求宦官長爲之辭。但以理蒙上帝祐，令沾恩矜恤於宦官長。宦官長告但以理曰：我畏我主我王，彼賜糲糧酒醴，如見爾曹形容憔悴，不及同儕，則必喪我元。宦官長使酒正統理，但以理、哈拿尼亞、米沙利、亞薩哩亞四人，但以理告之曰：僕試食蔬飲水，至於十日，後觀我容較食王之糲糧者，果何若，則依所見而行。酒正許之，如其言而試之，閱十日，見其容較食王糲糧，尤爲雄壯，丰度超羣。酒正乃去糲糧酒醴，食以菜羹。上帝賦四子以聰明智慧，文字靡不諳通。但以理備悉異象，善解夢兆。王預定日期，召諸人入朝，其期既屆，宦官長引之見王。王與之言，知但以理、哈拿尼亞、米沙利、亞薩哩亞四人之才，莫之與京。於是侍於王前。王聆其智慧之言，知彼較通國之博士賢人，尤爲明哲，且十倍之。逮古列元年，但以理猶存於世。

第二十三章 尼布甲尼撒二年，王獲夢，中心憂疑，不得寢，召諸博士賢人，巫覡太史，既至王前，王命占

夢曰我獲一夢中心鬱陶欲知其夢而無由太史以亞蘭方言呼王千歲曰請以夢告僕僕占其
 兆王曰我已^五有命如爾不以夢告我示我以兆必剖爾體使爾室為廁如以夢告我示我以兆必
 大賚爾尊榮爾言之勿遲曰請王以夢告僕僕占其兆王曰我知爾明知我命故為遲延爾第欲
 欺余不以夢告我作緩圖之想然我命已出決無再更爾當以夢告我則我知爾能占其兆太史
 對曰斯事天下無有能知者且未聞君王牧伯以此詰博士賢人太史者也王所問人難以對其
 惟上帝能之而上帝不與人交王大怒命取巴比倫諸哲士置之^{十三}大辟王詔既頒將戮哲士遍索
 但以理及其同儕亦將加戮侍衛長亞畧出欲殺巴比倫諸哲士但以理婉詞問亞畧曰王命孔
 亟曷故亞畧以實告但以理見王求緩其期當以夢兆入告但以理歸告同儕哈拿尼亞米沙利
 亞薩哩亞曰宜求天上上帝施恩以此祕奧默示我儕以免我儕與巴比倫哲士同就駢戮既夕
 上帝於異象中以祕奧示但以理但以理祝天上上帝曰上帝智能俱備當頌美之永世靡暨主
 限時日升降君王使賢者有智哲者明慧以祕奧之事示人光暗無不灼知我祝謝列祖之上帝
 賜我智能以王夢示我應我所求亞畧奉王命將殺諸哲士但以理見之云勿戮引我見王我必
 以夢兆告王亞畧亟使但以理見王奏曰我得猶大俘囚之中一人能以夢兆告王但以理又名
 伯底沙撒王問曰我夢與兆爾能詳述乎對曰王所問之事哲人賢者博士太史不能告王惟天
 上上帝以祕奧示人今將以末日之事告王王臥於榻中宵得夢我試言之王寢時思未來事上
 帝能顯諸隱以末日之事示王非我較天下人有智惟上帝以此祕奧示我遣我以兆告王使王

追憶前事，王夢巨像，極其輝煌，立於王前，甚可畏懼。像首鑄以兼金，胸臂以銀爲之，腹與股則皆銅所作，其脛爲鐵，其足半鐵半泥。又見一石，非人手所鑿，擊像半鐵半泥之足而碎之。時鐵泥銅銀與金俱碎，若夏時穀場之糠，爲風飄揚，頓失無所。擊像之石，成爲大山，遍盈天下。其夢若是，今以其兆告王。天上上帝，賜爾秉國之鈞，能力俱備，榮光丕著，爲諸王之王。天下居民，野獸飛鳥，歸王掌握，所夢金首，卽爾是也。後有國振興，不能與爾國頡頏，又後一國若銅，主治天下。最後一國剛強若鐵，鐵能服百物而碎之，衆國皆爲所破。爾見足指半鐵半泥，其國必分。爾見鐵雜於泥，其國之半，亦剛強若鐵，足指半泥半鐵，其國亦半強半弱。爾見鐵與泥相雜，其國人必與異邦人相參。彼此不合，猶鐵不與泥合。當彼列王之時，天上上帝，更使一國振興，永世靡暨，不爲他國所取。蠶食列邦，恒存不廢。爾見石由山出，非人手所鑿，凡鐵銅金銀與泥，皆爲其所摧。此乃至大之上帝，以未至之事示王。其夢乃定，其兆不易。王聞言，俯伏拜，但以理命獻禮物香品，以崇奉之。告但以理曰：爾之上帝，能以斯祕奧，宣示於爾，誠爲諸上帝之上帝。諸王之主，能闡幽微，物無遁情。王於是尊崇，但以理加以重賚，封爲巴比倫方伯。衆哲士長，但以理求王使沙得臘、米煞、亞伯尼珂、治理巴比倫之事，但以理待命御闕。

第二章 尼布甲尼撒王銷金鑄像，高六丈，廣六尺，立於巴比倫土喇平原之所。召方伯州牧、顯宦刑官、筭庫之士、刀筆之吏、諳法之師，與衆邑宰俱至，欲觀所鑄之像。百官既集，立於像前，將行贊禮。道人大聲呼曰：民人族姓，王命爾曹，聞角鼓琴瑟笙簫樂器之音，卽當伏拜。尼布甲尼撒王所

鑄之金像，不然，立投爾於洪爐。維時民人，族姓聽角，鼗琴瑟笙簫樂器之音，一時齊作，咸俯伏拜。王所立之金像，有迦勒底人趨前控告，猶大人見王呼千歲曰：王頒詔於衆，凡聞角鼗琴瑟笙簫樂器之音，當俯伏崇拜金像，不然，必投之洪爐。今有猶大人沙得臘、米煞、亞伯尼珂，王封之治巴比倫，乃不事爾之上帝，不拜爾所立之像，是不遵王命也。王大怒，命曳三人至王曰：沙得臘、米煞、亞伯尼珂，爾三人不事我之上帝，不拜我所立之金像，故方我命乎？今爾聽角鼗琴瑟笙簫樂器之音，咸當俯伏拜我所鑄之像，則可，不然，即投爾於洪爐。諸上帝中孰一能救爾於我手？沙得臘、米煞、亞伯尼珂對曰：我儕自有說，我所事之上帝，能救我於洪爐，脫我於王手，即不然，我亦不事王之上帝。拜王所立之金像，王怒益甚，勃然變色，使熱洪爐，較常者燄烈七倍，命軍中壯士束縛三人，投諸洪爐。三人受縛，不去，上下內外之衣，投於洪爐。王命孔亟，洪爐倍熱，壯士反爲烈燄所燬。三人既被縛，擲於洪爐，頃之王忽驚起，問諸議士曰：我非取三人，縛投火中乎？僉曰：然。王曰：我今見四人，不縛不傷，遨遊火中，其一貌若上帝子。王近洪爐之側，曰：沙得臘、米煞、亞伯尼珂，至上帝之僕，當出。於是三人俱從火出。方伯州牧邑宰，與王之議士大和會，觀斯三人，火焰不傷，首髮不多，衣不變色，火燎之臭，亦未之有。王曰：沙得臘、米煞、亞伯尼珂，賴其上帝，余雖降命，彼寧焚其身，不拜他上帝，故上帝遣使救援，當頌美不已。我今頒詔命，諸民人族姓，凡瀆沙得臘、米煞、亞伯尼珂之上帝者，必剖其體，以其室爲廁，蓋無他上帝，能救人若此。王於是特舉三人居顯爵，處於巴比倫邑。

第四章 尼布甲尼撒王頒詔天下曰願民人族姓咸得平康至上上帝行異蹟奇事施於我躬我欲述之上帝之經綸大而無比其國鞏固永世靡暨我尼布甲尼撒晏處深宮時值昇平忽得一夢致余畏懼宵闌輾轉中心鬱伊爰召巴比倫諸哲士咸詣我前俾以夢兆告余於是博士賢人太史卜師咸集余告以所夢彼不能解其兆焉既而但以理至彼循我上帝之名稱曰伯底沙撒爲至聖上帝之神所感余卽以夢告之曰博士長伯底沙撒我知爾感於至聖上帝之神凡祕奧之事爾能明晰無事三思我所得之夢其兆維何願明以告我我中宵偃臥夢樹生於地其高莫及生長堅剛高凌霄漢天下之人皆得仰而見之其葉萋萋厥果纍纍百物得而果腹野獸伏於其蔭飛鳥巢於其枝我臥於榻夢聖使者巡察者自天而降大聲呼曰斬其柯斫其枝摧其葉摘其果使其下獸不得伏其上鳥不能棲斷枝剩幹猶留於地斯樹譬諸斯人東以銅鐵委其草萊之間爲夜露所沾濡使之嚙芻無異野獸使其赤子之心陡變豺狼之念待七年既屆聖使者巡察者已定命若此使天下之人皆知至上者秉其鈞衡在乎寰區之內隨意昇降以賤爲貴治理民人我尼布甲尼撒已得此夢國中哲士咸不能解其兆惟爾伯底沙撒爲至聖上帝之神所感盍以兆告余但以理亦名伯底沙撒一聞我言不覺駭駭竟晷中心鬱陶余曰伯底沙撒勿爲余夢及兆鬱伊不止對曰願此夢之兆矧於敵人勿爲王躬之咎爾見林木生長堅剛高可干霄天下人民咸得仰而見之樹葉葱蘢果實殷繁百物食之賴以果腹野獸蹲伏於蔭下飛鳥棲止於枝巔斯樹卽王爾既長大堅剛無比高大及乎九霄權能延乎四極王見巡察者聖使者自天而

降云，斫樹務盡，惟留根株。斯樹譬諸斯人，縛之以銅鐵，委之於草萊，爲宵露所沾濡，與野獸同寢處。迨七年既屆，我試以其兆告王。至上之主，其命已定。人將驅逐我主我王，不復與人偕處。乃與獸同居，俾爾啣芻，無異於牛。爲露所侵，待及七年，使知至上者操寰區之柄，以國畀人，悉隨其意。聖使者既命留根株，則王躬必無害。迨王覺悟，知權自天操，而國可復。我今勸王棄惡歸善，矜憫貧乏，則享綏安，庶幾恒久。我尼布甲尼撒所遭，悉應斯言。十二月終，我遊於巴比倫殿，自謂此非巴比倫大城，我所建造者乎？我以之爲國都，顯我能彰我榮。言未竟，自天有聲曰：上帝有命，爾將失國。當驅逐爾，不與人偕居，而與獸錯處。啣芻若牛，以待七年之屆。俾知至上者操權於寰區，隨意昇降。我卽於斯時，遭此災患，倏被驅逐，不與人居。啣芻若牛，身爲露所濡濡，首髮長若鷹翮。指甲利若鳥爪，其日既屆，我尼布甲尼撒仰觀乎天，心復靈慧，頌美至上永生之主。其國靡暨，永世弗替。斯世之億兆，藐乎其小，有如無物。天下軍旅，地下人民，上帝隨意而作，其取之，孰能禦之？其爲之，孰能詰之？是時我得靈慧，光復舊物，尊榮赫耀。我之議士牧伯，再謁見我。我國復立，威儀郁郁。故我尼布甲尼撒頌美稱譽天王，其所爲者，惟秉大公，眞實無妄，惟驕其志者，上帝使之卑微。

第廿四章 伯沙撒王，肆筵設席，召有爵位者千人，咸赴王譙，與衆同飲。進酒時，命取金銀器皿，乃王之祖尼布甲尼撒得之於耶路撒冷。上帝殿者，遂取之至。王公后妃以之飲酒，飲時，頌美金銀銅鐵木石所造諸上帝，忽有人手之指顯現，書文字於王宮粉壁。燭臺相向之所，王見之，勃然變色，中心鬱陶，腰骨閃損，兩股戰栗，犬聲召諸博士、太史、卜師、巴比倫哲士咸至。王告之曰：有能讀斯

文字解其義者，身衣緋衣，項繫金索，爲國之相，職居其三。哲士入，文字不能識，奧義不能明，王甚鬱陶，色變移時，百官驚駭。太后聞王與百官之言，乃詣宴室曰：願王千歲，毋庸鬱陶變色。國中有
人爾祖之時，爲至聖上帝之神所感，具聰明，有智慧，與上帝之智無異。爾祖尼布甲尼撒王立之
爲博士，賢人太史卜師之長，其名但以理。王稱之曰：伯底沙撒。心靈性敏，能解夢兆，能明隱語，剖
析疑義，今可召之，必能解其意焉。但以理見王，王曰：昔我祖虜猶大之俘囚，至於國中，爾但以理
果在其中乎？我聞爾爲上帝之神所感，聰明智慧，超於儕輩。今諸博士賢人入朝，使讀斯文，解斯
義，咸不能焉。我聞爾善解祕奧，釋疑竇，爾果能讀斯文，解斯義，則必身衣緋衣，項繫金索，爲國之
相，職居其三。但以理曰：大賚我所不取，爾賞可畀他人。我必讀斯文而解其義。王請聽余，至上上
帝，以國威尊榮，賜爾祖尼布甲尼撒，因其威儀，億兆族姓，戰慄於前，生殺昇降，皆出王衷。旣驕奢
其心，剛愎其志，乃黜王位，去其尊榮，心若豺狼，爲人驅逐，不與人居，而與野驢錯處，鬻芻若牛，沾
濡於露，待知至上之上帝，操世之權，以國畀人，悉隨其意。爾伯沙撒乃先王之孫，雖知此事，不卑
以自牧，惟驕其志，逆天之主，命取厥殿之器，王公后妃，用之飲酒，譽揚金銀銅鐵木石所造之上
帝，彼不見不聞，不識不知，至於賜爾呼吸，整爾步履之上帝，爾反不頌美之。故上帝遣使，以手顯
現，書此文字，其文曰：咪呢咪呢，疵喘疵喘，咪呢即數之之義，上帝數爾國祚，使爾永終。疵喘即衡
之之義，上帝衡爾，知有所缺。疵喘即分之之義，上帝分裂爾邦，以畀米太巴西伯沙撒。大賚但以
理，以緋衣被其身，以金索繫其項，更頒詔，命爲國相，職居其三。是夕迦勒底王伯沙撒爲敵所殺。

米太人大利烏得迦勒底地而王之。時年六十有二。

大利烏立州牧百二十人，治理國事。更立三監督，糾察其弊，不使國家有損。但以理爲監督長，但以理心甚靈慧，王使之綜理。監督州牧職居宰輔，統轄全土。監督州牧伺但以理之際，欲因其治之不善而訟之於王。惟但以理竭其忠忱，無疵可摘。彼此相告曰：但以理恒遵上帝禮儀，非指此一端，則不得其故以訟之。監督州牧羣集謁王，咸呼千歲曰：國之宦豎，方伯州牧，議士民長會議，欲定律例，三旬之間，惟王是求。凡稟上帝求世人者，必投之獅穴。請王印誌頒詔，以爲常典。循米太巴西人之法，不可變更。王乃頒詔，鈐以印誌。但以理聞王已鈐印誌，則歸啟牖，向耶路撒冷屈膝曲跪，日凡三次，循其常例，禱告祝謝上帝。百官和會見但以理禱告其上帝，詣王前告曰：吾王綸紱已傳，印誌已鈐，三旬之內，惟王是祈。凡禱上帝，求世人者，必投之獅穴。是事豈不有諸？王曰：有諸。當循米太巴西之例，其命不可改。衆又告王曰：猶大之俘囚，但以理者，不尊崇王，不遵王命，祈求上帝，日凡三次。王聞言不悅，欲救但以理，中心籌畫。至於日沒，百官復入奏於王曰：王知循米太巴西之法，旣頒斯詔，不可變更。王命取但以理投諸獅穴。告但以理曰：爾恒事上帝，上帝必復援手。人移石塞穴，王封以國璽，又鈐以百官之印，明其不易。王返宮，竟夕不食不寐，徹音樂。翌日，王夙興，趨至獅穴，哀呼。但以理曰：上帝之僕，但以理，爾恒事上帝，上帝果能脫爾於獅口乎？但以理曰：願王千歲。我之上帝，鑒我無辜，未嘗違逆乎王，遣使籍獅口，俾我免遭吞噬。王欣喜不勝，命取但以理出穴。蓋但以理信其上帝，雖居獅穴，亦不受害。王命曳訟，但以理之人及其

妻孥投於獅穴，未至穴中，獅即噬之，斷傷其肢體。大利烏王詔告天下億兆族姓曰：願得平康，我諭通國民人，當實畏但以理之上帝，彼爲永生之上帝，其國靡暨，永世弗替，彼能救人，布其經綸，遍於寰區，救但以理不爲獅所殘害，大利烏在位之時，及巴西王古列御國之際，但以理享其亨通焉。

巴比倫王伯沙撒元年，但以理假寐於榻，得夢遂誌其事，以述於人，曰：我宵闕得夢，見四方之風相搏於大海，四獸甚巨，自海而出，狀各殊異，其一若獅，有翼若鷹，我目視之際，其翼見折，如人立地，若有人性，次獸若熊，口露三巨牙，屹立於傍，有命之曰：起，吞噬衆民，又見一獸，其形若豹，背生四翼，亦有四首，得秉大權，時夜未央，又見一獸，剛強可畏，鐵齒甚巨，肆其吞噬，骨肉斷傷，其餘悉遭蹂躪，獸有十角，與前三獸大相殊異，我見十角之間，忽生小角，先生三角之根，爲其所拔，小角有目，若人有口能言，惟自矜誇，我見座位已備，互古不易之主獨坐，衣皜如雪，髮白如綿，位若烈焰，車輪迅速，若火之標，火燎於前，奔走者盈千，侍側者逾萬，鞫事已備，典冊盡展，我見小角出言誇詡，獸因此故而被殺戮，焚尸於火，餘獸失權，生存片晷，我中宵得夢，見乘天雲者，貌若人子，詣互古不易者之前，凡國之鈞衡輝耀，皆俾其所得，使億兆族姓事之，其國靡暨，永世不廢，我但以理以所見者，中心鬱陶，戚戚然不勝懷憂，我詎傍立者，所以詰其實，彼解其義，告我曰：四巨獸卽四王，必出於世，惟至上者之聖民，將獲其國，永世靡暨，我欲知後出之獸，何爲異於他獸，殊堪畏懼，鐵牙銅爪，吞噬無厭，蹂躪其餘，首有十角，又有一角，能勝前之三角，其角有目

有口出矜詡之詞，其狀強於同類。我見斯角與聖民鬥，而角反獲捷，迨^三反古不易。至上之主至，爲其聖民伸冤，屆期以國賜之。傍立者曰：後出之獸，卽塵世之第四國也。異於他國，吞噬蹂躪，撓亂天下。其十角卽將興之十王，又有王與異於前者，將服三王。彼王自誇，違逆至上之主，困苦其聖民，欲改時易法，聖民爲其所制。歷一載，又逾二載，又半載，然上帝必鞠之，奪其國柄，滅之務盡。由是萬邦綏服，上帝歷世靡暨。至上之主，以普天下之國政大權，賜其聖民，告我者其言如此。我但以理中心鬱陶，憂形於色，藏諸五內。

第八卷 伯沙撒三年，我但以理又見異象，恍惚間若在以攔國書山殿，烏來河濱。我仲觀異象，見牡綿羊立於河濱，先後生二角，其角甚高，後生之角較先生者尤高聳。吾見牡綿羊以角抵觸，向西向南，又向北，惟所欲爲。至於茁壯，羣獸莫之能禦，得免其害。余圖維之際，見牡山羊自西而來，遍行天下，迅速若飛，頰際有大角。我見二國之牡綿羊立於河濱，牡山羊至其所，奮角抵觸之，憤怒特甚，折其二角。牡綿羊不能與敵，牡山羊擠之於地，以足蹂躪，迄無一人爲之援手。當牡山羊猛悍強壯之時，巨角忽折，復生四大角，東西南朔，各據一方。四角之一，復生小角，遂成強大。東南二境，以及樂郊，爲其所據。樂郊之祭司，無異天上之軍旅，宮眷之列宿，小角強大，施其巨能，勝彼列宿，擲之於地，而蹂躪之。妄自誇詡，違逆天軍之主，去其日獻之祭，傾其聖所，民既犯罪，衆祭司與日獻之祭品，俱爲敵虜。真實之理，不許宣播，敵之所爲，悉遂其欲。我聞聖使相語曰：民犯罪戾，都城遭毀，日獻之祭品，悉已棄捐。聖所祭司，俱遭蹂躪，所見之異象，將應於何時？曰：在二千三百

日以後，聖所復成潔清。我但以理目觀異象，深求其義，有立我前者，其貌若人，聞烏來河濱，有聲呼云：加伯列當以異象之意，明示斯人。彼至我所，我懼俯伏於地，彼曰：人子宜曉然所見之異象，乃指末日之事。彼與我言，我俯伏於地，魂不附體。彼撫余，使我起立，曰：我以末期之災示爾，屆期必有是事。爾所見二角之牡綿羊，卽米太巴西列王，長毛之牡山羊，卽雅番王，額際巨角，卽其元王。巨角既折，四角代立，其義曰：其國必分爲四，不能與前國比權量力。四國末時，罪惡貫盈，又有王興，其貌莊嚴，中藏詭謀，能力甚強，悉遂其欲，其戰勝也，以謀不以力，有能有德之國，俱遭其剪滅，甚屬非常，以詭譎克敵，心志驕侈。承平之際，殲滅衆民，違逆諸君之君，其敗亡也，豈由於人哉。所見之異象，論其日數，眞實無妄，爾鈐以印，日久必應。我但以理喪失其魂，致染疾病，久之始愈。然後起立，而務王事。我所以所見之異象，不勝駭愕，識其兆者，迄無一人。

第四章 米太族亞哈隨魯子大利烏爲迦勒底王元年，我但以理遍覽耶和華所賜先知耶利米之書，知耶路撒冷傾圮，必歷七十年。我禁食衣麻蒙灰，仰首禱告我主上帝，自陳罪戾，求我之上帝耶和華曰：至大之主上帝，深可畏懼，凡敬愛乎主，恪守律法，則爾矜憫之，必踐所言。我儕犯罪作惡，違爾律例，棄爾禮儀，爾臣僕諸先知，藉爾之名，告我王公祖父國民之語，我不聽從，主秉公義，惟我儕猶大人耶路撒冷居民，以色列族衆，無論遐邇，因犯罪愆，爲爾驅逐，星散於四方，俱當含羞。今日之事爲證，我與我王公列祖，獲罪乎主，必當抱愧蒙羞。我主我上帝矜憫爲懷，恒加赦宥，我儕違逆，不遵我之上帝耶和華，不從爾臣僕諸先知訓我之律例，我以色列衆犯爾律法，不

遵爾命，我既獲罪，故爾僕摩西律例所載之咒詛，臨於我躬。爾素責我，及我士師，必降大災。今已應矣。降罰耶路撒冷，較天下民尤嚴。摩西律例所載諸災，加乎我躬。我猶不禱告我上帝耶和華。未悛我前愆，未學爾真理。故耶和華專其心思，降災於我。蓋我之上帝耶和華，恒秉大公，見我不遵命，遂降禍患。我主上帝，昔用巨能，導爾民出埃及，爾名播揚，逮於今日。我儕獲罪於爾，我與我祖陷於罪戾，故耶路撒冷居民，爲衆嘲笑。今求我主，以恩賚我，息爾憤怒，不罰爾聖山耶路撒冷。我上帝之聖所荒蕪，求爾垂顧，以彰主榮。應僕所祈，我之上帝與我儕祈禱，非爲我義，乃爲爾仁慈。求爾垂聽斯邑，爲籲爾名之所。今已荒圯，爾其鑒察焉。斯邑斯民，皆屬上帝。望主垂聽，望主赦宥。望主助余勿緩，以彰爾榮。我自陳愆尤，并述以色列族之罪，爲彼聖山。求我上帝耶和華，昔我於異象中，目覩加伯列。今獻夕祭祈禱之時，加伯列迅速而飛，前來撫余。告我曰：但以理，我來賜爾聰明智慧。爾蒙眷顧，始禱之時，我奉命蒞臨，俾爾知所見異象之意。爾民與聖邑，上帝預定其期，以七日爲期，而復以七日相乘，以過罪惡，以除祭品。贖民前愆，彰大義於萬世。則以所見異象有應。至聖之主，必沐以膏。我告爾一事，爾當知詔建耶路撒冷，逮及受膏之君至，必有七日。復乘以七，更有七日。復乘以六十二，築城修道，必在患難之時。七日復乘以六十二之後，受膏之主見戰，授手無人。迨乎後日，異邦之君民咸至，毀城郭，傾聖所。若爲洪水所淹，戰爭不息，則殺戮不已。最後七日，主必與衆民立約。七日之間，祭祀將不復行，殲賊可惡之物，立於聖地。所定之災，必有應驗。終至荒蕪。

巴西王古列三年，但以理亦名伯底沙撒，夢得默示，確然不爽。其後困苦之事，不可勝計。思之良久，始明其意。當是時，我但以理懷憂，歷三七日，不御珍錯，不食酒肉，不沐以膏，待盈三七日之期。正月二十四日，我在希底結大河之濱，仰觀一人，衣泉衣，腰束烏法兼金，身若黃玉，容若閃電，目若明燈，手足若磨礮之銅，聲若羣衆喧嘩。我但以理獨見此異象，同在之人，目不能觀，戰慄不已，遁逃自匿，留我獨在。見此異象，其大無外，魂不附體，容貌失色，氣力盡廢。我聞其聲，伏地喪魂，有手撫余，我得曲踞，以掌抵地。彼告我曰：上帝所眷愛之，但以理，我奉命語爾，爾當起立，聽我所言。我聞此，不勝戰慄，強起而立。彼告我曰：但以理，勿懼，自爾詣上帝前，卑以自牧，欲留心知未來事，上帝聽爾所祈，遣我就爾。巴西國君阻我二十一日，我爲之羈留，厥後上君米加勒助我，乃得泄至。以末期之事，爾民所遭者，指示於爾，所見異象，久必有應。我聞言而地，不敢措辭。有貌若人者，捫我口，我始啟口告之曰：我主，我見異象，中心般憂，至魂喪失，氣力悉廢，僕焉得與主言。貌若人者，復至撫余，使余力增。曰：上帝所眷愛者，勿懼，當獲平康，心志益堅。我聞言頓壯，曰：主壯余志，請與我言。彼曰：我至爾所，非無故也，頃必復至。巴西與其君門，厥後雅番君將至，經籍所載，信而有徵。我將示爾，助余者，惟爾君米加勒而已。

又曰：昔米太王大利烏元年，我嘗左右米加勒，使其力健。今我泄臨，以確然之事，指示於爾。厥後在巴西國，更有三王崛起焉。後起之君，尤爲富饒，因其貨財衆多，舉兵以攻雅番。又有大王崛起，秉國之鈞，任意而行，強壯之時，忽遭喪敗，其國必分爲四。東西南朔，各據一方，國不傳。

子不能與前王比權量力其國必敗他人得之先王之大臣據南方之地日漸強大又有一王秉國之鈞較前王尤盛越數年南王之公主嫁於北王二王相和以立盟約公主之力衰北王之權解公主之子女嬪妃以及侍從盡爲敵虜族姓一人將繼其位大率軍旅攻北王之城而克之取其上帝之像金銀器皿遷於埃及較諸北王享國尤永南王既伐北方而反其國北王二子大興師旅其一逼擊四境勢若洪濤驟至攻其城邑南王震怒復與北王戰北王率衆以拒南王敗之南王既殲衆敵心志驕侈雖敗敵軍數萬終不能久享承平越數年北王復至其旅若林較昔倍之所備輜重不可勝數當是時列邦羣起以攻南王爾民間蝨賊自高其志終取敗亡應先知之言北王既至築營建壘取鞏固之邑南王率其精銳之士無能扞禦北王任意而作莫之能禦亦至樂郊以成其志悉起國中兵得善民爲輔翼以公主下嫁南王欲盡其心公主雖往不從父志厥後北王攻諸洲島多取之然有牧伯必洒斯取反辱北王北王旋國入城不久殞沒歸於烏有繼位者在樂郊推稅甚苛無怒無門不日殞亡又繼位者所行卑賤不宜踐位乃因時值承平以詔諛而得國大軍勁旅及同盟之君爲其所滅若洪水之淹物結約之後彼行詭譎其兵雖寡亦能獲勝膏腴之壤爲彼所得敢作敢爲勝於祖父既得貨財悉頒左右設詭謀以得邑歷時不久豪氣勃發大率軍旅攻擊南王南王率衆與之大戰北王善運其謀南王之戰不利食其糧糧者背之軍旅四散多被殺戮二王各懷異志筵宴之間誑辭是尙所謀不利蓋末期未至北王多得貨財而歸欲與聖約所欲既遂乃返其國屆期又至南方不如初至次至之遂欲基底之舟攻之

使之心憂敗北而歸，怒守聖約之人，與背聖約者互通音問，基底大興干戈，犯鞏固之聖所，去其日獻之祭品，置殘賊可惡之物於彼，爽約之人，被其詔媚，惟崇上帝者，猶爲剛強民中哲士，將誨厥衆，恒遭鋒刃，火焰，其人被俘，其物見虜，遭難之時，少得扶助，從其教者，雖衆，然亦有詐僞之流，民中之哲者，將受患難，以試乎衆，使民潔白，至於所定之期至，彼國之王，惟所欲爲，自驕其志，藐視諸上帝，口出惡言，瀆諸上帝之上帝，所欲悉遂，迨上帝怒民之期已屆，所定之事，必有應焉，斯王不崇列祖之上帝，不許嫁娶，自爲超乎諸上帝，不復崇敬，惟敬護邑之上帝，雖列祖亦所不識，反獻金銀寶石珍珠焉，厥後以諸尊榮，崇敬異邦之上帝，扞護邑城，同敬之人，必使治衆，分土得利，末期既屆，南王將擊斯國之王，北王亦率其車馬，駕其艘舶，若風驟至，如水泛濫，擾亂其邦，侵伐樂郊，覆亡衆國，惟以東摩押及亞捫，貴顯之臣，得免於難，後擊他國，而埃及不得免焉，埃及之金銀珍珠，以及寶物，悉爲北王所虜，呂彼亞古實之民，爲其侍從，聞東與北之信音，中心不安，盛怒而旋，悉殲其衆，二海之間，爰有聖山，尊榮無比，敵至，張宮帷於斯，後必殞亡，援手無人。

第十三章 斯時必有大難，自生民以來，越之於今，未之有也，大君米加勒必將崛起，扞衛爾民，凡名錄於冊者，必蒙拯救，長眠於地下者，其數甚衆，必甦而起，得永生者有之，受永辱者有之，有智慧具備，訓衆歸善者，必輝光若天，朗耀若星，永世弗替，爾但以理謹祕斯書，鈐之以印，末期既屆，衆將察之，益其識見，我但以理見旁立者，又有二人，河之左右各一，有問河濱泉衣者曰，此數奇事何時得驗，河濱泉衣者，舉左右手，向天指永生之主，誓曰，必歷一載，又逾二載，又半載，既散聖

民諸事咸應。我聞言，不明其旨，曰：我主與，究其委當若何？曰：但以理往哉。斯言祕密，俱鈐以印。以俟末期之至。衆經諳鍊，以致潔白。智慧既得，自必昭然。惡者所行乖戾，終必不明。自去日所獻之祭品，置殘賊可惡之物於彼，必閱一千二百九十日。凡待至一千三百三十五日者，可蒙福祉。爾往哉。末期既屆，爾可安其故業焉。

猶大國烏西亞約坦亞哈士希西家相繼在位及以色列國約轄子耶羅破暗在位時耶和華諭別哩子何西耶和華首告何西曰斯土之民徇其私欲違逆乎我爾娶淫婦而生子人必被其子以惡名何西娶滴拉音女珂滅懷妊生子耶和華曰可命名耶斯烈昔耶戶殺人於耶斯烈我將報之於俄頃使以色列族國祚不長當日在耶斯烈谷我將折以色列族之弓婦再懷妊生女主曰可命名羅路哈馬羅路哈馬即不加矜憫蓋我必棄以色列家不加矜憫我將矜憫猶大家非以弓刃戰鬥車騎救援乃以我能拯之婦為其女斷乳再妊生子主曰可命名羅亞米羅亞米即非我民蓋爾曹非我民我非爾上帝越至於後以色列族其數必如海沙不能斗量籌算也今我語人曰爾非我民異日將稱為永生上帝衆子猶大族與以色列族將合一處簡立一長自異邦而歸耶斯烈受祐之日稱其日為大日

爾小子當稱兄弟曰亞米稱姊妹曰路哈馬亞米即我民路哈馬即矜憫當告爾母彼非我妻我非其夫

彼當去淫行勿為男擁抱恐我丟其衣若初生之日置之曠野地無勺水口渴而死我妻所出者

皆私於人而生我不加愛此子之母徇欲所作之事言之甚醜彼曰我之所儘子我飲食贈我泉

綿續我酒油我必從之故我圍以籬籬使不得出築以垣墉使不得踰彼欲從所儘而不能遍索

弗得遂曰我憶昔所儘其贈余者多於今日故必歸之彼不知所得之五穀酒油金銀皆我所界

彼反獻於巴力故此酒穀膏油必奪之不供其用棉臬之衣必取之不容蔽體俾其所儘咸知其

淫行、援手無人，彼之節期、月朔、安息大會，以及歡樂之事，我必使之成止。彼有葡萄樹，無花菓，以爲所權投贈，我必奪之。俾獸吞噬，變爲荒園。耶和華曰：越在曠昔，斯民焚香奉事巴力，違逆乎我，譬彼婦女，以耳環金索，修飾自好，從其所權，故我必加以罰厥。後我勸迪斯民，導之於野，以善言慰藉，又給之以葡萄園，在亞割之谷，望故鄉而作謳歌，與肇邦之日，出自埃及無異。耶和華曰：當斯之時，爾必以我爲夫，不以主稱我。爾素所稱爲主者，我必使爾頓忘其名。斯時我不使我有野獸飛鳥昆蟲之害，亦不使斯邦有弓刃戰鬥之虞。民得安居，我必施仁義，矜恤爲懷，以聘爾衆，永以爲好。若聘妻室，言出惟行，俾知我乃耶和華。耶和華曰：斯時天祈我，我聽之地，祈天、天聽之，穀酒與油，祈地、地聽之。耶斯烈民，祈穀酒與油，穀酒與油聽之。我必使斯民居斯土，昔不矜恤，後必矜恤之。昔不稱之爲民，後必稱之爲我民，彼稱我爲上帝。

耶和華告我曰：維彼淫婦，從其所歡，爾眷愛之。以色列族從事他上帝，所奉之酒，彼樂飲焉。余愛斯民亦若是，我卽以金七兩有半，麩麥九石，贈於斯婦，告之曰：爾當恒與我居，不可行淫，勿從他人。我養贍爾，以色列族無王公，無祭祀，無公服，不奉雕柱，不事偶像，後必歸誠，求其上帝。耶和華及其王大闢，迨至末日，寅畏耶和華，頌其仁慈。

以色列族宜聽耶和華言。斯土之人，不識上帝，不言真實，不以矜憫爲懷。故耶和華將鞠斯民，彼妄發誓詞，專事誑言。淫人妻室，奪人貨財，殺戮人民，流血四境。故土地荒蕪，居民凋喪，野獸飛鳥海魚，俱必滅亡。規諫無人，民逆祭司，晝時庶民殞沒，夕時先知偕亡。京都傾圮，民不知道。

以至滅亡。惟爾祭司，厭棄真理，故我棄爾，不爲祭司。爾既忘我法度，我不佑爾。後人祭司愈多，愈犯罪愆。故我將使其榮爲辱，我民犯罪，獻贖罪之祭。祭司食犧牲，反行惡事，從心所欲。故我必罰之。祭司庶民，不復置辨，俱降以災。彼不崇我耶和華，過飽則臟腑傷，過淫則生育寡。淫行酒醴，喪人心術。我民縱欲，棄我上帝，厥心昏昧，問偶像，卜以籤，望其應對。彼獻祭於山巔岡巒，見橡櫟楊柳，枝葉垂蔭，焚香於下。故女不貞，妻不節，彼與淫婦，同獻祭祀。故其妻女，雖不節不貞，亦不降罰。無道之民，終必淪亡。以色列族縱欲行淫，猶大族勿效其尤。勿詣吉甲，勿至伯亞文。否則猶謂崇敬我耶和華可乎。以色列族若幅強之牛，退縮不前。我耶和華必放之曠野，若無牧之羔。以法蓮族專事偶像，我姑聽之。彼縱飲無度，恒作淫行。民牧所好，可醜之事，狂風擊其四境，俾知所獻之祭品，適足增羞。

第五章 祭司與以色列族及王宗室，羣聽我言。爾設坎阱於密士巴，張網羅於大泊山。故我必罰爾。爾肆行殺戮，罪戾尤深，必加譴責。以法蓮以色列所行，我已灼知。豈容稍隱。以法蓮行淫，以色列污穢，不壹志歸我。惟徇私欲，不識我耶和華。以色列族驕侈，惡跡已彰。必與以法蓮偕亡。猶大族亦必與之俱喪。彼牽牛羊，求我耶和華。我遐棄之，求而不得。彼違逆乎我，狎妓生子。待屆月朔，彼及所有，俱必淪亡。在其鹿亞喇馬當吹角，在伯亞文號呼。當告便雅憫族敵將，追襲患難之日。以法蓮地必變荒蕪。我以將來之事，示以色列支派。猶大牧伯，與遷徙界址者無異。故我必降災。若水浩浩，以法蓮樂從不義之命。故爲人虐取，遭人強暴。我必使以法蓮漸亡，如衣之被蠹。使猶

大家殘蝕如木之已朽。以法蓮猶大知被毀傷，則以法蓮遣人至亞述，求救於敵國之王，而不能療其疾。我必若獅臨以法蓮，若稚獅至猶大，斷傷百物而去之，亦取所得，援手無人。我必棄斯民，而歸我所，迨其自陳已罪，求沾我恩，窘迫之際，竭力求予。

第六章 彼必曰：耶和華既戕我，必醫痊我，既擊我，必彌縫我，莫若歸之。二三日之後，彼將黜我，使我復興，與之偕生。我必驅勉以從耶和華之道，彼之祐我，若晨光之朗耀，若春雨之潤澤。主曰：以法蓮猶大，我將何如視爾，爾之敬虔，有若朝雲，立見其散，有若晨露，立見其晞，故我使先知傳命，必加殺戮，我必降災，若光閃爍，我欲矜恤，不欲祭祀，寧崇我道，毋獻燔祭，彼爽約若亞當，居處斯土，違逆乎我，在基列遍境，惡事是作，殺戮是爲，衆祭司如羣盜，伏於示劍之途，肆行殺戮，行淫不悛，在以色列家所行奇惡，我見之矣，以法蓮行淫，以色列污穢，我欲使民恢復舊業，而不得不降災於猶大。

第七章 主曰：我欲醫以色列族斯時也，以法蓮撒馬利亞罪惡彰明，彼詭詐攘奪，羣盜自外侵伐，夫我念其惡行，彼之中心，昧然弗覺也，彼之所爲，我鑒察之，不能遁於我前，彼行詭詐，違逆乎余，王公欣喜，衆人愁念大熾，如炊麵之器，爲膳夫炙熱，麵團酵發，毋庸復炙，我王誕辰，百官飲酒逾量，遂至疾病，王喜與侮慢者爲伍，百官設伏害人，心熱若炊餅之器，終夜蓄怒，至於清晨，憤氣勃發，如火炎炎，庶民心熱，若炊麵之器，牧伯見燬，數王殞亡，其中無人籲我，以法蓮族散於列邦，以法蓮譬諸炊餅，不反必致焦灼，彼與異邦人爭競，已竭其力，而彼不自覺，首髮斑白，而彼不自知。

以色列族驕侈日甚，惡蹟昭彰，竟不歸誠我耶和華，不求恩寵，以法蓮族無知，蠢然若鴿，或呼埃及人，或就亞述人，望其扶持。斯時我將張網陷之，有若飛鳥，必加譴責。願我前言，彼遺棄我，違逆我，禍必不遠。我欲救之，彼反挾詐，彼當寢之際，籲呼於我，中心不誠。和會之時，祈求酒穀，違逆乎我。我無論責之助之，彼終叛余，彼所歸誠者，非至上之主，如弦絕弓反，口出妄言，諸牧伯亡於鋒刃，爲埃及人嘲笑。

第八章 又曰：民爽我約，干我律例。爾當吹角告衆，敵王將至，如鷹速飛，攻我耶和華殿。斯時也，以色列族籲余曰：我之上帝，我儕尊崇爾，然以色列族棄善，必爲敵人追襲。彼所簡之王，所立之牧，非我所悅，以金銀作偶像，必爲我所珍絕。撒馬利亞人拜犢像，作可惡之事，我深痛疾，爾不向善。伊於何底，作斯犢像者，以色列之工人也。彼非上帝，故必見毀。彼所播者風，所穫者颶風，其所植者，不秀不實，卽其有秋，必爲異邦人所食。以色列國必見殲滅，其民必流離於異邦，譬諸器皿，不爲人所娛玩。昔以法蓮往亞述，以金贈於所歡，猶之野驢，欲求其牡，彼雖饋金於異邦，我必使異邦人聚其族而困之，俾服役於王公，暫懷憂戚。以法蓮多築祭壇，獲罪於我，自取其戾。我之經綸，載於律例，以指示之。彼反以爲無與於己，所當獻者，彼獻於我，自食其胙。我耶和華不以爲悅，必念其惡，而降以罰。彼將求援於埃及，以色列族蔑視造化之主，自建殿宇，猶大族益築城垣，我將焚其城，燬其殿焉。

第九章 先知曰：以色列族毋庸欣喜，同於異邦人。蓋爾曹狗欲違逆上帝，在彼穀場，望人投贈穀

場酒醱，不得果腹，所釀不遂所欲。耶和華之地，不容爾居。以法蓮必往埃及，在亞述食不潔之物。不許爾灌奠，奉事耶和華，如行灌奠，不蒙悅納。所獻祭品，視若喪家之物。凡食之者，俱蒙不潔。所得糈糧，僅足一己之用，故無餘獻耶和華之殿。大會之日，當奉事耶和華。斯時爾將何如？斯民遠往，以避災害，瘞其尸者，埃及人葬其骨者，摩弗人。昔以金置田廬，藉以娛目。迄今草萊蔓延，荆棘叢生，降災罰惡。其日已屆，以色列族必知之。因犯罪惡，蓄怨不已，故彼冒爲先知，佯托感神，卒見愚蠢而發狂疾。以法蓮他求應援，不恃我上帝。彼僞先知，備設羅網，專陷齊民。居於他上帝殿，蓄怨不已。昔在其庇亞民犯罪戾，今陷惡尤深。主念其罪，必降以罰。上帝曰：昔我得以以色列族，如曠野遇葡萄，視爾列祖，如初熟之無花菓。然彼往巴力比耳，崇拜可惡之物。我於是痛絕之。與所崇之物無異。以法蓮人不懷妊，不生產。榮光將失，若鳥速飛。如有生育，我必使之短折，不得成人。我遐棄斯民，禍必不遠。以法蓮若推羅，居於佳境，所生之子，必爲人所殺。先知曰：耶和華將何以處之，必使之胎生子，乳不哺兒。耶和華曰：彼在吉甲所作不端，爲我深憾。因其惡行，牧伯違命，我將驅之於我室，不加眷顧。以法蓮族遭難，其根已槁，不復結菓。雖產愛子，我將殄絕。彼不聽余，故我棄之，使之流離於異域。

第十節 先知曰：以色列族若葡萄樹，枝葉蓊蓊，果實纍纍，結菓愈繁，築壇愈多。田疇益肥美，偶像益壯麗。以色列族咸懷二心，必遭重罰。傾其祭壇，毀其偶像。民曰：不畏耶和華，故無君上。如有王公，其奈我何？先知曰：斯民立約誑辭是尙，故災害必降。譬諸茵陳，生於田疇。撒馬利亞人在伯亞

文奉事犢像，彩色剝落，祭司戰慄，庶民殷憂，犢像必遷於亞述，獻於敵王，以法蓮必受凌辱，以色列思昔所謀，含羞抱愧，撒馬利亞王將遭殲滅，若片木浮於水上，亞文有崇坵，以色列族陟之，以犯罪愆，故斯邱必荒蕪，荆棘叢生於祭壇，崇事之人，將對山曰：「壓余，對陵曰：「掩余。」耶和華曰：「昔在其庇亞，以色列族犯罪，至於今，若出一轍，余將降災於惡人，其庇亞之民，豈能道罰，故我必加譴責，使異邦人和會，爲犯二罪，虜之以去，以法蓮若馴伏之犢，善於礮穀，其項甚美，置軛於上，使以法蓮曳車，猶大耕耘，雅各鋤地，宜種仁義，則獲恩寵，開墾土壤，斯時當求耶和華，望彼誨爾，以仁義，爾昔所耕者罪惡，今所穫者過失，爾素詐詭，自伐其能，恃其壯士，今取其戾，爾民必叛，毀爾城邑，昔殺慢與伯亞比勒戰，毀其城垣，使母與嬰孩，相粹而死，爾城見毀，亦若是，爾在伯特利，多行不義，主必使爾敗北，以色列王忽致殞亡。」

第十一章 以色列族孩提之時，我已愛之，視之若子，召之出埃及，迄今召之愈殷，背之愈甚，獻祭於巴力，焚香於偶像，以法蓮譬諸赤子，我扶之翼之，漸能步履，撫字倍至，而彼不知，我以仁愛爲繩，繫爾導爾，弛爾重軛，益爾精糧，彼乃不歸誠於我，故我使之不得往埃及，而爲亞述所統轄，彼謀不軌，城邑必破於鋒刃，牧伯必遭乎翦滅，我民心偏，專背我旨，先知呼民，歸我至上之主，崇我者，迄無一人，以法蓮乎，我安忍舍爾，以色列乎，我焉肯棄爾，豈能視爾若押馬，敗爾若西編，我回厥志，慈愛之念，頓發於中，我不憤怒降災，不滅以法蓮，我乃上帝，非若世人，我至聖之主，駐蹕於爾中，我不怒爾，我耶和華，喑鳴叱咤，威若猛獅，我民疾趨，自西而至，歸誠乎我，彼將疾趨，至自埃

及如鳥之翔，來自亞述。若鴿之飛，俛居厥所。我耶和華已言之矣。我至聖之主，誠怒是懷。以法蓮以色列事余，中藏詐僞。猶大族歸我，常有貳心。

第十一篇 以法蓮族詭詐暴虐，日甚一日。與亞述人結約，貢油於埃及。猶之餐風而追東風，耶和華將鞫猶大族。視雅各所爲，降彼以罰。昔雅各執兄踵而出胎，既有能力，得志於上帝。得志於天，使涕泣以求恩。後在伯特利，遇上帝與之言。萬物之上帝，厥名耶和華。歷世爲誌，爾當仁義是行。矜憫爲懷，歸誠上帝。恒求不已，以法蓮爲商賈。權衡不公，虐取人財爲悅。自稱富有，以爲所得之貨財。由於勤勞，未嘗蹈於罪戾。我耶和華爾之上帝，昔導爾出埃及。後必使爾居帷幕，與大會之日無異。我豈顯異象，屢使先知罕譬而喻。以告斯民，斯民在基列。犯罪愆，尙虛妄。在吉甲獻祭牛，在隴畝築祭壇。多若邱壘，昔雅各以色列遁於亞蘭，供其服役。以牧羣畜，而後有室。後我耶和華使先知導以色列族出埃及，扞護斯民。然以法蓮所爲，深可痛疾。于主震怒，故主不宥其殺人之罪。所作醜行，必取罪戾。

第十三篇 昔以色列族中，惟以法蓮爲最著。出一言而衆懼，後崇巴力，蹈愆尤。大權旁落，今爲惡益甚。匠人以巧捷之技，鎔銀鑄像，祭司命衆敬彼犢像，接吻以爲禮。故彼必若朝雲，立見其散。又若晨露，立見其晞。若穀場之糠，爲颶風飄揚。猶之炊烟，騰於牖外。昔斯民出自埃及，我耶和華爲爾上帝。我外無他救主，爾當勿崇他上帝。昔在曠野無水之地，我垂顧爾。我養斯民，使得果腹。遂驕其志，忘我弗顧。故我遇斯民，若獅若豹，伏視耽耽。我必蒞臨，若喪子之熊。我必毀其胞絡，若牝

獅吞噬其肉，若野獸斷傷其體。以色列族乎，爾自取戾，惟望可得救。昔爾求我，欲得王公，護爾城邑。今爾王安在，士師安在，爾國之王，我怒而立之，復怒而廢之。以法蓮之罪，我心誌之，無時或忘。彼必艱辛，譬彼產婦，分娩甚難，譬彼嬰孩，濡滯於子宮之間，不知其危。我將援之於陰府，脫之於死亡，消死亡之害，免陰府之災，不易此志。以法蓮雖在昆弟之中，最爲昌熾，我耶和華必使東風來自曠野，使其泉源立涸，彼之寶器，盡爲敵虜。撒馬利亞人獲罪於上帝，故必荒蕪，亡於鋒刃，其嬰孩將相摔而死，其孕婦必剝剔而亡。

第十四章 以色列族因蹈愆尤，遂致殞沒，當歸誠爾之上帝耶和華。籲告之曰：請宥我愆，加以恩寵，口爲頌祝，以代牲牲。我不求救於亞述，不恃驕騎，不稱所作之像爲我上帝，無父之子，惟爾矜憫。主曰：斯民也，雖背逆余，心猶愛之，必息我怒，而醫其疾。我將潤澤以色列，若降以甘露，使彼結蕊如百合花，其根蟠曲，若利巴嫩樹，枝葉藜藜，美若橄欖，其氣芬芳。若利巴嫩木，爲我庇蔭者，必生芽，如五穀，萌蘖如葡萄，聲名籍籍。若利巴嫩之酒，以法蓮族與偶像何涉，我垂念之，使之扶疏若松，賴我而結實，誰有智慧，可悉其情，孰具聰明，可知其道。耶和華之途，無不正，義人履之，罪人蹶焉。

... 其 功 效 如 神 ... 凡 患 此 症 者 宜 早 服 之 ... 每 服 一 錢 ... 開 水 送 下 ...

... 此 藥 乃 採 集 名 貴 藥 材 ... 遵 古 法 炮 製 ... 誠 濟 世 之 良 藥 也 ...

... 凡 患 此 症 者 宜 早 服 之 ... 每 服 一 錢 ... 開 水 送 下 ...

... 此 藥 乃 採 集 名 貴 藥 材 ... 遵 古 法 炮 製 ... 誠 濟 世 之 良 藥 也 ...

... 凡 患 此 症 者 宜 早 服 之 ... 每 服 一 錢 ... 開 水 送 下 ...

... 此 藥 乃 採 集 名 貴 藥 材 ... 遵 古 法 炮 製 ... 誠 濟 世 之 良 藥 也 ...

... 凡 患 此 症 者 宜 早 服 之 ... 每 服 一 錢 ... 開 水 送 下 ...

... 此 藥 乃 採 集 名 貴 藥 材 ... 遵 古 法 炮 製 ... 誠 濟 世 之 良 藥 也 ...

約耳書

比都耳子約耳得耶和華默示曰：長老居民，尙其聽之哉！我將有言，乃爾父及今所未聞也。當告若子若孫，歷代毋忘。維彼蝗蟲食爾禾稼，其食餘，次至者食之，有餘，三至者食之，又有餘，四至者食之。釀酒無資，既醉者醒而哭泣，欲飲者哀號不已。異族犯境，強而且衆，不可勝數。其齒若牡獅，其牙若牝獅，折我葡萄樹，剝我無花菓，去皮現質，委而棄之。爾當哀哭，若女未笄而字人，夫沒，身衣衰絰，禮物灌奠，不獻於耶和華殿。維彼祭司，在耶和華前，供其役事者，不勝號泣。田畝荒蕪，邦國號呼，五穀已盡，酒釀已罄，膏油已匱，土產已絕。麩麥小麥，歸於烏有；農夫含羞，場師抱塊，葡萄之樹全枯，無花菓樹憔悴，石榴棗樹，蘋菓林木，無不凋零。民間懽樂，變爲憂戚，禮物灌奠，不入上帝殿。故祭司當衣衰絰，供役祭壇者當號泣，奉事我上帝者，入室衣麻，永夕不解，使人禁食，必守大會，集長老居民，入爾上帝耶和華之殿，呼籲耶和華，嗚呼哀哉！耶和華降災，其日伊邇，全能之主，殲滅是邦。維我億兆，糈糧已絕，上帝殿中，歡樂已止，種播土壤，枯而不萌，五穀不登，倉廩空虛，遂至損壞。六畜無苑，宛轉哀鳴，羣羊皆斃，火燬牧場，林木皆焚，我無所望，惟籲耶和華，溪河其涸，牧場盡燬，野獸仰望於上。

耶和華之日伊邇，在彼郇邑，爲我聖山吹角甚厲，使民震動。是日晦冥，幽深玄遠，異族將至，既強且衆，有若黎明，豁然開朗。自古迄今，至於後世，未有若是之甚。其所至者，前後若火，炎炎不已。未來之前，斯土與埃田相埒，既去之後，邦國變爲曠野，得免於難者，卒無一人，其狀若馬，疾

行若騎，若車轟轟，震越山巔，若火焚稗，燁燁有聲，譬彼勁敵，列陳以戰，人見其將至，悚惶變色，維彼羣衆疾行，若雄師攀城，若勇士成列而前，不失行伍，不相擁擠，各行直徑，雖蹈鋒刃，亦不受傷，邑中馳驟，攀垣登屋，能入窻牖，猶之盜賊，其來之時，天地震動，日月晦冥，星辰無光，耶和華出令，有衆稟命，營壘甚廣，軍威甚壯，耶和華降災之日，甚爲可畏，孰能禦之，耶和華曰：爾當一心歸誠乎我，禁食，號哭，悲哀，當裂肺肝，毋裂衣服，歸誠爾之上帝，耶和華，我以仁慈爲念，矜憫爲懷，恒忍靡已，施恩格外，所言降災之事，必能中止，望我回厥志，畀以純嘏，則爾得以禮物灌奠，獻我於耶和華，吹角號令，郇邑使人禁食，以守大會，和會斯民，自老及幼，至於乳哺之子，卽新娶者與新婦，亦當出室，祭司在耶和華前，供厥役事，當於廡下祭壇間，潛然出涕，曰：耶和華與斯民也，本屬乎爾，求爾寬宥，不致蒙羞，爲異邦人所統轄，異邦人凌侮之，曰：爾之上帝安在，亦奚以爲，耶和華必爲斯土熱中，矜憫其民，應其所祈，曰：我將施爾以穀酒，畀爾以膏油，使爾果腹，不復爲異邦人凌辱，敵人至自北方，妄自尊大，其前茅則向東海，其後勁則向西海，我必掃除之，驅逐於曠野，使其臭氣流布，腥聞於上，我民勿畏，欣喜懼，我耶和華大展作爲，六畜毋懼，維彼牧場，庶草萌芽，維彼叢林，百木森森，無花菓葡萄樹，結實纍纍，郇邑之民，賴爾之上帝，耶和華，欣喜懼，春雨秋霖，無不時若，同於前日，我使之然，穀場之小麥，旣豐且盈，巨盎之酒油，旣多且溢，昔我降飛蝗，若大軍，凡有四隊，土之所產，食之務盡，厥後我必以豐年賜爾，爾食而果腹，見我經綸，神妙莫測，必頌美我耶和華上帝，蓋我民永不抱愧，俾爾知我乃爾之上帝，耶和華，其外無他，駐蹕於以色列族。

中我民永不抱媿。末日我將以我神賦萬人。俾爾子女言未來事。幼者見異象。老者兆於夢。當日我將以我神賦於僕婢。我將示奇事於天。上地下。若血若火若烟。日變晦冥。月爲血色。我耶和華顯赫之日。隨至。凡籲我名者必得救。在郇山及耶路撒冷。我所召之遺民必得救援。我耶和華已言之矣。

第三十三章 當斯時也。我將返猶大耶路撒冷之俘囚。亦必和集萬邦。至約沙法谷而降以罰。因其驅逐我以色列之民。散於四方。分我土地。以予衆。彼掣鏡得我之民。以童易妓。以女易酒。爾推羅西頓與非利士四境。與我何與。爾豈欲禦我乎。如爾禦我。我必速禦爾。報爾所爲。爾劫我金銀。奪我珍器。入爾宮殿。以猶大及耶路撒冷人。繫於雅番族。遷至遠方。爾雖繫之於遠方。我必使之旋歸。報爾所爲。以爾子女。繫於猶大。復繫於示巴。遠方之民。我耶和華已言之矣。當告異邦之人曰。與千戈募猛士。使武夫圍至。以犁爲刀。以鎌爲戈。弱者自強。異邦之人。無不和會。其至甚速。耶和華之武士亦必蒞臨。異邦人當儆醒。至約沙法谷。在彼我坐堂皇。以鞠億兆。百穀已熟。當刈以鎌。酒醱已盈。巨盎將溢。當踐以足。民之罪惡亦若是。衆集於谷。以受刑罰。我耶和華亦至斯谷。降災於衆。其日伊邇。日月晦冥。星辰無光。在彼郇山及耶路撒冷。我耶和華傳命。其聲叱咤。天地震動。維彼選民。以色列族。我輔助之。爲其棲身之所。俾知我乃耶和華。駐蹕於郇之聖山。是時耶路撒冷必爲聖邑。異邦人不復侵伐。當斯時也。山出甘醴。嶺流乳酪。猶大百川。水流不息。維彼泉源。湧於我殿。灌概矢亭之谷。昔埃及以東之民。虐遇猶大族。在猶大地殺戮無辜。故二國必荒蕪變爲曠

野惟猶大及耶路撒冷有民居處永世弗替維爾敵人始我未嘗降罰後必討其罪蓋我耶和華駐蹕於郇邑

耶和華與以色列人立約後即居於耶路撒冷

耶和華與以色列人立約後即居於耶路撒冷

耶和華與以色列人立約後即居於耶路撒冷

耶和華與以色列人立約後即居於耶路撒冷

耶和華與以色列人立約後即居於耶路撒冷

耶和華與以色列人立約後即居於耶路撒冷

耶和華與以色列人立約後即居於耶路撒冷

耶和華與以色列人立約後即居於耶路撒冷

耶和華與以色列人立約後即居於耶路撒冷

耶和華與以色列人立約後即居於耶路撒冷

耶和華與以色列人立約後即居於耶路撒冷

亞麼士書

第一 猶大王烏西亞以色列王約轄子耶羅破暗時地震前二年提哥亞衆牧中有亞麼士得
默示言以色列民之事曰在彼郇邑耶路撒冷耶和華降命其聲叱咤牧場寂寞加密山巔荒蕪
耶和華曰大馬色人犯罪至三至四更以鐵器擊基列民人故我必罰其罪火焚哈泄家燬便哈
達之宮殿又曰我將破大馬色之關誅必甲亞文之居民戮伯埃田之執政遷亞蘭人於吉地耶
和華又曰迦薩人犯罪至三至四且虜民甚衆繫於以東我必罰其罪火焚伽薩城垣燬其宮殿
又曰我必滅亞實突之居民絕亞實基倫之執政降罰於以革倫使非利士人淪胥以亡耶和華
又曰推羅犯罪至三至四更以俘囚繫於以東不念舊約以修和好故我必罰其罪火焚推羅城
垣燬其宮殿耶和華又曰以東犯罪至三至四更逐兄弟擊之以刃絕無矜憫挾怨傷人藏怒不
已故我必罰其罪火焚提幔燬波斯喇之殿耶和華又曰亞捫犯罪至三至四更剝剔基列之孕
婦恢廓土壤故我必罰其罪火焚喇巴城垣燬其宮殿戰鬪之日大聲疾呼勢若狂飈驟起君王
見虜牧伯爲俘我耶和華已言之矣

耶和華又曰摩押犯罪至三至四更焚以東王之骸骨有若煮灰故我必罰其罪火焚摩
押燬加畧宮殿敵人吹角鼓譟號呼摩押人淪胥以亡摩押之牧伯士師必見殲滅我耶和華已
言之矣耶和華又曰猶大犯罪至三至四更藐視我法度不守我禮儀其祖奉事虛僞彼亦昏迷
於道故我必罰其罪火焚猶大燬耶路撒冷宮殿耶和華又曰以色列犯罪至三至四更繫義人

以得金，以貧者易履，故我必罰其罪。貧者蒙灰，彼猶貪得之，人已遭困乏，更使迷途。父子聚麀，瀆我聖名，彼取人之衣爲質，陳於祭壇之前，偃臥於上，彼罰人供酒，飲於其上帝殿，昔彼未至斯土，亞摩哩人居之，高若柏香木，強爲橡樹，我剝其菓，絕其根，盡歸殲滅，我亦導斯民，自埃及歷曠野，凡四十年，使得亞摩哩人之地，耶和華又曰：以色列族乎，我在爾庶民間，簡人爲先知，在爾幼穉中，選人以離世故，是事豈不有諸，爾使離世故者飲酒，使爲先知者，不播訓言，我必壓爾躬，若滿載之車壓物，疾趨者不得避難，強勁者其力廢弛，有能者不能自救，執弓者不能禦敵，捷足者不得免禍，乘馬者不得救援，當是日壯士之中，勇敢特稱者，必裸而逃，我耶和華已言之矣。

第三章 以色列族乎，我耶和華昔導爾出埃及，今乃責爾，爾其聽之，天下億兆，我惟爾是顧，故爾犯罪，我必加刑，二人不和，豈可偕行，未曾攫物，牡獅豈得吼於林，稚獅豈得應於洞，地上不設機檻，飛鳥豈能自陷，鳥未被陷，機豈得發，邑中吹角，民豈得不懼，邑中有禍，豈非我耶和華使之然乎，主耶和華所作，必啟示其僕先知，牡獅咆哮，誰不惶悚，耶和華傳命，敢不宣布之乎，耶和華曰：當在亞實突殿宇之內，埃及宮闕之中，告人曰：宜和會於撒馬利亞山，見其大亂，所行暴虐，不秉公義，強奪財貨，藏之於宮，故主耶和華曰：必有敵人，環攻斯土，破爾城垣，毀爾宮殿，耶和華又曰：譬彼牧童，脫羊二足一耳，出於獅口，以色列族居撒馬利亞及大馬色，若偃臥於床隅，必蒙救援，亦若是，萬有之主耶和華上帝曰：宜聽斯言，告彼雅各家，我罰以色列族時，亦必降災於伯特利祭壇，斷其四角，毀之於地，涼室溫宮，俱必傾圮，象牙之宅，崇峻之第，俱歸烏有，我耶和華已言之。

矣。

爾居撒馬利亞山，若巴山之牛，虐遇貧窮，挾制困乏，索酒縱飲者，今聽我言，耶和華至聖之主，指己而誓云：將來敵必以鉤取爾，以魚鉤取爾之子，驅爾於官闕，爾由城竄而逃，向前過征我耶和華已言之矣。耶和華曰：以色列族爾往伯特利，常干罪戾，在吉甲屢蹈愆尤，仍獻日祭，三年一次，十分取一，獻酬恩之祭與醇樂輸之物，炫示於衆，蓋爾以此爲悅。耶和華又曰：我使爾邑中糈糧匱乏，齒間絕食，爾尙不歸誠於我。耶和華又曰：秋前三月，我不降雨，惟爾一邑，他邑不雨，惟潤一田，他田不潤，遂致荒蕪，二三邑之民，遊至此邑，思欲飲水，不遂所求，爾尙不歸誠於我。耶和華又曰：我使風暴五穀，細弱特甚，爾園中之菜，園中之葡萄，無花菓，橄欖樹爲蝗蟲食盡，爾尙不歸誠於我。耶和華又曰：我使瘟疫傳染遍境，與埃及無異，殺爾丁男，擄爾馬匹，爾之營壘，腥羶撲鼻，爾尙不歸誠於我。耶和華又曰：昔我上帝傾圮所多馬蛾摩拉，爾中數人，亦遭隕越，其餘得救，如脫於火，爾尙不歸誠於我，故我必降爾以罰。以色列族乎，爾之上帝將臨汝，必預爲備，思何以當之。昔我造山作風，使晝往夜來，陟諸崇丘，推測人意，萬有之主耶和華，我名也。

先知曰：以色列族乎，我爲爾作哀歌，尙其聽之哉。以色列族之處女，一蹶不能復起，仆於斯土，無人扶翼。主耶和華曰：以色列邑民，昔出卒千人，今不過百人，昔出卒百人，今不過十人。耶和華告以色列族云：求我則得生，毋求伯特利，毋往吉甲，毋至別是巴，蓋吉甲人必見遷移，伯特利必歸烏有，惟求我耶和華則可得生，否，我必蒞臨約瑟家，如火炎炎，焚燬四境，凡在伯特利者，

不得撲滅，爾不秉公，不行義，反使人茹茶飲酖。今當求我，我造昂參諸宿，變陰翳為光明，轉白晝為昏夜，使海水泛濫於地。我名耶和華。我剪滅有能之輩，毀其城垣，若光激射。凡在公庭，正言讜論，督責人者，為人所憾。爾蹂躪貧乏，橫征麥稅，雖以彫石建廣廈，不得居其中。雖以葡萄栽嘉園，不得飲其酒。我知爾罪戾繁多，愆尤滋大，困逼義人，而受賄賂。在彼公庭，枉法害貧，斯時遭難，智者緘口。爾當遷善避惡，則可得生。萬有之主耶和華，祐爾，以應爾所言。惡惡好善，在彼公庭，秉諸公義。庶幾萬有之主耶和華，矜憫約瑟之遺民。萬有之主耶和華，上帝曰：在達衛，人必推心，在陋巷，人必哀呼，使農夫哭泣，使善作哀歌者椎心。蓋我遍行通國，使在葡萄園中，無不哀哭。我耶和華已言之矣。我耶和華之日，其象若何幽暗無光。爾曹欲其速至，禍不遠矣。譬諸人避獅而遇熊，入室附壁，為蛇所噬。耶和華之日，豈能陰翳，絕少光明。幽深玄遠，毫不明徹。爾設節期，我所深憾。爾立大會，我甚不悅。雖獻燔祭禮物，我不悅納。雖供肥犢為酬恩之祭，我不眷顧。謳歌之聲，徹於我前，琴瑟之音，我不欲聞。宜行公平，有如川流，當為仁義。薄若淵泉。以色列族乎，爾在曠野，凡歷四十年，非以牲牲祭品奉獻於我哉。何爾又肩摩落之龜，作基文之像。爾上帝之星，而崇拜之乎。我將徙爾於大馬色外。我萬有之主耶和華已言之矣。

第六篇 以色列國雄長列邦，其中有名之人，為民所歸。然在郇邑，耽於逸樂。在撒馬利亞山，宴然居處。其禍必不遠矣。可往甲尼，至哈末大邑。又至非利士人迦特，徧加巡察。豈有他國，較此國尤尊榮。豈有他境，較爾境尤延袤。居位之人，所行暴虐，以為報應之理。甚屬茫昧。寢於象牙之榻，臥

於棲息之牀，羔則取之於羣，憤則執之於牢，供其饜飮，彈琴作歌，製樂器，一如大闢，以最巨之盃，盛酒醴，以至貴之油，膏肌膚，於約瑟之難，毫不矜憫，其禍必不遠矣。寢於床第者，不聞權呼之聲，必先他人，徙於遠方。耶和華指己誓曰：我耶和華爲萬有之主，維彼雅各，我深疾其顯榮，不悅其殿宇，將退棄斯邑，以及居民，如一宅之中，猶留十人，亦必死亡，親戚取其尸骸，而焚以火，間室中之人，尙有人與爾共處否？若曰否，必曰爾當緘口，勿稱耶和華名，蓋耶和華曾言必毀其室家，巨細不分，磐巖之上，豈可使馬馳驟，使牛耕耘乎？聽訟之所，當秉公義，惟爾使人茹茶飲酢，爾以虛浮之事，妄自誇詡，自謂力猛，足以勝人，我萬有之主耶和華，必使他國勃然興起，爲爾以色列族之敵，自哈末之道，至曠野之河，使爾困苦難堪焉。

民問芻蕘，爲王所刈，後復萌蘖，斯時也，主耶和華以一事示子，草甫萌芽，而蝗蟲生，主使之然，蝗噬草既盡，我曰：主耶和華與，祈爾寬宥，雅各衰微，能久存乎？耶和華乃回厥志曰：此災可免。耶和華復以一事示子，以火罰民，深淵悉涸，所得之地，成焦土焉。我曰：主耶和華與，祈爾中止，雅各衰微，能久存乎？耶和華乃回厥志曰：此災可免。復以一事示子，爰有墻垣，循準繩而建，築主執準繩，立於其上。耶和華謂我曰：亞麼士爾觀何物？對曰：準繩曰：我不復宥以色列族，必繫以準繩，削之務盡，以撒之崇壇，必傾圮，以色列之聖所必荒蕪，我將以刃擊耶羅破暗家，伯特利之祭司亞馬謝，遣人至以色列王耶羅破暗曰：亞麼士在以色列族中謀叛，播散流言，國將不堪，蓋亞麼士常言耶羅破暗必死於刃，以色列族必遷於他方。亞馬謝告亞麼士曰：先見者與，宜遁於猶

大在彼可得餬口。宣播言詞。毋在伯特利播言。此處王之聖所。宮闕在焉。亞麼士曰。我非先知亦非先知之子。我乃牧牛羊。摘桑甚者。我守羣畜。耶和華選我。告我曰。當播言於我民。以色列族中。今耶和華有言。爾其聽哉。我宣訓言。告誠以色列族。以撒家而爾禁止。故耶和華曰。爾妻將爲妓於城中。爾之子女。蹈刃而亡。爾之田畝。以繩量度。分於衆人。爾身必死於汚俗。以色列族亦被遷於遠方。

耶和華又以事示子。夏時之果。盛之於筐。問曰。亞麼士爾觀何物。曰。一筐盛以夏菓。耶和華曰。我民以色列族。末期已屆。不復加以寬宥。主耶和華又曰。降災之日。謳歌於宮闕者。無不號呼。尸骸枕藉。隨在棄擲。人絨厥口。貧者所有。爾尙貪之。使窮乏之民。俱就淪亡。今聽我言。爾常言。月朔安息日。何不速過。則可糶穀市麥。升斗則欲其小。權衡則欲其重。以是欺人。以金市窮民。以履易貧者。以朽穀鬻於人。耶和華指雅各之顯榮而誓云。彼之所爲。我永弗忘。地必震動。民必哀號。土壤墳起。忽復下陷。若埃及之河。漲而復退。耶和華曰。當斯時也。我必於亭午。使日沉西。白晝晦冥。遍地不見。吉日變爲愁慘之時。謳歌變爲悲傷之語。各束以麻。各薙其髮。終日哀哭。若喪獨子。主耶和華又曰。時日將至。必使斯土之民。如饑如渴。非欲食餅飲水。乃慕耶和華之道。人必遊遊。自湖至海。自北至東。求我耶和華之道。而不能得。當是日。美女壯士。口舌煩渴。喪失其魂。撒馬利亞之民。奉事犢像。而犯罪愆。人反指之而誓曰。但之上帝永生。別是巴之上帝永生。故必殞亡。永不振興。

第九章 主立於壇側，我觀之，聞其詞曰：擊柱頂，震門楹，俱當損毀，壓於衆首，衆之子孫，我必加誅戮，逃匿者無人，得免者無人，雖入陰府，我必取之，雖升天堂，我將降之，雖匿於加密之巖，我將搜而出之，雖藏於大海之底，我必使蛇噬之，雖爲敵所擄，我必使刃殺之，我恒鑒察，爾惟加以災害，不加以福祉，我萬有之主，耶和華，擊斯土之民，使之喪膽，哀哭不已，土壤墳起，若埃及之河，漲而復退，我作明宮於天，鑿幽谷於地，使海水泛濫於天下，厥名耶和華，耶和華又曰：以色列族乎，我豈不能待爾若古實人乎，昔我導以色列族出埃及，亦導非利士人自鴿托，導亞蘭人自吉地，耶和華又曰：斯民犯罪，我耶和華所目覩，必加翦滅，雅各之家，我滅之，猶有子遺，我必使以色列族散於列邦，若簸揚於篩，一粒之穀，不使隕落，閭閻之惡人，自謂禍不及己者，俱必亡於鋒刃，大闢之宅，已傾圮矣，今而後，我將復起之，而彌其隙，復起其頽垣，而再建之，與昔無異，使以東之遺民，及奉我名之異邦人，俱歸我民，我耶和華言之，必行之，耶和華曰：越至將來，人方穫稻之時，田疇已可耕矣，人方播種之期，葡萄已可踐矣，山出甘醴，嶺流新釀，我必反我民，以色列族之俘囚，傾圮之邑，復建而居之，栽葡萄園而飲其酒，治苑囿而食其菓，我以斯土賜斯民，必使恒居，不撥其本，我耶和華爾之上帝，已言之矣。

阿巴底書

阿巴底得主耶和華默示，言以東之事曰：我聞耶和華言，遣使者至列邦，使彼咸起，與以東戰鬥。維爾以東，我使之卑微，在列邦中爲人所藐視。爾居山巖高險之地，心志倨傲，至於自迷，自謂無人能降爾爲卑。爾雖高飛，譬諸神鷹，結巢於星間。我耶和華必俾爾下墜，爾之遭禍，何其甚哉。如盜賊夜至，必饜其所欲而後已。如摘葡萄，必有所遺。以掃族所藏者，爲人遍索，與爾結盟者，遂爾出境，與爾和好者，施謀勝爾，與爾共食者，設機檻以陷爾。親之者弗智孰甚。耶和華曰：當斯時也，我必在以東其邦賢人，殲之殆盡。以掃族中，必無哲士，提慢之壯士，不勝恐懼。以掃之居民，咸遭誅殛。昔雅各家與以掃族兄弟也，尙加以虐遇，故必抱愧淪胥以亡。當日爾立於旁，見異邦人虜其軍旅，入其邑門，爲耶路撒冷人掣篋。爾若與同謀，向爾昆弟，猶大爲人薄待，爾奚可旁觀。彼幾櫻殺戮，爾奚可欣喜。彼備嘗困苦，爾奚可加以侮慢。我民遭難，所遭孔迫，爾奚可入其邑門。彼罹災害，爾奚可攘其貨財。如有免於難者，爾奚可立於險隘之區，絕其歸途。如有遺民，爾奚可因其艱難之日，付於敵手。耶和華督責列邦，其日伊邇，必視爾所爲，以加諸爾。爾所作之事，必報應於一身。昔猶大人居我聖山，而飲苦杯。列邦之人，亦必羣飲，且飲且啜，歸於死亡。郇山聖地，遺民歸之。雅各家必復其舊業。雅各家必若火，約瑟家必若焰。以掃族必若稗，焚之務盡。以掃之家，靡有孑遺。我耶和華已言之矣。南方之人，必得以掃山平原之民，將據非利士人地，亦得以法蓮撒馬利亞田疇。便雅憫人將得基列以色列族之俘囚，居於迦南地者，將得撒勒法耶路撒冷之俘囚。

約拿書

耶和華諭亞米太子約拿曰我鑒察尼尼微大邑作惡已甚爾往責之約拿欲離耶和華駐蹕之所避於大失遂詣約帕有舟將往大失附之以行而給舟子以值離耶和華駐蹕之所耶和華使大風驟起海盪甚舟幾溺舟子恐懼各求其上帝盡棄所載以輕舟約拿假寐於艙船長就之曰何爲酣睡盍醒而起禱爾之上帝庶乎上帝眷顧我儕以免死亡舟人曰莫若掣鰻觀我儕今日遭禍伊誰之故乃掣鰻而取約拿衆曰我儕因何遭禍明以告我爾何國何民自何至作何事曰我希百來人素所敬畏者天上之上帝耶和華陸地滄海皆其所造今欲去耶和華駐蹕之所逃避於外衆聞言則懼曰何可去也又曰今海震盪愈甚當若何待爾則風浪可息曰取我身擲於海則海之震盪立止蓋我知緣我之故爾遭颶風衆力鼓櫂近岸波濤洶湧不得至遂禱耶和華曰耶和華隨意而作勿爲斯人使我殞亡如我擲之於海勿視我若殺無辜遂取約拿投之於海海之震盪立即恬靜舟人由是甚畏耶和華獻祭輸願耶和華使巨魚吞約拿約拿在魚腹三日三夜

約拿自魚腹中禱其上帝耶和華曰我遭患難呼籲耶和華蒙爾憶念余自陰府號呼望爾垂聽爾擲我於深淵海水環繞波濤淹沒于率爾吐詞見絕於爾然余猶望爾之聖殿波濤淹余深淵環余海帶裹首我下山基地穴陷余永不得出惟我之上帝耶和華免我死亡我喪膽時追憶耶和華禱告乎爾望爾聖殿凡賴虛僞者棄厥恩主惟我蒙耶和華救援必獻酬恩之祭輸

我所願耶和華遂命巨魚吐約拿得登於岸。

第三章 耶和華復命約拿曰往尼尼微大邑以我所言告衆約拿遵耶和華命往尼尼微夫尼尼微邑甚廣城之四周三日始徧約拿入城歷一日之程呼曰尼尼微邑不過四十日必傾圮矣尼尼微人信上帝使衆自尊逮卑禁食衣麻尼尼微王聞言下位解衣衣麻坐於塗炭王與諸侯出諭遍尼尼微邑曰人與六畜牛羊俱勿食糧飲水俱必衣麻懇籲上帝衆當去惡勿虐人民庶幾上帝或回厥志而息其怒使我不亡於是衆民咸去舊惡上帝鑒察之乃回厥志災不果降○第四章 約拿怒不悅禱耶和華曰我在故土逆料有此故遁於大失我知爾仁慈之上帝矜憫爲懷恒忍不已弗加災害今求耶和華取我生命願死勿生耶和華曰爾何怒之甚哉約拿出邑東向而坐構廬居於蔭下欲觀此邑終必若何耶和華上帝使蓖麻叢生高於約拿庇蔭厥首以解其憂約拿得蓖麻之蔭意甚怡悅詰旦味爽上帝使蟲嚙蓖麻遂至枯槁日出時上帝使風東來其氣炎熯日暴約拿之首使之喪魂求死曰寧死不生上帝謂約拿曰爾因蓖麻怒何烈與對曰吾誠怒甚至於求死耶和華曰此蓖麻非爾種樹非爾栽培一日發生一日憔悴何與於汝乃懷憂乎况尼尼微大邑幼稚不識左右者不下十二萬亦有羣畜我能不宥之乎

猶大王約坦亞哈士希西家相繼在位時摩哩沙人米迦奉耶和華命言撒馬利亞耶路撒冷之事曰斯土衆民天下億兆宜聽斯言主耶和華自其聖殿督責斯衆主離其位降臨於地陟彼崇邱主臨格時峯巒頓失陵谷頓開如蠟消融如水就下此皆因雅各以色列犯罪而然雅各之愆尤何自豈非始於撒馬利亞乎猶大之崇坵何自豈非始於耶路撒冷乎故我必毀撒馬利亞其瓦礫堆砌田間無異葡萄園我必擲石於谷使其址基畢露所造之偶必見毀所鑄之像必見遷所贈之物必焚毀被獲珍寶若娼得人之投贈故後必爲娼所得先知曰我必哀哭解衣去履我必號呼若暴獸野犬敵至猶大耶路撒冷門其禍遍於我民其傷不得醫痊毋播言於迦特毋哭泣於亞哥惟在伯押拉坐於塗炭沙伯居民被虜裸體抱愧而去撒南人不出而輔翼伯以泄人不爲之哭泣馬律居民貨財見奪中心懷憂蓋耶和華降災於耶路撒冷門拉吉居民始誘郇民陷於愆尤使以色列族犯罪故以健馬駕車而遁拉吉人與迦特之摩哩沙人絕和好若人出妻與以離書亞革悉家將欺以色列王馬哩沙人爾之城邑我使之爲人所得亞士蘭甲於以色列衆邑敵人亦必至焉猶大地乎爾之愛子爲人俘囚故當去爾髮童爾首與神鷹無異爾斯民偃息在牀猶謀不軌迨至黎明凡力可以勝則無不爲其禍必不遠矣彼貪人田廬而強據之人與第宅及凡所有俱遭暴虐故耶和華曰我必圖維降罰於斯家爾身弗能免難不敢昂首以行當日人將爲爾作哀歌吟悲詞云我民之業爲他人有維彼敵人得我田疇我儕小

民淪胥以亡，在耶和華之會，能用準繩，析土與民者，卒無一人，宣播訓言，爲人禁止，人不許余宣斯言者，以爲凌辱其民，吁哉，爾雅各之家，何出此言，耶和華之神，豈不甚盛，斯災豈耶和華所常行乎，爲義之人，必以我言爲有益，自古以來，我民之害，同於敵人，戰鬥而歸之士，自以爲安居無恐，不知我民將解其外服，去其裏衣，我民之婦，有美宅，爲爾所逐，我賜其子，以麗服，爲爾所覷，爾行穢濁，污穢斯土，故不得安居，當往他方，遭禍不淺，如人好僞，佯托感神，以清酒醇醪，誨人燕飲，則民樂以爲師，雅各全家，我使之屬，至以色列遺民，我使之和會，合之爲一，若破斯喇之羊，譬彼羣畜，咸集於牢，因其衆多，聲喧不已，闢路者前往，民勝諸敵，出入邑門，厥主耶和華導之以行。

我曰：雅各之長者，以色列族之士師，宜聽我言，聽訟之理，非爾所當知乎，惟爾惡善好惡，

剝人之皮，剝人之肉，惟餘骨骸，爾去我民之皮，而噬其肉，折其骨，割之爲禱，投之鼎鑊，爾籲耶和華，而耶和華不復垂念，因爾妄作，棄爾如遺，彼僞先知，迷惑我民，供其食用者，則許以平康，缺其甘旨者，則與之戰鬥，故耶和華責之曰：爾必遭昏夜，不覩光明，不見異象，不能占驗，日必沉西，晝變晦冥，以罰僞先知焉，先見者抱愧，占卜者蒙羞，上帝不應爾所，衆皆掩口，惟我感耶和華之神，得能力言公義，告誡雅各家，以色列族，俾自知其罪戾，雅各家之長者，以色列族之士師，疾仁義，反公平者，宜聽我言，爾曹行惡殺人，得其貨財，以建郇邑，及耶路撒冷，長者聽訟，爲納苞苴，祭司訓民，惟望賞賚，先知圖利，而言未來事，然衆恃耶和華自謂，耶和華左右我，必不遭災，故緣爾故，人將耕郇邑之地，盡成田疇，耶路撒冷，悉變瓦礫，斯殿之山，將爲林藪。

越至末期，耶和華殿宇之山，必超乎衆山之上，高出於層巒疊嶂間，異邦族類，無不來集。衆民曰：雅各之上帝，即耶和華是，莫若登其山，入其殿，受其訓迪，遵從其道，蓋律例自郇城而出。耶和華之命自耶路撒冷而敷布，列國分爭，上帝平治之，使以刀爲犁，以戈爲鎌，不相攻伐，不尙武事，維彼庶民，咸於葡萄樹無花菓下，受其庇蔭，震驚之者，迄無一人，萬有之主耶和華已言之矣。民曰：雖異邦之民，各從其上帝，而我儕必恒事我之上帝耶和華，弗敢少懈。耶和華曰：當是日，趨起者，我必招徠之，爲人驅逐，及受我譴責者，我必撫恤之，且於趨起者，更加以保全，仍爲遺民，爲人驅逐者，更使其國，成爲強大，我耶和華將爲君於郇山，自此以後，永世弗替，惟爾郇邑之山，耶路撒冷之民，若守羊牢之戍樓，甲於衆邑，後必治理列邦，與昔無異，爾今何爲號呼？若婦將產，艱難勞苦，爾中豈無王公，爾之謀臣，豈盡殞亡，郇邑之民，果爲勞苦，若婦臨產，蓋爾將出邑居野，至於巴比倫，在彼我耶和華將救爾出於敵手，列邦之民和會，環攻乎爾，彼云願郇邑污穢，爲我目覩，惟彼列邦，不知我耶和華之意，不測我謀，後必爲我所集，譬諸禾稼，束於穀場，郇邑之民，當起而踐斯穀，我必使爾角若鐵，爾蹄若銅，彼之民人，爲爾抵觸，而蹂躪之，以其財貨供事我天下之主耶和華。

三軍和集，環繞我邑，擊以色列族之士師，以杖撻其頰，惟爾伯利恒，以法大在猶大郡中，雖爲卑微，然將有君於爾，是出代我牧以色列民，亘古以來，卽有之，顯著者屢矣，主將委斯民於爾，待妊婦已產，則君之同族餘民，將歸以色列地，斯君將與，恃其上帝耶和華之能力，威儀，以牧

斯民彼將爲大。至於地極，民亦恒存。斯君也，將錫我以平康。時值亞述人侵伐我地，蹂躪我殿，牧伯傳膏者將興，不以七人八人爲限，以攻擊之。亞述人侵伐我地，蹂躪我境，彼必以鋒刃攻亞述之國，寧綠之境，以免我民於患難。雅各遺民將潤澤列邦，如耶和華所降之甘露，如細雨之霏霖，灌溉草蔬，不待人力。雅各之遺民將擊列邦，如牡獅噬野獸，如稚獅噬羣羊，一過其中，則蹂躪斷傷，無能救援。爾將舉手攻敵，殲之務盡。耶和華曰：當是時，我將毀爾車馬，墮爾城垣。凡爾中之巫覡術數者，必誅戮無遺，斫爾偶像，使爾於人手所作之物，不復崇拜焉。伐爾林木，毀爾城邑，我怒震烈降罰於不順之民。

耶和華敷陳言詞，凡爾尚戀，咸聽其語。耶和華將斥責其民，以色列族舉凡山巖嶺地，之四維，尙其聽之哉。耶和華曰：我民與我，爾何爲？我未嘗有苛政，爾試言之。昔我導爾出埃及，脫爾於賤役，遣摩西、亞倫、米哩暗、訓迪爾曹，我民當憶古昔摩押王巴勒謀害爾曹，庇耳子巴蘭與之黨同，自失亭至吉甲。耶和華之恩澤，爾其念之，勿忘。民曰：我欲崇拜至上之上帝耶和華，當獻何物，豈可以燔祭盈歲之贖，贖陳於前哉？抑耶和華將以牡綿羊數千爲悅，或以萬溪流油爲悅，我當以初產之嬰孩，贖我愆尤，抑以親生之骨肉，贖我邪念乎？曰：人所當爲者，言之已彰彰矣。耶和華願爾無他，惟秉公義，矜憫爲懷，退抑以事上帝。耶和華降命於邑中，撲責斯民，苟有智慧者，無不遵從焉。命曰：維彼惡人，斗筭甚小，以弋貨財，藏於其室，我深痛疾，權衡之法，不秉其公，僞作秤錘，陰藏囊囊，烏得無罪。富者專行強據，邑中庶民，互相欺誑，鼓舌妄言，我必撲爾，俾爾傷殘。

不可醫痊，邑民有罪，必致荒蕪。爾雖欲食，不得果腹。蓋此饑饉，必在邑中。爾雖欲遷，不能免難。蓋即遁逃，必蹈鋒刃。爾雖播種，不能有秋。雖踐橄欖，不得以油沐體。雖釀新酒，不得自飲醇醪。暗利王之法度，爾乃恪守焉。亞哈家之愆尤，爾反則傲，與之同謀焉。故我必使爾邑荒蕪，人作怨恨之聲。昔爾爲我民，後必爲衆戮辱焉。

第廿四章 嗚呼哀哉，敬虔者爲義者，在於斯土，翦除已盡。我欲得一人而不能。譬諸初稔之無花果，

毫無所獲。其故何與？因夏果已收，葡萄已拾也。維彼衆民，設伏以殺人，設網以陷人。長於作惡，牧

伯士師，俱索賄賂。大人所謀不軌，黨同爲非。彼所爲善者，等諸蒺藜。彼所爲義者，同於荆棘。先知

所言之災，其日伊邇，庶民潰亂，謹防隣里，勿信友朋，對眷愛之妻，勿言機密之事。子欺父，女爭母，

媳逆姑，則門內之人，等諸仇敵矣。惟我仰望我之上帝耶和華，彼必垂聽，而加拯救。我雖隕越，必

復振興。我雖居暗域，耶和華必賜光明。故予寇仇，毋庸欣喜。我獲罪於耶和華，雖受撲責，不敢疾

怨。待彼伸我之冤，導我入於光明，則彼之仁義以彰。我敵見之，含羞抱愧。昔彼問我云：爾之上帝

耶和華安在？今遭蹂躪，若衢路之泥。我目覩之。耶和華有命，使遐邇咸歸於爾。爾之邑垣，必復建

造。自亞述至埃及，邑垣自埃及及邑垣，至大河四海之內，百嶺之間，咸必歸爾。斯土居民，所作不端，

故必荒蕪。報施不爽。先知禱曰：爾得斯民，牧之以杖。譬諸羣羊獨居，不雜蔭於叢林。游於加密，噉

芻於巴山。基列與昔無異。耶和華曰：昔我導爾出埃及，我之經綸，於以顯著。今而後必再顯著焉。

異邦之人，素彰厥能，見我所爲，抱愧蒙羞。掩口塞耳，必舐塵若蛇，出穴若蟲。寅畏我，亦畏懼爾。民

第^一章 謂葛人拿翁以尼尼微之事得之默示者筆之於書曰耶和華乃上帝有不敬者斷不容
 之。不敬之人耶和華必以爲敵。憤怒奮發。加以重罰。屢怒不已。耶和華能力甚大。雖不遽怒。然恒
 於惡者。不蒙赦宥。耶和華洩臨。若颶風狂飈之驟起。視雲若足下之塵。一叱咤而海水涸。汲道絕
 矣。巴山加密已荒蕪矣。利巴嫩之榮華。倏然凋謝矣。在彼之前。崗嶺震動。山巒頓失。大地墳起。世
 人殞亡。厥怒奮發。若山巔出火。孰能自立。厥氣憤烈。若磐巖崩裂。孰能得生。耶和華無不善。凡賴
 之者。蒙其眷顧。患難之日。得其護衛。凡敵之者。必遭昏暗。若爲洪水所淹。淪胥以亡。爾謀不軌。違
 逆耶和華。亦奚以爲。彼一擊爾。必致於死。毋庸再擊。敵沉酒於酒。若荆棘叢雜。乾燥易焚。尼尼微
 謀士。惟惡是作。專行不軌。悖逆耶和華。耶和華曰。敵雖衆多。安然無恙。亦必殲滅。歸於烏有。惟爾
 小民。昔遭患難。必不遇害。我必折爾軛。解爾結。耶和華有命。告爾尼尼微王云。爾祚不長。爾上帝
 之殿。木偶金像。毀之殆盡。爾誠卑鄙。必於斯殞亡。報諸嘉音。傳諸和平者。陟彼山崗。猶大族中。守
 爾節期。輸爾所願。蓋惡人滅亡。不復侵爾土地。

第^二章 滅天下者。已至爾境。命戍稽察。設兵守險。東爾腰。施爾力。以爲扞禦。雅各家。以色列族之
 顯榮。敵使之虛無。削其枝葉。我耶和華必令其恢復。惟彼敵國。壯士之干。則塗以朱。武夫之衣。其
 色維絳。戰鬥之日。車輪曳刃。閃爍若火。其戈大若松株。信手揮擊。彼有車騎。馳驟邑郊。奔走校場。
 迅如火炬。疾若電光。尼尼微王召厥有能之士。趨起而至。築女牆。登障扞禦。河關已潰。宮闕雖堅。

亦遭淹沒，王后被擄，徙於遠方。羣婢椎胸哀鳴若鴿，越在疇昔。尼尼微，邑若滙水之區，今民逃遁，呼之使止，彼不敢回顧焉。敵擄金銀財貨衆多，玩好之物不可勝數。城邑空虛，變爲荒土，人皆喪膽。兩股戰慄，腰骨殊痛，悚惶變色。今也，牝獅之穴安在，穉獅之洞何存？昔者牝獅牡獅俱游於斯，無人叱之，牡獅斷物以予穉獅，牡獅攫物以予牝獅，居處之穴中，所得之物充盈焉。我萬有之主耶和華，必攻斯邑，燬厥車騎，俱成烟燄，殺戮穉獅，不許得物於斯土，其聲名泯沒無聞。

第三卷 尼尼微邑惟嗜殺人，所行詭譎，強據擄奪，靡有厭足。今禍將及矣，鞭聲遠聞，車輪轟轟，馬騰驥，車馳驅，騎卒踴躍，戈矛閃爍，尸相枕藉，骸骨無數，人蹶於上。爾邑之人，譬諸娼妓，具殊色，有淫行，屢行邪術，蠱惑庶民，故罹斯害。萬有之主耶和華曰：我必攻爾，去爾帷裳，以蒙爾首，裸爾體，俾諸邦國知爾受辱。我以糞壤汚爾，使爾含羞，爲衆目覩。凡見爾者，將遁逃遙立云：尼尼微邑傾圮矣，孰矜恤之，孰慰藉之。爾豈愈於挪亞門哉？彼居河間，一水縈繞，倚海爲塹，以是扞禦。古實埃及率旅若林，以助其戰，弗路庇爲其輔翼，彼亦遷徙，爲人所俘，其嬰孩相粹於交衢，貴顯之人繫以繯，敵人掣箠，以決其誰得。爾亦必飲苦杯，至於酩酊，自匿於城中，以避諸敵。爾之城垣，必若初熟之無花菓，人一搖撼，果實紛落。爾之民人，無不畏葷，同於婦女，邦國之門必破，敵人入之。爾之關隘，俱焚以火。邑將被圍，當鑿汲道，修城垣，搗土使堅，設陶造瓦。爾在邑中，雖衆於蝗，不可勝數，亦必遭災，有若蠶食，爲火所焚，爲刃所戮。爾之商賈，多於天星，衆比蝗蟲，遭災之時，流離四方。牧伯將軍，多若蝗蟲，遇寒之時，棲於籬籬，日出羣飛，踪跡無存。亞述王乎，爾之牧伯顯宦，俱偃而

臥爾之庶民，散於岡巒，不得復聚，所受之傷，不得醫痊，凡聞斯音，必鼓其掌，蓋爾之暴虐，遐邇咸知焉。

哈巴谷書

先知哈巴谷述所得之默示曰。耶和華與國中有橫暴之人。我籲於上。爾不垂聽。爾不拯救伊於何底。民自相爭。虐遇擄奪。至於召禍。爾何使我目覩乎。惡者枉法。環攻義人。律例俱廢。伸其冤者。卒無一人。耶和華曰。試觀異邦人。殊可駭異。當爾之時。吾將有所爲。雖有人告爾。爾亦不信。我將使迦勒底人振興。殘忍疾作。遍行天下。強據邦國。其威可畏。聽訟之時。獨斷獨行。彼之驕騎。行疾於豹。趨迅於狼。狼夜出。其暴更甚。乘者遠來。橫行四方。迅速若鷹。吞噬其所得。其色甚厲。若東風驟起。既至斯土。強據人民。所獲俘囚。有若海沙。藐視君王。嘲笑牧伯。譏嘲城邑。築土壘而下之。精神倍長。向前進征。復獲罪於耶和華。自謂其上帝所助。先知曰。我之聖主上帝耶和華。自亘古而有。必保全我。無至於死。耶和華上帝已降斯害。扑責斯民。爾品至聖。惡者爾所不喜。暴者爾所不悅。今人強據我有。何爾反佑之。惡者害義。何爾默不一言乎。爾何使我無君。若鱗族昆蟲。敵以鈎釣我。以網捕我。既得我衆。喜不自勝。獻祭焚香。以敬其網。因所得者多。食之果腹。既罄斯網。復出害人。戮民無厭。爾何聽其然乎。

我屹立以待。有如戍卒。守彼堞樓。欲知主以何言告我。使我以何辭應對。耶和華曰。以所得之默示。明書於簡。俾讀者疾趨將命。宣播四方。默示之事。屆期必成。終有效驗。不辜所望。歷時雖久。終當靜俟。是事必應。不復濡滯。自高不安其心。義人以信得生。維彼敵人。沉湎於酒者。廉恥道喪。居心粗浮者。遨遊遠方。貪欲無藝。若陰司暗府。無日充盈焉。彼使邦國。咸歸統轄。斯衆必作

歌以譏刺曰：他人之財，充積爾家，實當之物，盡歸爾身，久而不償，禍必不遠。困爾者勃與，撼爾者亟起，攘奪爾之所有，因爾劫掠邦國，不可勝數，殺人強據，害諸邑民，故其餘民亦將取爾之所藏。爾貪不義之利，以富其家，營巢甚高，求免災害，禍必不遠。爾謀不軌，殲滅衆民，自取罪戾，貽羞家庭，壁中之石將呼，屋巔之梁將應，以訟爾罪。爾殺戮人，強奪人，以構城邑，禍必不遠。爾使列邦之民，屬役良苦，竭力築城，萬有之主耶和華，必使之焚燬殆盡，歸於烏有。蓋耶和華之榮光，遍於天下，若水在海，無往不有。爾使鄰里縱飲，酌彼旨酒，以致亂儀，欲其取辱，目覩爲快，禍必不遠。耶和華怒爾，若手執爵以飲爾，使爾過酣，露爾下體。至於哇吐，變榮爲辱，昔爾強奪利巴嫩之木，殺人強據，害諸邑民，故必遭禍。若獸被執，不勝殺戮，工人雕木偶，鑄金像，俱屬虛僞，口不能言，作之者亦賴之，何益之有。木石不能言，有求其起而庇佑者，禍必不遠。維彼偶像，雖飾金銀，不通呼吸，焉能有應。惟耶和華在厥聖殿，天下之人，俱當實畏焉。

第三篇 此乃先知哈巴谷祈禱之詞，其體若賦。耶和華與我聞爾所言，不勝驚懼。耶和華與我今遭難，爾勃然以興，著爾經綸，震怒之時，矜憫爲懷。昔上帝自提幔而至，聖主自巴蘭山而來，榮光蔽天，頌聲遍地，期耀勝於日華，榮光激射，若其至德，則不能見焉。未至之先，降以疫癘，既去之後，加以體熱，立於斯。大地震動，垂鑒察，民人戰慄，自昔以來，恒久之山嶽，皆主所造，今則見主而崩頹，渺然無踪。古山之帳遭難，米田之帷震動，我目覩之矣。耶和華與爾氣憤烈，決河擊海，豈怒河海哉。蓋欲駕馬乘車，以獲全勝耳。爾出弓於彀，持戈齊起，以應爾命，爾旣蒞臨，地闢河溶，尚櫓戰

慄、洪水泛濫、深淵噌吰、波濤澎湃、爾矢既發、爾戈閃爍、日月不出其宮、爾怒既烈、徧行斯土、爾氣
既張、蹂躪異族、爾出而救民、沐以膏者、必加手援、惡黨之長、爾加誅戮、毀其城垣、露其址基、敵至
若颶風、欲使余四散、暗噬貧民、彼之所喜惟爾、以厥戈矛、殲其巨魁、爾乘馬過海、波濤鼎沸、我聞
是事、中懷畏懼、唇齒震動、骨骸若朽、戰慄不已、敵雖至此、加我以難、我尙納慰、雖無花果之蕊、不
舒、葡萄樹之實不結、橄欖不復生果、田畝不復產物、牢中無羣羊、廐內無牛犢、我猶賴我之上帝
耶和華、欣喜權什、主耶和華加我以力、令我足健、疾趨若鷹、升我於崇邱、我作斯歌、使伶長鼓琴
歌之。

西番雅書

第壹章 亞門子約西亞爲王於猶大。耶和華命希西家玄孫亞馬哩會孫其大利孫古示子西番雅曰：我於斯土，必使百物殄絕。居民野獸，飛鳥海魚，偶像惡人，俱必殞亡。我耶和華已言之矣。我必舉手，攻擊猶大。耶路撒冷之億兆，奉事巴力之遺民，以及祭司繙流，殲滅靡遺。其名泯沒無聞。凡在樓巔，崇拜天象，更奉事耶和華，指耶和華而誓，亦指抹干而誓，悖逆耶和華，不祈求我者，必戮之而後已。我耶和華廣行誅殛，召彼敵人，屠民等諸宰牲。其日伊邇，要當寅畏焉。殺戮之期既屆，我必罰收伯，責王子，衣異服者有誅。當斯之時，凡行不及踰闕，強據是爲，誑辭是尙，以其所得藏於主人之室者，必降以罰。耶和華曰：當是日，自魚門至米士尼，延及邱陵，殺戮人民，號呼之聲，遐邇咸聞。抹鐵居民，無不哀泣，以商旅殄滅，富室殞亡也。耶路撒冷中有數人，踟躕危坐，若酒澄清，渣滓在底，自謂耶和華不加以賞罰。當是時，我必燭照而遍索之，以治其罪。彼雖建室，不得居其中。雖栽葡萄樹，不得飲其酒。貨財被虜，第宅傾圮。我耶和華之日伊邇，其至甚速。武士聞之，慘號呼。是日我將震怒，人民遭難，荒蕪傾圮，幽深玄遠，杳冥晦暗。是日有人吹角戰鬥，以攻城垣，以擊堞樓。我將使人罹害，徧捫不見，無異瞽者。因彼獲罪於我耶和華，故其血必視若塵埃，其肉同於糞壤。我耶和華震怒之日，彼有金銀，不得贖其生命。我怒憤烈，必毀斯土，所居之民，必猝然殄絕之焉。

第貳章 我耶和華不悅斯民，忿怒震烈，必降以災。其日伊邇，流光荏苒，譬諸飄風，簸揚糝糠。我命

未出爾當自省，而悔厥過。斯土之民，謙卑遜順，守我法度，當祈求我，專務仁義，搗謙不已，則我耶和華降災之日，庶可得免。迦薩必荒蕪，亞實基倫必傾圮，亞實突人當亭午之時，必遭驅逐，以革倫人必拔其根株，爾海濱居民，其哩人，耶和華有言，禍將及矣，爾迦南乃非利士人地，我必加殲滅，靡有孑遺，瀕海之區，俱爲牧場，所有者，不過牧人之井，羣羊之牢而已。適值耶和華上帝眷顧，猶大遺民，返其俘囚，使彼牧羊海濱，暮則驅羣羊，臥於亞實基倫家，摩押亞捫，自高其心，凌辱我民，侵其接壤之所，我聞之矣，故我以以色列族之上帝，萬有之主，耶和華，指己而誓，摩押必若所多馬亞捫，必若蛾摩拉，荆棘叢生，斥鹵遍地，恒必荒蕪，我之遺民，必虜其貨財，得其基業，昔彼驕泰，自高其心，辱萬有之主，耶和華，故罹此鞠凶，我耶和華有威可畏，洲島居民，俱必隨在奉事，昔天下有崇敬他上帝者，我後必使之絕祀，惟爾古實族，我必加以利刃，舉手擊其北方，剿滅亞述，使尼尼微荒蕪，變爲曠野，羣畜與四方之獸，必臥於其邑，鷓鴣毛蝟，必棲於柱頂，牖間聞鳥聲，門闕成坵墟，柏香木板，俱已剝落，此乃淫佚之邑，僭稱主母，自謂莫之與京，今變荒蕪，獸伏其間，凡過之者，必作怨憤之聲，搖首不已。

第二節 我邑之民，悖逆上主，暴虐同儕，自染於惡，禍必不遠，彼不從命令，不順誨言，彼之上帝耶和華，不是賴是求，其中之牧伯，猛若吼獅，其土師惡若豺狼，夤夜而出，愈肆其暴，盡嚼骨骸，至於詰朝，遺骸無存，其先知驕泰誕妄，其祭司污穢聖所，違背法度，仁義之主，耶和華，駐蹕於斯邑，恒秉公義，時伸民冤，無日不然，惟彼惡徒，毫不知恥，我耶和華滅列邦，毀城邑，使屋隅傾圮，逵衢荒

寂無人履之，無人居之。我告斯民曰：爾當寅畏我躬，承我教誨，則不降罰，絕爾居所。然爾惟惡是作，靡有已時。耶和華云：我有定命，和集列邦，憤怒奮發，氣燄殊張，殲滅天下。我既勃興，降此刑譴，爾當祈求。我必使異邦人恒宗真道，籲我耶和華之名，比肩服事。自古實河外，我流離之民將祈禱余，供獻禮物。昔爾緣我聖山，心志驕侈，獲罪於我。越至後日，我必使爾不復若此，以取辱。尙有遺民，謙遜爲懷，倚賴我耶和華。我使之居於爾中，以色列之遺民，不行非義，不言誕妄，中心無僞，安分樂業，無震駭之虞。郇邑之民，以色列衆，耶路撒冷人，欣喜快樂，踴躍歡呼。我耶和華去爾災，遠爾敵。我以色列族之主耶和華，駐蹕爾中，後必無害。當斯時也，人告郇邑，耶路撒冷人曰：勿畏，毋喪膽。我全能之主，爾之上帝耶和華，駐蹕爾中，必救援爾，矜憫爲懷，加以寬宥。我則樂於爲此，歡聲而呼。爾中有人，見郇邑被辱，不能守節期，憂心戚戚。若斯之人，我必撫集之。當是日，凡敵爾者，我必罰之。爾中步履趨起者，我必手援之，爲人驅逐者，我必撫恤之。昔爾散於列邦，受人侮慢，厥後余必使人揄揚爾焉。當是時，我必反爾俘囚，撫集爾民，使歸故土，爲衆目覩。天下億兆必譽美爾。我耶和華已言之矣。

哈基書

大利烏王二年六月朔，耶和華命先知哈基諭設鐵子。猶大方伯所羅把伯、約撒答子祭司長約書亞曰：萬有之主耶和華云：斯民自謂建耶和華殿，其期未屆，惟耶和華使先知哈基傳命曰：爾所居之屋，以板附壁，使斯殿荒蕪，豈在斯時乎？今萬有之主耶和華曰：當察爾所爲，爾播多穫少，食不果腹，飲不止渴，衣不得煖，工得其金，盛於敝囊。萬有之主耶和華又曰：當察爾所爲，耶和華曰：登山曳木，以建斯殿，使我獲榮，悅我心志。昔爾慕多得少，攜物至家，我吹之飄沒者，誠何故耶？因爾各顧其廬，而我殿宇傾圮，毫不介意。萬有之主耶和華已言之矣。是以天不降甘露，地不產庶物，我使平原山崗，不沾膏澤，五穀、酒油及大地之所播而生，人畜之所勞而得者，俱必匱乏。設鐵子所羅把伯、約撒答子祭司長約書亞及諸遺民，遵其上帝耶和華所使先知哈基傳命之言，而敬畏耶和華。耶和華之使哈基，遂以耶和華之命傳之民云：耶和華曰：我必眷佑爾衆。於是耶和華感設鐵子。猶大方伯所羅把伯、約撒答子祭司長約書亞及諸遺民之心，咸至萬有之主上帝耶和華之殿，大興工作。此大利烏王二年六月二十四日事也。

七月二十一日，耶和華命先知哈基曰：當告設鐵子。猶大方伯所羅把伯、約撒答子祭司長約書亞及諸遺民曰：爾中孰有人曾親古昔之殿，儀容華煥者乎？今見斯殿，弗古若矣。萬有之主耶和華曰：所羅把伯必強乃志，約撒答子祭司長約書亞必壯乃心。斯土之民，必勉勉以操作。蓋我耶和華眷佑爾衆，昔爾出埃及，我與爾約，迄於今，我之神尚矚爾衷，故勿畏懼。萬有之主耶

和華曰、當延片晷、我將震動天地、撼搖山海、亦將鼓盪列邦、列邦之企慕者將至、我將以榮光充盈殿宇、萬有之主耶和華已言之矣。又曰、金銀屬我、又曰、後建之殿、榮光燭照、較先建之殿、尤爲朗耀、我必錫平康於斯、萬有之主耶和華已言之矣。大利烏王二年九月二十四日、耶和華命先知哈基云、萬有之主耶和華曰、當問法於祭司曰、浸假有人、衿裹肥肉、以與他餅、酒、油、湯、及諸食物相和、則是物爲潔否、祭司曰、否、曰、浸假有人、因捫尸骸而蒙不潔、偶捫上所言諸物、則是物將爲不潔否、祭司必曰、不潔、哈基又曰、耶和華曰、此國之民、其身不潔、所行之事、所獻之物、亦蒙不潔、是日之前、人未壘石諸石上、以建我殿、所有之事、爾當憶念、是時人至麥堆、望得二十束、惟得十束、人至酒醪、望得五十斗、惟得二十斗、耶和華曰、爾雖勤勞、我使風暴五穀、細弱特甚、雨雹以毀傷之、爾猶不歸誠於我、自九月二十四日、築我耶和華殿基、以後所有之事、卽當思之、倉廩之中、雖無五穀、葡萄樹、無花果、石榴、橄欖、雖未結果、自是以後、我將錫爾以純嘏、是月之二十四日、耶和華又諭哈基云、當告猶大方伯、所羅把伯云、我將震動天地、顛倒國位、墮其能力、維車維馬、與乘駕之人、我俱毀之、使民各以鋒刃相擊、萬有之主耶和華告其僕設鐵子、所羅把伯曰、我必簡爾、以爾爲印、蓋爾見悅乎我、萬有之主耶和華已言之矣。

撒加利亞書

第一章 大利烏王二年八月，耶和華命易多孫比哩家子先知撒加利亞曰：昔爾列祖，我耶和華嘗震怒之矣。當告斯民云：萬有之主耶和華曰：爾歸誠於我，我必復加眷顧。我萬有之主耶和華已言之矣。爾勿效祖所爲。古先知告之曰：萬有之主耶和華云：棄惡勿作，彼不聽從。爾之列祖於今安在。古之先知豈得永存。昔我使我僕先知傳命，言必降災。斯災已及爾祖，彼遂懊悔，自謂萬有之主耶和華所立之旨，欲降以災，罰我所爲。今及我躬矣。大利烏王二年十一月，卽西拔月二十四日，耶和華降旨於易多孫比哩家子先知撒加利亞。撒加利亞曰：我於寅夜，見有貌若人，乘赤馬，立於山麓，岡枯樹下。其後有乘赤黃白馬者。我曰：主，此何意歟。與我言之。天使曰：我將以斯意明示乎爾。立於岡枯樹間者曰：此乃耶和華所遣，遍歷塵寰，乘馬者謂立於岡枯樹間，耶和華之使者曰：我遍歷塵寰，見天下安佚無虞。耶和華之使者曰：萬有之主耶和華與歷七十年，爾怒耶路撒冷與猶大諸邑，毫無矜憫。伊於何底。耶和華以善言，慰藉與我言之使者。與我言之使者告我曰：爾當布告衆庶，萬有之主耶和華曰：我爲耶路撒冷，以及郇邑，熱中不已。昔我微怒斯民，異邦安佚之人，加我民以患難。我深爲不悅。故我耶和華復臨耶路撒冷，而矜憫之，以繩量度，建我殿於其中。我萬有之主耶和華已言之矣。當復告衆云：萬有之主耶和華曰：我耶和華必復慰藉郇邑，眷顧耶路撒冷，使我諸邑，靡不亨通，永無涯涘。撒加利亞曰：我仲觀四角，詢於天使曰：此何意與。答曰：此角乃使猶大以色列耶路撒冷之民，流離失所者。耶和華以工師四人示我。我曰：

彼來欲何爲，曰：前所見之四角，卽異邦人崢嶸其角，攻擊猶大衆，使民離散，能扞禦者，卒無一人。今工師已來，使之震動，擲之於地。

第二十章 我復仰觀，見一人手執準繩，我曰：爾將何之？曰：欲量度耶路撒冷，知其長廣，與我言之。天使遂出，他天使出逐之，告之曰：疾趨以前，告此少者。曰：耶路撒冷居民，牲畜繁多，必恢廓其城，至於邑郊。耶和華曰：我必扞衛斯邑，若四周有火，若中央赫奕。耶和華曰：我使爾衆散於四方，若颶風驟起，故當疾趨，出自北方。郇之民人，居於巴比倫邑中者，宜思免於其難。我萬有之主耶和華曰：儀容赫奕，旣經顯著，耶和華特遣子督責虜爾之民，凡犯爾者，與犯其眸子無異。我將舉手，使彼奴僕反虜其主，則爾乃知萬有之主耶和華遣我。耶和華又曰：我將蒞臨，駐蹕於爾中，郇邑之民，欣喜謳歌，當斯時也。異邦之人，將歸誠於我耶和華者，不可勝數，爲我選民，我必駐蹕爾中，使知萬有之主耶和華遣我。耶和華將得猶大爲其選民，居於聖地，復以耶路撒冷爲悅。耶和華居聖所，勃然而興，億兆當寅畏焉。

第二十一章 使者示我以象，見祭司長約書亞，侍於耶和華天使前，撒但立於右以禦之。耶和華告撒但曰：我耶和華必責爾撒但，我耶和華以耶路撒冷民爲悅，故必責爾，斯人得救，若脫於火。約書亞衣服塵垢，立於天使前，主告左右曰：解其污裳。又曰：我宥爾愆尤，衣爾明衣。又曰：當以美冠加其首，爰取美冠，以冠厥首，明衣以被厥體。耶和華之使者，立於彼，告約書亞曰：萬有之主耶和華云：如爾遵我命，從我法，則可理我家，守我院，使我左右，爲爾良弼。爾祭司長約書亞，與並坐之儔。

侶俱爲民間所異，咸聽我言，必使我僕至，長若枝柯，萬有之主耶和華曰：我必置石於約書亞前，石上有七目，我彫刻之。一日間，我將除斯土之災，萬有之主耶和華曰：當是時，爾曹相邀隣里，俱坐於無花果葡萄樹下。

第四章 維時我若假寐，與我言之天使又至，令我頓寤，問我曰：爾觀何物？曰：我觀燈臺，乃金所鑄，其上有盂，亦有七燈，及七管，使油潑貫於七燈中，孟左右有橄欖樹，我問與我言之天使曰：我主斯何意與？曰：爾不知乎？曰：主我不知。耶和華諭所羅把伯云：萬有之主耶和華曰：非以能力，乃以我神，在所羅把伯前，孰爲之敵，雖若巨山，將成平壤，主曳首石至，人必歡呼云：願主以之恩，耶和華告我曰：所羅把伯築此殿之基，彼必竣其工，使爾知萬有之主耶和華遣我蒞臨爾境，誰藐視斯日，以爲細故乎？此七燈乃耶和華七目，遍察天下，見所羅把伯執準繩，則喜，我問天使曰：燈臺左右有橄欖樹，其意何居？又問云：橄欖二枝出清油，入二金管，又何意與？曰：爾不知此乎？曰：主我不知，曰：此乃沐膏者二人，侍於天下之主側。

第五章 我復仰觀，見卷軸一舒，有若翻飛，天使問曰：爾觀何物？曰：我觀卷軸一舒，有若翻飛，長二丈，廣一丈，天使曰：此咒詛之詞，遍行天下，凡盜竊者，必殲滅於左，凡妄誓者，必殲滅於右，俱循此言，萬有之主耶和華曰：我出此卷，使入盜竊者之宅，又入指我名而妄誓者之宅，恒居其中，燬其木石，與我言之天使，出告我曰：爾當仰觀所出者何物？我曰：不知也，曰：所出者，斗量也，又曰：遍境之斗量，其狀若此，又見鉛百斤，人舉於地，斗量中有女坐焉，天使曰：此女譬諸惡行，投諸斗量中。

以鉛蓋之。我又仰觀二女出，有翼若鶴，飄忽若風，扶斗量而起，上不至天，下不及地。我問天使曰：彼攜斗量往於何所？曰：往示拿地，建宅第於彼，置斗量於彼。

我又仰觀，有二岡巒，俱以銅鑄，其間四車齊出，一駕赤馬，二駕玄馬，三駕白馬，四駕斑駁馬。我問與我言之天使曰：我主，斯何意與？天使曰：此乃四天神，恒侍於天下之主側，今已出矣。玄馬往北方，白馬往西方，斑駁馬往南方，斑駁馬欲遍歷斯土。天使曰：往哉，遂往，遍歷斯土。天使招我曰：往北方者，已雪我忿。耶和華諭我曰：爾入西番雅子約西亞室，見巴比倫俘囚所遣之黑太多比。耶太亞取金銀作冠，使約撒答子祭司長約書亞戴焉。告之曰：萬有之主耶和華曰：有人將至，長若枝柯，自其境而出，建我耶和華之殿，既建斯殿，尊榮丕著，坐於其位，秉厥鈞衡。若祭司在位，兼理二職，使人平康，此冠置於耶和華殿。緣希吝多比，耶太亞西番雅子賢，以作記誌。遠方之人將至，建耶和華殿，俾爾知萬有之主耶和華遣我，如爾聽從爾上帝耶和華命，則可，否則不可。

第七章 大利烏王四年九月，即吉勒月四日，耶和華傳命於撒加利亞。適值伯特利人遣示哩斯哩劍米勒，偕其僕從，求耶和華恩。萬有之主耶和華殿中，有祭司先知，則問之曰：我歷年以來，於五月間離世故，哀痛迫切，今當復遵此例否？萬有之主耶和華諭我曰：當告祭司庶民云：爾歷七十年，五月七月間，禁食哭泣，豈爲我乎？爾之飲食，非爲口腹計哉？昔耶路撒冷及四周之邑，南方平原，隨在有民居處，無不安綏。我耶和華使古先知，不既言之詳乎？耶和華諭撒加利亞曰：我萬有之主耶和華曰：當秉公義，矜憫爲懷，相待以仁，孤寡賓旅貧乏，俱勿虐遇。友朋之間，勿相謀害。

惟彼不從，強項難馴，掩耳不聽，剛愎厥心，同於鐵石，不聽法度。我耶和華，以我神感古先，知道之。告衆，惟彼不聽，故我萬有之主耶和華震怒特甚。萬有之主耶和華曰：昔我諭衆，衆不聽從，今衆籲我，我亦不聽。我散斯衆於列邦，至於素不識之地，使膏腴之壤，變爲荒蕪，無人往來，遍境寂寞。

耶和華又諭我曰：我萬有之主耶和華云：我爲郇邑熱中，憤怒厥敵。我耶和華復臨郇邑，駐蹕於耶路撒冷，將稱斯邑爲誠信之邑。萬有之主耶和華之山，將稱爲聖山。萬有之主耶和華又曰：有齒之士，年高之婦，將坐於耶路撒冷，遠衢因其年老，攜杖以行，遍諸衢市，必有童稚舞蹈不已。萬有之主耶和華又曰：當時之民，以此爲難，自我視之，豈爲難哉。萬有之主耶和華又曰：我將救斯民，至自日出之所，日入之鄉，導之至耶路撒冷，使居其中，俱爲我民。我爲其上帝，以秉公義，以踐前言。萬有之主耶和華又曰：我萬有之主耶和華有殿，人建址基，復興版築。當時先知有言，爾其聽之，以壯乃心。斯時之前，敵人甚衆，彼此相攻，我聽其然，出入之民，不得平康，人畜辛勤，徒勞無值。萬有之主耶和華曰：所遺之民，我必善視之，不若往日。所種必萌芽，葡萄樹必結菓，天降甘露，地產庶物，俱得安享。昔猶大家以色列族在異邦中，爲人咒詛，後我將救爾，爲人祝福，勿畏懼，壯乃心。萬有之主耶和華曰：昔爾列祖，于我震怒，我降以罰，意已決，志不回。越至今日，我於耶路撒冷，猶大家錫以純嘏，意亦決矣。爾勿畏懼，爾所宜行者無他，在閭閻則言真實，在公庭則行大義，勿謀害齊民，勿好發妄誓。斯乃我耶和華所痛疾。萬有之主耶和華諭我云：四、五、七、十月間，猶大家禁食之時，將爲欣喜歡忭之節期，惟爾所專務者，真實和平而已。我萬有之主耶和華

已言之矣。萬有之主耶和華又曰：列邦衆邑之民將至，彼此相詬，莫若速往。籲萬有之主耶和華，而求其恩。我亦偕往，強大之邦，衆多之民，將詣耶路撒冷。籲萬有之主耶和華，而求其恩。萬有之主耶和華曰：當是之日，列國中十人，將執猶大族一人之衿，曰：我聞上帝祐爾，故欲與爾偕行。

第九卷 耶和華有命曰：我必降災於哈得臘地大馬色邑，使以色列支派及衆庶仰望我耶和華。隣邑哈末推羅西頓雖有智慧，亦必遭難。推羅人建城，積銀若土壤，貯金若泥沙，惟我耶和華將加驅逐，以其貨財，擲於海中，焚燬城邑。亞實基倫見之而懼，迦薩懷憂特甚，以革倫所望已絕，抱愧殊深。迦薩之王必亡，亞實基倫邑無人居處，遠方之人將爲王於亞實突，我必去非利士人之驕心，使口不飲牲血，齒不嚙污物，遠方之人歸誠於我上帝，我視之若猶大牧伯，亦視以革倫民若耶布士人，敵之軍旅往來斯土，我將扞衛我殿，恒加眷顧，毋許橫暴者經歷斯境。郇之女耶路撒冷之女，當欣喜歡呼，爾王蒞臨，秉公義，施救援，溫柔而乘驢，及驢之小者，惟以法蓮耶路撒冷之車馬，我將絕滅之，折其強弓，王以和平之語，撫綏異邦人，四海之內，自大河至地極，悉歸統轄，惟爾郇邑，我既立約，繫之以血，爾見俘囚，困於管井，我必釋而出之，爾雖俘囚，猶可懷望，必歸衛所。我今有言，必錫爾福，較昔維倍，我必以猶大家以法蓮族爲我弓矢，以射敵人。郇邑之民，攻擊雅番子，若武士之劍，足以殲人。先知曰：耶和華必爲民顯見，矢若閃電，吹角行兵，譬彼狂飈，自南而至，萬有之主耶和華將衛護其民，敵人發石，爲民踐於足下，式飲式食，歡呼喧譟，勢比沉酒，盈溢杯盃，傾流壇角，當斯時也，其上帝耶和華將拯斯民，如救羣羊，視之若冕旒寶石，自昂厥首，遍

行斯境，主之仁慈華美，浩乎無涯，使五穀繁衍，少者壯盛，新釀充盈，幼婦怡悅。

春時，必求耶和華沛其甘霖，惟耶和華使電光閃爍，下雨滂沱，而農之田疇，庶草甲坼，偶像屬乎虛誕，卜筮隣乎偽妄，惟人假託夢寐，妄施慰藉，故若迷途之羊，失牧而憂，我怒牧者，罰其牡山羊，我萬有之主耶和華，垂顧羣畜，卽猶大家，使若驕驕，預備以戰，治國之君若柱石，若堅釘，若強弓，皆出自猶大，譬彼英豪，戰鬥之時，蹂躪敵人，若衢路之泥，耶和華祐之，戰無不利，使乘者抱愧，耶和華曰：我將扶持猶大家，救援約瑟族，我矜憫之，使安居無虞，與未嘗絕之無異，我耶和華爲其上帝，垂顧斯民，以法蓮族必如英雄，中心怡悅，有若飲宴，從者見之而喜，賴我耶和華歡欣樂豫，我旣贖斯民，必招徠之，撫集之，使之繁衍，與昔無異，彼雖流離於列邦，必在遠方念我，率其子女，勢若復生，而歸斯土，我必自埃及，令其旋歸，自亞述，令其和集，使至基利巴嫩，彼土猶爲褊小，不足以居，昔我判海爲二，使民過之，後必使溝渠盡涸，剪亞述之驕心，毀埃及之鈞衡，必以我力，扶翼斯民，使恒事我，我耶和華已言之矣。

利巴嫩當啟爾門，任爾柏香木爲火所焚，巍巍者已毀矣，柏香木已傾，爾諸松柏，俱當號呼，林樹旣仆，巴山橡櫟亦當哀泣，牧人所娛玩者已毀，羣作哀歌，約但之叢林已伐，稚獅咆哮，其聲遙聞，我之上帝耶和華曰：將殺之羊，爾其牧之，斯羊之主殺之，而以爲無辜，鬻之，而以爲得財，頌美耶和華，牧者不懷矜憫，耶和華曰：我不復宥斯土之民，使王公庶民，各相戕伐，殲滅斯邦，我不救援，先知曰：將殺之羊，甚爲可哀，我執二杖，一曰恩寵，一曰維繫，而牧斯羊，一月之間，我絕

三牧，牧人棄子，余痛疾之。我曰：必不牧爾，死者我聽其死，絕者我任其絕，其餘自相殘食，亦聽其然。昔我有杖，厥名恩寵，今折斯杖，爲毀民約之徵。當斯時也，斯杖已折，從我之羊，已遭困苦，則知所言確然。耶和華之命不虛。我曰：如合爾意，給我以值，否則已矣。於是權三十金畀我，以爲我值。耶和華告我曰：爾備於人，其價何廉，委之於陶人可也。我遂取三十金，擲於耶和華殿，以爲陶人所得。我又杖，厥名維繫，我遂折之，爲猶大以色列二族絕交之徵。耶和華告我曰：爾當取愚牧之器，我必使牧者興於斯土，將亡者彼不顧，迷途者彼不尋，被傷者彼不醫，茁壯者彼不牧，惟食肥羊而斷其蹄，惟彼庸牧，遠離羣羊，禍將及矣。其手其目，爲刃所擊，其手廢矣，其目盲矣。

耶和華展舒穹蒼，建立地極，以生氣賜億兆，乃論以色列族之事，而頒其命曰：耶路撒冷被圍之時，我必使其居民與猶大全家爲爵，俾列邦飲之。至於酩酊，當是日，天下列邦，和會於此，攻擊耶路撒冷，若移巨石，我必使斯石甚重，反害其身。耶和華曰：當斯時也，我將使異邦之馬，不勝恐懼，目爲之盲，乘馬之人，必至顛狂，惟猶大全家，我必眷顧。猶大之牧伯，自謂耶路撒冷居民，恃其上帝萬有之主，耶和華，遂得能力，以左右余。當是日，我必使猶大牧伯，若火之焚采薪，若炬之熱禾束，四周左右，必爲所燬。耶路撒冷之民，將仍居其邑，我耶和華必先救猶大之帷幕，使大關家之華美，耶路撒冷之榮顯，不復藐視。猶大當是之日，我耶和華將扞衛耶路撒冷居民，使其中之弱者，若大關，使大關家若有能者，卽我耶和華之使者，恒導斯民。當是日，有攻耶路撒冷之人者，我必專務殲滅之。我必施恩，賦我神於大關家，耶路撒冷民使籲於上，昔爾刺我，後必仰

我爲我椎心，若喪獨子，舉哀甚慘。若喪初生之子，當是日，耶路撒冷必有悲哀之聲，遍於四境。與在米吉多谷之哈撻臨門無異，遍境舉哀，各家異室而居，大闢家及其妻異室而居，拿單家及其妻異室而居，利未家及其妻異室而居，示每家及其妻異室而居，所遺之家及其妻異室而居。

第十三章 當斯之時，必潛泉源，使大闢家耶路撒冷民得以滌其前非，去其舊污，萬有之主耶和華曰：當是日，我必棄偶像於斯土，使人頓忘其名，亦必使感邪神之先知驅逐於斯，如有人欲爲僞先知，則其父母必責之曰：爾托耶和華之名而妄言，必不得生，而其父母必手刃之。當是日，諸僞先知必爲所見之異象，蒙羞抱愧，不敢衣裘以惑人，乃告人曰：我非先知，我乃農夫。我自幼時被繫爲奴，人詰之曰：爾手何爲被傷？曰：我昔在友人之舍，而受斯傷，萬有之主耶和華曰：惟爾鋒刃勃然而興，擊我牧者，伐我同儕，牧者擊矣，羣羊散矣，式微之子，我將加以眷顧。耶和華曰：斯土衆庶三分之二必遭殞亡，三分之一猶可得生，我將使三分之一若投於烈焰之中，煉之若銀，試之若金，彼籲於上，而我垂聽，稱彼爲我民，彼必曰：耶和華乃我上帝。

第十四章 耶和華降災，其日伊邇散耶路撒冷之財，我將和會列邦，環攻耶路撒冷，下其城，劫其室，玷其女，斯民之半將爲俘囚，其不死者仍留於邑中，後耶和華將攻列邦，與昔殺戮諸敵無異。當是日，其足將立於耶路撒冷東之橄欖山，斯山必裂，其半向北崩圯，其半向南崩圯，自東及西成爲巨谷，斯山之谷延及亞薩爾，將逃避於彼，若在猶大王烏西亞時，人因地震遁逃於外，蓋我之上帝耶和華偕諸聖者，必將蒞臨，當斯時也，明星不皎，斂其輝光，後必復有一日，乃耶和華所

知也。非晝非夕，昏夜有光，是日活潑之泉，將湧於耶路撒冷，半向東海，半向西海，雖經冬夏而不涸。當是日，耶和華將爲王於天下，獨一上主耶和華，其名也。耶路撒冷南有臨門，自臨門至基巴，有平原，厥後遍境必若是。耶路撒冷必將幅輿，有人居處，自便雅憫門，至首建之門，延及邑隅之門，自哈拿業成樓，至王之酒醱，人居耶路撒冷，安逸無虞，更無咒詛，惟彼列邦攻擊耶路撒冷，耶和華必降災，未亡之前，必肉瘦目昏舌敝，當是日，耶和華必使列邦人紛亂，相執相攻，猶大族爲耶路撒冷而戰，自四周之民，積金銀貨財衣服，不可勝數，敵營六畜，馬騾駝驢，盡染疫癘，列邦遺民，昔攻耶路撒冷者，後必詣彼崇拜大君，萬有之主耶和華，守構廬之節，無歲不然，天下族姓，不詣耶路撒冷崇拜大君，萬有之主耶和華，必不復降甘霖，潤澤其地，列邦之民，不詣耶路撒冷，守構廬節，耶和華必降以災，如埃及之民，不詣乎彼，必不潤以膏澤，埃及人列邦人，不詣彼守構廬節，必遭斯災，當是日，爲聖以事耶和華之句，必書於馬鈴，耶和華殿中之鼎鑊，與壇前之盤盂，無異，耶路撒冷猶大諸鑊，俱必爲聖以事萬有之主耶和華，宰牲者必取斯鑊烹肉於中，當是日，萬有之主耶和華殿中，必無貿易之人焉。

馬拉基書

耶和華曰、以掃爲雅各之兄、我愛雅各、不愛以掃、使其山荒蕪、爲野犬藪穴、以東曰、子雖貧乏、傾圮之宅、必復建造、萬有之主耶和華曰、彼雖興版築、必爲我所毀、人稱之爲惡土、耶和華震怒斯民、恒久不已、惟爾處於以色列族之境、目觀此事、必曰、願耶和華永獲揄揚、萬有之主耶和華告侮慢之祭司曰、子敬父、僕敬主、我旣爲父、爾奚不敬、我旣爲主、爾奚不畏、乃爾曰、何嘗侮爾哉、爾以不潔之餅、奉於我壇、以我耶和華之几、爲可藐視、猶言曰、何嘗凌辱爾乎、萬有之主耶和華曰、爾欲奉祭、以譬跛廢疾之牲獻之、豈得爲善乎、試獻於牧伯、彼豈納之、以爾爲悅、萬有之主耶和華曰、爾獻此薄祭、譬爾之故、今雖呼籲於上、望我矜憫、我豈以爾爲悅、萬有之主耶和華曰、爾中有誰、閉我殿門、燃火於我壇、而肯徒爲之乎、故我不以爾爲悅、不納爾禮物、萬有之主耶和華曰、自日出之所、至日入之鄉、列邦之人、將尊我名、隨在焚香、奉獻祭品、惟潔是務、我之聲名、必爲列邦之人所尊焉、惟爾屢言耶和華之几、已玷厥污、其饌菲薄、則瀆我名、萬有之主耶和華曰、爾曰、供饌徒勞、何益之有、遂以跛疾斷傷之牲、獻之爲祭、我耶和華豈悅納爾哉、萬有之主耶和華曰、我乃大君、列邦之人、必尊我名、浸假有僞善之人、羣中尙有純全之牡羊、乃取其體不全者、獻我爲祭、以輸其願、禍必不遠矣。

耶和華曰、宜聽斯命、萬有之主耶和華曰、如爾不聽、不悉心以思維、歸榮我名、我必降爾

以災，以爾純嘏，變爲咒詛。因爾不思，我已詛爾。爾雖播種，我必壞之。爾守節期，而獻牲畜，我必以其糞塗爾之容。人徒斯糞，亦必徒爾。使爾知我傳斯命，令爾悔改，而我與利未人所立之約，可以恒存。我萬有之主耶和華已言之矣。昔利未族寅畏我名，故與之約，錫以生命，賜以平康。維彼所言，眞實无妄，不行非義，從事乎我，中心誠恪，以獲平康。爰使衆庶革其惡行，維彼祭司宜有智慧。既爲萬有之主耶和華所遣，人當就彼，諮諏法度。萬有之主耶和華曰：爾曹叛道，使衆陷罪，爽利未之約，不從我道，偏視我法，故我使衆藐視爾曹。先知曰：我儕莫非一父所生，一上帝所造，何必相欺，背列祖之成約哉。在以色列族耶路撒冷邑中，有可惡之事，猶大人背厥盟約，以耶和華所愛成聖之民，反視爲俗，以事他上帝之女，反聯爲姻。在雅各帷中，或守夜之邏卒，或相應之戍兵，或奉禮物，以祭萬有之主耶和華，如作是事，耶和華必殲滅之。爾復娶於異邦，已棄之妻，詣耶和華臺前，哭泣號呼，潸然下涕，故耶和華不垂顧爾，不納爾禮物。爾曰：奚爲不納。曰：誠因爾遺棄幼時所娶之妻，彼乃爾之伉儷。爾嘗與彼立約，耶和華爲證。上帝之神，綽然有餘，猶且祇造一男一女，彼造一男一女，誠何故哉。亦欲使所生之子，克敬克虔耳。故當守爾心，幼時所娶之妻，勿復遺棄。萬有之主以色列族之上帝耶和華曰：人棄其妻，待以強暴，我所不悅，故當自守其心，勿遺棄之。爾以多言煩瀆耶和華，爾曰：如何煩瀆之。曰：爾言作惡者，耶和華必以爲善，而悅納之。又言棄公之上帝安在。

第三卷 萬有之主耶和華曰：我遣使者，備道於我前，爾所求所悅之上主，盟約之天使，果將至矣。

率入厥殿。彼既泄臨，顯著斯土。誰能恒立，彼若鍛金之火，浣布之鹹。彼將坐而鍛銀，滌利未族之污，煉之若金銀，使無不義。然後獻禮於耶和華。時猶大族耶路撒冷人所獻之祭，必爲耶和華所悅納。與古昔無異。萬有之主耶和華曰：我必泄臨，降災於爾。凡巫覡行淫之子，妄誓之輩，奪傭人之值，虐遇孤寡，使賓旅不得伸其枉屈，而不敬畏我者，必速降以罰。我乃耶和華，永不移易。故爾雅各人，不盡殲滅。萬有之主耶和華曰：自列祖以來，爾背我法度，不遵我道。然爾歸誠於我，而我必復加眷顧。爾曰：若何爲之歸誠？曰：人豈可欺上帝哉？惟爾欺我。爾曰：何欺爾？曰：不納什一，不獻禮物。爾曹通國之民，無不欺予，故服咒詛。萬有之主耶和華曰：當納什一，入於府庫，使在我室，得有甘旨，以是試我。待我破天之際，使盈餘之福，傾注而下，不可勝數。萬有之主耶和華曰：我必因爾之故，責彼蝗蟲，不壞爾之土產，不使爾之葡萄，果實零落。萬有之主耶和華曰：爾邑必爲樂土。列邦之民，必謂爾有福。耶和華曰：爾出言不遜，違逆乎我。爾曰：予以何詞悖爾哉？爾常言曰：服事上帝，終屬徒勞。我心甚憂，順從萬有之主耶和華，守其法度，何益之有？我見驕者福祉駢臻，惡者昌盛無比。雖試上帝，亦得免於患難。是時寅畏耶和華者，咸相告誥。耶和華聽之，凡畏耶和華，緬想其名者，錄之於書。呈於其前。萬有之主耶和華曰：我定之期既屆，必以斯人爲寶。施以仁慈，若慈父之於孝子焉。當斯時也，義與不義之人，爾得詳辨之。事上帝與不事上帝者，爾得區別之。

第四章 萬有之主耶和華曰：降災之日伊邇，必熱若爐，驕侈之輩，作惡之流，有若芻蕘。屆期必燬之，使其根株，靡有孑遺。萬有之主耶和華曰：凡寅畏我名者，將見義主，與若旭日，輝光激射，有若

矯翼、煦育萬物、踴躍有如肥犢、定期既屆、爾將蹂躪、惡徒踐於足下、有若泥沙、昔在何烈、我以禮儀法度、賜於我僕摩西、播傳於以色列族、爾當銘記、我耶和華降災之日、有威可畏、斯期未屆、我必遣先知以利亞、彼將使父慈其子、子孝其父、免我洩臨、降災於斯土。

舊約聖書終